

১৪শ ভাগ  
১ম সংখ্যা।

শ্রাবণ।  
১৩১৫।



শ্রীমতী  
পূজ্যলী  
বসন্তী নন্দ  
ইনচার্জ।

মাসিক  
পত্রিকা।

সূচী।

বিষয়।	পৃষ্ঠা
মহিলার চতুর্দশ বর্ষ বয়ঃক্রম ... ..	১
সাক্ষী মুক্তকেশী দেবী ... ..	৩
মতিবাবুর পারিবারিক অবস্থা ... ..	৭
কেশবজননী সাক্ষী শারদা দেবী ... ..	১০
প্রাচীনকালে আধ্যাত্মিক জীবনের পরীক্ষা ... ..	১২
তুর্দশাশ্রমলোকের উদ্ধারকারিণী ... ..	১৫
স্বর্গীয়া সারদাদেবী ... ..	১৭
কল্যাণীয়া প্রসন্নতারা গুপ্ত ... ..	১৯
মহিলাদের রচনা—পার্বত্য প্রদেশ ... ..	২১
” ” পুনঃ সংসারে ... ..	২২
সংবাদ ... ..	২২
মহিলাবিদ্যালয়—মিলিত প্রশ্ন ... ..	২৫

ডাকমাণ্ডুল সহ অগ্রিম বার্ষিক মূল্য ২ টাকা মাত্র।

## আপনি কি স্বদেশী ?

তবে নিম্নলিখিত মহৌষ্যগুলির গুণ সাবধানে  
লিপিবদ্ধ করিয়া রাখুন।

কুস্তলবৃষ্য তৈল	ইহার নিয়মিত ব্যবহারে কেশ পাতলা, টাক, খুস্কী, মস্তকব্রণ, কেশের অকালপক্বতা, মস্তকঘূর্ণন, মস্তিষ্কের দুর্বলতা, সর্বদা মনের চঞ্চলতা, কর্তব্য কর্মে অস্বত্বেসাহ, ইত্যাদি রোগ সকল নিদোষে আরাম হয়। মহিলাকুলের কেশ রচনার পক্ষে ইহা একটা শ্রেষ্ঠ উপাদান। কারণ ইহা অতীব মৃষ্ট সৌরভবিশিষ্ট উৎকৃষ্ট কেশ তৈল। মূল্য প্রতি শিশি ১ টাকা ভিঃ পিঃ ১১/০।
কুস্তলবৃষ্য তৈল	
কুস্তলবৃষ্য তৈল	
কুস্তলবৃষ্য তৈল	
অশোকরিষ্ট।	মাতৃস্বরূপিনী বঙ্গ রমণীর দুর্দশার কথা ভাবিলে, চক্ষে জল আইসে। লজ্জা তাঁহাদের একমাত্র ভূষণ প্রাণান্তে মুখ ফুটিয়া কুৎসিত ব্যাধির কথা প্রকাশ করেন না এবং নীরবে অসহ যন্ত্রণা ভোগ করেন। আমাদের অশোকরিষ্ট সর্বপ্রকার স্ত্রীরোগে এক মাত্র উপযুক্ত ঔষধ। ইহা ব্যবহারে শ্বেত ও রক্তপ্রদর, রক্তশ্রাব, বাধক, কষ্টরজ, অনিয়মিত ঋতু আরোগ্য হয়। মূল্য প্রতি ১১।০ অঃ ভিঃ পিঃ ১৫/৩ আনা।
অশোকরিষ্ট।	
অশোকরিষ্ট।	
অশোকরিষ্ট।	
সারিবাতি কষায়	অদ্বিতীয় পারদ দৌষ নাশক ও রক্ত পরিশুদ্ধক। উপদংশ, দূষিত রক্তজনিত দৌর্বল্য, ব্রশতা ও ধাতুক্ষীণতা, ও ভূতি দূর করিয়া শরীরকে হৃষ্ট পুষ্ট বলিষ্ঠ ও কান্তিবিশিষ্ট করে। ইহা সব ঋতুতে সকল সময়ে ব্যবহার করা যায়। মূল্য প্রতি শিশি ১১।০ অঃ ভিঃ পিঃ ২/০ আনা।
সারিবাতি কষায়	
সারিবাতি কষায়	
সারিবাতি কষায়	
ঋষভক বটিকা।	কেন বৃথা বাজারে পেটেন্ট খাইয়া আপনার শরীর বিযাক্ত করিতেছেন? ইহাতে আপনার ম্যালেরিয়ার কখনই উপকার হইবে না। আমাদের ঋষভক বটিকা ম্যালেরিয়া যক্ষ্ম, প্লীহা, ও মেহ-ঘটিত জ্বর, নূতন ও পুরাতন জ্বর, ও অপরাপর সর্ববিধ জ্বরের অব্যর্থ ফল প্রদ মহৌষধ। মূল্য প্রতি কোটা ১ টাকা অঃ ভিঃ পিঃ ১/০ আনা।
ঋষভক বটিকা।	
ঋষভক বটিকা।	
ঋষভক বটিকা।	

ঋষিকল্প কবিরাজ বিনোদলাল সেন মহাশয়ের

আদি-আয়ুর্বেদ ঔষধালয়।

১৪৬ ও ৩৬নং লোয়ার চিৎপুর রোড, ফৌজদারী বালাখানা, কলিকাতা।

টেলিগ্রাফিক ঠিকানা


ভীষকরাজ।

প্রধান চিকিৎসক

কবিরাজ শ্রীআশুতোষ সেন।

কলিকাতা

৩ নং ধমানাথ মজুমদারের স্ট্রীট, "মঙ্গলগঞ্জ মিশন প্রেসে"  
কে. পি. নাথ কড়ক ৬ই ভাদ্র মুদ্রিত ও প্রকাশিত।



মাসিক পত্রিকা

"যত্র নার্যস্তু পূজ্যন্তে বমন্তে তত্র দিবতাঃ"

১৪শ ভাগ ] শ্রাবণ ১৩১৫; আগষ্ট ১৯০৮। [ ১ম সংখ্যা।

মহিলার চতুর্দশবর্ষ বয়ঃক্রম।

মঙ্গলময় পরমেশ্বরের করুণায় মহিলা নানা বিঘ্ন বিপৎ পরীক্ষা অতিক্রম করিয়া বর্তমান শ্রাবণ মাসে চতুর্দশ বর্ষ বয়ঃক্রমে উপনীত হইলেন। তজ্জন্ম সেই সর্বসিদ্ধি-দাতা বিধাতাকে ভক্তি ও কৃতজ্ঞতাপূর্ণ হৃদয়ে নমস্কার করি; গত বৎসর যে সকল হিতাকাঙ্ক্ষা বন্ধু ও গ্রাহক গ্রাহিকা সহানুভূতি প্রকাশ করিয়া মহিলার হিতসাধন করিয়াছেন তাঁহাদিগকে ধন্যবাদ ও কৃতজ্ঞতা দান করি।

বর্তমান রাষ্ট্রবিপ্লবের সময়—বঙ্গদেশের দুঃখ দুর্ভাগ্যের সময় মহিলা রাজভক্তিকে সমর্থন এবং উপকারী রাজপুরুষ ও রাজ-জাতির সঙ্গে সদ্ভাব ও সম্মিলন রক্ষা করিয়া চলার নীতি দৃঢ়রূপে অবলম্বন করিয়াছেন, এবং কোমলপ্রকৃতি বঙ্গ মহিলাদিগকে এই নীতির অনুসরণ করিয়া চলিবার জন্ম বলিয়াছেন; অপিচ ছিদ্রাঘেযগে কাহারও দোষঘোষণা না করিয়া গুণীর গুণগ্রহণ ও

মানীকে মানদান এবং উপকারীর উপকার স্বীকারপূর্বক আত্মমহত্ত্বের পরিচয় দান করার জন্ম অনুরোধ করিয়াছেন।

মহিলা ক্রোধ, বিদ্বেষ এবং অনীতি অধম্যকে ঘৃণার সহিত বর্জন করিবার জন্ম স্বদেশীয় ভগিনীদিগকে বলিয়াছেন; তিনি কোন ভাল বিষয় বর্জনদে গুণ্য বলেন না, বরং পাপ বলিয়া গণ্য করেন। তদ্রূপ বর্জনে জাতীয় উন্নতি না হইয়া বরং অবনতি হয়। যাঁহার! সেরূপ বর্জনের পক্ষপাতী তাঁহারা স্বদেশ ও স্বজাতির মিত্র নহেন, শত্রু।

মহিলা গ্রহণের পক্ষপাতিনী, বর্জনের বিরোধিনী। ভিন্ন দেশ ও ভিন্ন জাতির সঙ্গে সদ্ভাব সম্মিলন রক্ষা করিয়া স্বদেশের শিল্প ও পণ্যজাতের যেরূপ উন্নতি হইতে পারে, হিংসা ঘেয ও বর্জনের পক্ষপাতী কেহ সেরূপ উন্নতিসাধন কখনও করিতে সক্ষম নহে। যেহেতু পাপের দ্বারা কোন দেশের প্রকৃত অভ্যুদয় হয় নাই, হইবে না, মহিলা ইহাই বলেন। তজ্জন্ম বিপ্লবের

পক্ষপাতী লোকেরা, মহিলার প্রতি অত্যন্ত  
বীতানুরাগ হইয়াছেন। মস্তক প্রস্তুতক  
আঘাত করিলে প্রস্তুতের কিছু হয় না,  
বরং মস্তকই ক্ষত বিক্ষত হয়। তদ্রূপ  
ক্ষুদ্র প্রজাশক্তি যদি সুবিশাল রাজশক্তিকে  
আঘাত করে, সুদৃঢ় রাজশক্তির কিছুই  
হয় না, দুর্বল প্রজাশক্তিই চূর্ণ হইয়া  
যায়। ইহা পুনঃ পুনঃ সপ্রমাণ হইয়াছে।  
এদেশের প্রজাকুল রাজানুগ্রহে প্রাপ্ত উচ্চ  
অধিকার সকল হইতে সে সকলের সদ্ব্যব-  
হার করিতে অক্ষম হওয়ার সেই অধিকা-  
রের অযোগ্য বলিয়া ক্রমে বঞ্চিত হইতে-  
ছেন, নিজেদের যে কত দোষ ক্রটি তৎ-  
প্রতি দৃষ্টি নাই, কেবল পরচ্ছিদ্রাঘেষণ।  
স্বদেশী ভলি গ্ৰন্থকার বাঙ্গালী যুবকগণ সময়ে  
সময়ে যে অসাধারণ যত্ন পরিশ্রমে দেশস্থ  
নরনারীর সেবা করিয়াছেন, তজ্জন্ম তাঁহা-  
দের প্রতি কাহার হৃদয়ে না শ্রদ্ধা শ্রীতির  
সঞ্চার হইয়াছে। তাহাতে তাঁহারা বঙ্গের  
গৌরবস্বরূপ হইয়াছেন। অপর স্বদেশী  
যুবারা যে নানা স্থানে নানা অত্যাচারের  
জন্ম দণ্ডিত হইয়াছে, কে তাহাদিগকে  
বাঙ্গালীজাতির কলঙ্ক নরপশু বলিবে না?  
সম্মিলনবিরোধী বর্জনপন্থী “স্বদেশহিতৈষী”  
আখ্যাধারী লোকদিগের বহুভাষ্যে  
দেশের যে কত অনিষ্ট হইতেছে, লোকে  
এখনও বুঝিয়া উঠিতে পারিতেছে না,  
তাঁহাদের অহুচিত প্রতিদ্বন্দিতায় রাজপুরুষ  
ও ইংরাজজাতিসাধারণের ক্রোধ ও বিরাগ  
বৃদ্ধি হওয়ার এদেশে বিচ্ছেদ ও অকল্যাণ  
বৃদ্ধি এবং স্থায়ী হইতেছে। এই বিজ্ঞান-  
প্রধান যুগে বঙ্গান্যায় সত্য জাতির সঙ্গে

যে গ ছিন্ন করিয়া এই অল্পমত পরাধীন  
বাঙ্গালীজাতির নিজে নিজে তদ্বিষয়ে উন্নতি  
হইবে তাহারা বলে, উহা তাহাদের বাতু-  
লের প্রলাপোক্তি ভিন্ন অন্য কিছুই নহে।  
এই প্রকার বর্জনকে তাহারা পার্শ্বকার্য্য না  
বলিয়া পুণ্য কার্য্য, দেশের দুর্ভাগ্যের কারণ  
না বলিয়া সৌভাগ্যের কারণ বলে, তাহারা  
অতিশয় ভ্রান্ত, মহিলার একরূপ বিশ্বাস।

অত্যাচার করিয়া কেহ বিচারে  
কারাদণ্ড ভোগ করিয়া আসিলে দেশ-  
হিতৈষিগণ কৃত দুঃস্বপ্নের জন্য তাহার মনে  
অহুতাপ আসিতে দেন না, বরং অত্যাচারী  
বালককে পর্য্যন্ত “বীরপুরুষ” ও “মার্ভার”  
বলিয়া মাথায় তুলিয়া পুরস্কার দিয়া অন্যায়  
কার্য্যে তাহাকে উৎসাহ ও প্রশংসা দান  
করিয়া থাকেন। তাঁহারা এই সকলের  
বিষয় পরিণাম ভাবেন না, বড় ছুঃখ ও  
পরিতাপের বিষয়। নেতাদিগের অবিবেচনা  
ও একান্ত আতিশয়ের কুফল বহুকাল  
এদেশের নির্দোষ লোকেরা ভোগ করিবে।  
রাজবিরোধী বিদ্বেষপরায়ণ নিরীশ্বর দেশ-  
সংস্কারদিগের দ্বারা এদেশের কল্যাণ না  
হইয়া অশেষ অকল্যাণ ও বালকবালিকা-  
দের কুশিক্ষা হইতেছে, মহিলার একরূপ  
বিশ্বাস।

প্রেম, পুণা, সত্য, ন্যায় ও সাধুতার  
জয় চিরকাল হইয়াছে। ঘেব, হিংসা,  
অপ্রেম, ছিদ্রাঘেষণ এবং ছল চতুরতায়  
অপিচ নিন্দা কটুক্তিতে অধঃপতন হয়  
মহিলার এইরূপ বিশ্বাস। তিনি এই বিশ্বা-  
সামুসারে অন্তরস্থ আলোকে গত বৎসর  
নিজ কর্তব্য পালন করিয়াছেন। যিনি

নানা বাধা বিঘ্নের মধ্যে কর্তব্য কার্য্যসম্পা-  
দনে তাঁহাকে সাহায্য দান করিয়াছেন,  
সেই মঙ্গলময় বিধাতাকে শত শত ধন্যবাদ।  
অপিচ এই বর্ষবৃদ্ধির প্রারম্ভে প্রেমময়  
পরমেশ্বর এই অশান্তিদগ্ধ বিপন্ন দেশে  
স্বর্গের প্রেমবারি সিঞ্চন করিয়া শান্তি  
কুশল স্থাপন করুন; তাঁহার রূপায়  
ভারতের সর্বত্র পাপক্ষয় ও পুণ্যের জয়  
হউক, মহিলার এই প্রার্থনা। মহিলা  
নিজকার্য্যে শুভবুদ্ধি ও শক্তিসামর্থ্য লাভের  
জন্য সেই সর্বমঙ্গলময়ের শুভাশীর্বাদ  
প্রার্থনা করেন।

### সাধ্বী মুক্তকেশী দেবী ।

“আজ আমাদের মা নাই। আজ তাঁর  
শয্যা শূন্য, আর গৃহ শূন্য। আজ পৃথিবীর  
কোথাও তাঁর সেই স্নেহময়ী মূর্তি দেখিতে  
পাই না। এই পৃথিবীর সকলই ক্ষণস্থায়ী  
ও অসার। যে দেহ থাকিবে মনে করি,  
আপনার মনে করি, তাহা থাকে না, সেই  
জন্মই আজ আমরা বলিতেছি আমাদের  
স্নেহময়ী জননীর শরীর আর নাই। কিন্তু  
তাঁর সেই প্রশান্ত সরল স্নেহপূর্ণ সুন্দর  
জীবনই আজ আমাদের সান্তনার স্থল।

“তাঁহার নীরব মস্তপূর্ণ জীবন আজ  
আমাদের সম্মুখে আরও উজ্জলতররূপে  
প্রকাশিত। তাঁর মুখশ্রীতে বেশ একটা  
গাভীর্ষ্যপূর্ণ প্রসন্নতা লক্ষিত হইত।  
প্রত্যেক নরনারী যিনি তাঁর সঙ্গে অল্প  
সময়ের জন্মও পরিচিত হইয়াছেন তিনিই  
তাহা স্বীকার করিবেন।

“বিশ্বজনীর প্রেম এবং ক্ষমা তাঁর  
জীবনে উজ্জলরূপে প্রকাশিত ছিল। কথ-  
নও কাহারও প্রতি রক্ষা ব্যবহার করিতে  
দেখা যায় নাই। তিনি তাঁর সম্মানসম্মতি  
কি দাস দাসী প্রভৃতি এমন কি সকলেতেই  
সমভাবে প্রেম দান করিতেন ও আমা-  
দিগকে সর্বদা সেইরূপ করিতে বলিতেন।  
কাহারও নিকট হইতে অত্যাচার ব্যবহার  
পাইলেও রাগ করিতেন না বা কর্ণ কথ্য  
প্রয়োগ করিতেন না, আবার হয়তো  
তার প্রতি নিজের কর্তব্যের সময় ঠিক  
পূর্বেকার সরল স্নেহপূর্ণ ব্যবহারই করি-  
তেন। বলিতেন ‘যাক, ওরা যা করুক  
আমাদের কর্তব্য তো আমরা করে যাই,  
হয়তো আমাদেরও কিছু দোষ ছিল।’ দাস  
দাসীর কষ্ট না হয় সে বিষয় সর্বদা দৃষ্টি  
রাখিতেন, এমন কি শাকওগালী মেছুনী  
এবা পর্য্যন্ত তাঁর মিষ্ট কথায় একরূপ মুগ্ধ  
হইত যে তাঁর কথা এড়াইতে পারিত না।  
আবার কেহ একরূপ বলিয়াছে ‘এ বাড়ীতে  
ভোরবেলা মা-জীর নিকট আগে জিনিস  
বিক্রী করিলে সেদিন বেশী বিক্রয় হয়।’  
জীবনে কখনও কারও মনে কষ্ট দিতে  
চাহেন নাই। কাহারও প্রতি বিদ্বেষভাব  
তাঁর মধ্যে একেবারেই ছিল না, আমাদের  
প্রতিও তাঁহার শেষ আশীর্বাদ ‘কেহ  
অত্যাচার করিলেও কারও মনে কষ্ট দিও  
না।’

“আমাদের মা সুংসারী হইয়াও চির-  
বৈরাগিনী ছিলেন। তাঁহাতে কখনো কোন  
পার্থিব বস্তুর জন্ম আকাজ্জল দেখি নাই।  
সুংসারের প্রতি তজ্জন্ম ওদাসীত্বও বিন্দুমাত্র

ছিল না। তিনি অপরিচ্ছন্নতা একেবারেই ভালবাসিতেন না। তিনি তাঁর সন্তানদের সর্বদা মোটা ও পরিষ্কার কাপড় পরিতে দিতেন। শুনিয়াছি তাঁর এই ত্যাগের ভাব বালাকাল হইতেই তাঁর জীবনে আশ্চর্য্য রূপে পরিস্ফুট হইয়াছিল। তিনি ধর্মীর কথা ছিলেন, সম্পদের মধ্যে প্রতিপালিত হইয়াছিলেন, কিন্তু তথাপি তাঁহাতে এই সকল গুণ সন্নিবেশিত ছিল।

“১৪১৫ বৎসর বয়সে শিশুরালয়ে আসেন, তখন নিজের বঙ্গালঙ্গার তাঁর সম-বয়সী জ্যেষ্ঠা ভগিনী ( বড় জা )কে ভাগ করিয়া দিতেন, মনে করিতেন আমি একলা এত কেন পরিব। চোদ্দ পনেরো বৎসরের একটা বালিকার পক্ষে এরূপ ত্যাগের ভাব অল্প মহত্বের পরিচায়ক নয়। তিনি ব্রাহ্মধর্মের বিশ্বাস স্থাপন করার পরেও অনেক দিন পর্য্যন্ত বাটীর হিন্দু আত্মীয়দের সঙ্গে বাস করিয়াছিলেন। তখন তিনি হিন্দুনিয়ম বিরুদ্ধ (যাহা তিনি কেবল কুসংস্কার মনে করিতেন) এরূপ অনেক কাজ করিতেন তাহাতে তাঁর আত্মীয় গুরুজন অত্যন্ত বিরুদ্ধ হইতেন এবং তিরস্কার করিতেন, কিন্তু আমাদের মা কখনও তার প্রতিবাদ করিয়া তাঁগদের শিক্ষা দিতে যাইতেন না, হাসিতেন এবং যাহা ভাল বুঝিতেন নীরবে তাহাই করিয়া যাইতেন। সেজন্য তাঁকে অনেক কষ্ট স্বপ্না সহ্য করিতে ও মহায়ত্ন অবস্থায় পড়িতে হইয়াছে, কিন্তু তিনি কিছুতেই পশ্চাৎপদ হন নাই।

“আধুনিক শিক্ষিতা মহিলা ছিলেন না।

বটে, কিন্তু সন্তানপালনসম্বন্ধে তাঁর আশ্চর্য্য ঐশ্বরিক শিক্ষা জীবনে নিহিত ছিল। শিশুপালন ধাত্মশিক্ষা প্রভৃতি কিছু পড়িয়াছিলেন। সন্তানদের প্রতি কখনও কঠোর শাসন করেন নাই। কেহ যদি কখন অশ্রয় করিয়াছে তাহাতে তাঁর মৃদু ভৎসনাই যথেষ্ট ফলপ্রদ হইত। তাঁকে সকলেই ভক্তি করিত ও ভালবাসিত। তাঁর সুমিষ্ট স্নেহমাথা ডাক এজীবনে কখনই ভুলিবার নয়। দ্বাদশ সন্তানের জননী হইয়াও এত পরিশ্রমী ছিলেন যে, সংসার এবং জগৎ চিরদিন তাঁর সুগৃহীণীপনা ও সুশৃঙ্খলতার পরিচয় দান করিবে।

“সেবা তাঁর অঙ্গের ভূষণ ছিল, সেবা করিতে পারিলে বা পাইলে যেন কত কৃতার্থ ও সুখী হইতেন। অনেক ভাই ভগিনীর বিপদের সময় নিজে গিয়া শুক্রাণা করিয়া আহার পথ্য দিয়াছেন, এমন কি সময়ে সময়ে ধাত্মীয় কার্য করিয়া সন্তান ভূমিষ্ট করিতেও সক্ষম হন নাই। অভাব-স্থলে সাধ্যমত দানও করিয়াছেন, কিন্তু এই যে সব কাজ গুলি কখনও বাহু আড়ম্বরের সহিত করেন নাই, যাহাদের করিয়াছেন তাহারা আজ তার সাক্ষ্য প্রদান করিতেছেন। এসম্বন্ধে তিনি ঈশ্বার উপদেশ গ্রহণ করিতে পারিয়াছিলেন। তাহার দক্ষিণ হস্ত যত্ন করিত বাস্তবিক বামহস্ত তাহা জানিতে পারিত না।

“দ্বাদশ বর্ষ পূর্বে যখন তিনি জীবনে প্রথম ভীষণ পুত্র শোক পাইলেন তখন তাহা আশ্চর্য্যরূপে বহন করিয়াছিলেন, শোকে কখনও অধীর হইতেন না। প্রথম

শোকে কোন মহিলা সাক্ষাৎ করিতে আসিলে শোকে অধীর না হইয়া অতুল ধৈর্যের সহিত দুর্দমনীয় শোক দমন করিয়া তাঁর সঙ্গে মহাভারতের কুন্তীর কথা উল্লেখ করিয়া বলিলেন কুন্তী ‘শ্রীকৃষ্ণকে বলেছিলেন আমাকে বিপদেই রেখো তাহলে তোমাকে বেশী করে পাব।’ তা এখন সেটা ভাল করে অনুভব করিতেছি সম্পদের মধ্যে থাকিলে এতটা বোঝা যায় না। তার পর ক্রমে ক্রমে অনেক গুলি শোকের আঁঙনে দগ্ধ হইয়া বিশ্বাসের জ্বলন্ত আদর্শ দেখাইয়া গিয়াছেন। এই যে সন্তান চতুর্দশের শোক পাইয়াছিলেন তাঁদের যাইবার পূর্বাভাস আশ্চর্য্যরূপে তিনি পূর্ক হইতেই হৃদয়ঙ্গম করিতে পারিতেন, এবং তদনুযায়ী মনকে দ্রুতীষ্ট করিতে চেষ্টা করিতেন।

“সাংসারিক দুঃখ সুখ শোক আনন্দে কোন রকম অবস্থাতেই তাঁর কর্তব্যের কোন ব্যতিক্রম দেখা যাইত না। ভীষণ শোকেই হোক আর রোগেই হোক আর যাই হোক না কেন উপাসনার ক্রটি বা ব্যাঘাত কখন হইতে দিতেন না। আমাদেরও বলিতেন, ‘মনের সহিত ছু একটা কথা যা পার বলিয়া আরাধনা প্রার্থনা করিলেই হবে।’ আড়ম্বর কিছুই ভিতর ছিল না।

“নির্দিষ্ট সময়ে সব করা এইটা তাঁর একটা চমৎকার গুণ ছিল। ধর্মের কাজই হোক বা সংসারের কোন আনন্দের ব্যাপারই হোক বা কোন সভা সমিতিতে যোগ দেওয়াই হোক কিছুতেই তাঁকে

নির্দিষ্ট সময় অতিক্রম করিতে দেখা যাইত না। এমন কি মৃত্যুর ৪৫ দিন পূর্বেও বলিয়াছেন ‘তোমরা আলুভাতে ভাত দিয়া লোককে আদর যত্ন করিবে, তথাপি উপাসনার নির্দিষ্ট সময় অতিক্রম করিও না।’ এ কথাটা বড় মূল্যবান। আমরা কয় জন বা পারি? স্বর্গগত ভক্তিভাজন প্রতাপ ব’বু মহাশয় তাঁর আরাধনা প্রার্থনায় কি যে একটা গভীর আনন্দ পাইতেন তা তিনিই জানেন। ভক্তেরাই ভক্তকে চেনেন। বলিতেন “নরেনের মা এসেছেন, তা তাঁর আরাধনা প্রার্থনাতেই আমি বুঝেছি”। নীরবে এমন গভীর ধর্ম সাধন খুব কমই দেখা যায়। কখনও ধর্মের বিশেষ আলোচনা, প্রসঙ্গ, বা অনেক বড় বড় কথা কাহারও সহিত করেন নাই, কিন্তু ধীর ভাবে ছু একটা কথা যা বলিতেন তাহা অতি সুন্দর এবং সারগর্ভ।

“ধর্মের গভীরতা দিন দিন অন্তরে অন্তরে বৃদ্ধি পাইতেছিল। এইরূপে কয়েক বৎসর ভিন্ন ভিন্ন অবস্থা ভিন্ন ভিন্ন ঘটনার মধ্য দিয়া বিশ্বাস, বিবেক, বৈরাগ্য জীবনে আরও উজ্জ্বলতররূপে দেখাইয়া দিন দিন পরমাত্মার সহিত আত্মার যোগে যুক্ত হইতেছিলেন। শেষ অবস্থাতে দারুণ রোগ-শয্যায় তার প্রত্যক্ষ প্রমাণ ও বিশ্বাসের ফল লাভ করিয়া ইহলোকেই থাকিয়া পরলোকের সুখ সম্ভোগ করিয়া গিয়াছেন। একদিন বলিলেন ‘আমি তো বাড়ীতে নাই, পলোকে রয়েছি।’ প্রায় তিন সপ্তাহ কাল রোগে আক্রান্ত হইয়া শয্যাশায়ী হইয়া পড়িয়াছিলেন, বহুদিন

হইতেই তিনি বহুমূত্র রোগে কষ্ট পাইতে-  
ছিলেন, এবং গত দুই বৎসর হইতে তাঁর  
শরীর বিশেষ ভাবে অসুস্থ হইয়াছিল।  
ক্রমে দুর্বল হইয়া তাঁকে একেবারে শয্যা-  
শায়ী করিয়াছিল। যতদিন তাঁহার সামর্থ্য  
ছিল ততদিন কাহারও নিকট হইতে সেবা  
লন নাই, বরং এই বৃদ্ধাবস্থায় অসুস্থ শরী-  
রেও আমাদের প্রতি কত স্নেহ যত প্রকাশ  
করিয়াছেন; সেই আমাদের প্রিয় মা যাঁর  
এত সদৃশ্যরাশি তিনি চিরকাল কাহারও  
সাহায্য ব্যতিরেকে কতই পরিশ্রম করিয়া-  
ছেন, এমন কি দুই শত লোককে নিঃশ্রুণ  
করিয়া রাত্রি ২টার সময় হইতে এক হাতে  
নিজে রন্ধন করিয়া ঠিক নির্দিষ্ট সময়ে  
তাহাদের আহারে বসাইয়াছেন, কখনও  
নিজের সাহায্যের জন্ত কাহাকেও একটা  
আদেশও করেন নাই। তিনিই আমাদের  
সেবা লইতে কতই না কুণ্ঠিত হইতেন।  
রোগশয্যায় ভয়ানক গায়ের জ্বালা ও  
মৃত্যুর তীব্র দংশনে তাঁকে পরাস্ত করিতে  
পারে নাই। গাত্রদাহের সময় একদিন  
বলিলেন 'জর্দনের জলে আমায় নাইয়ে  
দাও।' অন্তরে এই বিশ্বাস ছিল যে জর্দনের  
জলে স্নাত হইলে ঈশার আশ্রয় ক্রুশ বহনের  
সকল ভীষণ যাতনা বহন করিবার শক্তি  
পাইবেন। বাস্তবিক যে দিন নিজেকে জর্দ-  
নের জলে অভিষিক্ত মনে করিলেন সে  
দিন হইতে অতুল ধৈর্যের সহিত এমন যে  
বিষের জ্বালায় ভীষণ যাতনা অবাধে  
নীর্বে বহন করিতে লাগিলেন। অত  
কোন রকম কাতরধ্বনি নাই, দিন ও  
রাত্রি কত স্নান, কখনও ব্যাকুল প্রার্থনা,

আরাধনা, স্তোত্রপাঠ, এইরূপ নানা ভাবে  
সেই শান্তিনায়িনী জননীকে ডাকা ছাড়া  
আর অত্ন কথা মুখে নাই। প্রায় দুই মাস  
হইতেই তিনি পার্থিব সমস্ত ভাব থেকেই  
নিজেকে বিচ্ছিন্ন করিয়াছিলেন, সমস্তানের  
কথা কেহ কিছু বলিলেও বিশেষ উত্তর  
দিতেন না বা নিজেও কখনও জিজ্ঞাসা  
করিতেন না, কেবলই শান্তিধামে যাবার  
জন্তই ব্যাকুল প্রার্থনা।

“তাঁর এই জীবনসম্বন্ধে সামান্যই বলা  
হইল। তিনি যে আদর্শ জীবন রাখিয়া  
গেলেন, আমাদের যাহা মনে আসিল  
তাড়াতাড়ি লিখিলাম, ক্রমে প্রকাশ  
করিতে চেষ্টা করিব। সর্বদাই সশক্তি  
থাকিতেন যে কখন কি হইবে, মৃত্যুর সময়  
হরিনাম করিতে বা গুণিতে পাইব না।  
সেই জন্ত বাড়ীর সব লোককে সর্বদা  
প্রস্তুত থাকিয়া হরিনাম করিতে বলিতেন,  
গভীর রাত্রে নিজেই স্তোত্রপাঠ করিতেন,  
নিজের তো তাঁকে নানা উপায়ে ডাকা  
ছাড়া আর কোন কথাই ছিল না। তাঁহার  
প্রস্থানের ৮।১০ দিন পূর্বে একদিন বধুদের  
ডাকিয়া একজনকে বলিলেন 'ছেলেপুলে  
নিয়ে সাবধানে সংসার কোরো' আর এক-  
জনকে বলিলেন, 'ইহাকে (বাবাকে)  
দেখো'। আমাদের প্রতি তাঁর শেষ  
আশীর্ব্বাদ এই 'সকলের ধর্ম্মে মতি হোক  
ধর্ম্মই একমাত্র সহায় ও আশ্রয়। কেহ  
কিছু অশ্রয় করিলেও কারও মনে কষ্ট  
দিও না।'

সমস্ত জীবনের সাধনের ফল এই সময়  
প্রমাণিত হইয়া গেল। মৃত্যু ব্যাধি সকলই

পরাস্ত হইল। জীবনে তাঁর মহৎ ইচ্ছা  
জয়যুক্ত করিয়া হরিধ্বনি শ্রবণ করিতে  
করিতে এবং নিজের মুখের ভাবে তাহা  
প্রকাশ করিতে করিতে তাঁর শান্তিলভের  
জন্য ব্যাকুলিত আত্মা অমরধামে প্রবেশ  
করিল।—শ্রাদ্ধে পঠিত।

কন্যা ও পুত্রবধু কর্তৃক লিখিত।

### মতিবাবুর পারিবারিক অবস্থা।

কার্তিক মাস, প্রভাত সময়। নদীতীর  
লোকে লোকারণ্য। বেলাবুদ্ধির সঙ্গে সঙ্গে  
জনতাশ্রোত বহুব্যাপী হইয়া পড়িল।  
সকলেরই মুখ বিষাদমাখা, সকল চক্ষুই  
নদীর উপর আকৃষ্ট। দুই দিন পূর্বে ভীষণ  
ঝড় হইয়া গিয়াছে; ঝড়ের অপরিমিত  
বেগে পূর্বাঞ্চল লগ্নভগ্ন। আকস্মিক  
উত্তাল জলতরঙ্গে কত জীব জন্ত, ঘর চালা  
বৃক্ষাদি কোথায় ভাসিয়া গিয়াছে। যেখানে  
লোকের ভিড়, সে স্থানটা একটা প্রকাণ্ড  
বন্দর; তথায় এক বিশ্বয়কর হৃদয় বিদা-  
রক দৃশ্য উপস্থিত। তীরের অনতিদূরে  
ভাসমান শবরাশির মধ্যে মৃত ব্যাঘ্রের উথর  
একটি বালক শয়ান। বালক মৃত কি  
জীবিত বুঝিবার উপায় নাই। তীরস্থিত  
সকলের মুখেই কেবল হাহাকার বিলাপ-  
ধ্বনি, কিন্তু কাহারো সাহস নাই যে, এই  
বালকের সম্মুখীন হয়। একটি ভদ্রলোক  
ভিড় ঠেলিয়া জলে ঝাঁপাইয়া পড়িলেন,  
তৎসঙ্গে আরো কয়েক জন সাঁতারাইতে  
লাগিল। তাঁহারা অতিকষ্টে মৃত ব্যাঘ্র  
সহিত বালককে পারে তুলিলেন। তৎ  
ক্ষণে বালকের সেবা গুরুত্বা চলিতে

লাগিল। ডাক্তার আসিয়া অনেক পরীক্ষা  
করিয়া স্থির করিলেন জীবনের আশা নাই।  
সকলের মুখই ম্লান, স্ত্রীলোকেরা কাঁদিতে  
লাগিল। অনেকেই হয়তো পুত্রহারা  
জননী। তাহাদের শোকোচ্ছ্বাস দুর্দমনীয়  
হইল।

কোথা হইতে একটি বেদিয়া স্ত্রীলোক  
আসিয়া উপস্থিত হইল। সে বালকের চক্ষু  
কর্ণ, নাসিকা ও উদর পরীক্ষা করিয়া  
বলিল "তোমরা একটু সরিয়া যাওতো,  
আমি একবার দেখি।" যিনি বালককে  
জল হইতে তুলিয়াছিলেন তিনি তাহাকে  
কোলে করিয়া বসিলেন। সেই বেদিয়া  
রমণী তাহার খলিয়া হইতে কতকগুল  
লতাপাতা বাহির করিয়া তাহার রস বাল-  
কের নাকে, কাণে ও মুখের ভিতর অতি  
সাবধানে ঢালিয়া দিল—অতি দুর্ব্বোধ  
ভাষায় কি বালকে বলিতে তাহার বুক  
পিঠ মর্দন করিতে লাগিল। সহসা বাল-  
কের ওষ্ঠ যেন একটু নড়িয়া উঠিল, হস্তপদ  
ঈষৎ স্পন্দিত হইল। বিচক্ষণ ডাক্তার  
যাহাকে মৃত বলিয়া পরিত্যাগ করিয়া-  
ছিলেন, একটি অসভ্য স্ত্রীলোকের হাতুড়ে  
চিকিৎসায় তাহার জীবন রক্ষা পাইল।  
বালক চক্ষু মেলিয়া চাহিবামাত্র চারি দিকে  
আনন্দধ্বনি উঠিতে লাগিল। তাহাকে  
ক্রোড়ে করিয়া সেই ভদ্রলোকটি মহানন্দে  
স্বগৃহে চলয়া গেলেন।

বালকের আশ্রয়দাতার নাম মতিলাল  
ঘোষ। সেখানে তাঁহার প্রকাণ্ড কারবার।  
বয়স পঞ্চাশের উপর হইলেও শক্তি সামর্থ্যে  
অনেক যুবকই তাঁহার নিকট লজ্জিত

ছিল। মতিবাবুর সংসারে স্ত্রী ও এক কন্যা ছাড়া আর কেহ ছিল না। অর্থের কুহকে পাড়য়া সচরাচর লোকের যেরূপ ছন্দিত হইয়া থাকে, জগদম্বার রূপায় তাঁহার সেরূপ হয় নাই। দেশের মঙ্গলের জন্ত, পরহিতকার্যে তিনি অকাতরে সাহায্য দান করতেন। পূজা পার্বণাদিতে প্রতি বৎসর তাঁহার বিস্তর অর্থ ব্যয় হইত। নানাবিধ সদৃশে ভূষিত হইলেও তাঁহার একটা মস্ত দোষ এই ছিল যে, তিনি যাহা ভাল বুঝিতেন তাহা না করিয়া ছাড়িতেন না। নিজের ভুল ক্রটি অথো ধরিয়া দিলে তাঁহার অসহ হইত। এই দোষের জন্ত অনেক সময় স্বামীস্ত্রীর মধ্যে মনোমালিন্য উপস্থিত হইত।

ঘোষজায়া একটু স্কলানী ছিলেন। স্বামীর অর্থের অভাব নাই, তাঁহার গহনার অভাব কেন হইবে? দুই হাতের অঙ্গুলির অগ্রভাগ হইতে সমস্ত হাত ছুটিতে বিশুদ্ধ খাঁটি সোনার নানা ফ্যাসনের আংটি, জোড়া জোড়া বালা, চুড়ী, ছড়াছড়া তাগা ও অনন্ত। গলায় হীরার চিক্ ও মোটা চেইনহার। কাণে ইহুদী মাক্‌ড়, বাড় ইয়ারিং। নাকে প্রকাণ্ড নথ, দেখিলেই সে কালের সুদর্শন চক্রের কথা মনে পড়ে। অধমাস্ত্রের ভূষণের মধ্যে আমরা কেবল ১৬০ ভরি মলের কথাই অবগত আছি। এই গহনার ভারে হাত দুখানি লইয়া তিনি বড়ই বিব্রত ছিলেন। দক্ষিণ হস্তের ব্যাপার একরূপ বিনা। বিঘ্নেই সমাধা হইত, কিন্তু বামহস্তের আবশ্যক হইলেই তিনি চক্ষে অন্ধকার দেখতেন। কোন

কোন দিন কাঁদিয়া ফেলতেন। তাঁহাকে দেখিয়া পাড়ার বিশ্বিন্দুকী (তাদের নাকে মুখে ছাই পড়ুক) পোড়ামুখীরা নাক সিটকাইয়া বলিয়া বেড়াইত “দেখতে যেন একটা বনো মোষ, তাতে গয়নার ছিরি দেখ।” কথায় বলে “যত কয় তত নয়।” আমরা কিন্তু শুনিয়াছি একদিন ঘোষজায়ার ফটো তুলিবার বড় সাধ হইল। ফটোগ্রাফার বাবুকে আগেই বলা হইল ছবির রংটা যেন বেশ ফরশা হয়; নতুবা বায়না মিলবে না। বাবুটি সহাস্ত্রে উত্তর করিলেন, তার জন্ত ভাবনা কি? আমি ঠিক মেমদের রং করে দিচ্ছি। তাঁহার গহনার যে কেবল নিন্দাই হইত এমত নয়; অনেক ঈর্ষাপরায়ণা অপ্ৰিয়বাদিনী মনের ছুখে নিজ নিজ অল্পবিত্ত হতভাগ্য স্বামীকে অভিসম্পাদ না করিয়া ছাড়িতেন না।

মেয়েটি মাত্র নবম বৎসরের বালিকা। তাহার মুখখানি বড়ই সুন্দর। যে দেখিত সেই বলিত “মরি মরি মেয়েটি যেন চ’খে হাসে।” গায়ের রং দু’ধে আলতা না হইলেও অত্যাঙ্গুল শ্রামবর্ণ,—তাতেই নাম রাখিয়াছিল শ্রামা।

মতিবাবুর ভদ্রাসন হুগলি জেলায়। কিন্তু কারবার উপলক্ষে তিনি পূর্ববঙ্গে জীবনের অধিক কাল কাটাইয়া ছিলেন। সেজন্ত তাঁহার একটা বিশেষ নাম ছিল, রাঢ়ি বাঙ্গাল। শ্রামা একমাত্র সন্তান, তাই তিনি তাহাকে সুশিক্ষিতা করিবার জন্ত ব্যগ্র হইলেন। ঘটনাক্রমে একদিন তাঁহার ইষ্টদেবতা আসিয়া উপস্থিত। ব্রাহ্মণটি বৃদ্ধ, শাস্ত্রে সুপণ্ডিত। তিনি শ্রামার হাত

দেখিতে বসিলেন। হাত দেখা শেষ হইলে তিনি শিষ্যকে গোপনে বলিলেন “দেখ, তোমার মেয়ের অদৃষ্ট ভাল নয়, তাহার কপালে রাজদণ্ড। স্ত্রীলোকের পক্ষে ইহা অতিশয় অশুভজনক। ইহার ষোড়শবর্ষ বয়সে এক মহা গোলযোগ আশঙ্কা করিতেছি।—বোধ হয় যেন ইহার গ্রহবিপর্যায় ঘটিবে। সূর্য্য পশ্চিমে উদিত হইবে, চন্দ্র জ্যেষ্ঠা বিকিরণ করিবে না। কি যে একটা কাণ্ড ঘটিবে ঠিক কল্পিতে পারিতেছি না।” কথা শুনিয়া মতিবাবুর আত্মা চমকিয়া উঠিল। তিনি বাস্ততার সহিত বলিলেন “এখন উপায়?”

ইষ্টদেবতা—উপায় একমাত্র গ্রহশাস্তি। ইহার কল্যাণার্থ স্বস্তায়ন করিতে হইবে। ক্রমে গিন্নীর কাণে এই সংবাদ গেল। তিনি পা ছড় ইয়া কাঁদিতে বসিলেন।

শ্রামার অসাধারণ স্মৃতিশক্তি। অল্প দিনের মধ্যেই বিস্তর শিখিয়া ফেলিল। তাহার যখন নয় বৎসর বয়স, তখন শকুন্তলা বৃত্তসংহার শেষ হইয়াছে। মতিবাবু আফ্লাদে তাহাকে ইংরাজী পড়াইতে লাগিলেন। ইংরাজীটা গিন্নীর ভাল লাগিল না। তিনি একদিন স্বামীকে বলিলেন “ও সব রেখে দাও, আমি এসব ক্যাচমাচ শুনতে পারি না।” কিন্তু বাবু যাহা ঠিক বুঝিরাছেন তাহার উপর অস্ত্রের বিচার কেবলই অরণো বোদন। শ্রামার ইংরাজী পড়া বেশ চলিতে লাগিল।

মতিবাবু ছেলেটিকে কোলে করিয়া বাড়ী পৌঁছিলেন। বালক সুস্থ হইয়া কেবলই কাঁদিতে লাগিল। শ্রামার মা তাহাকে সম্বোধে প্রবোধ দিতে লাগিলেন।

শ্রামার মা—বাছা, তুমি কেঁদে না। তোমার কিসের ভাবনা? তোমার বাবার নাম কি?

বালক—প্রভাসচন্দ্র বসু।

শ্রামা—তোমার বাড়ী?

বালক—কেদারপুর।

শ্রামা—তোমার নাম?

বালক—হারাধন।

শ্রামা—বাঃ সুন্দর নামটি তো। আচ্ছা তোমার কি কিছু মনে পড়ে?

বালক চক্ষের জল মুছিতে মুছিতে বলিতে লাগিল, “আমি স্কুল থেকে যখন বাড়ী যাই, তখন আকাশ মেঘাচ্ছন্ন ও বিদ্যায় চমকাইতেছিল। আমাদের বাড়ীর নিকটই প্রকাণ্ড নদী। ঘরে পৌঁছিতে না পৌঁছিতে একটা ভয়ানক শব্দ শুনিলাম, এবং দেখিতে দেখিতে মহাবেগে নদের জল আমাদের ঘরের ভিতর প্রবেশ করতে লাগিল। মা আমাকে কোলে তুলিয়া লইলেন, তার পর বাবা আমাকে কাঁধে করিলেন। জল ক্রমেই বাড়ীতে লাগিল। তুমুল ঝড়ে ঘরের ঝাপ, চাল কোথায় উড়াইয়া নিল। বাবা আর আমাকে ধরিয়া রাখিতে পারলেন না। আমি স্রোতে ভাসিয়া গেলাম। অন্ধকার রাত্রি, মুষলধারে বৃষ্টি পড়িতেছিল মুহূর্ঘ্বে বজ্রপাত হইতেছিল। হাতের নিকট যাহা পাইলাম তাহাই চাপিয়া ধরিলাম। তার পর কি হইল জানি না।” বালক উচ্চৈঃস্বরে কাঁদিতে লাগিল। শ্রামা ও তাহার মা চক্ষের জলে ভাসিতে লাগিলেন। শ্রামার মা বালকের চক্ষের জল মুছাইয়া শোকাক্ত-হৃদয়ে বলিলেন,

“বৎস হারাধন, তুমি আর কাঁদিও না। আমরা তোমার বাপ মার খোঁজ করিব। এখন তুমি আমাদেরই ছেলে। এই বাড়ী ঘর সমস্তই তোমার।”

মতিবাবু হারাধনের পিতামাতার অশেষ-  
ষণে স্বয়ং কেদারপুর গেলেন। কিন্তু  
কোথায় সে স্থান? গ্রামের ভিতর ২১৮  
খানা পাকা বাড়ী ছাড়া আর কিছুই না।  
শবের পুঁতি গন্ধে সেস্থানে তিষ্ঠান দায়  
হইল। তিনি অনেক অহুসন্ধানের পর  
জানিতে পারিলেন বালকের পিতামাতা  
কেই জীবিত নাই। তাহার এক জন  
মাতুল ভিন্ন গ্রামে বাস করিতেন। তাঁহার  
সাংসারিক অবস্থা একরূপ শোচনীয় যে,  
তিনি নিজেই ভিক্ষায়ে জীবিকা নির্বাহ  
করিতেন।

ক্রমশঃ ।

কেশবজননী সাধ্বী সারদাদেবী ।

( ৩১১ পৃষ্ঠার পর । )

( সেজমেয়ে চুণীর বিবাহ । )

আমার বড় জামাই লক্ষ্মীনারায়ণের  
সঙ্গেই সেজমেয়ের বিবাহ হয়। আমার  
ইচ্ছার বিরুদ্ধে এই বিবাহ হয়। পূর্বে  
এক ধনবানের ছেলের সঙ্গে বিবাহের ঠিক  
হইয়াছিল। শেষে আমার বড় মেয়ের  
মৃত্যুর পর সেই বিবাহের সম্বন্ধ ভাঙ্গিয়া  
ভাঙ্গুর বড় জামাইএর সঙ্গে বিবাহ দেন।  
এই বিবাহ অতি গরিব ভাবেই হইয়াছিল।  
এমন কি এক খানি কাপড়পাখ্যন্ত দেওয়া  
হয় নাই। আমার এই মেয়ে অতি সুন্দরী।

দশ বৎসর বয়সে এই মেয়ের বিবাহ হয়।  
এই বিবাহের দুই এক বৎসর পরেই ছোট  
মেয়ে পান্নার বিবাহ হয়। এই বিবাহ  
আমি নিজেই দিয়াছিলাম। টাকাকড়ি  
অবশ্য ভাঙ্গুরের হাতে ছিল, তিনিই সব  
খরচ পত্র করিয়াছিলেন, কিন্তু পছন্দ  
করিয়াছিলেন আমি। আমাদের নিজ-  
গ্রামের যাদবচন্দ্র রায়ের সঙ্গে আমার  
ছোট মেয়ের বিবাহ হয়। এই বিবাহে  
খরচপত্রের কোনও অভাব হয় নাই। এই  
মেয়েরও দশ বৎসর বয়সে বিবাহ হয়।  
সমস্ত মেয়ের বিবাহ হইয়া গেলে অল্প  
কয়েক বৎসর পরে কেশবের বিবাহ হয়।

সকল প্রথমে কেশবের ছেলে বয়স  
হইতে কাঁচরাপাড়ার শ্রীনাথ মজুমদারের  
মেয়ের সহিত প্রস্তাব হয়। মেয়েটি বেশ  
সুন্দরী ছিল, অনেক চুল ছিল। আমি  
বলিতাম, এতো আমার বৌ হইয়াই আছে।  
এই মেয়েকে আমি পা মুছাইয়া দিতাম ;  
কেশবের সঙ্গে একপাতে ভাত খাওয়াইয়া  
দিতাম ; তাহার গাকে বেহান বলিতাম।  
এই মেয়ের সঙ্গে বিবাহ নিশ্চয়ই হইত,  
শুধু একটি কারণে আমার ভাঙ্গুর অমত  
করিলেন। কারণটি এই—আমার ঋণের  
যখন ব্যাঙ্কের দেওয়ান ছিলেন, সেই সময়  
একবার ৩৪০০০ ( চৌত্রিশ হাজার ) টাকা  
চুরি যায়, তাহাতে সেই সময়ে সকলেই এই  
মেয়ের ঠাকুর দাদাকে সন্দেহ করিয়াছিল।  
আমার ঋণের ইহাকে কস্ম করিয়া দিয়া-  
ছিলেন। আমার ভাঙ্গুরেরও এই বিশ্বাস  
ছিল যে, টাকা চুরি যাওয়ার পর আমার  
ঋণের মনের কণ্ঠে দম্বাঘ্যু হয়। সেই

ব্যাঘ্রতে এক এক বার তাঁর আধঘণ্টা  
পর্যন্ত দম্ব আটকে থাকিত। শেষে এই  
ব্যাঘ্রতেই তাঁহার মৃত্যু হয়। এই কারণে  
আমার ভাঙ্গুর এই মেয়েকে তাঁহার পিতৃ-  
হস্তার পৌত্রী মনে করিয়া বিবাহে অমত  
প্রকাশ করিলেন। আমি কিন্তু এই মেয়েকে  
বড়ই ভাল বাসিতাম। শেষে এই মেয়ের  
সঙ্গে নববিধান প্রচারক শ্রীমান্ উমানাথ  
গুপ্তের বিবাহ হয়। এই মেয়ের প্রতি  
সেই পূর্বেকার ভালবাসা আমি এখনও  
ভুলিতে পারি নাই।

এই সম্বন্ধের পর হাঁড়েলার এক সুন্দরী  
কুণীন কছার সহিত কেশবের বিবাহের  
প্রস্তাব হয়। আমার ভাঙ্গুর সেই মেয়ে  
সুন্দরী বলিয়া আপনার মেজছেলের সঙ্গে  
ঠিক করিলেন।

এই সম্বন্ধটি ভাঙ্গিয়া গেলে বালির  
চন্দ্রমজুমদারের মেয়ে গোলাপ সুন্দরীর  
সঙ্গে কেশবের সম্বন্ধ ও বিবাহ হয়। এই  
মেয়ের সঙ্গে বিবাহ হওয়া আমার বেশ  
ইচ্ছা ছিল, কিন্তু যখন শুনিতে পাইলাম  
মেয়ে তত সুন্দরী নয়, এবং অতি ছোট  
তখন আমার একটু অনিচ্ছা হইতে  
লাগিল। আমার ভাঙ্গুর মেয়েকে আশী-  
র্বাদ করিয়া আসিলেন। তিনি প্রশংসা  
করিলেন বটে, কিন্তু যে ভাবে বলিলেন  
তাতে আমার বেশ মনে হইল মেয়ে সুন্দরী  
নয়, তারপর আমি একবার যখন বড় বো ও  
ছোট মেয়েকে লইয়া বাপের বাড়ী যাইতে-  
ছিলাম, সেই সময় বালির ঘাটে নৌকা  
লাগাইয়া বো ও ছোট মেয়েকে ঝাঁক  
সঙ্গে মেয়ে দেখিতে পাঠাইলাম। তাহারা

ফিরিয়া আসিয়া যাহা বলিলেন, তাহাতে  
আমার মন আরও ধারাপ হইল। সে  
যাহা হউক বিবাহ ঠিক হইল। বো ঘরে  
আসিল। বোএর মুখ দেখিবার পূর্বে  
আমার মন আরও ধারাপ হইল, এমন কি  
কাঁদিয়া ফেলিলাম, আমার ভাঙ্গুরও  
অপ্রস্তুত হইয়া গেলেন। তাড়াতাড়ি নিজে  
বাতি লইয়া ধরিলেন, এবং আমার বেশ  
করিয়া মুখ দেখিতে বলিলেন। মুখ  
দেখিয়া আমার মনটা ভাল হইল। মনে  
করিলাম মুখখানি বেশ, পরে ভাল হইবে।  
বিবাহের সময় বো অতি ছোট, রোগা ও  
কাল ছিলেন, মাথায় চুল আদপেই ছিল  
না। কেশব পরে ঠাট্টা করিয়া আমার  
মেয়েদের বলিতেন, “তোমরা আর কাহারও  
মেয়ে দেখিতে যাইও না।” কিন্তু বিবাহের  
পর তিনি একদিনের জন্তও ছুঁতে  
নাই। তিনি বোকে কখনও বাপের বাড়ীতে  
রাখিতেন না। বো এত রোগা ও ছোট  
ছিলেন যে, কেশব যদি মন্দ ছেলে হইতেন  
তাহা হইলে তাঁহার স্বভাব নিশ্চয় মন্দ  
হইয়া যাইত। কিন্তু কেশব ছেলেবেলা  
হইতে বৈরাগ্য ভাবে পূর্ণ ছিলেন। সেইজন্ত  
এই বিবাহেতে তাঁহার কোনও অনিষ্ট না  
হইয়া বরং ভালই হইল।

বিয়ের পর বো এক বৎসর বাপের  
বাড়ী ছিলেন, নয় বৎসর বয়সে আমি  
লইয়া আসি, সেই পর্যন্ত আমারই ছিলেন।  
আমার ও আমার বড় মেয়ে ফুলেশ্বরীর  
যত্নে বো ক্রমে ক্রমে সুশ্রী ও সুস্থ হইতে  
লাগিলেন, এবং শেষে অতি সুন্দরী হই-  
লেন। ধর্ম ভাবের সঙ্গে সঙ্গে বোএর শ্রী ও  
সৌন্দর্য আরও বাড়িতে লাগিল।

ভাণ্ডারের মেজ ছেলের অধিবাসের দিন নাচেতে তাঁর মেজ ছেলেকে গদিতে বসান হইয়াছিল। আমার ছেলের বিবাহের দিন আমার ভাণ্ডারের মেজ ছেলের বিয়ের নাচ যে এক সঙ্গে হয় ইহা আনার ইচ্ছা ছিল না। আমি বলিলাম, আমার ছেলের বিবাহেতে ভিন্ন নাচ করিতে হইবে। কারণ আমার ছেলেকে একদিন নাচেতে আলাদা রূপার তক্তানামায় (চতুর্দোল) বসাই ইহা আমার বড় ইচ্ছা ছিল। কিন্তু তাহা হইল না। তিনি সেই দিন আপনার মেজ ছেলেকেও কেশের সঙ্গে গদীতে বসাইয়া দিলেন।

সরলাসুন্দরী কাস্তুরি।

### প্রাচীনকালের আর্ঘ্যনারীদের জীবনের পরীক্ষা।

প্রথম, কুন্তীদেবী।

পুরাকালে হস্তিনাপুরে চন্দ্রবংশীয় রাজা বিচিত্রবীর্যের ধৃতরাষ্ট্র পাণ্ডু এবং বিদুর নামে তিন পুত্র ছিল। তন্মধ্যে ধৃতরাষ্ট্র জন্মান্তবশতঃ রাজসিংহাসনের গল্পপয়ুস ছিলেন। ধৃতরাষ্ট্র দ্বিতীয় পুত্র পাণ্ডু রাজা হইয়াছিলেন। বিদুর দাসী-গর্ভজাত বলিয়া রাজসিংহাসনে তাঁহার অধিকার ছিল না। পাণ্ডুর কুন্তী এবং মাদ্রী নামে দুই পত্নী ছিল। প্রতিষ্ঠার সহিত বহুকাল রাজত্ব করিয়া রাজমধ্যে শান্তি স্থায়িক্রমে সুপ্রতিষ্ঠিত হইলে পাণ্ডু আপন জ্যেষ্ঠ অর্ধ-ধৃতরাষ্ট্র এবং অমাত্যবর্গ হস্তে রাজকার্য পরিচালনার ভার দিয়া কিছুকালের জন্ত

যখন বনবাস করিতেছিলেন তখন কুন্তীর গর্ভে যুধিষ্ঠির, ভীম এবং অর্জুন নামে তিন পুত্র এবং মাদ্রীর গর্ভে নকুল এবং সহদেব নামে দুই পুত্র জন্মে। এই পঞ্চ পুত্রের জন্মগ্রহণের কিছুকাল পর পাণ্ডুর মৃত্যু এবং তৎসহ মাদ্রীর সহমরণ ঘটে। কুন্তীদেবী বৈধব্যাবস্থায় এই পঞ্চ পুত্রের লালন পালনের গুরুভার গ্রহণ করেন, এবং রাজধানী হস্তিনাপুরে প্রত্যাবর্তন করিয়া ধৃতরাষ্ট্রের অধীনে সন্তানদিগকে প্রতিপালন করিতে থাকেন। আঠশষ কুন্তীদেবী ঈশ্বরনিষ্ঠা এবং বিশ্বাস ভক্তির জন্ম খ্যাত ছিলেন। এক্ষণে শোক দুঃখ দৈন্তের মধ্যে তাঁহার ঈশ্বর-নির্ভর এবং ভক্তি আরও উজ্জ্বল হইতে লাগিল। সন্তানদিগের বাহাতে সত্যনিষ্ঠা ভগবানে ভক্তি ও নির্ভর এবং নানাবিধ বিদ্যা ও সঙ্গুণের বিকাশ এবং ক্ষুধা লাভ করে তজ্জন্ত কুন্তীদেবী একান্ত যত্নবতী হইলেন। মাতার যত্ন কোন দিনই নিষ্ফল হয় না। যে মাতা যেরূপ ভাবে সন্তান প্রস্তুত করেন সন্তানগণ সেই রূপেই প্রস্তুত হয়। কুন্তীর যত্নে যুধিষ্ঠির ভারতভূমিতে সত্যবাদী এবং ধর্মাত্মা বলিয়া পরিচিত হইলেন। অর্জুনের ভগবানে একান্ত নির্ভর এবং ভীমের ধর্ম্যে দৃঢ়বিশ্বাস হইল, নকুল সহদেব ধর্মের শান্ত গান্ধীর্ষ্য ভাব লাভ করিলেন। এই জন্তই এই গুণবতী নারী কুন্তী হিন্দুর প্রাতঃস্মরণীয় হইয়াছেন। দুঃখের বিষয় কেবল স্মরণ-মধ্যেই থাকিয়া যায়, সেরূপ নির্ভার সহিত পুত্র প্রস্তুত করিতে এদেশের নারী মধ্যে তেমন যত্ন দেখা যায় না।

কুন্তী অতি বুদ্ধিমতী এবং ধীর প্রকৃতির রমণী ছিলেন। ধৃতরাষ্ট্রের একশত পুত্র ছিল, কিন্তু পাণ্ডুপুত্র যুধিষ্ঠির সর্বাপেক্ষা বয়োজ্যেষ্ঠ। পাণ্ডু রাজা ছিলেন, উত্তরাধিকারিস্বত্রে তাঁহার জ্যেষ্ঠ পুত্র যুধিষ্ঠিরই রাজপদের অধিকারী। অর্পচ পাণ্ডুপুত্র যুধিষ্ঠির সর্ক জ্যেষ্ঠ। সুতরাং ধৃতরাষ্ট্র দেখিলেন যে তাঁহার তনয়দের রাজ্যলাভের আয়াত্মসারে কোন সম্ভাবনা নাই, তখন স্বীয় জ্যেষ্ঠ পুত্র দুর্ঘ্যোধনজন্ত চিন্তিত হইলেন। দুর্ঘ্যোধনও রাজ্য লালসায় অধীর হইলেন। এমতাবস্থায় কুন্তী দেখিলেন যে, তাঁহার ছেলেরা নিতান্ত সহায়হীন। কেন না শেষ কয়েক বৎসর পাণ্ডুর অরণ্যে অবস্থানকালে রাজ-ক্ষমতা সমস্তই ধৃতরাষ্ট্র এবং তাঁহার পুত্রদের হস্তে পড়িয়াছে। এমতাবস্থায় ভগবান্ ভরসা ভিন্ন পুত্রদের পৈতৃক রাজ্য লাভের অর্থ পূরা নাই। সুতরাং দীনবেশে কুন্তী পুত্রগণসহ সুসময় প্রতীক্ষা করিতে লাগিলেন। পাণ্ডুপুত্রগণ জীবিত থাকিতে দুর্ঘ্যোধনের রাজপদ লাভ করিল, সুতরাং তাঁহার বাহাতে নিহত হয় তাহার উপায় কৌশল ক্রমে করিতে ধৃতরাষ্ট্রসহ দুর্ঘ্যোধন উদ্যোগী হইলেন। প্রথমতঃ দুর্ঘ্যোধনাদি একশত ভাই অত্যাচার বন্ধুগণ সহ যুধিষ্ঠিরাদি পঞ্চ ভ্রাতাকে লইয়া কোন প্রসিদ্ধ রম্য স্থানে আমোদ প্রমোদ করিতে গেলেন। তথায় আহারের সময় আহার্যাসহ প্রথর বিষ ভীমকে খাওয়ান হয়। আহারাতে সকলে বিশ্রামার্থ নিদ্রা গেলেন। দুর্ঘ্যোধন দেখিলেন বিষে ভীমের উপর ক্রিয়া করিয়াছে। অতঃপর আগোচরে ভীমকে

অচেতন অবস্থায় নদীতে ভাসাইয়া দেন। প্রবল স্রোতে ভীমকে কোথায় লইয়া গেল, কেহ জানিতে পারিল না। অপরাত্নে গৃহে প্রত্যাগমন সময়ে যুধিষ্ঠির ভীমকে দেখিতে না পাইয়া বড় ব্যস্ত হইলেন। তিনি বহু অন্বেষণে কোথাও সন্ধান না পাইয়া বিষম মনে গৃহে প্রত্যাগমন করিলেন। কুন্তী সমস্ত তত্ত্ব অবগত হইয়া শোকাক্ত হইলেন, কিন্তু দুর্ঘ্যোধনের ভয়ে কিছু বলিতে পারিলেন না, আত্মসম্বরণ করিলেন। ভীমের অপরিমিত বল ছিল তাঁহার ভয়ে দুর্ঘ্যোধনেরা ভীত ছিল। এক্ষণে তাঁহার অভাবে যুধিষ্ঠিরাদিকে বিনাশ করিতে অধিক প্রয়াস পাইতে হইবে না। কিন্তু ঘটনাক্রমে ভীম তীব্র বিষের ক্রিয়া হইতে আরোগ্য লাভ করিয়া কতিপয় দিবস পর মাতৃ-সন্নিধানে ফিরিয়া আইসেন, এবং দুর্ঘ্যোধনের গুপ্ত হত্যার চেষ্টার বিষয় মাতাকে জ্ঞাপন করেন। তদবধি কুন্তী পুত্রগণসহ অতিশয় সন্তর্পণে দিন কাটাইতে লাগিলেন। দুর্ঘ্যোধন দেখিল তাহার এই প্রথম উপায় ব্যর্থ হইল। অতঃপর পিতার যে গৌ দ্বিতীয় কৌশল বিস্তৃত করিল। জ্যেষ্ঠতাতের আদেশে দুর্ঘ্যোধন নিশ্চিত বারণাবতস্থ জতুগৃহে যুধিষ্ঠিরাদি পঞ্চ ভ্রাতা মাতাসহ বাইয়া বাস করিতে বাধ্য হইলেন। তাঁহাদিগকে অগ্নিদগ্ন করিয়া নিহত করিবে এই অভিপ্রায়ে তীর্থদর্শন উপলক্ষ করিয়া ধৃতরাষ্ট্র যে পাঠাইয়াছেন তাহা কুন্তী এবং তাঁহার পুত্রদের বুঝিতে বাধি রহিল না। কুন্তী এই বিপদে অবসন্ন হইলেন না। কেন না বিশ্বাসীরা কোন বিপদে আপদে



অবসন্ন হন না, বরং তাঁহাদের বিশ্বাস নির্ভর অধিকতর বৃদ্ধি পায়।

ধৃতরাষ্ট্রদের এই ছুরভিসন্ধি যে তাঁহারা বুঝিয়াছেন তাহা ঘৃণাক্ষরে কাহাকেও বুঝিতে দেন নাই। অতঃপর অজ্ঞাতমারে তাহাদের পলায়ন এবং অজ্ঞাতবাসের ব্যবস্থা করিয়া মনের ত্রাসে তাঁহারা নিজে-রাই গৃহে অগ্নি সংযোগ করিয়া পলায়ন করিলেন। ধৃতরাষ্ট্র এবং তাঁহার তনয়গণ মনে করিলেন, মাতাসহ পাণ্ডু নন্দনেরা দগ্ধ হইয়া বিনষ্ট হইয়াছে। সূতরাং রাজ্য নিষ্কণ্টক হইয়াছে।

কুন্তী পুত্রগণসহ দেশ দেশান্তরে ভ্রমণ করিয়া ভিক্ষাপঞ্জীবনী হইলেন; অদ্য এক গৃহ, কল্যাণ গৃহ আশ্রয় করিয়া ছদ্মবেশে দিনযাপন করিতে লাগিলেন। অবশেষে তাঁহারা একচক্রা নগরে এক ব্রাহ্মণ-গৃহে স্থান গ্রহণ করিলেন। প্রাতঃকালে পূজাবন্দনা সমাপনান্তর যুধিষ্ঠিরাদি চারি ভ্রাতা ভিক্ষার্থ নির্গত হইতেন, আর ভীম মাতৃ সন্নিধানে রক্ষকরূপে অবস্থান করিতেন। সেই সময় সেই দেশে এক নর-ভূকের বড় উপদ্রব ছিল। তাহার সঙ্গে সেই দেশের রাজা প্রজার এই ব্যবস্থা ছিল যে, প্রতিদিন তাহার আহারার্থ উপাদেয় আহার্যাসহ এক মনুষ্যকে পালা ক্রমে এক এক বাড়ী হইতে দিতে হইবে। ঘটনাক্রমে সেদিনের পালা আশ্রয়দাতা ব্রাহ্মণের ছিল। ব্রাহ্মণ, ব্রাহ্মণী, এক পুত্র এবং এক কন্যা এই চারি জনের মধ্যে কাহাকে নর-ভূকের গ্রাসে প্রদত্ত হইবে, এই লইয়া ক্রন্দন হইতেছিল। কুন্তী ক্রন্দন শ্রবণ করিয়া

ব্রাহ্মণ যে ঘরে ছিলেন তথায় উপস্থিত হইয়া সবিশেষ জ্ঞাত হইলে পর ব্রাহ্মণকে আপনার পুত্র ভীমকে তৎপরিবর্তে দিতে প্রস্তাব করিলেন। ভীম মাতৃ আজ্ঞায় জীবন দান দ্বারা অল্প জীবন রক্ষা করা, অথবা যদি ভুজবলে রাক্ষসকে ধ্বংস করিতে পারেন তবে একটি দেশকে উদ্ধার করা হইবে ভাবিয়া ব্রাহ্মণের পালারক্ষা করিতে প্রস্তুত হইলেন। কথিত আছে ভীম সেই নর-ভূককে মল্লযুদ্ধে বিনাশ করিয়া সেই দেশের উপদ্রব শাস্তি করেন। আপন পুত্রদানে পরের জীবন রক্ষা করায় মহতী পুণ্য নিষ্ঠা কুন্তীর ছায় মাতার ছিল বলিয়াই পুত্রগণ এরূপ ধর্মনিষ্ঠ পরোপকারী, পরের জন্ত এবং দেশের জন্ত প্রাণদানে প্রস্তুত হইতে পারিয়াছিলেন।

এই ঘটনার কিছু কাল পর পাঞ্চাল রাজার কন্যার বিবাহ দর্শনোপলক্ষে মাতা সহ যুধিষ্ঠিরাদি পঞ্চ ভ্রাতা পাঞ্চালে প্রস্থান করেন। পাঞ্চাল রাজা দ্রুপদের দ্রৌপদী কন্যার স্বয়ম্বরে এইরূপ ঘোষণা হইয়াছিল, যে কেহ লক্ষ্যবিন্দু করিবে, তাহাকেই দ্রৌপদী পতিত্বে বরণ করিবেন। ভারতের সমগ্র রাজা তথায় সমবেত হইয়াছিলেন, কিন্তু একে একে সকলেই অকৃতকার্য হন। শেষ সুবিধা বুঝিয়া অর্জুন লক্ষ্যভেদ করিলে দ্রৌপদী তাহাকে বরণ করিতে উদ্যত হইলেন। কিন্তু ইতিমধ্যে ঈর্ষান্বিত রাজত্ব-বর্গ কতকটা গোল উপস্থিত করিলে কৃষ্ণ তাহা মীমাংসা করিয়া দেন। অতঃপর দ্রৌপদীসহ পঞ্চ ভ্রাতা যেখানে মাতাকে রাখিয়া দিবসের ভিক্ষা সংগ্রহে বাহির

হইয়াছিলেন, তথায় চলিয়া গেলেন। দূর হইতে মাতাকে ডাকিয়া ভীম বলিলেন, “মা আজ তপ্তুল ভিক্ষা অধিক মিলে নাই, কিন্তু অভিনব এক ভিক্ষা লাভ হইয়াছে।” মা অমনি বলিয়া উঠিলেন, “তোমরা পাঁচজনে বাটিয়া খাও।” কিন্তু যখন দেখিলেন যে এই সামান্য ভিক্ষা নয় একটা রূপসী যুবতী। তখন কুন্তী অতি বিষন্ন হইয়া যুধিষ্ঠিরকে বলিলেন, “এখন আমার বাক্য সত্য হইবে কি প্রকারে? একটা মেয়ে পাঁচজনের পত্নী কি করিয়া হইবে?” কুন্তী বাস্ত হইলেন। তিনি যাহা বলিয়াছেন তাহা সত্য হইবে কি করিয়া। ইহা দ্বারায় এই প্রমাণ হয় যে, তৎকালের রমণীরা বাক্যের সত্যতা সম্বন্ধে অত্যন্ত নিষ্ঠা ছিল। অনূত বাক্য বলিতেন না। মাতার বাক্য সত্য করিবার জন্ত যুধিষ্ঠিরাদি পঞ্চভ্রাতা প্রচলিত নিয়ম এবং দেশাচারবিরুদ্ধে পঞ্চভ্রাতা মিলিয়াই দ্রৌপদীকে বিবাহ করিলেন। যদিচ বিষয়টি অত্যন্ত নিয়মবিরুদ্ধ, রুচিবিরুদ্ধ তথাপি এই ঘটনা তদানীন্তন মাতারা সন্তানের নিকট যে, কখনও কোন বৃথা বাক্য কিম্বা অসত্য বাক্য বলিতেন না, এই প্রমাণিত হয়। আজকাল যদি মাতারা এইরূপ খাটি কথা, সত্য কথা, সত্য ব্যবহার সন্তানদের প্রতি করিতে পারিতেন তবে দেশের যুবক-দল কত উচ্চ নীতি ও ধর্মবলে বলী হইত। ধর্মবল হইতে শারীরিক বল, স্বাধীনতা, পুরুষকার সমস্তই বিকাশ পায়। কুন্তী এবং তাঁহার পুত্রদের জীবন আলোচনা করিলে ইহার প্রমাণ অকাট্যরূপে পাওয়া যায়। এই বিবাহ দ্বারা যুধিষ্ঠিরাদি পাণ্ডুপুত্রগণ

প্রবল প্রতাপান্বিত দ্রৌপদী রাজাকে সহায় পাইলেন। ধৃতরাষ্ট্র এখন দেখিলেন যে, পাণ্ডুবেরা জীবিত আছে, এবং প্রবল সহায় লাভ করিয়াছে তখন সৌহার্দ্যে ডাকিয়া আনিয়া আদরে গ্রহণ করিলেন, এবং অর্ধ রাজ্য ভাগ করিয়া দিলেন। এইরূপে বিধাতার করুণায় কুন্তী ছুস্তর বিপদ উত্তীর্ণ হইলেন; পুত্রদিগকেও পৈতৃক সিংহাসনে অধিষ্ঠিত দেখিলেন। কেবল একমাত্র ঈশ্বর লক্ষ্যই যাহাদের জীবন তাহাদের সংসারের যাহা কিছু আবশ্যক তাহারা তাহা প্রাপ্ত হয়। অতএব “অগ্রে স্বর্গরাজ্যে আরোহণ কর পশ্চাৎ যাহা কিছু আবশ্যক তাহা প্রদত্ত হইবে।” ঈশ্বার এই মহাবাক্যের প্রমাণ প্রতি ধর্মাত্মার জীবনে দেখা যায়। “সর্বধর্মাণ পরিত্যজ্যামেকং শরণং ব্রজ।” কৃষ্ণের ও ঈশ্বার এই মহাবাক্যের সার্থকতা দেখা যায়। হে ভারতের মহিলা-শ্রেণী, ঈশ্বার কৃষ্ণের মহাবাক্যগুলি জীবনে পালন করুন এবং দেশকে ঐশীবে পূর্ণ করুন। পুণ্যক্ষেত্র, স্বাধীন রাজ্যরূপে ভারত পুনরায় পরিণত হইবে।

### দুর্দশাগ্রস্ত লোকের উদ্ধারকারিণী ।

মহিলাদের মধ্যে যাহারা “টম্ কাঁকার কুটীর” নামক গ্রন্থ পাঠ করিয়াছেন তাহারা আমেরিকার দাসত্ব প্রথার জঘন্যতা এবং ভীষণতার পরিচয় পাইয়াছেন। আফ্রিকার নিগ্রো জাতীয় লোকদিগকে বলে, কলে, কৌশলে অপহরণ করিয়া ইউরোপীয়

লোকেরা দাস করিয়া ক্রয় বিক্রয় করিত । মনুষ্য বিক্রয় প্রথা উনবিংশ খৃষ্টাব্দের মাঝামাঝি পর্যন্ত ছিল । যেমন গরু বাছুর ক্রয় বিক্রয় হয় তদ্রূপ নিগ্রোদিগকে দাসরূপে ক্রয় বিক্রয় করা হইত । স্ত্রী এক জনের নিকট স্বামী অথবা নিকট, পুত্র তৃতীয় ব্যক্তি কথ্য চতুর্থ ব্যক্তির নিকট বিক্রীত হইত । কে কোথায় যাইত তাহার কোন সন্ধান তাহাদের পরস্পর মধ্যে জানা থাকিত না । জন্মের মত স্ত্রী, স্বামী পুত্র কথ্য হইতে বিচ্ছিন্ন হইত । কেবল তাহা নহে, স্বীয় ইচ্ছার বিরুদ্ধে নূতন প্রভুর আদেশে পুরুষান্তর গ্রহণে স্ত্রী বাধ্য হইত । নিগ্রোর প্রতি অমানুষিক ব্যবহারনিচয় পাঠ করিলে মনুষ্য মাত্রই সিহরিয়া উঠিবে । আমাদের দেশে যেমন শাস্ত্রের বচন উল্লেখ করিয়া শূদ্রকে ব্রাহ্মণের দাসরূপে বিধাতাই স্বজন করিয়াছেন বলিয়া প্রমাণ করা হয়, তেমনি আমেরিকাতে খৃষ্টীয় ধর্মযাজকগণও তাঁহাদের ধর্মগ্রন্থ হইতে বচন প্রমাণ উদ্ধৃত করিয়া উপদেশ দ্বারা প্রতিপন্ন করিতেন যে, বিধাতা কৃষ্ণকায় নিগ্রোকে শ্বেতকায়দের দাসত্বের জন্মই স্বজন করিয়াছেন । কৃষ্ণকায়েরা বিধাতার অভিশপ্ত জাতি । আমেরিকাতে বলপূর্বক দেশান্তরিত এবং দাসত্ব শৃঙ্খলে নিষ্ক্রিপ্ত নিগ্রোগণের দুর্দশার সীমা পরিসীমা ছিল না । পশুদের অবস্থাও ইহাদের অপেক্ষা অনেকাংশে ভাল ছিল । তাহাদের গৃহ, বাড়ী, দেশ, পরিবার বলিতে কিছুই ছিল না । এমন দেশ শূণ্য, সহায় শূণ্য, বান্ধব শূণ্য ছরবস্থায়

পতিত নিগ্রোরাও পরিণামে বিধাতার অদ্ভুত কৌশলে মুক্তিমুখ করিয়া স্বাধীনতা প্রাপ্ত হইয়াছে । এক্ষণ আমেরিকায় যুক্তরাজ্য মধ্যে নিগ্রোদের একটা স্বতন্ত্র রাজ্য হইয়াছে, তাহারা সর্ববিষয়ে স্বাধীনতা লাভ করিয়াছে । বিদ্যাচর্চা এবং সভ্যতার অগ্রাশ্রয় যতরূপ উৎকর্ষ সাধন আছে তাহারা তাহার অংশী হইয়াছে । মিসেস বিচার ষ্টো নাম্নী একটা সদাশয়্য পরম ধার্মিক মহিলা এই নিগ্রো জাতির দুর্দশার বিষয় "আফল টমস্ কাবিন" নাম দিয়া ইংরাজীভাষার একটা গ্রন্থ অনুপ্রাণিত হইয়া একরূপ ভাবে লিখিয়াছিলেন যে, তৎপাঠে সহৃদয় নরনারীরা আর নিগ্রোদের উদ্ধারসাধনে উদাসীন থাকিতে পারিলেন না । মনুষ্য মাত্রই যে ভ্রাতা বিধাতার এই নির্দেশে নিগ্রোরাও শ্বেতকায়দের ভ্রাতা ; বিধাতা প্রতি মনুষ্যকে স্বাধীনতাসহ স্বজন করিয়াছেন । নিগ্রোদিগের নৃশংস দাসত্ব মহাপাপ অনুভব করিয়া অচিরে তাহাদের স্বাধীনতা সম্পাদনজন্ম বিশেষ চেষ্টা হয় । একজন মহিলার ধর্মপ্রাণসম্মত লেখনীতে কত বড় একটি মহাকাব্য সাধিত হইয়াছিল পাঠিকা তাহা চিন্তা করুন । দেখিবেন, জগতে মহিলারাই দেবভাব বিস্তার করিয়াছেন । তাঁহারা অশেষ কল্যাণের প্রস্থ । বঙ্গমহিলারা কি স্বীয় স্বীয় মহত্ব, গুরু দায়িত্ব বুঝিবেন ? "না জাগিলে ভারত ললনা এ ভারত আর জাগে না" অতএব ভগিনী জাগ । স্বীয় মহাব্রত সাধন কর । তোমরা বিধাতার দয়া প্রকৃতি স্বরূপা ।

### স্বর্গীয়া সারাদেবী ।

আজ কোথায় নবীন ! কোথায় কেশব ! কোথায় কৃষ্ণবিহারী ! ভক্তিরূপা জননী প্রাক্ক করিতে তাঁহারা কেই রহিলেন না । তিন জনেরই এবারকার ব্যক্তিত্ব অনন্তের ক্রোড়ে বিনীন হইয়া গিয়াছে, কিন্তু তাঁহাদের স্মৃতি এখনও মিটে নাই, কিছুদিন পরে মিটিবে, তবে কেশবের স্মৃতি মিটিবার নহে, তাহা কল্পান্ত পর্যন্ত কোথাও না কোথাও ফুটিয়া থাকিবে সন্দেহ নাই ।

আলেকজান্ডার, হানিবল, সিজার, নেপোলিয়ন প্রভৃতি যুদ্ধবিদ্যাশিখার অমিত পরাক্রম ব্যক্তিগণকেই সাধারণ লোকে মহাবীর বলিয়া সম্মান করিয়া থাকে, এবং তাঁহাদের গর্ভধারিণী মহিলাদিগকে বীরপ্রসবিনী নাম প্রদান করত ধন্যবাদ দেয় ; কিন্তু ধর্মবীর মহাপুরুষদিগের দেহ বাহাদের শরীরসম্মত সাধারণ লোকে তাঁহাদিগকে বড় একটা বুঝিতে পারে না । এই সকল দেবীগণ যে আমাদের কি পরিমাণে পূজণীয় তাহা হৃদয়ঙ্গম করা যে সে মানুষের কাজ নয় । পৃথিবীর অগ্রাশ্রয় রূপজন্মা ধর্ম্মাঙ্গাণের জননীদের বিষয়ে আমরা সম্যক্ অবগত নহি ; কিন্তু আমাদের দেশে বর্তমান সময়ে দয়ার সাগর বিদ্যাসাগরের ও পুণ্যশ্লোক কেশবচন্দ্রের প্রস্থতিব্রহ্মসম্মত অনেক কথা জানি । বিদ্যাসাগর মহাশয়ের মাতাকে আমাদের মধ্যে বাঁহারা দেখিয়াছেন তাঁহারা সকলেই একবাক্যে তাঁহার কোমল দর্শনচিন্তের ভূয়সী প্রশংসা করিয়া থাকেন ।

তাঁহার পরদুঃখকাতরতার যে কত কথা আমরা শুনিয়াছি তাহার সংখ্যা করা কঠিন, এক একটা উদাহরণ যেন এক একটা অমূল্য রত্ন ; তাঁহার সমস্ত জীবনটাই যেন পরের দুঃখ দূর করিবার চেষ্টাতেই অতিবাহিত হইয়াছে । মাতৃ-ভক্ত পুত্রও এ বিষয়ে তাঁহার বিশেষ সাহায্য করিয়াছেন সন্দেহ নাই । তিনি এক শ্রেণীর মহোচ্চ জীব ছিলেন ; আর কেশব-জননী যেন অমানুষিক সহিষ্ণুতা ও সেবা-পরায়ণতার দৃষ্টান্ত দ্বারা আমাদের উপদেশ দিবার জন্মই আবির্ভূত হইয়াছিলেন । সারাদেবীর জীবনটা যেন ক্রুশময় এবং সেই সকল ক্রুশ তিনি যেকরূপ অসাধারণ ভাবে বহন করিয়া গিয়াছেন তাহা জগতের রমণীমাত্রের আদর্শ হইয়া যাব-চ্ছন্দ্রদিবাকর বিরাজ করিবে । পুণ্যসলিলা ভাগীরথী যে দিন কেশবের চিতাভস্ম ভাসাইয়া আপনাকে ভাগ্যবতী মনে করিয়াছিলেন, কমল কুটীরের মধ্যস্থ্য অকালে অস্তমিত হইয়া যে দিন তথায় দিবসে আঁধার দেখা দিয়াছিল, আনন্দময়ী কলিকাতা নগরী যে দিন সহসা নিরানন্দে মুহমান হইয়াছিল, সমগ্র ভারত যে দিন মহাপুরুষের শোকে অভিভূত হইয়াছিল, পাঠক পাঠিকা ভাবিয়া দেখুন তাঁহার গর্ভধারিণীর পক্ষে সেই নিদারুণ দিবস কিরূপ ভীষণ মূর্ত্তি ধারণ করিয়াছিল, পরন্তু ওরূপ তমসাক্ষর দুর্দিনেও তিনি ভগবচ্চরণ হইতে বিচলিত হইয়া নাই, পাষাণে হৃদয় বাঁধিয়া বিধাতার মঙ্গলবিধানে বিশ্বাস রাখিয়া ইষ্টনাম জপ করিতে ক্রটি করেন নাই ।

একপ দশজন জননী যে জাতির মধ্যে এক সময়ে বর্তমান থাকেন সে জাতি হু হু করিয়া উন্নতির পথে অগ্রসর হয়। দুঃখের বিষয় আমাদের এই দুঃসময়ে একপ আর একজন খুজিয়া পাওয়া ভার হইয়াছে। শ্রীচৈতন্য মহাপ্রভুর মাতা সচীদেবীর কথা পুস্তকে পড়িয়াছি, আর তদনুরূপ সারদা দেবীকে সশরীরে দেখিয়া আমরা নয়ন মন তৃপ্ত করিয়া চরিতার্থ হইয়াছি।

আমার বিশ্বাস, নববিধান সমাজে যে মহিলা তাঁহার পবিত্র চরিত্রের দ্বারা আমাদের দিগকে উপদেশ দিয়াছেন ও দিতেছেন তিনিই সারদা দেবীকে আদর্শরূপে সম্মুখে রাখিয়া ভক্তি বিশ্বাস সেবার পথে অগ্রসর হইয়াছেন ও হইতেছেন। “এ ত কথার কথা নয় রে ও ভাই ভাবের কথা নয়, জীবনে দেখাতে হ'বে যুগান্ত প্রলয়।” শুধু লম্বা লম্বা বক্তৃতায় পেট ভরে না চোটপাটের লেখায় মন ভিজে না, কিন্তু একটা ত্যাগস্বীকার, ধৈর্য, দয়া, প্রেমের জীবন্ত উদাহরণ সম্মুখে দেখিলে পাষণ গলিয়া দ্রব হইয়া যায়।

এ জীবনে বহু পুরাতনবিধানী, নব বিধানী, নিত্য নূতনবিধানী কত রকমের ব্রাহ্ম ব্রাহ্মিকা দেখিলাম, ব্রাহ্ম পরিবার দেখিলাম, কিন্তু সরল বিবেকের তিলক, সরল বৈরাগ্যের ছাপা, সরল প্রেমের মালা অতি কম জায়গায় দেখা গেল, এ পোড়া চক্ষে খাঁটি জীব ঘটিল অল্প। মুখে যিনিই যা বলুন, কলমে যিনিই যা লিখুন কাজের বেলায় সবাই ছনিয়াদারীতেই মুগ্ধ; ধর্মের দলও সহরের বাজারের মত দোকান

দারীতে ভরা। নামজাদা ধর্মপ্রচারক, অথচ আসল কাজের কথাকে “আশপাশের কথা” বলিতে কুণ্ঠিত নন, টাকাকড়ির কথাই “প্রকৃত কথা” বলিতে দ্বিধা করেন না, অথচ বক্তৃতায় সংকীর্ণনে খুব মাতেন, এবং লোককে মাতাইতে প্রয়াস পাইয়া থাকেন। ছেলের বিয়ের বেলা বড় মানুষের মেয়ে খোঁজেন, দশটাকা আদায় করিবার আকাঙ্ক্ষা রাখেন, একপ ধর্মযাজক ব্রাহ্মসমাজেও বিরল নহে। আমাদের কোন আত্মীয়া যুবতী, নামলেখান দীক্ষিত নববিধানীর কথা স্পষ্টাক্ষরে এক সময় বলিয়াছিলেন, দরদ্রের কথার বিবাহ অসম্ভব, দু'চার হাজার টাকা না খরচ করিতে পারিলে কি কথাদায় হইতে উদ্ধার পাওয়া যায়?” হায়! হায়! ইহাই হইল ব্রাহ্মসমাজের পরিণাম। “দিতে পরিত্রাণ করুণানিধান ব্রাহ্মধর্ম করিলেন প্রেরণ” ষাঁহার গাইয়া গেলেন, তাঁহাদের দলের লোকের মুখে এখন প্রকাশ, অশ্রুত ধর্ম-সম্প্রদায়ের মত ব্রাহ্মসমাজও একটা সম্প্রদায় মাত্র, ব্রাহ্ম হইলেই যে সকলকে বিবেক বৈরাগ্য সাধন করিতে হইবে এমন কোন কথা নাই, ধর্মপ্রাণ ভাল হিন্দু ভাল, খৃষ্টান ভাল, মুসলমানের মত অল্প সংখ্যক ভাল ব্রাহ্মও থাকিবে, আবার ছনিয়াদার হিন্দু খৃষ্টানাদির মত অধিকাংশ ছনিয়াদার ব্রাহ্মও থাকিবে। তবে আর পৈতৃক ধর্ম ত্যাগ করিয়া ব্রাহ্মসমাজে আসিবার প্রয়োজন কি?

উক্তরূপ ক্ষেত্রে সারদা সুন্দরীর মত দেবোপম প্রকৃতি মহিলাকে যে ব্রাহ্মসমা-

জের একটা মূল্যবান রত্ন শতরাজার ধন একমাণিক বলিয়া চিরকাল পূজা করা কর্তব্য একথা বলা বাহুল্য। শুধু ব্রাহ্মদের কেন শুধু হিন্দুদের কেন, একপ মহাজীব সকল সম্প্রদায়েরই বন্দনীয়।

C. Sen.

### কল্যাণীয়া প্রসন্নতারা গুপ্ত ।

মহিলার কার্যা প্রায় শেষ হইয়াছে এমন সময় বিলাত হইতে ভারে এই শোকের সংবাদ পাওয়া গেল যে, আমাদের পরম স্নেহপাত্রী প্রসন্নতারা গুপ্ত (ইণ্ডিয়া কাউন্সিলের মেম্বর কে, জি গুপ্তের পত্নী) গত ৩১শে শ্রাবণ শনিবার প্রাতঃকালে হঠাৎ Heart fail হওয়ার প্রায় ৫৪ বৎসর বয়ঃক্রমে লণ্ডন নগরে প্রাণ ত্যাগ করিয়াছেন। স্বামী ইণ্ডিয়া কাউন্সিলের মেম্বরের পদে নিযুক্ত হইয়া গত মার্চ মাসে ইংলণ্ডে যাত্রা করিলে পর তিনিও তাঁহার সঙ্গিনী হইতে বাধা হইয়াছিলেন। প্রসন্নতারার সন্তানাদির বিয়োগ শোক কিছই প্রাপ্ত হন নাই। তাঁহার পাঁচ কন্যা তিন পুত্র বিদ্যমান। সমস্ত কন্যারই বিবাহ হইয়াছে, তাহাদেরও সন্তান হইয়াছে। জ্যেষ্ঠপুত্র শ্রীমান যতীন্দ্র চন্দ্র বিবাহিত তিনি কলিকাতা-হাইকোর্টের বারিষ্টারী পদে নিযুক্ত। দ্বিতীয় পুত্র শ্রীমান বীরেন্দ্র চন্দ্র আমেরিকা হইতে ইলেকট্রিক ইঞ্জিনিয়ারিং বিদ্যা শিক্ষা করিয়া ফিরিয়া আসিয়াছেন, কাশ্মীরের মহারাজের অধীনে বিশেষ কার্যে নিযুক্ত হইয়াছেন, সপ্তাহের

মধ্যে কাশ্মীরে যাত্রা করিবার জন্ত উদ্যত আছেন। কনিষ্ঠ পুত্র শ্রীমান শৈলেন্দ্র বিলাতে স্থিতি করিয়া বিদ্যাশিক্ষা করিতেছেন।

ঢাকা জিলার অন্তর্গত ছবধারা গ্রাম প্রসন্নতারার জন্মস্থান, তিনি বাল্যকালে ছবধারার অনতিদূরস্থ মাধবদি পল্লীতে মাতুলালয়ে বাস করিয়া তথাকার বালিকা-বিদ্যালয়ে সামান্য লেখাপড়া শিক্ষা করিয়াছিলেন। প্রেমাস্পদ শ্রীমান কৃষ্ণগোবিন্দ গুপ্ত (কে, জি গুপ্ত) তাঁহাকে বাল্যবস্থায় বিবাহ করেন, প্রসন্নতারা তাঁহার তিন বৎসরের বয়ঃকনিষ্ঠ ছিলেন। তিনি ক্রিয়ৎকাল পরেই সিভিলসার্কিসের পরীক্ষা দিবার জন্ত তাঁহার স্বর্গগত পিতা কালী নারায়ণ গুপ্ত মহাশয়ের কর্তৃক ইংলণ্ডে প্রেরিত হন। নূনাধিক ৭বৎসর তাঁহাকে ইংলণ্ডে বাস করিতে হইয়াছিল। এট কয়েক বৎসর প্রসন্নতারা ভাটপাড়া পল্লীতে শিশুবেলায় অস্তঃপুরস্থা বধুরূপে শশুর শাশুড়ীর আশ্রয়ে স্থিতি করিয়াছিলেন। তখন এই গুপ্তপরিবার হিন্দুসমাজভুক্ত ছিলেন, পরে ব্রাহ্মসমাজভুক্ত হন।

ক্রিয়ৎকাল হইল স্নেহের প্রসন্নতারা নারী-জাতির সুপাঠ্য ও বিশেষ শিক্ষাপ্রদ “পারিবারিক জীবন” নামক পুস্তক রচনা করিয়া খ্যাতি লাভ করিয়াছেন। একসময় মহিলাতে সেই পুস্তকের উৎকৃষ্ট সমালোচনা হইয়াছে। প্রসন্নতারা অতিশয় শ্রমশীলা সুগৃহিণী ছিলেন। গৃহকর্মাদিতে তাঁহার বিশেষ নৈপুণ্য ছিল। বিস্তীর্ণ সংসারের কোন বিষয়ে গৃহকর্তাকে ভাবিতে হয় নাই,

বলিয়া দিতে হয় নাই। গৃহকর্তী সত্ত্বর হইয়া সমস্ত কার্য সুসম্পাদন করিয়াছেন। ভাণ্ডারের চাবি নিজ-হস্তে রাখিতেন, সকল দিকে তাঁহার তীক্ষ্ণ দৃষ্টি ছিল; তিনি বাজার ধরচের হিদাব কড়াগুণায় বুঝিয়া লইতেন। চতুর চাকর চাকরানীও তাঁহার চক্ষে ধূলা দিয়া কিছু চুরী করিতে স্মরণ পাইত না।

দেবী প্রসন্নতারা রীতিপূর্বক উদ্ভিদ বিদ্যা শিক্ষা করেন নাই। কিন্তু তিনি সে বিষয়ে অশ্রুচর্য্য রূপে স্বাভাবিক জ্ঞান লাভ করিয়াছিলেন। একপ সুরুচি ও সুপ্রাণালীমতে পুষ্পাদ্যানাদি প্রস্তুত করিয়া বাসভবনাদি অমর ভবন তুল্য করিতেন যে, যিনি দেখিতেন তিনিই স্থির-নেত্রে পুলকিত অন্তরে তৎপ্রতি তাকাইয়া থাকিতেন। তিনি উন্নিৎ রুমকে একপ সুরুচিপূর্বক সাজাইতেন যে, অত্র কোন গৃহিনী সেরূপ সাজাইতে পারেন কি না সন্দেহ। প্রসন্নতারার সৌন্দর্য্যানুভব শক্তি অতিশয় তীক্ষ্ণ ছিল। বাণীগঞ্জস্থ সুসজ্জিত বৃহৎ অট্টালিকা সম্পূর্ণ তাঁহার planএ প্রস্তুত হইয়াছে।

প্রসন্নতারা আশুক্র কি জানিতেন না, বৃথা গল্প করিয়া কখনও সময় নষ্ট করিতেন না। ইদানীং তাহার শরীর সুস্থ ছিল না, তিনি বাতের বেদনা ও বহুমূত্র রোগে ক্লেশ পাইতেছিলেন। কিন্তু তাহাতে সংসারের কাজ কর্মকে উপেক্ষা করিয়া শয্যা-শায়িনী হইয়া থাকিতেন না।

কে, জি, গুপ্ত উড়িয়া ডিভিসনের কমিশনারের পদে নিযুক্ত হইয়া উড়িয়া-

প্রদেশের প্রধান নগর কটকে কয়েক বৎসর স্থিতি করিয়াছিলেন। তখন প্রসন্ন-তারা সেই নগরের মহিলাদিগের মধ্যে জ্ঞানোন্নতি এবং ভগ্নীভাব বিস্তারের জন্ত মহিলা-সমিতি স্থাপন করিয়াছিলেন। সেই মহিলা-সমিতি দ্বারা তত্রত্য নারী-সমাজে বিশেষ কল্যাণ হইতেছিল। সমিতিতে পঠিত অনেক গুলি উৎকৃষ্ট প্রবন্ধ প্রসন্ন-তারা হইতে প্রাপ্ত হইয়া ক্রমশঃ মহিলাতে প্রকাশ করা গিয়াছে। সমিতির সভ্য-দিগের মধ্যে কাহারও রোগ শোক আপদ-বিপদ ঘটিলে তিনি যত কেন দীন দরিদ্র-হীনাবস্থাপন্ন হউন না, প্রসন্নতারার হৃদ-য়ের সহানুভূতি লাভে বঞ্চিত হন নাই। প্রসন্নতারা তাঁহার বাড়ীতে ফাইয়া তাঁহার সেবা শুক্রমা পর্যন্ত করিয়াছেন। মহামাত্র কমিশনারের পত্নীর একপ অমায়িক সদয় ব্যবহারে সকলেই অত্যন্ত প্রীত হইয়াছে। আমরা সময়ে সময়ে সমিতির কার্যকলাপ দেখিয়া অতিশয় আনন্দলাভ করিয়াছি। উড়িয়া, বাঙ্গালী, ব্রাহ্ম ও হিন্দু সকল শ্রেণীর মহিলাই উক্ত সমিতির সভ্য ছিলেন। উৎকল-কল্যাণী রোবারায় তাহার সম্পা-দিকা রূপে কার্য্য করিয়াছেন। সঙ্গীত ও প্রার্থনার পর সভার কার্য্য আরম্ভ হইত। প্রসন্নতারা কটক নগর পরিত্যাগ করিয়া আসিলে পর সমিতি হীনাবস্থাপন্ন হইয়া পড়ে। এখন তাহার অস্তিত্ব আছে কি না সন্দেহ।

কল্যাণীয়া প্রসন্নতারা স্বদেশ ও পুত্র কল্যাণ স্বজনদিগকে ছাড়িয়া দীর্ঘ-কালের জন্ত বিলাত ফাইয়া মনের অন্তর্থে

ছিলেন, দেশে আসিবার জন্ত ব্যাকুল হইয়াছিলেন, এক্ষণ বিধাতার আহ্বানে তাঁহাকে প্রকৃত স্বদেশে চলিয়া যাইতে হইয়াছে। আমরা তাঁহাকে পৃথিবীতে হারাইয়া ক্ষতিগ্রস্ত হইয়াছি। মঙ্গলময়ের রূপায় উন্নতলোকে তাঁহার আত্মা সমধিক উন্নতি লাভ করুক, তিনি চিরশান্তি ভোগ করুন। তাঁহার শোক সম্বন্ধে একহৃদয় প্রিয়তম স্বামী ও স্নেহের পুত্র কল্যাণ তাঁহার সঙ্গে প্রাণের যোগ স্থাপন করিয়া উপস্থিত দুঃখ ক্লেশ হইতে মুক্ত হউন। সকলের মনে ঈশ্বরের মঙ্গল ইচ্ছা এবং পর-লোকের প্রতি বিশ্বাস দৃঢ়তর হউক। যিনি দিয়াছিলেন তিনিই লইয়া গিয়াছেন। এ বিষয়ে কাহারও কিছু করিবার নাই। এইরূপ আকস্মিক মৃত্যু ঘটনাতে বিধাতার এই ইঙ্গিত বুঝিতে হইবে, “তোমরাও পর-লোকের জন্ত প্রস্তুত থাক। সাংসারিক আমোদ প্রমোদ ও মোহমায়ার মুগ্ধ না থাকিয়া ভগবানের শরণাপন্ন হইয়া পরলোক সাধন কর। মৃত্যু চক্ষুর পলকে সমুদায় কাড়িয়া লইবে।” প্রার্থনা ও উপাসনা-যোগে অমরলোকে সেই অশরীরী দিব্যা-আত্মাকে পরম জননীর পদপ্রান্তে এক্ষণ দর্শন করিতে হইবে।

মহিলাদিগের রচনা ।

পার্কত্য প্রদেশ ।

প্রকৃতির শোভাশ্লে আসিয়া এ হিমাচলে, মানসে কতই মম হয় ভাবোদয় ; দেবী তব কৃপা বিনা, কি লিখিবে এই হীনা আসি কত নব ভাব হয় পুন লয় ।

তব বর পুত্র কল্যাণ জগতে আসিয়া ধরা মথিয়া কবিত্ব সিন্ধু তোমার উপহারে, কিন্তু দেবী বীণাপানি সে তোমারি কৃপা জানি ইচ্ছা হয় পূজি তোমা নানা উপচারে। ধরণী-শোভা ভাণ্ডার প্রকৃতির লীলাগার বর্ণিতে ক্ষমতা কোথা সকল বর্ণনে ? আসিয়া পার্কত্য দেশ দেখিছ শোভা অশেষ রসনা অবশ মোর বচন রচনে। নীল গগনের তলে মরি কি শোভা উজলে লাল নীল হরিতের কি শোভা বিস্তার, মেঘের উপরে মেঘ মেঘেতে বিজলী বেগ ক্ষণ পরে চাহি পুন দেখি অত্র ধার। অদূরে অচল পারে রবি উঠে ধীরে ধীরে স্ববর্ণ কিরণ ঢালি ধরণীর মাঝে, রাঙ্গা ছবি স্বর্ণকর মোহ মুগ্ধ চিত্রকর ভাবে ভুলে ভাবে মন সেই বিশ্বরাজ। কোন দিকে চাহি ফিরে বহিছে সুধীর ধীরে সতলজ স্বর্ঘ্যকর ধরি লয়ে বুকে কি সুন্দর বক্রগতি চলেছে অনন্তমতি ধুইয়া অচল পদ তরঙ্গতে সুখে। যেন বা ভীরক রাশি চূর্ণ হয়ে পড়ে আসি ক্ষুদ্র বরণার মাঝে বঝর রবে, শ্রবণে পশিলে পরে সে শব্দে সুধা ঝরে মোহিত পরাণ হয় তাহার সুরবে। মম মনে লয় হেন পর্কতের শিশু যেন আনন্দে খেলিছে সুখে ছুটাছুটি করি, জলস্রোতে যায় ভেসে উপলের খণ্ড শেষে ধরিবারে ধায় যেন রজতের বারি। হেরি শোভা অবিদ্রাষ্ট মানস হয়েছে ক্লাস্ত সে অপূর্ব সৌন্দর্য্যের এককণাটুক, বর্ণিবারে ক্ষমতার থাকিত যদি আমার গুনাইয়া সবাকারে পাইতাম সুখ।

হে অচল উচ্চশির তোমার বিরাট ধীর  
মহাকায় হেরি মনে কত ভাব আসে  
যখন মেঘের মাঝে ডুবে থাক কিবা সাজে  
লুপ্ত ও বিশালকায় শুধু মেঘ ভাসে ।  
গগনে নীরদরাশি তব সাথে মেশামিশি  
নানা বরণের মেঘে হয় কিবা শোভা  
হেরিয়া হতেছি ধন্ত ধন্ত দেব তুমি ধন্ত  
সাজিয়েছ এই বিশ্ব করি মনোলোভা  
ভক্তি-রসে হয়ে প্লুত ও চরণে হই নত  
বার বার প্রণতি হে করহ গ্রহণ  
সৌন্দর্য্য কুৎসিত সব সকলই অভিনব  
তোমার সৃষ্টির প্রভু মহা নিদর্শন ।  
শ্রীমতী সাবিত্রীবালা  
কসৌলী ।

পুনঃ সংসারে ।

( আত্ম সমর্পণ )

সংসার-বন্ধন, ছিড়িল যখন,  
তখন ভাবিলু হায় ।  
প্রমুক্ত আকাশে, বিমুক্ত বাতাসে,  
খুঁজিয়া বেড়াব তাঁয় ॥  
খুঁজিয়া খুঁজিয়া, আনিব ধরিয়া,  
হৃদয় বাঁহায়ে চায় ।  
খুলি হৃদি দ্বার, ডেকে বার বার,  
পরাণ সঁপিব পায় ॥  
ভক্তিডোর দিয়া, তাঁহারে বাঁধিয়া,  
রাখিব যতন করে ।  
নয়নেতে রাখি, প্রাণভরে দেখি,  
হৃদয়ে রাখিব পরে ॥  
হৃদয়-আসনে, বসিয়ে যতনে,  
করিব তাঁর সাধনা ।

মুখ নিরখিব, জীবন জুড়াব,  
যাবে যতেক যাতনা ॥  
ভক্তি পুষ্পতুলি, অঞ্জলি অঞ্জলি,  
তাঁহার চরণে দিব ।  
অসার ভাবনা, কিছু রহিবে না,  
সকলি তাঁরে সঁপিব ॥  
বন্ধন ছিঁড়িল, বিমানে উড়িল,  
আমার পরাণ পাখী ।  
সংসার ত্যজিয়া, সকল ফেলিয়া,  
কোনই আশা না রাখি ॥  
ধ্যান যোগে বসি, হেরি রূপরাশি,  
সুখেতে হইব ভোর ।  
কেন পুনঃ ফেরে, ফেলিলে আমারে,  
ভাবিয়া না পাই ওর ॥  
কেন হাতে ধরে, স্নেহের নিগড়ে,  
আমারে বাঁধিলে তুমি ।  
যাহা ইচ্ছা হয়, কর ইচ্ছাময়,  
সকলি সহিব আমি ॥  
কাকিনিয়া । শ্রীমতী মো ।

সংবাদ ।

প্রাতঃস্মরণীয় স্বর্গীয় ঈশ্বরচন্দ্র বিদ্যা-  
সাগর মহাশয় বালবিধবাদের পুনর্বার দার-  
পরিগ্রহপ্রচলনে বহু চেষ্টা যত্ন এবং অর্থ  
ব্যয় করিয়াছিলেন । উদার ব্রিটিশরাজ  
এই শুভানুষ্ঠানের প্রচলনপক্ষে আইন বিধি-  
বন্ধ করিয়াছেন । কিন্তু বঙ্গদেশের সংস্কার-  
বিমুখতা এতদিন বড়ই প্রবল হইয়াছিল ।  
সুখের বিষয় হাইকোর্টের জজ মাননীয়  
আণ্ডতোষ মুখোপাধ্যায় স্বীয় বিধবা কন্যার  
পুনঃপরিণয় দান দ্বারা সংসাহস প্রদর্শন

করিলে ক্রমে দুই একটি করিয়া বিধবা  
বিবাহ প্রচলন হইতেছে । আমরা শুনিয়া  
সুখা হইলাম যে, নারায়ণগঞ্জের ভূতপূর্ব  
উকীল স্বর্গীয় বাবু অদ্বৈত ধরের বিধবা  
পৌত্রী বাবু মহেন্দ্র নাথ ধর নামক সমৃদ্ধি-  
শালী ব্যবসায়ীর পুত্রী শ্রীমতী মৃগালিনীর  
সহিত কলিকাতা বরাহনগরনিবাসী স্বর্গীয়  
মহেন্দ্রনাথ দে সরকারের পুত্র শ্রীযুক্ত বাবু  
বিজয়কৃষ্ণ দে সরকারের শুভ পরিণয় ঢাকা  
নগরে গত ২০শে জুলাই সোমবার হিন্দু-  
ধর্ম্মানুসারে মহাসমারোহে সম্পন্ন হইয়াছে ।  
মহেশর্দি এবং সোণারগাঁয়ের বহু গণ্যমান্ত  
লোক বিবাহে যোগ দিয়াছিলেন । ঢাকার  
প্রসিদ্ধ উকীল বাবু আনন্দচন্দ্র রায় পত্র  
দ্বারা সহানুভূতি প্রকাশ করিয়াছেন ।  
বিজয় বাবুর এই সদনুষ্ঠানে জ্ঞাতি কুটুম্বগণ  
প্রীতি ও সহানুভূতি প্রকাশ করা দূরে  
থাকুক, তাঁহাকে পরিত্যাগ করিয়াছেন ।  
কিন্তু বিজয় বাবুর সংসাহস আছে, তাঁহার  
শ্রায় সদাশয় যুবা পুরুষ এই রূপ অশি-  
ক্ষিত এবং অর্দ্ধবর্ষরোচিত ব্যবহারকে  
ঘৃণার চক্ষে দর্শন করেন । তাঁহার চরিত্র  
উচ্চ বলিয়া আমরা মনে করি । বিজয়বাবু  
বিপত্রীক, বয়স ২৫।২৬ বৎসর, পূর্বপক্ষের  
প্রায় দেড় বৎসর বয়স্ক একটি পুত্রসন্তান  
আছে । ভগবান্ এই নব দম্পতীকে  
আশীর্বাদ করুন ।

মিসেস্ রিচার্ড কিং নামে এক জন  
সমৃদ্ধিশালী কৃষিব্যবসায়িনী রমণী আছেন ।  
তাঁহার অধীনে এবং কৃষিসংস্থ ভূমি প্রায়  
ইংলণ্ডের শ্রায় বিস্তৃত হইবে । দুই লক্ষ  
গো মহিষ প্রভৃতি পশু কৃষি জন্তু নিযুক্ত

আছে ও মেঘ ভেড়া সংখ্যাতে । গো  
রক্ষক ৩০০ জন । সুসভ্য দেশে রমণীদের  
কত উন্নতি । ফলতঃ স্বাধীনভাবে আত্মো-  
ন্নতির পথ না ধরিলে কাহারও প্রকৃত  
উন্নতি হয় না ।

বিগত ২৭শে শ্রাবণ দুইটি ইয়ুয়োপীয়  
মহিলার হত্যাপরাধে মজফ্ফরপুর নগরে  
নবযুবক ক্ষুদিরামের ফাঁসি হইয়া গিয়াছে ।  
প্রাণদণ্ড হইতে অব্যাহতি পাইবার জন্ত  
ছোটলাট ও বড়লাটসাহেবের নিকটে দয়া  
ভিক্ষা করা হইয়াছিল । তাহাতে কোন  
ফল হয় নাই । শ্রুত হইল ক্ষুদিরাম বা  
তাঁহার সহচর ঢাকার মাজিষ্ট্রেট এলেন  
সাহেবকে গুলি করিয়াছিল ।

পুনানিবাসী খ্যাতনামা শ্রীযুক্ত বাল  
গঙ্গাধর তিলক মহারাষ্ট্রীয় ভাষায় কেশরী-  
নামক স্বীয় পত্রিকায় রাজবিদ্রোহসূচক  
কয়েকটি প্রবন্ধ লিখার অপরাধে বন্ডে হাই-  
কোর্টের বিচারপতির বিচারে ৬ বৎসরের  
জন্ত দ্বিপান্তর কারাবাস এবং এক হাজার  
টাকা অর্থদণ্ডে দণ্ডিত হইয়াছেন । গুরুতর  
দণ্ড হইয়াছে ! কয়েক বৎসর পূর্বে তিনি  
এইরূপ অপরাধে দেড় বৎসর কারাদণ্ড  
ভোগ করিয়াছিলেন । দুই বৎসর পূর্বে  
তিলক একবার কলিকাতায় আসিয়াছিলেন,  
এখানকার স্বদেশী দলের হাজার হাজার  
লোক দলবদ্ধ হইয়া রাজোচিত মহাঘটা  
করিয়া তাঁহার অভ্যর্থনা করিয়াছিলেন ।  
তিনি এখানে মহা সমারোহসহকারে  
শিবাজী উৎসব ও ভবানী-মূর্তির পূজা  
করিয়াছিলেন । তাঁহার সম্মানের জন্ত  
অনেক সভা সমিতি হইয়াছিল ।

হ্যারিদন রোডের বোমার মোকদ্দমায় ছয় জন আশাশীল মধ্য ৩ জনের প্রতি ৭ বৎসরের জন্ত কারাবাসের আদেশ হইয়াছে, তিন জন মুক্তিলাভ করিয়াছে। আলিপুরের বোমার মোকদ্দমায় ২৫৩০ জন আশাশীল বিচারাধীন আছে, হাজত ভোগ করিতেছে। ইহার পরও বোমার ব্যাপার অনেক হইয়া গিয়াছে, কুষ্টিয়াতে একটি পাদ্রী সাহেবকে গুলি করা হইয়াছে, অপরাধী এফণও ধরা পড়ে নাই। ইতিপূর্বে গভর্নমেন্ট রাজবিদ্রোহিতাহচক গুরুতর কথা সকলও উপেক্ষা করিয়াছেন এফণ ভীষণ হত্যাকাণ্ড ও বোমার ব্যাপারে রাজপুরুষগণ অত্যন্ত উত্তেজিত হইয়াছেন, সামান্য অপরাধেও কঠিন শাস্তি বিধান করিতেছেন। কাহারও বিরুদ্ধে প্রমাণ পাইলে আর রক্ষা নাই। অনেকগুলি বক্তা ও পত্রিকাসম্পাদক কারারুদ্ধ হইয়াছেন। এই জন্ত আমরা পূর্বে হইতে মহিলাদিগকে সাবধান করিয়া আসিয়াছি, এই সকল কুৎসিত রাজনৈতিক আন্দোলনের সংশ্রবে যেন তাঁহারা না থাকেন, এ বিষয়ে কাহারও অনুরোধ উপরোধ গ্রাহ্য না করেন। অপর কিছু না হইলেও কোর্টে সাক্ষ্য দান করিতে যাইয়া তাঁহাদিগকে নানাপ্রকারে অপমানিত ও লাঞ্চিত হওয়া আশ্চর্য্য নহে।

বিগত ৭ই আগষ্ট বর্জনোৎসবের দিন এফণ হইতে সংঘম অবলম্বন করা হইবে স্বদেশী নেতৃগণ বক্তৃতায় এরূপ ভাব ব্যক্ত করিয়াছেন। তাঁহারা পূর্বে হইতে সংঘত ও সাবধান হইয়া চলিলে দেশে এত বিপদ

বিভ্রাট ঘটত না। যে দিন দেখিব বর্জনোৎসবের পরিবর্তে নগরে নগরে গ্রামে গ্রামে আনন্দে গ্রহণোৎসব হইতেছে, সেই দিন ভাবিব বঙ্গদেশের শুভদিন, বাঙ্গালীর ব্যক্তিগত ও জাতিগত প্রকৃত উন্নতি ও কল্যাণের দিন সমুপস্থিত।

প্রসিদ্ধ সাহিত্যসেবক বাবু রবীন্দ্র নাথ ঠাকুর মহাশয় গত আষাঢ় ও শ্রাবণ মাসের প্রবাসী পত্রিকায় “সমস্কা” ও “সুপায়” শীর্ষক দুইটি প্রবন্ধ লিখিয়াছেন। তাহাতে তিনি বর্তমান আন্দোলনের ঘেষ হিংসা বিচ্ছেদ বর্জনাদির বিরুদ্ধে তীব্রভাবে লেখনী চালনা করিয়াছেন। রবিবাবু এরূপ বলিয়াছেন যে, অশ্রায় ও অধর্ম দ্বারা কোন দেশের কোন জাতির কল্যাণ হয় না। শ্রায়, ধর্ম, সন্তাব ও শ্রীতি দ্বারাই কল্যাণ হইয়া থাকে। ব্যক্তিগত ও জাতিগত কল্যাণ ধর্মের উপর নির্ভর করে। তিনি স্বদেশী ভগ্নিয়ারদিগের পরসেবার প্রশংসা করিয়াছেন। রবিবাবু এরূপ প্রবন্ধ লিখিয়া নিজ মহত্বের পরিচয় দান করিয়াছেন।

বিগত আষাঢ় মাসে মহিলার ত্রয়োদশ বর্ষ পূর্ণ হইয়াছে। এফণও অধিকাংশ গ্রাহক ও গ্রাহিকার নিকট হইতে সেই বৎসরের মূল্য পাওয়া যায় নাই। ছুঃখের বিষয় যে, আমরা পুনঃ পুনঃ তাগিদপত্র লিখিয়াও তাঁহাদের অনেকের দয়া আকর্ষণ করিতে পারিতেছি না। অনেক পরিশ্রম ও অর্থব্যয় করিয়া আমরা আমাদের দেশীয় ভগ্নীগণের সেবার জন্ত জীবন উৎসর্গ করিয়াছি, সহৃদয় ভগ্নীগণ আমাদের ছুঃখে সহানুভূতি করেন এই আমাদের একান্ত বাসনা।

## ভিক্টোরিয়া মহিলাবিদ্যালয়।

মিলিন্দ প্রশ্ন।\*

গতবারে মিলিন্দ প্রশ্ন পড়েছিলাম, এবারও পড়ার ইচ্ছা আছে। প্রশ্নে এই শিক্ষা দেয় যে, বুদ্ধিধর্ম যে শিক্ষা প্রবেশ প্রয়োজন নাই। এবং তার সঙ্গে জ্ঞান প্রেমের সম্বন্ধ, সেইটে বই থেকে দেখতে পাই। প্রত্যেক ধর্ম পরিষ্কার জ্ঞান প্রেম, উচ্চতম আদর্শপূর্ণ, আমরা শিক্ষা পাই। জ্ঞান না থাকিলে ধর্মসাধন হতে পারে না। নিঃস্বার্থ প্রেম বুদ্ধিধর্ম শিক্ষা দিয়াছেন, কেমন জ্ঞান ও প্রেম প্রয়োজন, তাই দেখাব। রাজা প্রশ্ন করিতেছেন —

রাজা। যাহারা জেনে শুনে পাপ করে তাদের পাপ বেশী কিম্বা যাহারা না জেনে শুনে পাপ করে তাদের পাপ বেশী?

নাগসেন। যিনি না জেনে পাপ করেন, তাঁর পাপ বেশী, যিনি জেনে করেন তাঁর পাপ বেশী নয়।

রাজা। তাই যদি সত্য হয়, না জেনে যদি পাপ করে, রাজার নিকট তবে দ্বিগুণ হওয়া উচিত। সে কিরূপ বুঝিয়ে দাও।

নাগসেন। যদি গরম লোহা থাকে, কাহারও যদি জেনে ধরতে হয়, যে ধরে তার হাত বেশী পুড়বে, কি যে না জেনে ধরবে তার হাত বেশী পুড়বে?

রাজা। যে না জেনে ধরবে তার হাত বেশী পুড়বে।

নাগসেন। যে জেনে অশ্রায় করে, তার পক্ষে সেইরূপ। এই যে শিক্ষা এই কথাই অর্থ মনের ভিতর বুঝা সহজ নয়, সক্রেটিসেরও সেইরূপ। সমস্ত ধর্ম পুণ্য, প্রেম পবিত্রতার নাম জ্ঞান, এবং সমস্ত পাপ অশ্রায়ের নাম অজ্ঞান। একজন জ্ঞানী লোক আপনার একজন লোককে ঘৃণা থেকে বিদ্রোহ থেকে, যখন অপকার করবে মনে করে, তখন বুঝে করে, যে অজ্ঞানী সে হরত মঙ্গল করবে মনে করে অপকার করে ফেলে। যে জানেনা সে কি করে উপকার করবে মনে করে তার সর্বনাশ করে। অজ্ঞান কত ভয়ানক জিনিষ। কোনটা থেকে নিষ্কৃতি পাওয়া সহজ, যে বুঝতে পারে, সে ঠিক জেনে করবে। যার ভিতরে অন্ধকার আছে, সেটাকে তাড়িয়ে দেওয়া শক্ত। যেমন আমরা ধর্ম জগতের ইতিহাসে ক্রাইষ্টের জীবনীতে দেখেছি, তাঁর শিষ্যদের মধ্যে জুভাসকে ভাল বাসিতেন। কিন্তু তিনিই ক্রাইষ্টকে শত্রুর হাতে দিয়ে ছিলেন। অনেকে বলেন তিনি টাকার লোভে দিয়েছিলেন। অনেকের আর একটা ধারণা ছিল, ঈশার যেরূপ সম্ভ্রম খুব ছিল, তিনি যদি বিপদে পড়েন, তাঁহাকে বাঁচাতে দেবদূতেরা আসিবেন। তিনি ইহুদীদিগের রাজা হয়ে তোমাদিগকে স্বাধীন করিবেন। তিনি সমস্ত শত্রুদিগের হাত

\* ৬ই আগষ্ট ১৯০৮ তারিখে অধ্যাপক শ্রীযুক্ত বিনয়েন্দ্রনাথ সেন বে বক্তৃত্য দান করিয়াছিলেন কলকাতা।

থেকে বাঁচবেন। তিনি ইহুদীদিগের রাজা প্রচার করলেন, কেন তিনি আপনাকে গোপন করে রেখেছেন। শত্রুদিগের হাতে পড়লে স্বর্গ হতে দূতেরা আসবেন। সেইটুকু ঠিক পরিষ্কার হবে। ঈশাকে ভালবাসেন বলে, জুভাস তাঁহাকে এই অবস্থায় ফেললেন। শেষে যখন দেখলেন যে স্বর্গ হতে দূতেরা এসে উদ্ধার করিলেন না, ঈশা রাজাও হলেন না, তখন জুভাসের ভয়ানক হুঃখ হল। তার ভিতরে অজ্ঞানতা ছিল। তিনি কি ভাবে পরিত্রাণ দিতে এসেছেন, বুঝতে পারেন নি। তিনি পৃথিবীর রাজার মত ঈশাকে মনে করেছিলেন, অজ্ঞানতা থেকে যা করা হয় বেশী দোষ। তাহলে জ্ঞানের প্রয়োজনীয়তা দেখতে পাচ্ছি। সেটা না হলে কিছু হয় না। জ্ঞানের অঙ্গ কি তাহা থেকে নির্ধারণ কি করে হয়। জ্ঞানের পাঁচটি অংশ। বিশ্বাস, অধ্যবসায়, মনঃসংযোগ, চিত্তসমাধান, জ্ঞান। নির্মূল জ্ঞান যা পাঁচটি। রাজা প্রশ্ন করিতেছেন।—

রাজা। বিশ্বাসের লক্ষণ কি ?

নাগসেন। বিশ্বাসের লক্ষণ দুইটি, স্থিরতা এবং শাস্তি। যে নদীর জল ঘোলা হয়ে থাকে, তাকে পরিষ্কার করা হয়, সেইরূপ বাসনা গুলিকে, বিশ্বাস যখন স্পর্শ করে, তখন নীচে পড়ে। দ্বিতীয় উচ্চ আকাজক্ষা জ্ঞানের দ্বিতীয় অবস্থা অধ্যবসায়।

রাজা। অধ্যবসায়ের লক্ষণ কি ?

নাগসেন। অধ্যবসায়ের লক্ষণ আশ্রয় দিয়ে রাখা। সমস্ত ভাল গুণকে আশ্রয় দিয়ে রাখা।

রাজা। ভাল করে বুঝিয়ে দাও।

নাগসেন। যখন পড়ে যাচ্ছে কিছু আশ্রয় দিয়ে আটকে রাখে, অধ্যবসায় সেইরূপ ভাল গুণকে আশ্রয় দিয়ে রেখে দেয়। কোন রাজা যুদ্ধে গেলে বড় সৈন্যদল যদি ছোট সৈন্যদলকে পরাজিত করেন। আর এর মধ্যে যদি আর সৈন্য এসে যোগ দেয়, তারা ছোট হলেও পরাজিত করেন। ভাল গুণ অর্থাৎ ধৈর্য, ক্ষমা ইত্যাদি, সংসার এদের বিরুদ্ধে সংগ্রাম করবে, অধ্যবসায় আশ্রয় দিয়ে রাখে তাদের যেতে দেয় না। অধ্যবসায়ের এই গুণ যে অল্প সমস্ত গুণকে আশ্রয় দিয়ে রেখে দিচ্ছে। যেখানে অধ্যবসায়ের অভাব আছে, একবার পরাজিত হলে আর দাঁড়াতে পারে না। যতবার ভেঙ্গে পড়তে, ততবার প্রথম বিশ্বাস দ্বিতীয় অধ্যবসায় ভাল গুণকে আশ্রয় দিয়ে রাখতে।

তৃতীয় মনঃসংযোগ।

রাজা। মনঃসংযোগের লক্ষণ কি ?

নাগসেন। বার বার একটা জিনিষের আলোচনা।

রাজা। পুনঃ পুনঃ আলোচনা কি রকম হল ?

নাগসেন। যখন মনঃসংযোগ থাকে, ভাল মন্দ স্থায়ী অস্থায়ী সর্বদা আলোচনা করেন।

রাজা। উদাহরণ দাও।

নাগসেন। মনঃসংযোগ হচ্ছে, যেকোন কোন রাজার কোষাধ্যক্ষ, রাজাকে বার বার বলে রাখতে, এতগুলি অশ্ব, এতগুলি হস্তী, এতগুলি পদাতিক আছে, ভুলে না যান। সেই বিষয়কে বার বার মনে করিয়ে দেওয়া মনঃসংযোগ।

জ্ঞানের চতুর্থ চিত্ত সমাধান।

রাজা। চিত্তসমাধানের লক্ষণ কি ?

নাগসেন। সকলের নেতা, সকলের উত্তম, সদৃশ, সকলের প্রধান হচ্ছে চিত্তসমাধান। পরিতের মতন। পরিতের গায়ে আছে। এমন একটা বাড়ী যার ছইদিক নীচু, সমুদায় কড়ি বরগাগুলি মালের উপরে এক জায়গায় জমেছে সেইরূপ সমস্ত গুণ গুলি চিত্তসমাধানে মিলেছে।

রাজা। ... ..

নাগসেন। যুদ্ধের ভিতর সৈন্যদলের মধ্যে, রাজা যেমন দলপতি, নেতা হয়ে থাকেন। তেমনি, তাই জন্ম বুদ্ধ বলেছিলেন চিত্তসমাধান অত্যাস কর। সমস্ত জ্ঞান পরিষ্কার হয়ে যাবে। তারপর জ্ঞান।

রাজা। জ্ঞানের লক্ষণ কি ?

নাগসেন। জ্ঞানের একটা লক্ষণ কেটে ফেলা। তর্ক আলোচনা করে কেটে ফেলা। যেমন চাষা ধান গাছের হাতের মুঠোর মধ্যে ধরে, অল্প হস্তে কেটে ফেলে। জ্ঞানের আর একটা লক্ষণ আলোক।

রাজা। আলোক কি করে হল ?

নাগসেন। জ্ঞান সমস্ত অজ্ঞানতাকে দূর করে আলোক প্রকাশ করে। জ্ঞান দ্বারা মহৎ উচ্চ সত্য পরিষ্কার হয়। জগতের যা কিছু অনিত্য, যা কিছু হুঃখ পরিষ্কার করে দেয়।

মানুষের মধ্যে এমন কেহ নাই, যার আত্মা নাই, সেই সমস্ত ... ..

রাজা। সেই সমস্ত এক ফল প্রসব করে ?

নাগসেন। হ্যাঁ, এক ফল প্রসব করে, এই জ্ঞান থেকে নির্বাণ হয়।

রাজার মনে সন্দেহ, সমস্ত এসেছিল, বৌদ্ধধর্ম পরম্পর বিরুদ্ধ শিক্ষা দিয়াছেন। সেইগুলি মীমাংসা দ্বারা ... ..

রাজা। বুদ্ধদেবের শিষ্যদিগের মধ্যে দেবদত্ত একজন সংঘ ছিলেন। কেন দেবদত্তকে নিয়ে ছিল ?

নাগসেন। এই যে সাতজন, যার ভিতরে দেবদত্ত একজন ছিলেন। বুদ্ধদেব শিষ্য রূপে গ্রহণ করে ছিলেন। সংঘেতে প্রবেশ করার পর বিরোধী হন, উচ্চ অভিলাষ থেকে বিরোধী হন।

রাজা। বুদ্ধদেব তাঁর বিরুদ্ধাচরণ করেন নি ?

নাগসেন। কেননা গৃহস্থাপ্রম থেকে এসে সংঘের ভিতরে ... ..  
ভিক্ষু হয়ে ছিলেন, পরে বিবোধ ঘটিয়ে ছিলেন। তাঁরা কর্মফল মানতেন, যে কর্ম করবে তার ফল জন্ম জন্মান্তরে ভোগ করবে।

রাজা। বুদ্ধ কি জানতেন বিরোধ ঘটাবে ? এক কল্প ধরে ... .. +

নাগসেন। হ্যাঁ জানতেন।

রাজা। একথা যদি সত্য হয়, বুদ্ধ সকলকে ভাল বাসতেন, ইহা সত্য নয়। কেননা তিনি জেনে গ্রহণ করলেন। এক কল্প ধরে ভোগ করতেন না। তা যদি না হয় জ্ঞানের অভাব। হয় জ্ঞানের অভাব নয় প্রেমের অভাব। একটা না একটা কিছু আছে।

নাগসেন। বুদ্ধদেবের জ্ঞান ও প্রেম দুই ছিল। বুদ্ধ জেনেছিলেন, দেবদত্ত পূর্ব জন্মে দোষ করেছিলেন। কতকাল ধরে নরকে থাকবে। সংঘে নিয়ে রাখলে কমে যাবে, ভিক্ষু গ্রহণ করলে জেনে অন্য় করবে, এক কল্প বাস করতে হবে। সেইটে জেনে ভাল বেসে নিয়েছিলেন।

রাজা। যদি একটা আঘাত করবার জন্ত ... ..

নাগসেন। যেমন একটা ফোঁড়ার জন্ত একজন কত কষ্ট পাইতেছে, চিকিৎসক এসে ছুরি দিয়ে কেটে দিলেন, আরাম হয়ে গেল। যদি একজন রাজা একজনের প্রাণ-দণ্ড দেন, আর একজন বলে প্রাণদণ্ড না দিয়ে অন্য় কোন দণ্ড দেওয়া হয়। দেবদত্তের পক্ষে সেইরূপ! বেশী পাপ ছিল ... ..

রাজা। প্রেমের লক্ষণ কি ? কষ্ট যন্ত্রণা কম দেখে।

নাগসেন। কষ্ট যন্ত্রণা কর্মফল থেকে হয়। কিন্তু কর্মফল নির্দোষ বলে আছে।

রাজা। যখন বুদ্ধ বুদ্ধ হলেন, যত অন্য় বিনষ্ট হয়ে গিয়েছিল ?

নাগসেন। সমস্ত ক্ষয় হয়েছিল, ... ..

রাজা। বিনষ্ট হয়ে গিয়ে ... .. সমস্ত কর্ম থেকে আসে।

নাগসেন। পাপের শাস্তির জন্ত যে আসে তা নয়, নিজের শাস্তি থেকে আসে, আবার বাহিরের কারণ আছে। তাঁর পায়ে লেগেছিল, বাহির থেকে এসেছিল, কত হাজার বৎসর ধরে দেবদত্ত যখন শত্রু হয়ে দাঁড়াল। একটা পাথর ছুঁড়েছিল মাথায় পড়ল না পায়ে লেগে আহত হয়। হয় নিজের দোষে নয় অন্য়ের দোষে কষ্ট পায়। দেবদত্ত শত্রুতা করেছিল, তাই কষ্ট পেয়েছিলেন। বুদ্ধ জীবনে অনেক কষ্ট পেয়েছিলেন, যেগুলি নিজের পাপ থেকে নয়।

রাজা। আর একটা, ভাল লোক বেশী কষ্ট পায় কি মন্দ লোক বেশী কষ্ট পায়।

নাগসেন। মন্দ লোক ভালতে থাকে, ভাল লোক কষ্ট পায়।

রাজা। যিনি ভাল কাজ করেন, যিনি মন্দ কাজ করেন, দুই এক কি প্রভেদ আছে ?

নাগসেন। ভালমন্দে প্রভেদ আছে। ভালকাজ স্বর্গে নিয়ে যায়। তোমরা বল দেবদত্ত মন্দ ছিল, কিন্তু দেবদত্ত ভাল ছিল। অথচ বৌদ্ধে যে সমস্ত গল্প দেখতে পাই সমান নয়। দেবদত্ত বুদ্ধের উপরে ছিলেন। একটা গল্প আছে দেবদত্ত যখন বেনারসের পুরোহিত, বোধিসত্ত্ব চণ্ডাল ছিলেন।

রাজা। এ কি করে হল ?

নাগসেন। আর একটা গল্প আছে, দেবদত্ত রাজা ছিলেন, বোধিসত্ত্ব হাতী ছিলেন। হাতী রাজাকে যন্ত্রণা দিয়েছিল। আর একটা গল্পে আছে, দেবদত্ত মানুষ ছিলেন, বোধিসত্ত্ব বানর ছিলেন। আর একটা গল্পে দেবদত্ত ব্যাধ ছিলেন, বোধিসত্ত্ব পাখী ছিলেন। আর একটা গল্পে দেবদত্ত বেনারসের রাজা ছিলেন, বোধিসত্ত্ব সন্ন্যাসী ছিলেন। এই সকল থেকে জানতে পারি দেবদত্ত উচু ছিলেন, বোধিসত্ত্ব নীচু ছিলেন। এজন্মে বোধিসত্ত্ব বুদ্ধ হলেন, দেবদত্ত শত্রু হয়ে দাঁড়ালেন।

রাজা। তাহলেতো ভাল মন্দের কথা নাই।

নাগসেন। না, সমান নয়। প্রত্যেক জন্মে দেবদত্তের শত্রু ছিল, বোধিসত্ত্বের শত্রুতা ছিল না দেবদত্তের মনে শত্রুতা ছিল, প্রত্যেক জন্মে ফল পেয়েছিল। দেবদত্ত পাপ কাজ করে ছিল, আর যে ধর্ম করে ছিল তারও ফল তো দেবে, তাই রাজা হয়ে ভাল কাজ করে ছিলেন।

এই যে দেবদত্ত, বোধিসত্ত্ব হাজার বৎসর ধরে জন্মে ছিলেন। প্রত্যেক জন্মে সন্নী পায়, নানা রকম জিনিসে ... .. মানুষও জন্মে জন্মে যেতে যেতে সন্নী পায়। কিন্তু সন্নী হয়, থাকে বটে, যেটা ভাল থেকে নির্বাণের পথে চলে যায়। মন্দ যেটা ... .. এই জন্মে দেবদত্ত শত্রুতা করলেন। বোধি দিব্য জ্ঞান লাভ করিলেন।




## মূল্যপ্রাপ্তি ।

১০ম বৎসর ।	
শ্রীযুক্ত অদ্বৈতচরণ বসু লাহিরিয়াসরাই	২
১১শ বৎসর ।	
শ্রীযুক্ত শশাঙ্কমোহন দাস গুপ্ত, ঢাকা	১
" অদ্বৈতচরণ বসু লাহিরিয়াসরাই	২
১২শ বৎসর ।	
শ্রীযুক্ত শশাঙ্কমোহন দাস গুপ্ত ঢাকা	২
" ললিতমোহন রায় কলিকাতা	২
" অদ্বৈতচরণ বসু লাহিরিয়াসরাই	২
" হাজারীলাল মোজাফরপুর	১০
" রাজা সচ্চিদানন্দ দেব বামড়া	২
" সিদ্ধেশ্বর সরকার	২
শ্রীমতী কিরণশশী দাস কলিকাতা	২
" সরলাসুন্দরী দাস কটক	২
" সরলাবালা দত্ত সীতারামপুর	১
" সতী রায় বানিবন	২
" প্রিয়বালা ঘোষ লাহোর	২
" নির্মলা বসু কলিকাতা	২
" বাসন্তী মজুমদার সম্বলপুর	২
১৩শ বৎসর ।	
শ্রীযুক্ত শশাঙ্কমোহন দাস ঢাকা	১
" এম্ এ জালিয়া মিশ্র মানকচড় ১/১৫	
" কালিকাদাস দত্ত কোচবেহার	২
" ললিতমোহন রায় কলিকাতা	২
" কালীমোহন মুখোপাধ্যায় লক্ষ্মী	২
" নগেন্দ্রনাথ সেন রেঙ্গুন	১
" বিহারীলাল ঘোষ শিবপুর	২
" প্রসন্নকুমার দত্ত জপালা	২
শ্রীমতী জ্ঞানদাসুন্দরী সেন কোচবেহার	২
" মেহলতা দত্ত কলিকাতা	২

" চপলা মজুমদার কলিকাতা	১
" সরলাসুন্দরী দাস কটক	২
" বিমলাসুন্দরী দাস কলিকাতা	২
" তরঙ্গিনী দেবী কলিকাতা	১০
" সতী রায় বানিবন	২
" উষা মজুমদার লাহিরিয়াসরাই	২
" সরস্বতী সেন কলিকাতা	২
" কুমুদিনী দাস কলিকাতা	২
" রাণী উমাসুন্দরী ছবলহাটা	২
" বাসন্তী মজুমদার সম্বলপুর	১
ডাক্তার পরেশনাথ চট্টোপাধ্যায় বাঁকিপুর	২
রেভেরেন্ড বিমলানন্দ নাগ কলিকাতা	২
শ্রীযুক্ত আর এন্ মুখোপাধ্যায় কলিকাতা	২
" হাজারীলাল মজাফরপুর	১১০
" মধুসূদন সেন কলিকাতা	২
" বিনয়ভূষণ বসু লক্ষ্মী	২
" ডাক্তার চুনীলাল বসু কলিকাতা	২
" রাজা সচ্চিদানন্দ দেব বামড়া	২
" ক্রোধেশচন্দ্র সেন, টিয়ক	১
কোচবিহার নববিধান সমাজ	২
শ্রীমতী অশোকলতা দাস ডেরাডুন	২
" বাচস্পতি রায় অমরাগড়ী	২
" অনন্যদায়িনী সরকার কলিকাতা	২
" সরযুলা সেন নোয়াখালি	২
" বিনোদিনী গুপ্ত কুড়ীগাম	১
" নির্মলা বসু কলিকাতা	২
" প্রেমময়ী আইচ নোয়াখালী	১
" কুমারী আশালতা গুপ্ত চট্টগ্রাম	২

১৪শ বৎসর ।

এম্ এ জালিয়া মিশ্র মানকচড়	১/১৫
শ্রীযুক্ত মহারাজা মনীন্দ্রচন্দ্র নন্দী	
কাশিমবাজার	২
" প্রসন্নকুমার দত্ত জাপলা	২
শ্রীমতী বিমলাসুন্দরী দাস কলিকাতা	১
" সরলাবালা দত্ত শিলং	২
" ইচ্ছাময়ী দাস কলিকাতা	২
" ধুবোধবালা দেবী টাঙ্গু	২



## মাসিক পত্রিকা ।

"যত্র নার্যন্তু পূজ্যন্ত বন্দন্তে তত্র ইদনাঃ"

১৪শ ভাগ ] ভাদ্র ১৩১৫ ; সেপ্টেম্বর ১৯০৮ । [ ২য় সংখ্যা ।

### স্ত্রীনীতিমার ।

যে কার্য বা যে কথায় মন বিকৃত হয়, তৎপ্রতি অন্তরে যে সঙ্কোচ ভাব জন্মে তাহাকে লজ্জা বলে, তাহা হইতে দূরে থাকিবার যত্নকে লজ্জার প্রকাশ বলা যায়। লজ্জাতেই নারী-জীবনের সৌন্দর্য্য ও পবিত্রতা রক্ষা পায়। নিলজ্জা নারী কর্তৃক কোন্ পাপ অকৃত হয়? কিন্তু এদেশের রমণীদিগের বড়ই কৃত্রিম লজ্জা, যে অবস্থায় লজ্জিত ও সঙ্কুচিত হওয়া স্বাভাবিক, সেই অবস্থায় তাঁহারা অসঙ্কোচ ও নিলজ্জতার পরিচয় দান করেন, এবং যে অবস্থায় কোন লজ্জার কারণ নাই সেই অবস্থায় লজ্জার পরাকাষ্ঠা প্রদর্শন করিয়া থাকেন। ইহাতে অনীতি ও অসত্যকে প্রশ্রয় দান হয়।

হিন্দুকুলের বধূগণ স্বীয় স্বামীর ভাণ্ডারের এমন কি অনেকে দেবরের নিকটে উপস্থিত হইতে অত্যন্ত সঙ্কুচিত হইয়া থাকেন। তাঁহাদিগকে উপস্থিত দেখিলে অবগুণ্ঠনে দুঃখমণ্ডল আবৃত করিয়া সরিয়া দাঁড়ান, তাঁহাদের সঙ্গে স্পষ্টাক্ষর কোন কথা কহেন না। এক পরিবারস্থ গুরুজন বা

মেহভাজন লোকের সম্মুখে একরূপ লজ্জা প্রকাশের কোন কারণ নাই, ইহা নিতান্ত অস্বাভাবিক। এদিকে একমাত্র স্বল্পবস্ত্র এক পেঁচ দিয়া পরিধান করিয়া জনাকীর্ণ গঙ্গার ঘাটে অনেক কুলযুবতীর দ্বান ও আর্দ্রবস্ত্র পরিধানে লজ্জাবোধ হয় না। ফল মূল মাছ তরকারী ইত্যাদি বিক্রয়ের জন্ত ফেরিওয়ালার বাড়ীতে উপস্থিত হইলে কোণের বধূ তাহার সঙ্গে সঙ্কুচিত ভাবে কথা কহিয়া দাম দর স্থির করেন। মোসলমান রমণীরা যেকোন কৃত্রিম লজ্জার বশবর্তিনী, অথ কোন শ্রেণীর রমণী সেরূপ নহে। অস্বাভাবিকতা ও কৃত্রিমতায় কাহারও জীবনের অবনতি ভিন্ন উন্নতি কখনও হয় না।

বধূগণ ও কন্যাগণ তোমরা স্বাভাবিকতা ও কৃত্রিমতা পরিত্যাগ করিয়া সত্য ও স্ত্রীনিতির পথে চল, এবং সম্মানদিগকে সুদৃষ্টান্ত প্রদর্শন কর। বক্রমূল কুসংস্কার ও কুরীতি পরিত্যাগ করিয়া প্রকৃত লজ্জা ও বিনয়ের পথে চলিয়া আন্তরিক বীর্ঘ্য ও মহত্বের পরিচয় দান কর।

## নারী-জীবনের দায়িত্ব ।

মানুষ স্বাধীন জীব, তজ্জন্তু তাহার জীবনের দায়িত্ব আছে, সে পাপ পুণ্যের জন্তু ঈশ্বরের নিকটে দায়ী, সে পাপের নিমিত্ত দণ্ড পুণ্যের নিমিত্ত পুরস্কার প্রাপ্ত হয়। এই দায়িত্ব আছে বলিয়াই তাহার উন্নতি বা অবনতি হইয়া থাকে। পশু পক্ষ্যাদি ইতর জন্তু স্বাধীন নহে, প্রকৃতির অধীন। তাহাদের ঈশ্বর-জ্ঞান নাই, ঈশ্বরের সঙ্গে তাহাদের সাক্ষাৎ সম্বন্ধ নাই, কোন বিষয়ে দায়িত্ব বোধ নাই, সুতরাং উন্নতি বা অবনতি নাই, স্বাধীন-ভাবে তাহারা অবস্থার উন্নতির জন্তু চেষ্টা যত্ন করিতে পারে না, তাহাদের অবনতিও হয় না। তাহারা যুগযুগান্তর একভাবে এক অবস্থায় আছে। পাপের জন্তু কখনও তাহাদিগকে অনুতাপ করিতে হয় না, পুণ্যজনিত আত্মপ্রসাদও ভোগ হয় না। তাহারা আহার নিদ্রা গতিস্থিতি ইত্যাদি কতকগুলি শারীরিক ক্রিয়ার বশবর্তী, তাহার অতীত উচ্চ মানসিক বা আধ্যাত্মিক ক্রিয়া, মানসিক বা আধ্যাত্মিক উন্নতি তাহাদের জীবনে কখনও স্ফূর্তি পায় না। গো মহিষ ও কাক চিলাদি জন্তু যুগ যুগান্তর হইতে একই অবস্থায় আছে, তাহাদের কোন উন্নতি ও পরিবর্তন নাই, কালক্রমে তাহাদের চিন্তাশীলতা বাড়িয়াছে বা বুদ্ধির প্রখরতা জন্মিয়াছে তাহা কেহ বলিতে পারেন না। বাবুই পক্ষী সহস্র বৎসর পূর্বে যেরূপ কুলায় নিশ্চয় করিয়াছে, এখনও ঠিক সেইরূপই করিতেছে, সেই নিশ্চয় কার্যে তাহার শিল্প-নৈপুণ্যের

কোনরূপ উন্নতি বা অবনতি হয় নাই। তবে বিশেষ বিশেষ ইতর জন্তুকে মানুষে বিশেষ শিক্ষা ও অভ্যাস দ্বারা এক এক বিষয়ে শিক্ষিত ও অভ্যস্ত করিয়া থাকে। কুকুর তাহার প্রভুর ইচ্ছিতে এরূপ বুদ্ধি ও সাহসিকতার কার্য করে যে, অনেক মানুষে সে প্রকার কার্য করিতে সক্ষম নহে। শুক পক্ষী মানুষের ছায় কণা কহে ও শ্লোক উচ্চারণ করে। তাহা বলিয়া যে তাহাদের জ্ঞানের উন্নতি হইয়াছে ও দায়িত্ব বোধ জন্মিয়াছে ইহা বলা যায় না।

সাধারণতঃ এরূপ লক্ষিত হয় যে শত সহস্র নারীর জীবনের দায়িত্ব বোধ একেবারে নাই। তাহাদের জীবনে যেন পশুপক্ষীর জীবনের ছায় উন্নতিবিমুখ দায়িত্ববিহীন। তাহারা কতকগুলি শারীরিক নিকৃষ্ট সুখ সম্ভোগ ও শারীরিক ক্রিয়া সম্পাদন জন্তু যেন পৃথিবীতে জন্ম মৃত্যুর অধীন হইয়া আসিয়াছেন। তাহাদের ঈশ্বরের সঙ্গে সাক্ষাৎ সম্বন্ধ হইতে পারে না, পাপ পুণ্যের জন্তু তাহারা দণ্ডিত ও পুরস্কৃত হইবেন না। ইহাই তাহাদের অনেকের মানসিক ধারণা। জ্ঞানোন্নতি ও আত্মোন্নতির জন্তু তাহাদিগের কোন সাধন ভজন ও প্রয়াস নাই, স্বামীর প্রতি ও পুত্র কন্যাদের প্রতি জীবনের কোন দায়িত্ব নাই, কোন প্রকার সংসারে কয়কটা দিন কাটিয়া যাইতে পারিলেই হইল, এই তাহাদের ধারণা। কোন প্রকার উচ্চ আকাঙ্ক্ষা ও সাধন সংগ্রাম না থাকিলে মানুষ পশুর মত নিচ হইয়া যায়। সংসার-মোহে মুগ্ধ অনেক নারী দেবপ্রকৃতি স্বামীকে পশু-প্রকৃতি

করিয়া তোলেন। তাহারা শারীরিক সুখ ভোগ বেশভূষা ও মূল্যবান বস্ত্রালঙ্কারের জন্তু স্বামীকে নিয়ত বাস্ত রাখেন, তাহারা ক্রীড়ার পুতুল হইয়া তাহাকে কেবল শরীর ও সংসার-সেবার আকর্ষণ করেন, উচ্চতর পবিত্র দাম্পত্য সম্বন্ধ ভুলিয়া নিকৃষ্ট পাশব সম্বন্ধে স্বামীর সঙ্গে চিরজীবন বন্ধ থাকেন। তাহারা স্বীয় জীবনের নীচ দৃষ্টান্তে পুত্র কন্যাদের জীবনও নিচ করিয়া তোলেন। বলি মাতৃগণ, তোমরা দেবকুমারী, স্বর্গ হইতে প্রেরিত, তোমরা সামান্য জীব নও, দেবত্ব তোমাদের জীবনে লুক্কায়িত, তাহাকে প্রস্ফুটিত করিবে, যত্ন প্রয়াস ও সাধন ভজনে তোমরা দেবী জীবন লাভ করিবে, পতি পুত্র কন্যাদিগকে স্বর্গের পথে লইয়া যাইবে, তজ্জন্তু পরম জননীর নিকট তোমরা দায়ী। তোমরা পৃথিবীর অনিত্য ক্ষুদ্রবিষয়ে মনকে বন্ধ করিয়া রাখিতে পার না। নিজ নিজ জীবনের দি উদ্দেশ্যে, কি বিশেষ কাজ, কি জন্তু তোমরা সংসারে প্রেরিত হইয়াছ, ঈশ্বর তোমাদের জীবন দ্বারা নিজের কি অভিপ্রায় সম্পাদন করিতে চাহেন, কি কি কাজের জন্তু তোমরা এক এক জন দায়ী, ঈশ্বরপ্রদত্ত নিজের নিজের শক্তি প্রকৃতি ও রুচির প্রতি লক্ষ্য করিয়া বুঝিয়া লও এবং কার্যক্ষেত্রে কার্য করিতে থাক। অলস হইয়াবসিয়া থাকিও না, স্বর্গীয় গুণ সকলকে চাপা দিয়া নষ্ট করিও না। ভগবানের গুঢ় অভিপ্রায় সম্পাদনের জন্তু ও জগতের সেবার জন্য তোমরা প্রত্যেকে নিজেকে মনে করিয়া তজ্জন্তু জীবন সমর্পণপূর্বক ধন হও।

জীবনের দায়িত্ব বোধ না থাকিলে কোন উন্নতি হয় না। দায়িত্ববিহীন নারী-জীবন ছুঃখের জীবন। তোমাদের উপদেশ শিক্ষা ও দৃষ্টান্ত দ্বারা তোমাদের কন্যাগণ স্মৃগ্ধিনী, স্মৃপত্নী ও স্মৃমাতা হইবার উপযুক্ত হইতেছেন কি না, পুত্রগণ ভগবদ্বক্তৃ ধর্মবীর হইয়া জগতে অমর কীর্তি লাভ করিতেছে কি না একবার লক্ষ্য করিয়া দেখ, তাহারা যেন ঘোরতর সংসারী বিলাসী ও ক্ষুদ্র বিষয়ে আসক্ত হইয়া জীবনকে ভারবহ করিয়া না তোলে। ভুবন-বিখ্যাত থিয়োডোর পার্কার, ওয়াসিংটন, সার উইলাম জোনস এবং কেশবচন্দ্র প্রভৃতি মহাত্মাদিগের জীবনের মূলে তাহাদের ধর্ম প্রাণা জননীর প্রভাব স্পষ্টই দেখিতে পাওয়া যায়।

## প্রাচীন কালের আর্য্যনারীদের জীবনের পরীক্ষা।

২য়, দ্রৌপদী।

মহাভারত পাঠে আমরা জানিতে পারি, মাতৃবাক্য সত্য করিবার জন্তু পাণ্ডবেরা পঞ্চদ্রাতা মিলিয়া দ্রৌপদীকে বিবাহ করেন। ইন্দ্রপ্রস্থ পাণ্ডবদের রাজধানী হইল, দ্রৌপদী পাণ্ডবমহিষীরূপে অবস্থিতি করিয়া নিত্য সেবারত রত হইলেন। কিছু কাল পরে বৃদ্ধিষ্টির যোগাচার্য্য শ্রীকৃষ্ণের মন্ত্রণায় রাজ-স্বয়ংস্বরের সূত্রপাত করিলেন। কথিত আছে সেই সময়ের পৃথিবীর সমস্ত রাজা নিমন্ত্রিত হইয়া সেই স্বয়ংস্বরে উপস্থিত হইয়াছিলেন। যজ্ঞ মণ্ডপ এবং ইন্দ্রপ্রস্থের রাজবাটী এরূপ উৎকৃষ্টরূপে সজ্জিত হইয়াছিল যে, কেহ কখনও

সেরূপ ঐশ্বর্য্য দর্শন করে নাই। রাজা দুর্ঘোষনও এই সমারোহে উপস্থিত ছিলেন। এত সম্পদ দর্শনে তাঁহার প্রবল ঈর্ষ্যানল প্রজ্জ্বলিত হইল। তিনি কিছুতেই স্তুতির থাকিতে পারিলেন না, কিরূপে পাণ্ডবদের ঐশ্বর্য্য হরণ এবং আপনাদের প্রাধান্য স্থাপন করিবেন দিবা রাত্রি এই চিন্তায় মগ্ন হইলেন। অবশেষে আপন মাতুল কুরমতি শকুনীনহ পরামর্শ করিয়া কপট পাশাখেলার ছলে পাণ্ডবদের সর্ব্বস্ব হরণের কৌশল বিস্তার করিলেন। ধৃতরাষ্ট্রের নিকট এই প্রস্তাব উপস্থিত করা হইল। মন্দবুদ্ধি ধৃতরাষ্ট্র যুধিষ্ঠিরকে পাশা খেলাতে আহ্বান করিলেন। জ্যেষ্ঠতাতের আহ্বান মান্য করিতে হইবে বলিয়া যুধিষ্ঠির এই নিমন্ত্রণ স্বীয় ইচ্ছার বিরুদ্ধ হইলেও গ্রহণ করিলেন। অক্ষক্রীড়া অনর্থের মূল, কারণ উহাতে পণ রাখিয়া খেলার নিয়ম। বর্তমান সময়ে জুয়াখেলা যেমন, সেই রূপ অক্ষক্রীড়া অতি প্রাচীন কালে প্রচলিত ছিল, সেকালে ক্ষত্রিয়েরা যুদ্ধে আহ্বান এবং অক্ষক্রীড়ায় আহ্বান দুইই ক্ষত্রিয় ধর্ম্ম বলিয়া গ্রহণ করিতেন। যুধিষ্ঠিরকে এই ভ্রমধর্ম্মমতের বশীভূত হইয়া অক্ষক্রীড়ায় প্রবৃত্ত হইয়া ধন ঐশ্বর্য্য, গৃহ সম্পত্তি ক্রমে ক্রমে হারাইতে হইল, অবশেষে তিনি নিজেদের দেহ এমন কি স্ত্রীকে পর্য্যন্ত পণ রাখিয়া পরাজিত হইলেন। দুর্ঘোষন এইরূপে পাণ্ডবদিগকে এবং তাঁহাদের মহিষী দ্রৌপদীকে আপন অধিকারমধ্যে পাইলেন। পাণ্ডবদিগকে দাস-শ্রেণীতে বসাইলেন, আর 'দ্রৌপদীকে কুরুসভামধ্যে আনয়ন

পূর্ব্বক অপমান করিবার অভিপ্রায় করিলেন। প্রতিকামী নামক অনুচরকে আজ্ঞা করিলেন, শীঘ্র দ্রৌপদীকে যাইয়া বল যে তিনি আমাদের দাসী হইয়াছেন, এবং তাঁহাকে আমাদের এই স্থানে আনয়ন কর। দ্রৌপদী কুন্তীসহ গৃহে অবস্থান করিতে ছিলেন, এত দূর অনর্থ উপস্থিত হইয়াছে কিছুই জানিতেন না। এই বিষয় পরীক্ষার জন্ত তিনি কিছুই প্রস্তুত ছিলেন না। হঠাৎ প্রতিকামী প্রমুখাৎ সমস্ত ব্যাপার শ্রবণ করিয়া অত্যন্ত ক্ষুব্ধ হইলেন, এবং আপনাকে একান্ত বিপন্ন বোধ করিলেন। তিনি বলিলেন, আমি রাজার কন্যা এবং রাজমহিষী আমার প্রতি এরূপ ব্যবহার কখনও হইতে পারে না। প্রতিকামী, তুমি মহারাজ যুধিষ্ঠিরকে যাইয়া জিজ্ঞাসা কর এ বিষয়টি কিরূপ। প্রতিকামীকে প্রত্যাবর্তন করিতে দেখিয়া দুর্ঘোষন অত্যন্ত ক্রুদ্ধ হইলেন। তাঁহাকে বলিলেন, তুমি পুনরায় যাও দাসীর আবার মতামত কি? তুমি তাঁহাকে যে রূপে হটুক এখন লইয়া আইস। কিন্তু প্রতিকামী এপারও কাঁচা করিয়া উঠিতে পারিল না। তখন দুর্ঘোষন স্বীয় ভ্রাতা দুঃশাসনকে এই কার্যের ভার প্রদান করিলেন। দুঃশাসন অতিশয় দুঃশয় নির্ম্মম লোক ছিল। সে তখনই ইন্দ্রপ্রস্থে চলিয়া গেল, এবং কোন প্রকারের সৌজন্ত-নিয়ম রক্ষা না করিয়া একেবারে দ্রৌপদী ঘে গৃহে ছিলেন তাহাতে প্রবেশ করিতে ধাবিত হইলেন। কুন্তী গৃহদ্বারে আসিয়া বাধা প্রদান করিলেন, কিন্তু সেই দুঃশয় খুল্লতাতপত্নী কুন্তীদেবীকে বেগে

ভূমিতে নিক্ষেপ করিয়া গৃহে প্রবেশ পূর্ব্বক একবারে দ্রৌপদীকে কেশাকর্ষণপূর্ব্বক বাহির করিয়া লইয়া চলিল। একজন কুলনারীর পক্ষে কত বড় অপমান, লাঞ্ছনা, তাহার উপর সেই নারী রাজমহিষ, অল্পদিন পূর্ব্বক রাজসুর যজ্ঞে সমগ্র রাজাদের সম্মান লাভ করিয়াছিলেন, প্রকৃত ধর্ম্ম বাহাদের প্রাণ তাহাদের জীবনে এইরূপ বিষম অবস্থা অতর্কিত ভাবে উপস্থিত হইয়া থাকে।

দুঃশাসন কেশাকর্ষণপূর্ব্বক লইয়া যাইয়া একেবারে সভামধ্যে দ্রৌপদীকে উপস্থিত করিল। ভীষ্ম, দ্রোণ, কুপাচার্য্য প্রভৃতি বহুবিধ দ্রৌপদীর গুরুজন এবং ধর্ম্মপরায়ণ ব্যক্তি উপস্থিত ছিলেন। কিন্তু তাঁহারা সকলেই দুর্ঘোষনের অগ্নে প্রতিপালিত, উপস্থিত পণে পরাজিত হওয়ার বিষয়ে ধর্ম্মাধর্ম্মনির্দ্বারণে অক্ষম হইলেন। যাজ্ঞাসেনী দাঁড়াইয়া রোদন করিতে লাগিলেন। অবশেষে গুরুজনদের আশ্রয় এবং রক্ষণ এই উপস্থিত বিপদ সময়ে প্রার্থনা করিলেন। কিন্তু কেহই তাঁহাকে দুঃখ দুঃবস্থা হইতে উদ্ধার করিতে কিম্বা সহায়তা ও সহানুভূতি প্রকাশ করিতে পারিলেন না। এদিকে দুঃশাসন দুর্ঘোষনের আদেশ ক্রমে বস্ত্রহরণ করিবার জন্ত বারবার বস্ত্রধরিয়া টানিতে লাগিল। কি বিষম অবস্থা! তখন দ্রৌপদী দেখিলেন যে, পৃথিবীতে তাহার কেহই নাই। পঞ্চস্বামী উপস্থিত থাকিয়াও নাই, ধর্ম্মাত্মারাও যেন নাই। তিনি একান্ত প্রাণে ভগবানের আশ্রয় গ্রহণ করিলেন, ব্যাকুল

প্রার্থনায় যখন অশ্রুজলসহ ঠাকুরকে বলিলেন, "আমি কৃষ্ণ বলে প্রাণত্যাগ করিব যদি দেখা না দেও।" তখন শ্রীভগবানের অপার করুণায় এবং অলৌকিক কৌশলে তিনি এই বিষম বিপদ হইতে উদ্ধার পাইলেন। এদিকে রাজা ধৃতরাষ্ট্রের মনে বিবেকদংশন অসহ হইয়া উঠিল, তিনি এই গর্হিত নীতিবিরুদ্ধ কার্যের প্রতীকার-জন্ত ব্যস্ত হইয়া দ্রৌপদীকে ডাকাইয়া নিজের নিকট লইয়া গেলেন, এবং তাঁহাকে বর দান করিলেন। সেই বরে পাণ্ডবেরা পণ হইতে মুক্তি লাভ করিয়া স্বীয় ঐশ্বর্য্য পুনঃপ্রাপ্ত হইলেন। দ্রৌপদীর প্রার্থনাবলেই পাণ্ডবেরা এই স্বকৃত দুঃবস্থা হইতে মুক্তিলাভ করিলেন। যত ক্ষণ দ্রৌপদী লোকবলের উপর নির্ভর করিতেছিলেন ততক্ষণ কেবল লাঞ্ছনার বৃদ্ধিই হইতে ছিল। যখন দেখিলেন আর ঈশ্বর তিন উপায় নাই, তখনই ব্যাকুল প্রার্থনা আসিলা মনুষ্য যেখানে ঠেকে সেখানে যদি ভগবানের শরণাপন্ন হইয়া আকুল প্রার্থনা করিতে পারে তবে বিপন্ন বিপদ হইতে উদ্ধার পাইতে পারে। মনুষ্যের আত্মবল কিছুই নাই, দৈব বলই বল। কাহার কখন কি অবস্থা হয় তাহারও নিশ্চয়তা নাই। অতএব সদাই ঈশ্বরের প্রতি উন্মুগ্নী থাকা প্রয়োজন। যে ব্যক্তি মরিব তবু ধর্ম্ম ছাড়িব না এরূপ প্রতিজ্ঞা করে, তাহাকেই ভগবান রক্ষা করেন। দ্রৌপদীর জীবন এই একটি পরীক্ষাতে যে শেষ হইয়াছিল তাহা নয়। অতঃপর আরও দুঃখকর অবস্থা তাঁহার জন্ত প্রতীক্ষা করিতেছিল, কিন্তু এবার স্বামী-

সহ দুঃখভাগিনী হইয়াছিলেন। ইহার মধ্যে তাঁহার বিশেষ লাঞ্ছনা এবং স্ত্রীধর্ম রক্ষা করার সম্বন্ধে দুস্তর বিপদ উপস্থিত হইয়াছিল। দুর্ঘোষন যখন দেখিলেন যে, পিতার বিবেক জাগ্রত হওয়াতে তাহার মনস্কামনা যাহা সিদ্ধ হইয়াছিল তাহা ব্যর্থ হইল, তখন পিতাকে যাইয়া অনেক অনুযোগ করিল। অবশেষে দ্বাদশ বৎসর বনবাস, একবৎসর অজ্ঞাত বাস এই পণে অক্ষক্রীড়ায় পুনরায় প্রবৃত্ত করিতে যুধিষ্ঠিরকে ধৃতরাষ্ট্র আহ্বান করিতে বাধ্য হইলেন। যুধিষ্ঠির জ্যেষ্ঠ ভ্রাতার আজ্ঞা অমান্য করিলে ধর্মরক্ষা হইবে না ভয়ে পুনরায় অক্ষক্রীড়ায় প্রবৃত্ত হইয়া পণে পরাজিত হইয়া দ্বাদশ বৎসর বনে বাস এক বৎসর অজ্ঞাতবাস করিতে বাধ্য হইলেন। অতঃপর দ্রৌপদী আপন পঞ্চ পুত্রকে স্বীয় গৃহে পাঠাইয়া দিলেন, এবং অভিমন্যু সহ স্নুভদ্রা দ্বারকায় কুম্ভাশ্রয়ে বাসজন্ম চলিয়া গেলেন। জননী কুন্তী বিছুরাশ্রয়ে রহিলেন। এইরূপ ব্যবস্থার পর পঞ্চভ্রাতা এবং দ্রৌপদী বনে প্রস্থান করিলেন। পণ ছিল যে ত্রয়োদশবৎসর পর ফিরিয়া আসিলে পাণ্ডবেরা আপন রাজ্য পাইবেন। এই কৌশলে দুর্ঘোষন পাণ্ডবদের সমস্ত রাজ্য নিজের করিয়া লইলেন। বনবাসকালে দুর্ঘোষন দ্রৌপদী-হরণের প্রায়স করিয়াছিলেন। দুর্ঘোষনের ভগিনী-পতি জয়দ্রথ সুযোগ ক্রমে দ্রৌপদীকে রথে চড়াইয়া পলায়ন করিতেছিলেন। দ্রৌপদীর ক্রন্দনে পাণ্ডবেরা দ্রৌপদীর বিপদ জানিতে পারিয়া তাহাকে উদ্ধার করেন। যখন

সঙ্কট উপস্থিত হইত তখন দ্রৌপদী প্রার্থনা করিতেন, এবং সেই পাপের বিরুদ্ধে প্রবল সংগ্রাম করিতেন। অবশেষে বিরাট গৃহে দাসী বেশে যখন আত্ম-গোপন করিয়া অবস্থিতি করিতেছিলেন তখন বিষম পরীক্ষায় পড়িলেন। সেই সময় তাঁহাদের অজ্ঞাতবাস প্রায় শেষ হইয়া আসিয়াছিল। বিরাটের শ্যালক কীচক দ্রৌপদীর উপর অত্যাচার করিতে মহাকৌশল করিয়াছিল। দ্রৌপদী স্বীয় ধর্মপরায়ণতার বিধাতার বিশেষ রূপায় অজ্ঞাত বাস রক্ষণ করিয়াই উদ্ধার পাইলেন। পৃথিবীতে নরনারী সকলেরই নানা বিভ্রাট উপস্থিত হয়, নানারূপ কষ্ট ঘটে, কিন্তু সকলেই যদি একান্ত ভগবৎপরায়ণা সাক্ষী দ্রৌপদীর স্থায় প্রার্থনা সম্বল এবং প্রাণদিব তবু অধর্মের অধীন হব না এইরূপ প্রতিজ্ঞা করেন, তবে নিশ্চয়ই সংসার-ক্ষেত্রের শত বিপদ দুঃখ বহন করিতে সক্ষম হইবেন, এবং চিত্তে শান্তিসুখ অক্ষুন্ন থাকিবে। সংসারও দুঃখের না হইয়া সুখের হইবে।

### আকস্মিক ঘটনা ও সামান্য

#### রোগাদির গৃহচিকিৎসা।

##### উদ্ভ্রমন।

(পূর্ব প্রকাশিতের পর)

আমাদের দেশে বৎসর বৎসর অনেক লোক, বিশেষতঃ স্ত্রীলোক উদ্ভ্রমনে প্রাণ-ত্যাগ করিয়া থাকে। যদি সময়ে এরূপ ঘটনা দৃষ্টিপথে পতিত হয় আশু চেষ্টা দ্বারা প্রাণরক্ষা করা যাইতে পারে। কোন

ব্যক্তিকে উদ্ভ্রমনাবস্থায় দেখিতে পাইলে তৎক্ষণাৎ তাহার দেহটি কিঞ্চিৎ উর্দ্ধে উঠাইয়া ধরিয়া উদ্ভ্রমন-রজ্জু বা বস্ত্র উন্মোচিত করিবে। যদি তাহা অসাধ্য হয় তবে কাটিয়া দিবে, তৎপর মস্তকের দিক কিঞ্চিৎ উচ্চ করিয়া তাহাকে শয়ন করাইবে এবং মস্তকে মুখে ও বক্ষে সজোরে প্রচুর পরিমাণে শীতল জলের ছিটা দিবে, এবং মধ্যে মধ্যে smelling salt আশ্রয় করাইবে। ইহাতে যদি সে সজ্ঞান না হয় বা তাহার নিশ্বাস না পড়ে তবে পূর্বোল্লিখিত মতে রক্তিম উপায়ে নিশ্বাস প্রদান ক্রিয়া সম্পন্ন করাইতে চেষ্টা করিবে। নিশ্বাস প্রদান ক্রিয়া আরম্ভ হইলেই পীড়িত ব্যক্তি ক্রমে সুস্থ হইয়া উঠিবে।

গলার অভ্যন্তরে কোন দ্রব্য আটকাইয়া

নিশ্বাস বন্ধ হওয়া।

কখন কখন তাড়াতাড়ি আহার করিতে গিয়া গলার মধ্যে কোন দ্রব্য আটকাইয়া নিশ্বাস বন্ধ হইতে দেখা যায়। একদা বিহার প্রদেশের একটা কৃষক তাহার ক্ষেত্রের নিকটে বৃক্ষতলে ষলিয়া ছাতু আহার করিতেছিল এবং তাহার সম্পর্কিত অশ্রু কয়েকটা লোক কিঞ্চিদূরে কার্য্য করিতেছিল। অকস্মাৎ তাহারা গুনিতে পাইল যে কৃষক অবিবর্ত কাসিতেছে এবং এবং একপ্রকার অস্বাভাবিক শব্দ করিতেছে তাহারা ছুটিয়া নিকটে উপস্থিত হইতে না হইতে সে ভূতলে পতিত হইয়া প্রাণ-ত্যাগ করিল।

এই ঘটনার কয়েক ঘণ্টা পরে এব্যক্তির

মৃত্যুর কারণ নির্ণয় করিবার জন্ত তাহার মৃতদেহ লেখকের নিকটে প্রেরিত হইল। মৃতদেহ ব্যবচ্ছেদ করিয়া দেখা গেল যে হতভাগ্যের কণ্ঠনালী মধ্যে একটা ছাতুর ডেল! আটকাইয়া রহিয়াছে, উহা এমনি ভাবে সংস্থিত ছিল যে তাহার শ্বাস প্রণালী মধ্যে বায়ু প্রবেশ করিবার কিছুমাত্র পথ ছিল না। এব্যক্তির শ্বাস রোধ হইয়া মৃত্যু হইয়াছিল।

সময়ে সময়ে বালক বালিকাদের কণ্ঠে পয়সা সিকি গুয়ানি ইত্যাদি আটকাইয়া মৃত্যু হইতে দেখা যায়। মৎসোর কাঁটা, মাংসের অস্থি, ফলের বঁচি ইত্যাদিও গলায় আটকাইয়া যায়। কয়েক বৎসর হইল দুই বৎসরের বালক কণ্ঠরুদ্ধ অবস্থায় লেখকের নিকট আনীত হয়, সে প্রাতঃ-কালে তাহার মাতার নিকটে বসিয়া খেলা করিতেছিল, এবং মাতা কৈ-মৎস্য খুঁটিতেছিল, বাসকটি মাতার অজ্ঞাতে একটা ক্ষুদ্র কৈ-মৎস্য তুলিয়া মুখে দেয়, এবং মৎস্যটা হস্তচ্যুত হইয়া তাহার গলনালী মধ্যে প্রবেশ করে, এবং তথায় আটকাইয়া থাকে। পরীক্ষা দ্বারা দেখা গেল যে মৎস্যের মস্তক এবং উহার শরীরের কিয়দংশ গলনালীর মধ্যে এবং অপরংশ বহির্দেশে রহিয়াছে। কৈ-মৎস্যের পৃষ্ঠ বহিস্থ খীন ও কাঁটায়ুক্ত ডানাথাকা প্রযুক্ত গলনালীকে ক্ষত বিক্ষত না করিয়া উহা বাহিরের দিকে টানিয়া আনা অসম্ভব ছিল, এবং সমস্ত মৎস্যটা নিম্নদিকে ঠেলিয়া দেওয়াও কঠিন বোধ হইল। এই অবস্থায় অতি সাবধানে, অস্ত্রের দ্বারা মৎস্যটির

কিয়দংশ খণ্ড খণ্ড করিয়া কাটিয়া নির্গত করান হইয়াছিল, এবং যেটুকু এইরূপে নির্গত হইল না তাহা উদরে প্রবেশ করাইয়া দেওয়া হইয়াছিল। ইহাতে বালকটির প্রাণরক্ষা হয়। কয়েকদিন গলায় একটু বেদনা ভিন্ন অন্য কোন কষ্ট তাহার হয় নাই।

গলার মধ্যে কোন দ্রব্য আটকাইয়া গেলে আটকাইবার স্থানানুসারে দুই প্রকার অবস্থা উৎপন্ন হয়। কঠিনালী, জিহ্বার পশ্চাভাগ হইতে দু'টি সম্পূর্ণ বিভিন্ন প্রণালীতে বিভক্ত হয় উহার একটি ফুসফুস মধ্যে এবং অপরটি পাকাশয় মধ্যে প্রবেশ করে। একটা দ্বারা ফুসফুস মধ্যে এবং অপরটি পাকাশয় মধ্যে প্রবেশ করে। একটা দ্বারা ফুসফুস বায়ু নীত হয় এবং অপরটি দ্বারা পাকাশয় মধ্যে আহাৰ্য্য নীত হয়। আহাৰ্য্যের প্রণালী-মধ্যে কোন দ্রব্য আটকাইলে যদিও অবস্থা কষ্টকর হইয়া থাকে প্রায়ই সাংঘাতিক হয়না, কিন্তু বায়ু প্রণালী অবরুদ্ধ হইলে অবস্থা অতিশয় গুরুতর হইয়া থাকে, এবং শীঘ্র উপায় অবলম্বন না করিলে সাংঘাতিক হইয়া পড়ে। কোন প্রণালী অবরুদ্ধ হইয়াছে তাহা নিম্নলিখিত লক্ষণ দ্বারা অবগত হওয়া যায়।

১। শ্বাসপ্রণালীতে অবরোধ উপস্থিত হইলে নিশ্বাস গ্রহণে অতিশয় কষ্ট হয়। অবরোধ গ্রস্ত ব্যক্তি অতিশয় অস্থির হয় এবং ছটফট করিতে থাকে, তাহার মুখ বিবর্ণ হয় এবং নিশ্বাস গ্রহণের চেষ্টাতে বক্ষের ও পঞ্জরের অস্থি সমুদায় অস্বাভা-

বিক ভাবে সঞ্চালিত হইতে থাকে। কপালে এবং গলদেশের শিরাগুলি স্ফীত হয়, চক্ষু রক্তবর্ণ হয়।

২। আহাৰ্য্য প্রণালীতে অবরোধ উপস্থিত হইলে এ সমুদায় কিছুই হয় না, নিশ্বাস প্রাধান্যের অবস্থা স্বাভাবিক থাকে, কেবল গলার মধ্যে কষ্ট বোধ হয়। প্রতিকার;—ইহা বলা বাহুল্য যে শ্বাস প্রণালীতে অবরোধ উপস্থিত হইয়াছে এরূপ লক্ষণ দৃষ্টিগোচর হইলে তৎক্ষণাৎ ক্লিষ্ট ব্যক্তিকে হাসপাতালে পাঠাইয়া দেওয়া উচিত। গৃহে ইহার কোনও চিকিৎসা হইতে পারে না, চিকিৎসককে গৃহে ডাকিয়া আনিলেও কোন ফল হইবে না, কেননা সময়ে সময়ে ইহাতে কঠিন এবং ক্ষিপ্ৰহস্তে অস্ত্র চিকিৎসার প্রয়োজন হয় এবং তজ্জন্য শিক্ষিত সাহায্যকারীর আবশ্যক হয়। এরূপ সাহায্যকারী কোনও গৃহে পাওয়া বাইবার সম্ভাবনা নাই।

আহাৰ্য্য প্রণালীর অবরোধ উপস্থিত হইলে দুইটা উপায় অবলম্বন করিতে হয়।

১। অঙ্গুলি বা যন্ত্র দ্বারা আকর্ষণ করিয়া অবরোধকারী দ্রব্যটি বহির্দেশে নিষ্কাশিত করা।

২। উহাকে নিম্নদিকে ঠেলিয়া উদরের মধ্যে প্রবেশ করাইয়া দেওয়া।

প্রথমে পীড়িতের মুখ খুলিয়া তাহার দুই চোয়ালের মধ্যে একটা বোতলের ছিপি, তাঁজকরা কাপড় বা এইরূপ কোন দ্রব্য রাখিয়া দিবে, যাহাতে সে মুখ বন্ধ করিতে না পারে। তৎপরে দক্ষিণহস্তের দুই অঙ্গুলি

গলার মধ্যে প্রবেশ করাইয়া গলায় আটকান দ্রব্যটি টানিয়া বাহির করিতে চেষ্টা করিবে ও পীড়িতের পৃষ্ঠে উভয় স্কন্ধস্থির মধ্যস্থলে বারম্বার আঘাত করিবে। যদিও দ্রব্যটি মক্ষণভাবের হয় তবে এরূপ না করিয়া কিছু জল খাইতে দিলে তাহা জলের সঙ্গে উদরে প্রবেশ করিবে, এবং পরে মলের সহিত নির্গত হইয়া যাইবে। মৎস্যের কাঁটা ইত্যাদি যদিও বৃহৎ না হয়, এবং আকর্ষণ করিয়া নির্গত করা না যায় তবে ভাতের ডেলা আনুর ডেলা অথবা এরূপ কোনও দ্রব্য চর্ষণ না করিয়া গিলিয়া ফেলিলে তৎক্ষণে নীচে নাগিয়া যায়।

কখন কখন বমনকারক দ্রব্যাদি (যথা—লবণ মিশ্রিত গরম জল বিলাতী রাই (Mustard মিশ্রিত গরম জল) সেবন করাইলে আটকান দ্রব্য বাহির হইয়া যায়।

কেহ কেহ বলেন আটকান দ্রব্য উদরের দিকে নামাইয়া দিয়া তাহা নির্গত করিবার জন্য Castor oil ইত্যাদি কোনও বিরেচক ঔষধ ব্যবহার করা উচিত, কিন্তু ইহা প্রায়ই আবশ্যক হয় না এবং মৎস্যের কাঁটা বা মাংসের হাড় বা তদনুরূপ কোনও পদার্থ উদরে থাকিলে বিরেচক না দেওয়াই ভাল মত কঠিন থাকিলে এরূপ দ্রব্য তাহাতে জড়িত ও আবৃত হইয়া নির্গত হয়, তাহাতে পেটের নাড়ীর কোনও স্থানে ক্ষত হইবার ভয় থাকে না।

উপরিলিখিত উপায় দ্বারা প্রতীকার না হইলে আবদ্ধ বস্তু নিষ্কাশিত করিবার

জন্য যন্ত্রাদির আবশ্যক হইতে পারে, সুতরাং ডাক্তারের শরণাপন্ন হওয়াই উচিত।

দূষিত বা বিষাক্ত বায়ু বা গ্যাস (gas) দ্বারা শ্বাস রোধ হওয়া।

মহিলার পাঠিকাগণের মধ্যে অনেকে গুলিয়া থাকিবেন কলিকাতার ভূগর্ভনিহিত ড্রেণ সমুদয় পরিষ্কার করিবার জন্য তন্মধ্যে লোক অবতরণ করিয়া সময়ে সময়ে প্রাণ হারাইয়া থাকে। এসম্বন্ধে মহাত্মা গান্ধী যুবক ৩নং ফরচন্দ্র কুণ্ডের আত্মবিসর্জনের কাহিনী আমাদের জাতীয় ইতিহাসের একটা অতুল্য ঘটনারূপে নিশ্চয়ই পাঠিকাগণের স্মরণ আছে। আবদ্ধ গৃহকক্ষে করজার অগ্নি রাখিয়া রাত্রিতে শয়ন করা হেতুও লোকের মৃত্যু হয়। শুষ্ক বা অর্ধশুক পুরাতন ও গভীর কুয়া মধ্যে অবতরণ করিয়াও লোকের মৃত্যু হইয়া থাকে। গৃহদাহের সময়ে কখন কখন দেখা যায় যে, কিছুমাত্র দগ্ধ না হইয়াও গৃহে অবরুদ্ধ লোক মৃত্যুমুখে পতিত হইয়াছে।

অপরিস্কৃত ও আবদ্ধ ড্রেণেতে Sewer gas নামে এক প্রকার বিষাক্ত বায়ু উৎপন্ন হয় এবং অগ্নির ধূমেতে কার্বনিক এসিড নামক বিষাক্ত বায়ু উৎপন্ন হইয়া থাকে। এ সমুদায় বিষাক্ত বায়ু নিশ্বাসে গ্রহণ করিলে প্রথমে মূর্ছা পরে মৃত্যু হইয়া থাকে। অধিক পরিমাণে সেবন করিলে তৎক্ষণাৎ মৃত্যু হয়।

প্রতীকার—উপর্যুক্ত দূষিত বায়ু সেবনে মূর্ছা হইলে মুচ্ছিত ব্যক্তিকে পরিষ্কার

ও উন্মুক্ত বায়ুতে লইয়া আসিবে, এবং আঁটা বজ্রাদি ছাড়াইয়া বা স্নান করিয়া দিয়া তাহার মুখে ও বক্ষে প্রচুর পরিমাণে শীতল জল প্রক্ষেপ করিবে ও smelling salt আশ্রয় করাইবে। ইহাতে কোন ফল না হইলে কৃত্রিম শ্বাস প্রশ্বাস করাইবে।

আমাদের দেশে গৃহনির্মাণের দোষে এবং গৃহদ্রব্যাদি রাখিবার যথাবিহিত শৃঙ্খলার অভাবে অনেক গৃহেই ন্যূনাধিক পরিমাণে বিষাক্ত বায়ু সর্বদা উৎপন্ন হইয়া থাকে, এবং তাহার ফলে গৃহস্থ সকলের বিশেষতঃ স্ত্রীলোক ও শিশুদিগের শরীর অসুস্থ হইয়া পড়ে। পুরুষেরা সর্বদা বাহিরে উন্মুক্ত স্থানে যাতায়াত করেন বলিয়া তাঁহাদের তত ক্ষতি হয় না। এ সম্বন্ধে কয়েকটি বিষয়ের প্রতি মহিলার পাঠিকাগণের মনোযোগ আকর্ষণ করিতে ইচ্ছা করি।

১। প্রথমতঃ গৃহে প্রত্যেক কক্ষে যথেষ্টরূপে আলোক ও সূর্যের উত্তাপ ও সংরক্ষণশীল বায়ু প্রবেশ করিতে না পারিলে উহার অভ্যন্তরস্থ বায়ু দূষিত ও বিষাক্ত হয়।

২। গৃহের মেজে ও গৃহস্থিত দ্রব্যাদিতে ধূলি সঞ্চিত হইলেও বায়ু বিষাক্ত হয়।

৩। সচরাচর আমাদের পাক গৃহের নির্মাণপ্রণালী অতিশয় দূষণীয়। উহাতে ধূম নির্গমনের জন্ত প্রায় কোন নির্দিষ্ট পথ থাকে না। ধূমে কার্বনিক এসিড নামক বিষাক্ত পদার্থ থাকে, ইহার অল্প মাত্রা সেবন করিলে মাথা ধরা, কপালের উভয় পার্শ্বে দপ্‌দপ্‌ করা, হৃৎপিণ্ডের উৎক্ষেপ,

চক্ষে জল বহা ইত্যাদি কষ্ট হইয়া থাকে, এজতাই আমাদের গৃহিণীদিগের মধ্যে অনেকেই বাহ্যিক শরীর সুস্থ এবং সবল নহে, রক্তনশালা হইতে বহির্গত হইয়া প্রায় সমস্ত দিন উপরিদিখিত কষ্টগুলি অনুভব করেন, এবং বাহ্যিক সবল ও সুস্থ তাঁহারা ক্রমে অসুস্থ ও দুর্বল হইতে থাকেন। ইহা সত্য যে সকলেই অসুস্থ হইয়া পড়েন না; অবস্থা, স্বাভাবিক শারীরিক সামর্থ্য ও শক্তির উপর নির্ভর করে।

উপরি লিখিত কারণবশতঃ সকল গৃহিণীরই উচিত যে বাস করিবার জন্য যখন গৃহ-নির্মাণ বা গৃহ-নির্মাণ করেন তখন গৃহের দ্বার জানালা যথেষ্ট ও যথাযোগ্য আছে কি না তদ্বিষয়ে দৃষ্টিপাত করেন। গৃহের কোনও স্থলেই অন্ধকার হওয়া উচিত নহে। পাইথানা ও জান্নের ঘরেও বিশেষরূপে আলোক প্রবেশ ও বায়ু সঞ্চালনের বন্দোবস্ত থাকার আবশ্যিক। শেষোক্ত স্থানদ্বয়ে দূষিত জল নির্গমনের জন্য যথেষ্ট পয়ঃ-প্রণালী থাকা আবশ্যিক, এবং উহা প্রতিদিনই পরিষ্কৃত হওয়া আবশ্যিক। প্রত্যেক রান্নাঘরে ধূম নির্গমনের উত্তম বন্দোবস্ত থাকা আবশ্যিক। ইংরাজী ধরণে চিমনি থাকিলে বড় ভাল হয়।

L r: N. C. Dutta.

### সম্পাদকীয় মন্তব্য ।

আচার্যমাতা সাধ্বী সারদা দেবী ৭৮ বৎসর হইল তাঁহার নাত জামাতা পূর্ণিয়ার ডিপুটি ম্যাজিষ্ট্রেট শ্রীমান্‌ যোগেন্দ্র

লাল কাণ্ডগিরির অনুরোধমতে স্বীয় জীবন-কাহিনী আত্মপূর্বিক ক্রমশঃ কিছু কিছু করিয়া এক এক দিন বলিয়াছিলেন। যোগেন্দ্রলাল তাঁহার কথাগুলি একটী খাতায় অবিকল লিখিয়া রাখিয়াছিলেন। সারদা দেবী স্বর্গগত হইলে পর তাঁহার প্রিয়তমা পৌত্রী শ্রীমতী সরলা দেবী (যোগেন্দ্রলালের পত্নী) উক্ত খাতা হইতে সেই জীবনকাহিনী কিছু কিছু নকল করিয়া মহিলাতে প্রকাশের জন্ত ক্রমশঃ আমাদের নিকটে পাঠাইতেছেন। তাহা অবিকল প্রকাশিত হইতেছে। বিগত শ্রাবণ মাসে আচার্যের বিবাহ বৃত্তান্ত প্রকাশিত হইয়াছে।

আচার্যমাতা একটী পাত্রীর সঙ্গে সম্বন্ধ স্থির করিয়াছিলেন। আচার্য মহাশয়ের জ্যেষ্ঠ পিতৃব্য মহাশয় সেই সম্বন্ধ কোন কারণে ভঙ্গ করিয়া আচার্যমাতার অমতে ও অজ্ঞাতসরে বালী গ্রামে চন্দ্রকুমার মজুমদার মহাশয়ের কন্যার সঙ্গে সম্বন্ধ স্থির করেন। তখন সেই পাত্রীর বয়ঃক্রম ৭৫ বৎসর ছিল, তিনি রুগ্না ছিলেন। তাঁহার মাথায় চুল একেবারে ছিল না। বর্ণ মলিন ছিল। আচার্যমাতা লোক-মুখে তাহা শ্রবণ করিয়া দুঃখিত হন, পরে বধূকে স্বয়ং দেখিয়াও সন্তুষ্ট হন নাই, তবে ভাল করিয়া মুখ দেখিয়া তাঁহার মনে তত ক্ষেত্র থাকে নাই। ত্র বিয়য় তিনি নিজে যাহা বলিয়াছিলেন পণে পুরুষধর সৌন্দর্য্য বিষয়ে, যাহা ব্যক্ত করিয়াছেন আমরা অবিকল তাহা উদ্ধৃত করিয়া দিলাম।

—যে ভাবে বলিলেন তাতে আমার মনে হইল মেয়ে সুন্দরী নয়, তারপর আমি একবার যখন বড় বৌ ও ছোট মেয়েকে লইয়া বাপের বাড়ী বাইতেছিলাম, সেই সময় বাপের ঘাটে নৌকা লাগাইয়া বৌ ও ছোট মেয়েকে ঝিএর সঙ্গে মেয়ে দেখিতে পাঠাইলাম। তাহারা ফিরিয়া আসিয়া যাহা বলিল, তাহাতে আমার মন আরও খারাপ হইল। সে যাহা হউক বিবাহ ঠিক হইল। বৌ ঘরে আসিল। বৌএর মুখ দেখিবার পূর্বে আমার মন আরও খারাপ হইল, এমন কি কাঁদিয়া ফেলিলাম, আমার ভাণ্ডরও অপ্রস্তুত হইয়া গেলেন। তাড়া-তাড়ি নিজে বাতি লইয়া ধরিলেন, এবং আমার বেশ করিয়া মুখ দেখিতে বলিলেন। মুখ দেখিয়া আমার মনটা ভাল হইল। মনে করিলাম মুখখানি বেশ, পরে ভাল হইবে। বিবাহের সময় বৌ অতি ছোট, রোগা ও কাল ছিলেন, মাথায় চুল আদ-পেই ছিল না। \* \* \*

“বিয়ের পর বৌ এক বৎসর বাপের বাড়ী ছিলেন, নয় বৎসর বয়সে আমি লইয়া আসি, সেই পর্য্যন্ত আমারই ছিলেন। আমার ও আমার বড় মেয়ে ফুলেশ্বরীর যত্নে বৌ ক্রমে ক্রমে সুশ্রী ও সুস্থ হইতে লাগিলেন, এবং শেষে অতি সুন্দরী হইলেন। ধর্ম্ম ভাবের সঙ্গে সঙ্গে বৌএর শ্রী ও সৌন্দর্য্য আরও বাড়িতে লাগিল।”

আচার্যপত্নী তখন ৭ বৎসরের বালিকা, রুগ্না ছিলেন। একপ অবস্থাপন্ন একটী বালিকার সৌন্দর্য্য ও অসৌন্দর্য্য বিষয়ে কোন আলোচনাই হইতে পারে না,

রোগে শারীরিক সৌন্দর্যের হানি হইয়াছে বলিয়া নিন্দাই বা কেমন করিয়া হইতে পারে। পরে আচার্য্যমাতা বলিয়াছেন, “আমার ও আমার বড় মেয়ে ফুলেশ্বরীর যত্নে বৌ ক্রমে ক্রমে সুন্দরী ও সুস্থ হইতে লাগিলেন, এবং শেষে অতি সুন্দরী হইলেন, ধর্ম ভাবের সঙ্গে বউয়ের শ্রী ও সৌন্দর্য্য আরও বাড়িতে লাগিল।” আচার্য্যমাতা নিজের জীবনসম্বন্ধীয় সকল কথা সরলভাবে যথাযথ আনুপূর্ব্বিক বলিয়াছেন। তাঁহার কথাগুলি পাঠ করিয়া আমাদের একটা কথো ফোভ প্রকাশ করিয়া প্রতিবাদসূচক আমাদের পত্র লিখিয়াছেন,\* তিনি বলেন, এরূপ লিখাপ্রা সাধারণের নিকট আচার্য্য-পত্নীর নিন্দা করা হইয়াছে। বাস্তবিক তিনি পরমাসুন্দরী ছিলেন। আমরাও বলি তিনি পরমাসুন্দরী ছিলেন। আচার্য্যমাতাও নিজে তাহা বলিয়াছেন। কথো বলেন, “কোন একটা Public কাগজে কোন কুৎসা বা নিন্দা সঙ্গত মনে হয় না, বিশেষতঃ তাঁহাদের বাঁহাদের জীবন জগতে আদর্শ স্থানীয়।”

তদ্রূপ বলাতে আচার্য্যমাতা স্বীয় পুত্র বধুর কুৎসা ও নিন্দা করিয়াছেন কি না তাঁহার কথাগুলি পূর্বাপর পাঠ করিয়া পাঠিকারা বিচার করিবেন। তিনি পুত্র বধুর জীবন ও চরিত্র বিষয়ে কিছুই বলেন নাই। ৭৮ বৎসরের বালিকার জীবন পঠন হয় না, সে বিষয়ে কোন কথাই হইতে পারে না। তদবস্থাপনা একটা বালিকার শারীরিক সৌন্দর্য্য বয়সে বাদান্ন

\* এক্ষণে তাঁহার পরিচয়দানে আমরা অপ্রস্তুত।

বাদ করাও অপ্রয়োজন। লেখিকা বলেন, আচার্য্যমাতার কথাগুলি অবিকল প্রকাশ না করিয়া আমরা নিজের ভাবানুসারে তাঁহার জীবনী কেন লিখিতেছি না আমরা বলি সেরূপ লিখিতে আমরা অসমর্থ। আমরা জীবনী প্রকাশের প্রথমেই বাস্তব করিয়াছি, ইহা কেশব-জননীর নিজ-মুখের কথা। এমন অবস্থায় তাঁহার কথায় বা ভাবের পরিবর্তন করিলে আমাদের বড় দায়িত্ব, তাহাতে যে মিথ্যাচরণ হয়। বিশেষতঃ তাঁহার সরল হৃদয়ের কথাগুলি অবিকল প্রকাশ করাতে যেরূপ স্বাভাবিক ও মিষ্ট লোকের আদরণীয় হইতেছে, তাহা আমাদের নিজের কথায় লিখিলে হইবে না, জিনিস অল্পরূপ হইবে। অপিচ উগ পুস্তকাকারে প্রকাশ করিবার সময় কোন কোন অংশ পরিত্যাগ করা আবশ্যিক হইলে যিনি উক্ত লিখিয়া রাখিয়াছেন, এবং যিনি মহিলাতে নিজের নাম স্বাক্ষর করিয়া প্রকাশ করিতেছেন, তাঁহারা তাহা করতে পারেন, আপত্তি নাই।

লেখিকা জানিবেন আচার্য্যমাতার জীবনের সৌন্দর্য্য ও বিশেষত্ব এই যে, তিনি কাহারও বিরুদ্ধে কোন মন্দভাব কখনও পোষণ করেন নাই, কখনও কাহারও নিন্দা ও কুৎসা করেন নাই। জগতে তাঁহার শত্রু ছিল না, সকলের প্রতি তাঁহার হৃদয় স্নেহপ্রবণ ও চিরপ্রসন্ন ছিল, তাঁহার তদ্রূপ বলাতে তাঁহার নিজের পুত্র-বধুর কোন প্রকার নিন্দা ও কুৎসা হয় নাই, ইহা আমরা সাহস করিয়া

বলিতে পারি। লেখিকা মনে কোনরূপ ক্ষোভ রাখিবেন না। তিনি জানিবেন আচার্য্যপত্নী যেমন তাঁহার ভক্তির পাত্রী আমাদেরও তদ্রূপ ভক্তির পাত্রী।

### স্বর্গগতা সাধ্বী মুক্তকেশী । \*

১৭৬৭শকে ২৫শে অগ্রহায়ণ জেলা হুগলির অন্তর্গত ত্রিবেণীর নিকট বাগাটী গ্রামে কোন সম্পন্ন পরিবারে মাতৃদেবী জন্মগ্রহণ করেন। তাঁহার পিতা গোপীনাথ মিত্র কলিকাতায় মুচ্ছুদি Banion ছিলেন। প্রথম সন্তান বলিয়া তিনি পিতা মাতার বড় আদরের কথো ছিলেন। যখন তাঁহার পাঁচ বৎসর বয়স তখন হঠাৎ বিষুচিকা (কলেরা) রোগে তাঁহার মাতৃ বিয়োগ হয়। মাতৃহীনা সন্তান বলিয়া পিতা পিতামহী ও বিধবা নিঃসন্তান গিমীর বিশেষ আদরের পাত্রী ছিলেন। তাঁর দুইটী সহোদর ভিন্ন গৃহে আর সন্তানাদি ছিল না। সুতরাং কথো তখনকার কালেও পুত্রের হায়ে আদরে লালিতা পালিতা হইয়াছিলেন। চিরজীবন

\* গত আড়াই মাসে দেবী মুক্তকেশীর অন্তিম কালের বিবরণ, শ্রাবণ মাসে তাঁহার সংজ্ঞাপ্ত জীবনী প্রকাশিত হইয়াছে। এখন হইতে জীবনের কিছু বিস্তৃত বিবরণ প্রকাশিত হইতে চলিল। ইহা তাঁহার তৃতীয়া কথো প্রিয়বালা কর্তৃক লিখিত। ইহার প্রথমংশের ৪৫ ছত্রের কিয়দূরে মনীলিন্দাবস্থায় প্রাপ্ত হওয়াতে অবোধ্য হইয়াছে। কোনরূপে দুই চারি কথার যোগ করিয়া অর্থ-সংগতি করিয়া লওয়া হইয়াছে।

নিরামিমভোজিনী মাতৃদেবীর মুখে শুনিয়াছি বাল্যকালে মৎস্য ভিন্ন একদিনও তাঁহার আহার হইত না। এইরূপ আদরের কথো একাদশ বৎসর বয়সে বিবাহিতা হইয়া শ্বশুরগৃহে গেলেন। শ্বশুরালয় প্রকাণ্ড সম্রাট গৃহস্থ, এক পরিবারে বদ্ধ হইয়া স্ত্রীপুরুষ বহুলোক ছিলেন। তাহা অপেক্ষা বড় পরিবার হইতেই পারে না। আবার আমার মাতৃদেবীর নিজের শ্বশুর বা শ্বশুরী কেহই ছিলেন না; তাঁর শ্বশুর, আমার পূজনীয় পিতাঠাকুর মহাশয়ের শৈশবকালেই পরলোকগত হন, এবং শ্বশুরীঠাকুরাণীও, বধুর শ্বশুরগৃহে সংসার করিতে আসিবার পূর্বেই-স্বর্গারোহণ করেন, সুতরাং নূতন বধূকে তেমন করিয়া আদর যত্ন করিবার লোক বিশেষ কেহই ছিলেন না, বরং ছোট বধু বলিয়া (তখনকার সময়ে পল্লীগামে যেরূপ নিয়ম ছিল) তাঁহাকে অনেক কাজ কর্ম করিতে হইত। যিনি পিতৃগৃহে একেবারেই কাজকর্ম করেন নাই, একেবারে কতকগুলি কাজের ভার তাঁহার উপর পড়ায় যদিও একটু কষ্ট হইত তথাপি সুন্দররূপেই তাহা সম্পন্ন করিতেন। পল্লীগামের ব্যবস্থানুসারে যতই কেন অল্পবয়স্কা বধু হউন না, বাড়ীর সকলের আহারাদির পর অপরাহ্ন সময়ে বধুগণের আহার করিতে হইত। এই সকল নানা কারণে প্রথম প্রথম তিনি কষ্ট বোধ করিতেন, কিন্তু আশ্চর্য্যের বিষয়, কোন প্রকার কষ্টের কথা, পাছে শ্বশুর বাড়ীর নিন্দা করা হয়, এবং তাঁর পিতা

পিতামহী প্রভৃতি ছুঃখিত হন সেজন্ত  
কাহাকেও বলিতেন না।

তঁার পিতা আদরের কণ্ঠকে, পাছে  
কোন কষ্ট হয় ভাবিয়া, সাপ্তাহিক ও  
মাসিক উপহারাদি পাঠাইতেন, তিনি  
সেই সকল অর্থ ও বস্ত্র হইতে তঁার বড়  
জা-কে না দিয়া নিজে লইতেন না।  
কখনও কোথায়ও যাইতে হইলে দুইখানি  
বস্ত্র বাহির করিয়া একখানি দিদীকে  
দিতেন ও একখানি নিজে পরিধান  
করিতেন।

কেহ যদি তঁাহার নিকট হইতে কিছু  
চাহিত, নিজের পছন্দ মত জিনিস হইলেও,  
তাহা তৎক্ষণাৎ আনন্দের সহিত  
তাহাকে দান করিতেন। বাল্যকাল হই-  
তেই তিনি দানে বড় সুখ অনুভব করি-  
তেন, এইরূপে তঁার সদৃশ স্কল বাল্য-  
কালেই অঙ্কুরিত হইয়াছিল।

যখন তিনি অল্পবয়স্কা বালিকা ছিলেন,  
শুশ্রূষালয় গিয়া অসুখ বিসুখ হইলে তাহা  
গ্রাহ্য না করিয়া নিজের কর্তব্যপালনে  
কখনও ত্রুটি করিতেন না। সে সময় পল্লী-  
গ্রামে অনেকগুলি নারী একত্রিত হই  
লেই, কুৎসিত আমোদ কুৎসিত ভাষা  
এবং কুৎসিত বিষয়ের চর্চা ইত্যাদি হইত,  
আমার জননী দেবী সময়ে সেই সকল  
প্রসঙ্গ হইতে দূরে থাকিতেন, কখন তঁাহারা  
ডাকিলেও ওরূপ সংসর্গে মিশিতেন না,  
এবং বলিতেন “তোমাদের কি আর ভাল  
কথা নাই, তোমরা এসকল কুৎসিত বিষয়ে  
আলোচনা কর কেন?”

তিনি স্বভাবতঃ কোমলহৃদয়া ছিলেন।

কিন্তু অন্য় দেখিলে বলিতে কুণ্ঠিত হই-  
তেন না।

১৭৫৯ খৃষ্টাব্দে পিতাঠাকুর মহাশয়  
প্রথম ব্রাহ্মসমাজ-ভুক্ত হন। তখন মাতা-  
ঠাকুরাণীর উপর খুব অত্যাচার ও নির্ধ্যাতন  
আরম্ভ হয়। শুনিয়াছি প্রথম সন্তান  
প্রসবকালে তিনি যখন স্মৃতিকাগারে  
ছিলেন তখন তঁাহার উপর গৃহ-কর্তার  
আদেশ হইল যে বধূর আহার বন্ধ করা  
হউক, এবং কোন প্রকার সাহায্য কেহ  
করিতে পাইবে না। সেই অবস্থার মধ্যে  
পড়িয়াও মাতৃদেবী বিচলিত হয়েন নাই ;  
তিনি কোন লোকের দ্বারা সাহায্য মাগণী  
আনাইয়া স্মৃতিকাগারমধ্যে নিজে রন্ধন  
করিয়া আহার করিয়াছেন, তথাপি ধর্ম  
ত্যাগ করেন নাই। গৃহে স্ত্রীলোকেরা  
“ও ধর্ম ত্যাগ করিয়াছে” বলিয়া মাতা-  
ঠাকুরাণীকে অনেক তিরস্কার লাঞ্ছনা  
করিয়াছেন, কিন্তু তিনি সকলই অগ্নানবদনে  
সহ্য করিয়াছিলেন।

যখন তঁার বয়ঃক্রম চতুর্দশ বৎসর,  
তখন তঁার পিতৃগৃহে একটা বৈরাগ্যের  
ভাইয়ের জন্ম হয়, তিনি সেই ভাইটীকে  
পুত্র নির্দিষ্টে ভাল বাসিতেন এবং আজী-  
বন তঁাকে ও পরে তঁার পুত্রকে নিজপুত্রের  
শ্রায় বস্ত্র আদর করিয়া আসিয়াছেন।  
অনেক বয়সে শেষবার যখন জন্মস্থান  
দেখিবার জন্ত পিতৃশ্রমণে গিয়াছিলেন  
তখন তঁার মহোদরা ভগ্নী ও তঁার সঙ্গে দেখা  
করিতে আসিয়াছিলেন। তিনি ভাইয়ের  
বিষয়ে কিছু অভিযোগ করিতেছিলেন  
মাতৃদেবী তাহাতে বাধা দিয়া বলিলেন,

“হরির কথা অমাকে কিছু বলিও না,  
আমি শুনিতে ইচ্ছা করি না, তোমার  
তার বিরুদ্ধে কিছু বলা উচিত নয়।  
কারণ সেই আমাদের একমাত্র ভাই ও  
পিতৃবংশের রক্ষক, আমি তার কোন দোষ  
দেখি না।”

তঁার গুরুজনে ভক্তি ও কনিষ্ঠের প্রতি  
স্নেহ মমতা চিরদিন সমান ভাবেই দেখি-  
লাম, নিকট ও দূর সম্পর্কীয় আত্মীয়  
স্বজন এবং সমাজভুক্ত নরনারী সকল-  
কেই যথাযোগ্য ভক্তি স্নেহ করিতেন,  
কাহারও নিকট হইতে কদাচ মন্দ বা-  
হার পাইলেও তঁার ভক্তি বা স্নেহের  
অভাব দেখি নাই, সেজন্ত তঁাহাকে কি  
আত্মীয় স্বজন কি সমাজস্থ নরনারী সক-  
লেই ভাল বাসিতেন ও শ্রদ্ধা করিতেন।

যে সময়ে পিতাঠাকুর মহাশয় প্রচার  
ব্রত গ্রহণ করেন, সে সময়ও তঁাকে বিষম  
পরীক্ষায় পড়িতে হইয়াছিল কিন্তু তিনি  
অটল ভাবে আনন্দের সহিত পিতৃদেবের  
কর্ম পরিত্যাগে অনুমোদন করিয়াছিলেন,  
এবং তখন হইতেই বৈরাগ্য ব্রত গ্রহণ  
করেন ও বস্ত্র অলঙ্কারের বাসনা একে-  
বারেই পরিত্যাগ করিয়াছিলেন। গৃহে  
খাদ্য সামগ্রীর অভাব হইলেও কাহাকেও  
জানাইতেন না। তিনি স্বভাবতঃ ভোগ-  
বিলাসপ্রিয় ছিলেন না। তঁার জীবন  
বৈরাগ্যপ্রধান ছিল, কখন কোনও অভাব  
বোধ করিতেন না।

দেখ বিদেশে যাইয়া প্রাকৃতিক দৃশ্য ও  
বিধাতার বিচিত্র লীলা দেখিবার ও সন্তোষ  
করিবার জন্ত তঁার প্রাণ উৎসাহিত হইত।

তিনি যত স্থান দেখিয়ছেন তার মধ্যে  
হরিদ্বার তঁার সর্বাঙ্গপ্রিয় স্থান ছিল,  
তিনি হরিদ্বারের কথা উৎসাহের সহিত  
বলিতেন, এবং সেই স্থানে পুনর্বার যাইতে  
চাহিতেন। হরিদ্বারে যখন গিয়াছিলেন,  
তখন চণ্ডীর পাহাড়ে উষ্ণির জন্ত কিয়-  
দূর একটা অপ্রশস্ত কাষ্ঠ ফলকের উপর  
দিয়া যাইতে হইত, নীচে গঙ্গানদী প্রবা-  
হিত, নীচে পড়িয়া গেলে কোথায় যে  
ভাসাইয়া লইয়া যাইবে তাহার স্থিরতা  
নাই, এমন অপ্রশস্ত পথ দিয়া যাইতে  
কেহই সাহস করিতেছেন না দেখিয়া  
মাতা ঠাকুরাণীই প্রথমে সাহসপূর্বক  
তাহার উপর দিয়া চলিয়া গেলেন, দেখিয়া  
অন্যান্য মেয়েও সাহস করিলেন। তঁাহার  
সকল কার্যেই সাহস ছিল।

তিনি ধর্মের বাহ্যিক আড়ম্বর একে-  
বারেই পছন্দ করিতেন না। তিনি বলি-  
তেন, “ধর্ম বাহিরে নয়, অন্তরে, অন্তর  
শুদ্ধ রাখ, বাহিরে দেখাইয়া কি হইবে?  
ভগবান বাহিরের ধর্ম ভোলেন না,  
অন্তর দেখেন।”

তিনি একটা ধার্মিক নারী ছিলেন,  
কিন্তু নিজেকে নিতান্ত দীন পাপী বলিয়া  
মনে করিতেন। অহঙ্কার তঁার অন্তরে  
বিন্দুমাত্রও ছিল না।

মাতৃদেবী বিবিধ গুণের ভূষণ পর-  
শ্রমী ও সুগৃহিণী ছিলেন। গৃহকার্যে এমন  
সুদক্ষ নারী কমই দেখিতে পাওয়া যায়।  
তিনি রন্ধন, বিবিধ খাদ্য প্রস্তুত ও শিল্প  
কর্মে সচেষ্ট ছিলেন। তঁার সংসারের সুশৃ-  
ঙ্খণা ও সু ব্যবস্থা উল্লেখ যোগ্য। এত অল্প



আয়ের মধ্যে এমন সূচারূপে সংসার নির্বাহ করিতেন যে দেখিলে আশ্চর্য্য হইতে হইত। তাঁর দৈনিক কার্য্য প্রণালী এইরূপ ছিল :—

অতি প্রত্যুষে প্রাতঃকৃত্যাদি সমাপন করিয়া উপাসনা করিতেন। যখন পিতা গৃহে থাকিতেন তখন তাঁকে আরাধনা ভাগ করিয়া কবিতা হইত, (নচেৎ তিনি নিজেই পুত্র কন্যাদিগকে লইয়া উপাসনা করিতেন।) উপাসনার পর রন্ধনাদি করিয়া দুই টায় মধ্যে সন্তানদিগকে আহার করাইয়া স্কুলে পাঠাইতেন, তাহার মধ্যে যদি কেহ উপাসনায় যোগ দিবার জন্ত আসিতেন তাঁহার জন্ত ক্ষিপ্রহস্তে মিষ্টান্ন খাদ্যাদি স্বহস্তে প্রস্তুত করিয়া খাওয়াইতেন। কেহ টের পাইত না যে কখন প্রস্তুত হইল নীরবে সকল কর্ম্ম করিতেন, কর্ম্মে কিছুমাত্র আড়ম্বর ছিল না। স্বামী ও পুত্র কন্যাদের আহার করাইয়া অবশেষে নিজে স্নান আহার করিতেন। আহারান্তে একটু বিশ্রাম করিবার পর ছোট ছেলে মেয়েদের কাপড় চোপড় সেলাই ও গৃহের অন্যান্য শিল্প কর্ম্ম করিতেন। তারই মধ্যে, কখন কখন পরেও কিছু সদগ্রন্থ পাঠ হইত। বৈকালে পুনরায় রন্ধনাদি করিয়া বালক বালিকাদিগকে আহার করাইতেন। পরিশেষে সন্ধ্যার সময় পুত্র কন্যাদের লইয়া একটি গান ও প্রার্থনা হইত। প্রার্থনার পর ছেলে মেয়েরা পড়িতে বসিতেন, তাঁকে পরেও উপাসনা-গৃহে ধ্যানে রত থাকিতে দেখিয়াছি। তিনি অনেক সময়ে ছোট

ছেলে মেয়েদের লইয়া সন্ধ্যার পর রামায়ণ, মহাভারতের নীতিপূর্ণ গল্প সকল শুনাইতেন। সন্তানেরা কিরূপে সংপথে থাকিবে ও ভগবানকে চিনিবে সে বিষয়ে তাঁর বিশেষ যত্ন ছিল, কন্যারা বড় হইলে কিরূপে চিত্ত সংযম করিয়া ধ্যান অধ্যাস করিতে হয়, তিনি নিজে কিরূপে করিতেন ইত্যাদি বিষয়ে শিক্ষা দিয়াছেন।

একবার কেহ বলিয়াছিলেন, “তিনি সর্বদা সংসারের কাজ লইয়াই ব্যস্ত থাকেন।” তাহাতে তিনি বলিয়াছিলেন, “আমি যে সংসার করি, ইহাও তাঁরই কাজ; তিনি আমার এমন অবস্থায় রাখিয়াছেন যে, আমার সর্বদা সংসারের কাজে ব্যস্ত থাকিতে হয়, যিনি এ ভার দিয়াছেন; যত দিন তিনি আমাকে এ কাজে রাখিবেন, তাঁরই কাজ করিতেছি ভাবিয়া করিয়া যাইব।”

তিনি সকল কর্ম্ম সময়ে করিতেন, অসময়ে ভালরূপে করার চেয়ে সময়ে অল্প পরিমাণে করাও ভাল এই তাঁর মত ছিল। তিনি সর্বদা পুত্র, কন্যা, আত্মীয় স্বজনকে উপহারাদি প্রেরণ করিতে বড়ই ভাল বাসিতেন, কেবল নিজের আত্মীয় স্বজনকে দিয়াই সন্তুষ্ট হইতেন না, তাঁর ভালবাসা বহু বিস্তৃত ছিল। সম বিধবাসী ও বিশেষতঃ প্রেরিত প্রচারক মহাশয়দের সেবা করিবার জন্য তাঁর মন ব্যাকুল হইত। কিন্তু তিনি অর্থাভাবে সকল সময়ে ইচ্ছারূপ সেবা করিতে পারিতেন না। ভাগলপুরে যখন ছিলেন ব্রাহ্মপরিবার গঠনকার্য্যে পিতৃদেবকে বিশেষরূপে সহায়তা

করিয়াছিলেন। তাঁহার দৃষ্টান্তেই কিছুকাল তিনি প্রতি বৎসরে গ্রীষ্মকালে একটা ব্রত করিতেন, প্রত্যাহ এক একটা বাড়ীতে পাখা, সোরাই এবং সর্ব্বৎ, বরফ ও ফল ইত্যাদি ষড়পূর্ব্বক পাঠাইতেন। অনেক সময়ে গৃহে কেহ আসিলেও তাঁকে ঐরূপ দেওয়া হইত। সময়ে সময়ে স্থানীয় হাঁসপাতালে রোগীদের জন্য খাদ্যাদি প্রেরণ করিতেন। কেহ তাঁর গৃহে অতিথি হইলে, অতি আনন্দের সহিত যত্নপূর্ব্বক তাঁর পরিচর্যা করিতেন, তাঁর অন্তর সেবা-প্রিয় ছিল, কাহারও সেবা করিতে পাইলে কৃতার্থ হইতেন। বৈদ্যনাথ-কুষ্ঠাশ্রম তাঁর একটি বিশেষ সেবার স্থান ছিল।

ক্রমশঃ

স্বদেশের দুর্গতির জন্য মহিলাদের প্রার্থনা হয় কি ?

নববিধানাচার্য্য কেশবচন্দ্র সেন জীবনের শেষভাগে গুরুতর রোগে আক্রান্ত হইয়া একযোগে স্বীয় প্রথম পৌত্র ও প্রথমা দৌহিত্রীর নামকরণ ক্রিয়া নবসংহিতানুসারে কমলকুটীরে সম্পাদন করেন। ইহাই তাঁহার জীবনের শেষ পারিবারিক অর্ন্থান হয়। সেই শুভানুষ্ঠানোপলক্ষে নিমন্ত্রিত হইয়া বাবু নলিনবিহারী সরকার প্রভৃতি বাহিরের অনেক সম্ভ্রান্ত বন্ধু কমলকুটীরে আসিয়াছিলেন। অর্ন্থান সম্পন্ন হওয়ার পর আচার্য্য উপরের একটি ঘরে চিন্তাশীল অন্তরে বিষন্ন ভাবে কিয়ৎক্ষণ বসিয়াছিলেন। তখন নলিনবিহারী বাবু ও অল্প কোন

কোন বন্ধু তাঁহাকে তদবস্থাপন্ন দেখিয়া চিন্তা ও বিষন্নতার কারণ জিজ্ঞাসা করেন। তাহাতে তিনি বলেন, এদেশের যুবক যুবতী ও বালক বালিকাগণ ক্রমশঃ ধর্ম্মপথে অগ্রসর হইতেছিল, তাহাদের অন্তরে ঈশ্বরে বিশ্বাস ভক্তি জন্মিতেছিল, তাহারা ধর্ম্মভয়, দিনর ও বাধ্যতার অধীন হইতেছিল, কিন্তু এক্ষণ হইতে উহা পঞ্চাশ বৎসর পশ্চাতে পড়িতেছে। সেই সময়ে রাজনৈতিক আন্দোলনের স্রোত চলে, ক্রমে অনেক রাজনৈতিক আন্দোলনকারী বক্তা, বালক ও যুবকদিগের মধ্যে আন্দোলন উপস্থিত হয়। সামান্য অগ্নিকণা যেমন বায়ুর সাহায্যে ভীষণাকার ধারণ করিয়া একটি প্রকাণ্ড নগরকে ভস্মীভূত করিতে পারে, তদ্রূপ ২৫ বৎসর পূর্ব্বকার সামান্য আন্দোলন এক্ষণ দেশব্যাপী হইয়া পড়িয়াছে, বাঙ্গালী জাতি শাসনকর্ত্তাদিগের বিষদৃষ্টিতে পতিত হইয়াছেন, তাহারা আর বাঙ্গালীদিগকে বিশ্বাস করিতে পারিতেছেন না, কাহারও কথায় বা লেখায় রাজবিদ্বেহিতার গন্ধ পাইলেই তাহার উপর কঠিন দণ্ড বিধান করিতেছেন। বহু পত্রিকা সম্পাদক, প্রিন্টার ও বক্তা রাজবিদ্বেহিতাপন্থে কারাগারে প্রেরিত এবং দীপান্তরিত হইয়াছেন ও হইতেছেন, অনেকের প্রাণদণ্ড পর্য্যন্ত হইয়াছে। মুদ্রাবন্ধের স্বাধীনতার উপরও আঘাত পড়িয়াছে। এক্ষণ যদি আচার্য্য দেহে বিদ্যমান থাকিতেন স্বচক্ষে দেখিতেন উন্নতি ও কল্যাণ পঞ্চাশ বৎসর পশ্চাতে পড়িয়াছে কি দুই শত বৎসরেরও অধিক দূরে পড়িয়াছে।

আচার্যের মূল ধর্মমত রাজভক্তি। তিনি রাজপ্রতিনিধি লর্ড লিটনের ভারত সাম্রাজ্য শাসন কালে দিল্লির দরবারের অব্যবহিত পরে টাউনহলের বক্তৃতায় রাজভক্তি বিষয়ে যাহা বলিয়াছিলেন তাহার কিয়দংশের অনুবাদ এস্থলে উদ্ধৃত করিয়া দেওয়া গেল। কিরূপ ধর্মবিশ্বাসমূলক তাঁহার গভীর রাজভক্তি, পরমোপকারী ইংরাজ জাতির প্রতি স্থির কৃতজ্ঞতা ছিল, ইহা দ্বারা সকলে হৃদয়ঙ্গম করিতে পারিবেন।

“বহু শতাব্দী হইতে হিন্দুজাতি রাজার প্রতি গভীর বিশ্বাস ও ভক্তি দিয়া আসিতেছেন। হিন্দুর নিকট রাজভক্তির অর্থ ব্যক্তিগত ভাবে রাজাকে ভালবাসা ও শাসন-বিভাগের কর্তার প্রতি অনুরাগ প্রকাশ করা। হিন্দু সন্তান নিজের রাজাকে প্রগাঢ় আনুগত্যের সহিত ভাল বাসেন। হিন্দুর নিকটে রাজাকে বিশ্বাস করিবার অর্থ রাজভক্তি বা রাজাকে ভালবাসা। হিন্দু গৃহস্থ পিতাকে গৃহকর্তৃরূপে ভক্তি করেন, এবং ভালবাসার সহিত তাঁহার আজ্ঞা পালন করেন, সেই প্রকার রাজাকে রাজ্যের পিতৃরূপে ভাল বাসেন ও আনন্দের সহিত তাঁহার আজ্ঞা পালন করেন। রাজা যে প্রজাসাধারণের পিতৃরূপ, ইহা প্রধানতঃ হিন্দুতাব। হিন্দুগণ তাহার সাক্ষ্য দিতেছে, এবং দেশীয় প্রজা সকলের উচ্ছৃঙ্খিত রাজভক্তি তাহার জলন্ত প্রমাণ। হিন্দু মতই যথার্থ মত। ইহা স্বভাবের অস্বাভাব উপযোগী। ভ্রাতৃত্ববাদীরা ইহা অস্বীকার করুক, হৃদয়বিহীন কল্পনার সেবকগণ ইহার

বিরুদ্ধে বলুক তাহাতে কি? আমি তেজের সহিত বলিতেছি, মনুষ্যের অন্তঃকরণ স্বভাবতঃ রাজাকে সাধারণের পিতৃরূপে দর্শন করে। তিনি মনুষ্যশ্রেষ্ঠ না হইতে পারেন, তাঁহার শাসনপ্রণালী দোষ-শূন্য না হইতে পারে, তথাপি সাধারণ লোক তাঁহাকে ভক্তি করে। যেমন সন্তান তাহার পিতার দোষ ছুর্বলতা বিচার না করিয়া তাঁহাকে ভক্তি করে। রাজ্যের আইন-সম্পত্ত অধিকারের উপর যে প্রগাঢ় ভক্তি, তাহা অন্তঃকরণ হইতে দূর করিবার কোন কারণই যথেষ্ট নহে। শান্ত স্বাভাবিক অন্তঃকরণ কখনও রাজনৈতিক কল্পনায় সম্ভ্রষ্ট থাকিতে পারে না। রাজভক্তি ব্যক্তি-বিহীন ভাব ত্যাগ করে, ইহা একটি ব্যক্তি চায়, সেই ব্যক্তি রাজা কিংবা রাজ্যের প্রধান ব্যক্তি, যাহা হইতে নিয়ম ও রাজ্যশাসনের ব্যবস্থা হয়। এ বিষয়ে আমার রাজবিশ্বস্ততার যথার্থ অর্থ কেবল আইন ও পালেমেন্টকে মাথু করা নয়, কিন্তু ইংলণ্ডের রাজা ও ভারতের সাম্রাজ্যী ভিক্টোরিয়ার উপর ব্যক্তিগত অনুরাগ। কেবল সাংসারিক ভাবে রাজভক্তিতে মন এত সরস হয় না। কিন্তু ইহা গভীর ধর্মভাবের ফল। রাজভক্তির অর্থ, বিধাতাকে বিশ্বাস করা। এই বিশ্বাসই রাজভক্তির মধ্যে এত পবিত্রতা ও গভীরতা আনয়ন করিয়াছে, এবং প্রত্যেক লোকের অন্তরে ও সমাজের মধ্যে এই পবিত্র বৃত্তি স্থাপিত করিয়াছে। তুমি কি বিশ্বাস কর না যে, ইতিহাসের মধ্যে ঈশ্বর বিদ্যমান? সমস্ত জাতির উন্নতির মধ্যে কি ভগবানের বিশেষ বিধান দেখিতে পাও না?

নিশ্চয়ই ভারতে ইংরাজ-শাসনকাল ইতিহাসের একটি সামান্য অধ্যায় নয়। কিন্তু ইহা একটি ধর্মসমাজের ইতিহাস। আমাদের এই সুবিস্তীর্ণ দেশের নৈতিক, সামাজিক ও ধর্মসম্বন্ধীয় উন্নতি পাশ্চাত্য বিজ্ঞানের সাহায্যে ও ইংরাজের পিতার ছায় শাসনে সম্পন্ন হইতেছে। যে পুস্তকে এ কথা লিখিত হয় সত্যই ইহা একটি পবিত্র পুস্তক। ইহাতে আমরা পরিষ্কার দেখিতেছি যে, ভগবানই ইংলণ্ডের দ্বারা ভারতবর্ষ শাসন করিতেছেন।

\* \* \* \*

“হে শিক্ষিত দেশীয়গণ, তোমরা তোমাদের স্বর্গের নিয়োজিত রাজাকে ভক্তি করিতে বাধ্য। তুমি যদি ভক্তি না কর তাহার অর্থ ভয়ানক অকৃতজ্ঞ হওয়া ও ভগবানে অবিশ্বাস করা। যখন তোমাদের দেশ অজ্ঞানতা ও কুসংস্কারে অন্তঃসারশূন্যতায় আচ্ছন্ন ছিল, তখন ইংরাজশাসন ঈশ্বরের দূত হইয়া তোমাদের উদ্ধারার্থ আসিয়াছিল, এবং সেই অবস্থা হইতে তোমাদিগকে বর্তমান অবস্থায় উপস্থিত করিয়াছে। সেই ইংরাজ-শাসনকে বিশ্বাস করিতে বাধ্য। এই কাজ মানুষের নয়, কিন্তু ঈশ্বরের। ইংরাজ জাতি দ্বারা তিনিই ইহা করিয়াছেন ও করিতেছেন। তাঁহার মনোনীত যন্ত্র জানিয়া তোমরা রাজাকে ও সমস্ত শাসন কর্তাদিগকে পূর্ণ বিশ্বাসের সহিত মাথু কর। আমরা যতই অধিক রাজভক্ত হইব তত আমরা আমাদের শাসনকর্তাদের সাহায্যে নৈতিক, সামাজিক ও রাজনৈতিক উন্নতির দিকে অগ্রসর হইব। ইহাও ভগবানের

অভিপ্রেরিত বলিয়া বোধ হয় যে, ভারতবর্ষ তাহার বর্তমান পতিত অবস্থায় ইংলণ্ডের পদতলে বসিয়া বহুদিন পাশ্চাত্য শিল্প ও বিজ্ঞান শিক্ষা করিবে। ভারতবর্ষে ইংরাজ জাতির আগমনে বিচ্ছিন্ন ভ্রাতাদের মিলন দেখিতে পাই। অর্থাৎ এই দুই জাতি আর্ধ্য জাতির দুইটি ভিন্ন পরিবার হইতে অন্তত। সেই সর্বনিয়ন্তা ভগবানের বিধানে, স্বর্গের সূনিয়মে কতক গুলি মহত্বদেয় পূর্ণ করিবার জন্ত এই ভারতে সেই দুই জাতির মিলন হইয়াছে। ইংলণ্ড ও ভারত রাজনৈতিক ও সামাজিক নীতিবিষয়ে পরস্পর আদান প্রদান করিয়া যথার্থ উন্নতি অক্ষুণ্ণ গৌরব লাভ করে ভগবানের ইচ্ছা। আমরা দেখিয়া আশ্লাদিত হইয়াছি, রাজকীয় সভাতে সাম্রাজ্যী ভিক্টোরিয়াকে ও তাঁহার প্রতিনিধিকে এ দেশের রাজা মহারাজগণ মিলিতভাবে সম্মান প্রদান করিয়াছেন। আমরা তখন আরও অধিক আনন্দিত হইব, যখন দেখিব ভারতের প্রধান প্রধান ব্যক্তির ও জনসাধারণ এবং ইংরাজ-জাতি একটি বৃহৎ মিলিত দলে সকল রাজার রাজা, সকল প্রভুর প্রভুর সিংহাসনের সম্মুখে মিলিত হইবে। ইংলণ্ড তাহার পাশ্চাত্য জ্ঞান বিজ্ঞান যথাসাধ্য দান করিয়া আমাদের সেই পূর্ণতার নিকটবর্তী হইতে সাহায্য করুক। ভারতে ইহাই তাহার ( স্বর্গের প্রেরিত ) কার্য। সে যেন এই কার্য সুচারুরূপে সম্পন্ন করিতে পারে। ইংলণ্ড তাহার পরিশ্রম ও শিল্প এবং তাহার কার্যকর বিজ্ঞান ও ব্যবহারিক দর্শন আমাদের প্রদান করুক, যাহা এ

দেশের পক্ষে অত্যন্ত প্রয়োজনীয়, যে দেশ কুসংস্কার দ্বারা ভয়ানক রূপে আচ্ছন্ন।” ইত্যাদি।

কেশবচন্দ্রের জীবন ভক্তি-প্রধান ও বিশ্বাস-প্রধান ছিল। তিনি দিব্যালোকে সমস্ত দেখিতেন, রাজার মধ্যে দেবত্ব দর্শন করিতেন, ভারতবর্ষে খ্রিষ্টীয় শাসন ভারতের কল্যাণের জন্য বিধাতার বিশেষ বিধান বলিয়া বিশ্বাস করিতেন। কেশবচন্দ্র প্রত্যাদেশ দ্বারা চালিত হইতেন। উপাসনা প্রার্থনাই তাঁহার জীবনের একমাত্র বল ও সম্বল ছিল। বঙ্গীয় যুবকদিগের বর্তমান নেতৃগণ পার্থিব জ্ঞান ও চিন্তা দ্বারা পরিচালিত হন, নিজেদের বুদ্ধির আলোকে চলেন। উভয়ের মধ্যে স্বর্গ ও মর্ত্যের স্থায় প্রভেদ। রাজাকে ভক্তি করা ও মাগু করা ভারতের স্বদেশী ভাব। কেশবচন্দ্র এ বিষয়ে পূর্ণ স্বদেশী ছিলেন। রাজাকে ও রাজপ্রতিনিধিকে অমাগু করা, রাজপুরুষদিগকে অগ্রাহ্য করা, সম্মানিত সম্ভ্রান্ত লোকদিগকে অপমানিত করা, এ সকল স্বদেশী ভাব নয়, ভারতীয় আৰ্য্য জাতির ভাব নয়। বিকৃত বিলাতী ভাব। বিলাতের উদ্ধত লোকেরাই এই ভাব পোষণ করে, এই ভাবে চালিত হইয়া কার্য্য করিয়া থাকে। বর্তমান নেতারা ও সহকারী উপ-নেতৃগণ ভয়ঙ্কর বিলাতী ভাবে স্বদেশী নামে বক্তৃতা দ্বারা প্রচার করিতেছেন। তাহার কুফল ফলিতেছে ও শত সহস্র যুবা ও বালক নীতি ও ধর্ম্ম জলাঞ্জলি দিয়া ভারতে মহা ছুংখ ও অশান্তি আনয়ন করিয়াছে। চতুর্দিকে হাহাকার রোল উঠিয়াছে।

কেশবচন্দ্র গুণগ্রাহী ছিলেন, ছিদ্রায়েবী ছিলেন না। তিনি সম্মিলনপ্রার্থী—বর্জন-বিরোধী ছিলেন। কেশবচন্দ্র ইংলণ্ড হইতে প্রত্যাগত হইয়া সর্ব্ব প্রথমে ব্রহ্মমন্দিরে যে উপদেশ দান করিয়াছিলেন, তাহার মর্ম্ম ইংলণ্ডের সঙ্গে ভারতভূমির বিবাহ—অচ্ছেদ্য যোগ। বর্তমান নেতৃগণ বিবাহভঙ্গ—ডাই-ভোসের বিধি দিতেছেন। ইংলণ্ডের সহিত ব্যবসায় বাণিজ্যাদির সম্পর্ক যাহাতে না থাকে তাহারই ব্যবস্থা করিতেছেন। যে দিন বর্জনবিধির সূত্রপাত হইয়াছে সেই দিন পুণ্য দিন ও আনন্দের দিন বলিয়া প্রতি বৎসর স্বদেশী দলের দ্বারা মহাঘটা সহকারে উৎসব হইতেছে। তাহার নাম বর্জনোৎসব। রাজপ্রতিনিধি লর্ড কুর্জন কর্তৃক বঙ্গবিভাগ হইয়াছে, তজ্জগুই ধত আন্দোলন ও বিবাদ কলহ। কেহ তাঁহার কিছুই করিতে পারিলেন না, ইংরাজ জাতির ব্যবসায় বাণিজ্য যাহাতে এদেশ হইতে উঠিয়া যায়, তাঁহারা বিশেষ ক্ষতিগ্রস্ত হন, তজ্জগু প্রাণপণে যত্ন হইতেছে। ইহা ব্রিটিশ জাতির সঙ্গে চিরবিচ্ছেদ ও শত্রুতার কারণ হইয়াছে, ভবিষ্যতে যে শীঘ্র সম্মিলন হইবে সেই পথ বন্ধ করিয়া দেওয়া হইতেছে। বাবু রবীন্দ্রনাথ ঠাকুর মহাশয় পূর্বে বঙ্গবিভাগের বিপক্ষ ছিলেন, এক্ষণে তিনি নিজের ভ্রম বুঝিতে পারিয়া বঙ্গবিভাগ উচিত কার্য্য হইয়াছে বলিয়া সর্ব্বথা সমর্থন করিতেছেন। গত শ্রাবণ মাসের প্রবাসী পত্রিকায় তাঁহা কর্তৃক প্রকাশিত “সদুপায়” শীর্ষক প্রবন্ধে তিনি বঙ্গবিভাগের উচিত্য যুক্তি দ্বারা প্রদর্শন করিয়াছেন।

কেশবচন্দ্র বলিয়াছেন, যোগ ভক্তি পুণ্য প্রেমের উন্নতির উপর, শাক্য গৌরামাদি ভারতের শিরোরত্ন দেবাত্মাদিগের অনুসরণে গভীর আধ্যাত্মিক সাধনের উপর এদেশের ব্যক্তিগত ও জাতীয় উন্নতি নির্ভর করে। বর্তমান নেতৃগণ বলেন, এদেশে বিলাতী দ্রব্যের আমদানী বন্ধ হইলে, এদেশে বিলাতের বণিকদিগের ব্যবসায় বাণিজ্য উঠিয়া গেলে, দেশীয় কাপড় ও দেশীয় লবণাদির বিক্রয়ের বাহুল্য হইলে \* এদেশের উদ্ধার উন্নতি ও সৌভাগ্য হইবে। কি স্থূল ও বাহ্যিক বস্তুর উপর জাতীয় উন্নতির ভিত্তি প্রতিষ্ঠিত! কি বহিস্মুখীন দৃষ্টি! বলা বাহুল্য যে, এই বহিস্মুখীন স্বদেশী দলের উপাশ্রয় ও স্থূল জড়পদার্থ—ভূমিখণ্ড। অধ্যাত্মরাজ্যের সঙ্গে কোন সম্পর্ক নাই। উচ্চ ধর্ম্মের সঙ্গে জীবনের কোন যোগ না রাখিয়া কেবল দেশীয়লোকের বাণিজ্যের উন্নতি ও ইংরাজদিগের ক্ষতি করিতে পারিলেই দেশের উদ্ধার ও উন্নতির পরাকাষ্ঠা হইবে, কি আশ্চর্য্য কথা! ইহা দ্বারা বুঝা যাইতেছে যে, বর্তমান স্বদেশী ব্যাপার ধর্ম্মমূলক নহে। যাহা ধর্ম্মমূলক নহে, হিংসা বিদ্বেষমূলক তাহা দ্বারা কি কোন প্রকার কল্যাণের প্রত্যাশা করা যায়? কেশবচন্দ্র ও প্রতাপচন্দ্র বিলাতে যাইয়া সে দেশের লোকের কত আদর ও সম্মান ভ্রাতৃত্ব লাভ

\* এদেশে উৎপন্ন সমস্ত লবণে ব্রিটিশ গভর্ণ-মেন্টের একচেটিয়া বাণিজ্য। লবণের টাকা রাজকোষভুক্ত হয়। বিলাতী লবণ না খাইয়া দেশীয় লবণ খাইলে স্বদেশীদিগের কোন লাভ হয় না।

করিয়াছিলেন, আর বাঙ্গালী স্বদেশ হইতে সে দেশের উপকারী লোকদিগকেও তাড়াইয়া দিতে চাহেন, কি অভদ্রতা ও অশিষ্টতা! আমরা স্বীকার করি যে, বিশেষ বিশেষ নেতা মহাবক্তা, দৃঢ়ব্রত, স্বদেশপ্রিয়, কস্মিষ্ঠ লোক, তাঁহাদের প্রভাব ও ক্ষমতা অসাধারণ। কিন্তু তাঁহারা নিজে ভ্রমাকারে পড়িয়া অগু শত সহস্র লোককে—সরলহৃদয় যুবক যুবতা ও বালকবালিকা-দিগকে সেই অন্ধকারের পথে লইয়া চলিয়াছেন। সাধারণ লোকদিগের কথা দূরে থাকুক, ব্রাহ্মসমাজের উপরও তাঁহাদের বিশেষ প্রভাব বিস্তার হইয়াছে। সাধারণ সমাজ ও নববিধান সমাজের প্রায় ১৫ আনা লোক তাঁহাদের প্রভাবাধীন হইয়া পড়িয়াছেন। নববিধান সমাজের লেখাপড়া শিখিয়াছে এমন ছুই একজন যুবার সঙ্গে কথোপকথন করিয়া বুঝিতে পারা গেল যে, তাঁহারা নববিধান ধর্ম্মের মত ও বিশ্বাসের কোন ধার ধারেন না। অন্তরে রাজভক্ত কেশবচন্দ্রের বিরোধী। আমরা তাঁহাদের ভাবগতি দেখিয়া ও কথা শুনিয়া যাহার পর নাই বিস্মিত হইয়াছি। কেশবচন্দ্র টাউন-হলে দণ্ডায়মান হইয়া মুক্ত কণ্ঠে বলিয়াছেন, “বিচারকের—মাজিষ্ট্রেটের প্রভুত্ব স্বীকার করিব, আইনকে গ্রহণ করিব। স্বদেশের বর্তমান নেতারা লাট সাহেবের প্রভুত্বও স্বীকার করিতে প্রস্তুত নহেন। তাঁহাদের প্রভাবাধীন হইয়া ব্রাহ্মসমাজের কোন কোন বালক লাঠী হাতে করিয়া রাজ নিয়োজিত শান্তিরক্ষক পুলিশকে মারিতে গিয়াছে জানি। ব্রাহ্মসমাজের একটি যুবা

গুরুতর রাজবিদ্রোহিতা অপরাধে এবং ইংরাজ-বধের উদ্দেশ্যে বোমা প্রস্তুতির উদ্যোগ করা বশতঃ ৭ বৎসরের জন্ম কারাগারে প্রেরিত হইয়াছে। তাহার উপর আরও একটি অভিযোগ রহিয়াছে তাহার বিচার নিষ্পত্তি হয় নাই। রাজবিদ্রোহিতা অভিযোগে অভিযুক্ত ২২১৩০ জন বাঙ্গালী যুবা এক্ষণে হাইকোর্টের বিচারার্থী আছে। দুঃখের বিষয় পরিণতবয়স্ক অনেক খ্যাতিনামা ব্রাহ্মণ ও উক্ত নেতাদের সাকুলার শিরোধার্য্য করিয়া তাঁহাদের প্রবর্তিত নিয়ম বিধি সকল যত্নপূর্ব্বক পালন করিয়াছেন। তাই আমরা বলি স্বদেশের দুঃখ দুর্গতি মোচনের জন্ম মহিলাদের ঈশ্বরের নিকট প্রার্থনা হয় কি? চারি দিকের ব্যাপার যেরূপ ভয়ঙ্কর হইয়াছে, এক্ষণে অশ্রুপাতের সময়, স্বদেশের কল্যাণের জন্ম ঈশ্বরের নিকটে প্রার্থনা করার সময়। এই স্বদেশোদ্ধারের মহা ব্যাপারের শেষ যে কিরূপ ও কতদূর, কে জানে? এক্ষণে দেশোদ্ধারকারী নেতারা গ্রামে গ্রামে যাইয়া বিরাট সভা করিয়া বর্জন-মহাত্মা কীর্ত্তন করিতেছেন, তাঁহাদের বিরাট উদ্যোগে পল্লীনিবাসী ছেলে বুড় সকলেই মত্ত হইয়া উঠিতেছেন।

দেশোদ্ধারকারিগণ স্বদেশের উদ্ধারের জন্ম উঠে পড়ে লাগিয়াছেন, ভারতীয় আৰ্য্য জাতির চিরন্তন অমূল্য সম্পত্তি আধ্যাত্মিকতা, সেই ভাব বিনষ্ট করিয়া লোকের মনে বিশেষতঃ বালক বালিকাদের অন্তরে বাহ্যিক ভাব প্রবল করিয়া তুলিতেছেন, চিন্ময়, পরমেশ্বরের উপাসনার পরিবর্তে

জড়োপাসনা, বিনয় শিষ্টতার পরিবর্তে, অবিনয় অশিষ্টতা, গুরুজনভক্তি ও রাজভক্তির পরিবর্তে, গুরুজনের অবাধ্যতা ও রাজবিদ্রোহিতা, সন্তাব সম্মিলনের পরিবর্তে হিংসা ঘেষ অসন্তাব ও অসম্মিলন, কৃতজ্ঞতার পরিবর্তে কৃতঘ্নতা সকলকে শিক্ষা দিতেছেন। তাঁহাদের দেশোদ্ধারের এই উপায়। এরূপ সম্পূর্ণ বহিমুখী ভাব এদেশের লোকের কখনও ছিল না। যদি আত্মা বিনষ্ট হয় তবে কতকগুলি স্বদেশী কাপড় বা অল্প কয়েক প্রকার দেশী খাওয়া পরার জিনিষের উন্নতি দেখিয়া কি হইবে? বাইবেল শাস্ত্র বলেন, “যদি আত্মা বিনষ্ট হয় তবে সমস্ত পৃথিবী লইয়া কি উপকার, পৃথিবীতে এমন কি বস্তু আছে যাহা আত্মার বিনিময়ে প্রদান করা যায়।” স্বরাজ হইয়া রাজ্যশাসন করিয়া এদেশকে উদ্ধার করিব অনেকের এই উচ্চ আকাঙ্ক্ষা। ইংরাজ শাসনের পরিবর্তে তাঁহাদের শাসন হইলে প্রজাদের তো দুঃখের সীমা থাকিবে না। ঈশ্বর করুন আমাদের শ্রায় প্রজাদের ভাগ্যে তাহা যেন না ঘটে।

### মাসিক পত্রিকা গৃহলক্ষ্মী ।

কল্যাণীয়া শ্রীমতী শান্তিময়ী সেন কর্তৃক গৃহলক্ষ্মী সম্পাদিত হইতেছে। আমরা গৃহলক্ষ্মীর প্রথম বৎসরের প্রথম সংখ্যা হইতে ১০ম সংখ্যা পর্য্যন্ত প্রাপ্ত হইয়াছি। গত আষাঢ় মাসে ১০ম সংখ্যা পূর্ণ হইয়াছে। এই পত্রিকা স্মল পাইকা অক্ষরে ডিমাই ৮ পেজী কাগজে দুই ফরমায় পূর্ণ। ইহা

৩নং ফরিয়া পুকুর লেনস্থ ইলিসিয়ম যন্ত্রে মুদ্রিত। আষাঢ় মাসের গৃহলক্ষ্মীতে নিম্নলিখিত কয়েকটি বিষয় আছে; কামনা, শিক্ষা, ভ্রমণকাহিনী, সুখী, সুখের মরণ, বীরবলকাহিনী, এঁচড়ের নিরামিষ চপ, আসি যায়, সমালোচনা।

শান্তিময়ী একজন সুলেখিকা, কিছুকাল পূর্ব্বক মহিলাতে তাঁহার রচিত কয়েকটি উৎকৃষ্ট কবিতা প্রকাশিত হইয়াছে। তিনি যে দায়িত্বের কাজে প্রবৃত্ত হইয়াছেন ঈশ্বরানীর্বাদে তাহাতে কৃতকার্য হউন। এক্ষণে যেমন অনেক মাসিক পত্রিকার সম্পাদক ও সম্পাদিকা কতকগুলি অসার উপস্থাস গল্প দ্বারা দায়িত্ববিহীন ভাবে পত্রিকা পূর্ণ করিয়া থাকেন, আমরা ভরসা করি শান্তিময়ী দ্বারা সেরূপ হইবে না। তিনি নিজের দায়িত্ব বুঝিয়া চিন্তাশীল অন্তরে গৃহলক্ষ্মীর সমুদায় লেখার যোজনা করিবেন। গৃহলক্ষ্মী প্রতি গৃহে প্রতিপরিবারে সমাদৃত হউক।

### সংবাদ ।

স্বর্গগতা প্রসন্নতারা প্রাতঃকালে লণ্ডন নগর হইতে কয়েক দিনের জন্ম স্বামী কে, জি গুপ্তসহ অত্র বেড়াইতে যাইবেন স্থির করিয়া পূর্ব্ব রাত্রিতে সঞ্জে লইয়া যাইবার জিনিষ পত্র গুছাইয়া লইতে ছিলেন। এমন সময় শরীর অস্থির হইয়া পড়ে, তিনি শয্যা আশ্রয় করেন। তখন রাত্রি ১১ বা ১১টা। কনিষ্ঠ পুত্র শৈলেন্দ্র গৃহে ছিল। তাহাকে ডাক্তারের জন্ম পাঠাইয়া দেওয়া হয়।

ডাক্তার আসিয়া দেখেন জীবন শেষ। মৃত্যুর ২১ দিন পূর্ব্বক তিনি ১০১২ প্রকারের বাঙ্গলা দেশের ব্যঙ্গন রক্ষন করিয়া কয়েক জন বন্ধুকে ভোজন করাইয়া ছিলেন। প্রসন্নতারা ১৫ই আগষ্ট ঐহিক লীলা সম্বরণ করেন আমরা কে, জি, গুপ্ত হইতে তাঁহার ১৪ই তারিখের পত্রে জানিতে পাই, তাঁহারা সকলে ভাল আছেন। মৃত্যু-সংবাদ কয়েক ঘণ্টার মধ্যে এখানে টেলিগ্রাফযোগে পঁহছে। তাহার পর ২৩ সপ্তাহ ক্রমে “আমরা ভাল আছি” বলিয়া প্রসন্নতারার স্বহস্তে লিখিত পত্র পাওয়া গিয়াছে। মানবজীবন এক বিচিত্র প্রহেলিকা। প্রসন্নতারার অন্ত্যেষ্টিক্রিয়াতে বহু বাঙ্গালী ও উচ্চপদস্থ ইংরাজ ষোগদান করিয়াছিলেন। শব কফিণে পুরিয়া শবদাহ-ক্ষেত্রে লইয়া যাওয়া হইয়াছিল। শবসহ যাত্রা করিবার পূর্ব্বক মাঞ্চেষ্টার কলেজের ছাত্র শ্রীমান্ শশধর হালদার প্রার্থনা করিয়াছিলেন। মৃতদেহ যন্ত্রবিশেষে স্থাপন পূর্ব্বক বৈদ্যতিক উত্তাপে ভস্মীভূত করা হইয়াছিল। শব দক্ষ করিবার পূর্ব্বক উক্ত শ্মশানক্ষেত্রে ডাক্তার বিমলচন্দ্র ঘোষ প্রার্থনাদি করিয়াছিলেন। এই পারলৌকিক ক্রিয়ার বিবরণ বিলাতের বিশেষ বিশেষ পত্রিকায় প্রকাশিত হইয়াছে। গভীর ভাবে কার্য্য সম্পাদিত হইয়াছে।

পাঁচ বৎসর আমেরিকাতে বাস করিয়া আমাদের একজন আত্মীয় যুবা সম্প্রতি ফিরিয়া আসিয়াছেন। তিনি তথায় কোন কোন সম্ভ্রান্ত পরিবার মধ্যে স্থিতি করিয়াছিলেন। তাঁহার প্রমুখাৎ অবগত হওয়া

গেল যে আমেরিকায় ভদ্র সম্ভ্রান্ত পরিবারের মহিলারাও স্বহস্তে প্রায় সমস্ত গৃহকর্ম সম্পাদন করেন, রন্ধনাদি করিয়া থাকেন। চাকর চাকরাণীর উপর বড় একটা নির্ভর করেন না। সাধারণতঃ বিলাতের বিবি-দিগের প্রকৃতি উহার বিপরীত। তাঁহারা কিছু অধিক সৌখিন। এখানে অনেক নব্য শ্রেণীর মেয়েরও সেইরূপ শিক্ষা হয়। কোন পিতামাতা স্বীয় কন্যাকে গৃহকর্মাদি শিক্ষা দিয়া থাকেন? কয়টা কন্যা স্মৃগৃহিণী হইবার জন্ত শিক্ষিত হইতেছেন? তাঁহাদের সৌখিন শিক্ষাই অধিক হয়। সৌখিন শিক্ষা দান করিয়া কন্যার সৌখিন জীবনগঠনের জন্ত অনেক পিতামাতা বিপুল অর্থ ব্যয় করেন। সেই কন্যার জীবন জগতের কোন কাজে ব্যবহৃত হয় না, তাঁহার উচ্চ চিন্তা আত্মদৃষ্টি হয় না, তাঁহার সম্মুখে জীবনের উচ্চ আদর্শ ধরা যাইতেছে না। মেয়েরা স্মৃগৃহিণী, স্মমাতা ও স্মপত্নী হইবার জন্ত শিক্ষা পাইলে তাঁহাদের জীবন অনেক কার্যকর হয়।

চরমপত্নী স্বদেশী দলের নেতা ও প্রধান বক্তা বাবু বিপিনচন্দ্র পাল বিলাতে চলিয়া গিয়াছেন। তিনি নাকি কিছু কাল ফ্রান্সে জীবন যাপন করিবেন। অনেকে বলেন এখন এখানে বেগতিক দেখিয়া তিনি হঠাৎ সরিয়া পড়িয়াছেন। ভালই করিয়াছেন। ইতিপূর্বে ৬ মাস কারাগারে ক্লেশ ভোগ করিতে হইয়াছে। আবার কখন কি বিপদ ঘটে কে বলিতে পারে?

মাদ্রাজের চিদাম্বর পিলৈনামক এক জন স্বদেশী বক্তা, “তোমরা ইংরাজদের

দোকান হইতে কিছু খরিদ করিও না তাহা হইলেই তাহারা আমাদের দেশ ছাড়িয়া চলিয়া যাইবে।” বক্তৃতায় এই ভাবে কিছু কিছু বলিয়াছিলেন, এই অপরাধে তাঁহার প্রতি যাবজ্জীবন দ্বীপান্তর কারাবাসের আদেশ হইয়াছে। গুরুতর দণ্ড! অতঃপর বক্তা, “তোমরা খু খু ফেলিলে ইংরাজ ভ সিয়া যাইবে” ইত্যাদি কি কি বলিয়াছিলেন তজ্জন্ত তাঁহার প্রতি ৭বৎসরের জন্ত কারাবাসের হুকুম হইয়াছে, আর একজনের বক্তৃতায় রাজদ্রোহিতার ভাব প্রকাশ পাওয়াতে তিনি ৫ বৎসরের জন্ত কারাগারে প্রেরিত হইয়াছেন। বম্বের বালগঙ্গাধর তিলক যে ৭ বৎসরের জন্ত দ্বীপান্তরিত হওয়ার আদেশ প্রাপ্ত হইয়াছেন, তিনি বিলাতে আগিল করিবার জন্ত হাইকোর্টের অনুমতিপ্রার্থী হইয়াছিলেন, অনুমতি প্রাপ্ত হন নাই। রাজ-বিদ্রোহিতা প্রকাশজন্ত গভর্নমেন্ট এদেশের অনেকগুলি সংবাদ পত্র এবং তৎসংক্রান্ত মুদ্রাবস্ত্র বন্ধ করিয়া দিয়াছেন। সীমা তক্রম ও একান্ত আতিশয্যের এই ফল।

বোমা মকদ্দমার যুবক আসামী কানাইলাল দত্ত পিস্তলের গুলিতে গভর্নমেন্ট পক্ষের সাক্ষী নরেন্দ্র গোস্বামীকে বধ করিয়াছে। তজ্জন্ত কানাইলালের প্রতি ফাঁসীর হুকুম হইয়াছে।

## ভিক্টোরিয়া মহিলাবিদ্যালয় ।

### ইচ্ছাশক্তি ।

দ্বাদশ ভাগ, ২৭৭পৃষ্ঠার পর ।

শিশু যত চলিয়া বেড়াইবে যত জিনিষ পত্র স্পর্শ করিবে এমন কি যত দ্রব্যাদি ভাঙ্গিবে ততই ভাল, ততই তাহার বুদ্ধি গার্জিত হইবে, এবং পরে বস্তু বিষয়ে যথার্থ জ্ঞান লাভের পক্ষে সহজ হইবে। যদি একজন শিশুকে কেবল এক জায়গায় বসাইয়া রাখিয়া দেখিতে দেওয়া হয় তবে সে কোন বিষয়েই একটা জ্ঞান পাইতে পারে না কেবল কতগুলি ছবির মত ছায়া ছায়া জিনিষের ভাব তার মনে থাকে। যথার্থ জিনিষের জ্ঞান বেশীর ভাগ স্পর্শ শক্তি দ্বারা লাভ করা হয়।

তৃতীয় বুদ্ধি, কেবল যদি ইন্দ্রিয় দ্বারা কতগুলি জিনিষ স্পর্শ করিলাম দর্শন করিলাম এবং স্মৃতি দ্বারা সে গুলির ভাব পার্থক্য জ্ঞান করিয়া রাখিলাম তাহা হইলেও হইল না, বস্তু বিষয় পূর্ণ জ্ঞান লাভ করিতে হইলে এ দুটা জ্ঞানের সঙ্গে সঙ্গে আবার বুদ্ধি চাই। স্মৃতি দ্বারা যে একটা মোটামুটি জ্ঞান পাওয়া গেল, সেইটা আবার বুদ্ধি প্রয়োগে পরিষ্কার রূপে অনুভব হয়। বুদ্ধি শক্তি যত প্রয়োগ করা হয় ততই একটা জিনিষের বিষয়ে ভাল রূপে বুঝিতে পারা যায়।

বুদ্ধি দ্বারা কোন জিনিষের জ্ঞান স্পষ্টরূপে একটীর পর একটা করিয়া জানা যায়।

ছোটদের স্বাভাবিক একটা জানবার পিপাসা আছে। কিছু দেখিলেই এটা কি ওটা কি এরূপ জিজ্ঞাসা করে; শিশু বড় হইবার সঙ্গে সঙ্গে ঐ পিপাসাও বাড়িতে থাকে, এবং ঐ অভ্যাস দ্বারা পরে সে সকল বিষয় আরও করিতে চায়। যে শিশুর ঐ রূপ জ্ঞান পিপাসা যত বেশী সেই ভাল। স্বাভাবিক যদি কোন ছেলের ঐ রূপ জ্ঞানের পিপাসা না থাকে তবে তাহার সম্মুখে এমন সব জিনিষ রাখা উচিত যাহা দ্বারা তাহাদের জানিবার ইচ্ছা খুলিয়া যায়। এই রূপে যদি ছোটবেলায় সমস্ত জিনিষের বিষয় তাহারা এক একটা জ্ঞান লাভ না করান হয় তবে বড় হইলে তাহারা যে অজ্ঞ থাকে সেটা তাহাদের দোষ নয় অভিভাবকদিগেরই দোষ।


বস্তু জ্ঞান বিষয়ে বালিশ্রেণী প্রথম বলা হইল বস্তু কয় প্রকার। দ্বিতীয় ক্রমে বস্তুর পার্থক্য চিনিতে পারা যায়। তৃতীয় এই সকল বস্তুর বিষয় ক্রমে জানা যায়। তিনটা সমান শক্তি যেমন ইন্দ্রিয়শক্তি স্মৃতি ও বুদ্ধি এবং যদি কোনটার অভাব হয় তবে বস্তু সম্বন্ধে ঠিক জ্ঞান লাভ করা যাইতে পারে না। কোন বিষয়েই ভাল জানিতে পারে না। তিনটা শক্তি সমান ভাবে প্রয়োগ না করিলে যে একটা বস্তুর বিষয় ঠিক জ্ঞান পাওয়া যায় না এবিষয় একটা গল্প আছে। “একটীসুলে তিন রকমের ছেলে পড়িত, একজন ইংরেজ একজন ফরাসি ও একজন জাপানি, একদিন এই তিনজনকে ১টা উটের বিষয় রচনা লিখিতে দেওয়া হইয়া ছিল। তাহারা কেহ কখনই উট দেখে নাই সুতরাং যে ইংরেজ বালক সে জুওলজিকেল গার্ডেনে গিয়া একটা উট দেখিয়া আসিয়া তার যে ভাব মনে হইল তাই লিখিল। আর ফরাসি বালক অত্যন্ত কবে আর উট দেখিতে গেল না।” সে লাইব্রেরীতে গিয়া অনেক বই পড়িয়া তার ভিতর উটের বিষয় যে বা লিখিয়াছিল সেইগুলি লিখিয়া রাখিল। আর তৃতীয় জাপানি বালক সে উটও দেখিতে গেল না এবং বইও পড়ল না, তার নিজের মনে বা আসিল তাই লিখিয়া

লইয়া গেল"। এদের ভিতর কার কিরূপ রচনা হইয়াছিল সে বিষয় বিচার করিতে চাই না, তবে স্পষ্ট দেখা যাইতেছে কাহার রচনাতেই উটের বিষয় স্পষ্ট জ্ঞান লাভ করা যায় নাই।

ইন্দ্রিয় অনুভব স্মৃতি ও বুদ্ধি এই তিনটা সমান ভাবে চালিত না হইলে কোনই জ্ঞান হয় না। প্রথম সমস্ত ইন্দ্রিয়াদি দ্বারা সেই বস্তুকে অনুভব করিতে হইবে, তার পর তার বিষয় নিজের স্মৃতি ও অত্মাত্মের স্মৃতি লইতে হইবে, অবশেষে নিজের বুদ্ধি দ্বারা সেগুলি ভাল করিয়া পরিস্কার করতে হইবে। একটা বস্তুর জ্ঞান বলিলে এক বুঝায় বাস্তবিক আমরা বস্তু সম্বন্ধে কি জ্ঞান লাভ করি, এটা একটু গভীর বুঝবার বিষয়। বাস্তবিক বস্তুটা কি? কোন জানিবার যে রং দেখ বাস্তবিক কোন জানিবার রং নাই, সূর্যের আলো জিনিষের উপর পড়িয়া আলোকিত হইয়া চোকের ভিতর স্নায়ুতে আঘাত করে, সেই স্নায়ু আঘাত অনুসারেই লাল নীল সবুজ প্রভৃতি রং দেখা যায়। এমন লোক আছেন যাহাদের চক্ষুর লাল রং ধরবার ক্ষমতা নাই, তাহারা আর লাল দেখিতে পায় না সেস্থানে নীল কংবা সবুজ দেখে। সুতরাং রং কোন বস্তুতে নাই চক্ষুর ভিতরের আশ্চর্য্য কৌশল দ্বারাই আমরা রং দেখি। যদি চোক না থাকিত, তাহা হইলে কি রং থাকিত? রং এর স্থায়িত্বও চক্ষুর সঙ্গে বিনষ্ট হয়ে যায়। চোকই রং দেখে সুতরাং তাহা যদি না থাকে তবে আর রং থাকিবে এক প্রকারে? যদি মানুষের জ্ঞান না থাকে, অর্থাৎ রং বুঝবার জ্ঞান যদি কিছু না থাকে তাহা হইলে রংও থাকে না।

সেই রূপ একটা জিনিষ ভারি, তাহা তুলিতে একজনের খুব পরিশ্রম হয় কিন্তু আর একজন অনায়াসেই তুলিতে পারে কোন জিনিষ কত ভারি, তাহাও শরীরের মাংস-পেশীর বল অনুসারে নিরূপিত হয়। তবে ভারীত্ব ও লঘুত্ব সবই মানুষের জ্ঞানের উপর নির্ভর করে। যদি ভারি অথবা ইহা বিচার করিবার অর্থাৎ ইহা জানিবার লোক না থাকে তাহা হইলে উহাও থাকতে পারে না। সুতরাং বস্তুর সমস্ত গুণই মানুষের জ্ঞানের উপর নির্ভর করে। মানুষের ইন্দ্রিয়াদি যে নিয়মে গঠিত সেই নিয়ম অনুসারে বস্তুর বিষয় যে প্রকার জানা যায় তাহাকেই বস্তুর গুণ বলা হয়। তবে বাস্তবিক জিনিষট কি? মুগতঃ বস্তুগুলি কি? যেমন দার্শনিক একটুকরা খড়ি লইয়া বলিলেন এটা সাদা, শক্ত জিনিষ, কিন্তু সেই এটা জিনিষটা কি? কোনটা এ বিষয় যত দেখা যায় ততই রহস্যময়। বাস্তবিকই ইহা একটা রহস্যময় ব্যাপার। এটার মানে শক্তি। সমস্ত বস্তুর মূলে কেবল শক্তি। এই সমস্ত জগতের মধ্যে যে শক্তি ইহা কেবল তাঁহারই শক্তি। বাস্তবিক এই জড়শক্তির আশ্চর্য্য ক্রিয়া। এই শক্তি চৈতন্যময় না অচেতন এই শক্তির কার্য্য ও নিয়ম দেখলে কিছুতেই ইহাকে অচেতন শক্তি বলা যায় না। যিনি এই সমস্ত শক্তির আদর্শশক্তি যিনি জগতের মধ্যে এই সব শক্তি সমষ্টিকে দিব্য রাগ নিয়মিত ভাবে চালাইতেছেন, তিনি কি আশ্চর্য্য জ্ঞানময়। ও এই যে শক্তি যাহা জগতে আছে বস্তু বিজ্ঞান বলে সেটা জ্ঞানময় শক্তি।

যেটাকে বলি বাস্তবিক তাহা একটা শক্তি যাহা ফুরাইয়া যায় না এবং যাহার ভিতর একটা আশ্চর্য্য জ্ঞানময় শক্তি নিহিত থাকিয়া সর্বদা কার্য্য করিতেছে। আর এই জানা অর্থাৎ বস্তু বিষয়ে জ্ঞান লাভ করিবার একটা স্বাভাবিক ঔৎসুক্য তাহাও ঐ শক্তি হইতেই উঠিতেছে।



## মাসিক পত্রিকা।

“যত্র লার্ঘ্যন্তু দুজ্যন্তে বয়সী তত্র উবনাঃ”

১৪শ ভাগ ] আগস্ট ১৯১৫; অক্টোবর ১৯১৬। [ ৩য় সংখ্যা।

### স্ত্রী-নীতিসার।

প্রায় পুরো পরিবারে শাশুড়ী বধূর মধ্যে কোন না কোনরূপ অসম্মিলন ও বিবাদ কলহ দেখিতে পাওয়া যায়। এক শ্রেণীর শাশুড়ী আছেন যে, বধূর উপর একান্ত আধিপত্য করিয়া থাকেন, তিনি পুরের বিবাহান্তে বধূকে গৃহে আনয়ন করিয়া মনে করেন সেবা পরিচর্যা করিবার জ্ঞান চির জীবনের নিমিত্ত একটা দাসী খরিদ করিয়া আনিয়াছেন। সেবার কিঞ্চিৎ-মাত্র ক্রটি হইলেই বান্ধিকা বধূর প্রতিও তিনি কঠোর শাসন করেন, কটুকটাক্য করিয়া থাকেন, লোকের নিকটে তাঁহার নিন্দা করিয়া বেড়ান, বধূ তাঁহার নিষ্ঠুরাচরণে মগ্ন হইয়া থাকেন। মুখ ফুটিয়া তাঁহার একটা কথা কহিবার সাধ্য নাই; তিনি সর্বদা মনের দুঃখে স্ত্রীমান থাকেন। শাশুড়ীর প্রতি তাঁহার আর শ্রদ্ধা ভক্তি কিরূপে হইবে? স্বীয় প্রিয়তমা পত্নীর প্রতি জননীর অপ্রেম ও অস্নেহ দেখিয়া পুত্রও বিরক্ত হইয়া উঠেন, তাহাতে অনেক

বয়সী মাত্রে দুই কথা শুনিয়া দেন। এইরূপ অনুভব পারবারে সুখশান্তি কোথায়!

আর এক শ্রেণীর শাশুড়ী ও বধূ আছেন, তাঁহারা ঠিক বিপরীত। বধূ সশ্রদ্ধমাতার উপর আধিপত্য করিয়া থাকেন। নিরীহ স্বামীর অসুচিত আদর পাইয়া বধূ অহিংশয় পগল্ভা হইয়া উঠিয়াছেন। বধূ ভয়ে শাশুড়ী তটহ। তিনি বধূর সেবার নিয়ত নিযুক্ত; রক্ষণ পরিবেশন করিয়া তাহাকে সবল ভোজন করাইয়া থাকেন। তিনি বধূর প্রসন্নতার ভিখারিণী। তাঁহার প্রতি বধূর শ্রদ্ধাভক্তি কিছুই নাই। এইরূপ অস্বাভাবিক বিসদৃশ দৃশ্য অনেক পরিবারে দেখা যায়।

বধূ শাশুড়ীকে গভীর গুরু জানিয়া মাতৃ বৎ শ্রদ্ধা ভক্তি করিবেন, সবল ভাবে তাঁহার সেবা করিবেন, এবং চিরকাল তাঁহার বাধ্য থাকিবেন। শাশুড়ী বধূকে নিজ কণ্ঠার গায় আদর মেহ করিবেন, তাঁহার দুঃখ ক্রোধে সহানুভূতি করিবেন, তাহাকে সমস্ত কথা বলিবেন। ইহাই স্বাভাবিক।

## মাতৃশিক্ষা ।

সাধারণতঃ মাতৃশিক্ষার অর্থ ধাতৃশিক্ষার এক অংশ বুঝায়। বর্তমান প্রবন্ধে সেরূপ কোন বিষয় আলোচনা করিবার অভিপ্রায় নাই। মাতার কিরূপ শিক্ষা হওয়া প্রয়োজন, অথবা কোন্ কোন্ বিষয়ে সুশিক্ষা লাভ করিলে স্ত্রীমাতা হইবার সম্ভাবনা, সেই সকল বিষয়ের কিছু আলোচনা করাই এখনকার উদ্দেশ্য। একটা প্রসঙ্গক্ষেত্রে মজেরীস বলিয়া ছিলেন যে, যদি এরূপ দুইটি যুবককে শিক্ষা দান করিতে ভার প্রাপ্ত হওয়া যায় যাহার একটি ভবিষ্যতে স্বচ্ছল সুগৃহস্থ নগরবাসী ভদ্রলোক হইবে ও অপর দেশশাসনের ভার প্রাপ্ত হইবে, তাহা হইলে প্রথমোক্ত যুবককে সাহিত্য, বিজ্ঞান, ব্যায়ামাদি শিক্ষা দিলেই যথেষ্ট হইবে, কিন্তু দ্বিতীয় যুবককে সকল প্রকার সাহিত্য, বিজ্ঞান, যুদ্ধবিদ্যা ইত্যাদি শিক্ষার সঙ্গে সঙ্গে সকল প্রকার শারীরিক কষ্ট উপবাস, দারিদ্র্য ইত্যাদি সহ্য করিতে শিক্ষা দিতে হইবে। বাস্তবিক ইহা সর্বদাই দেখা যায় যে, যে ব্যক্তি যত উচ্চস্থানে স্থাপিত তাহাকে তত কঠিন বিষয় সকল আনন্দ করিতে হয়। পরিবারের মধ্যে মাতার কার্য সর্বাপেক্ষা কঠিন ও দায়িত্বপূর্ণ। এজন্য মাতৃশিক্ষাও অত্যন্ত গুরুতর দায়িত্বপূর্ণ কার্য। যদি মাতার শিক্ষা উপযুক্তরূপে না হয়, ভবিষ্যতে যাহাকে মাতা হইতে হইবে তাহাকে জ্যোতিষশাস্ত্রের বা যুদ্ধ বিদ্যায় পণ্ডিতা করা হয়, তাহা হইলে তাঁহা দ্বারা

সংসারের ঘোর অনিষ্ট হইবে। এবিষয়ে অত্যন্ত ভুল সংস্কার আছে। তাঁহারা মনে করেন সৃষ্টির নিয়মে নারী যেমন সময়ে মাতা হন, তেমনই স্বভাবেই তাঁহাকে সকল প্রয়োজনীয় জ্ঞান ও কর্তব্য শিক্ষা দেন। ফলে এবিষয়ে মিথ্যা সংস্কার অনেকের মনে এত বদ্ধমূল যে, তাঁহারা মনে করেন যে, সৃষ্টিকর্তা নারীকে যে বিশেষ কার্যে নিযুক্ত রাখিয়াছেন, তাঁহাকে সে বিষয়ের যাহা কিছু প্রয়োজন তাহা তিনি দিবেন, আর নারী-স্বভাবের ভিতরে সৃষ্টিকর্তা যে সকল গুণ রাখেন নাই, বা অত্যন্ত অল্প রাখিয়াছেন সেইগুলি প্রদান করা ও তাহার উৎকর্ষ সাধন করা পৃথিবীর শিক্ষার উদ্দেশ্য হওয়া উচিত। বাস্তবিক মনুষ্য-সমাজের শিক্ষার উদ্দেশ্য ও রীতি তাহা নয়। কাঠগোলাপত সুগন্ধ ও সুন্দর পুষ্প, স্বভাব আমাদিগকে ইহা দিয়াছেন। এখন ইহার উন্নতি-সাধন করিতে ইহার অভাবের দিকে দৃষ্টি পড়ে। গোলাপ এমন সুন্দর ফুল, অথচ বড় ছোট ইহার পাপড়ি বড় অল্প, গন্ধও তত উত্তম নয়, ইহাও উন্নতি সাধন করিতে ইহার গন্ধ প্রাকৃতিক বর্ণ ইত্যাদির উন্নতির চেষ্টাই করা হইয়াছে, এবং সেই দিকেই আশ্চর্য আশ্চর্য উন্নতি লাভ করা হইয়াছে, কিন্তু গোলাপ ফুলে, শরীর রক্ষার উপযোগী অংশ নাই। গোলাপ গোধূমের ও তুলুনের কার্য করিবে সেরূপ উদ্দেশ্যে কেহ গোলাপের উৎকর্ষ সাধন করিতে চেষ্টা করে না। প্রকৃত প্রস্তাবে শিক্ষাদান কার্যটি কেবল স্বভাবকে সাহায্য করা। এখানে ভগবান মানুষের

সাহায্য পাইতে ইচ্ছা করেন। শিক্ষা কার্য যাহা যাহার পক্ষে উপযোগী সে তাহা অত্যন্ত আগ্রহ করিয়া গ্রহণ করে। এরূপ স্বভাবের ইঙ্গিত অনুসারে শিক্ষা দান করা হইলে যে ব্যক্তি শিক্ষা লাভ করে তাহার ভিতরের লুক্কায়িত শক্তি সকল প্রকাশিত হয় ও সমস্ত শরীর মন আত্মার শক্তি বৃদ্ধি প্রভৃতির সর্বোচ্চ উন্নতি হয়। শিক্ষা বিষয়ে একথাটি সর্বদা স্মরণ রাখা প্রয়োজন যে, যে রূপ শিক্ষাতে সমস্ত প্রকৃতি প্রসন্ন হয় না, স্বভাবের পূর্ণতা সাধন হয় না সেরূপ শিক্ষা সুশিক্ষা নহে। নারী-শিক্ষাসম্বন্ধে বর্তমান কালে দুইটি ভ্রান্ত মত প্রবল আছে, তাহার একটি এক শ্রেণীর শিক্ষিত লোকের মধ্যে দেখিতে পাওয়া যায় তাঁহারা যেন মনে করেন যে নারীকে শিক্ষাদিয়া পুরুষ প্রস্তুত করাই লক্ষ্য, নারী যদি পুরুষের সঙ্গে প্রতিযোগিতার উচ্চস্থান লাভ করে, যদি বিশ্ববিদ্যালয়ের পীক্ষায় উত্তমরূপে উত্তীর্ণ হয়, আফিসের কার্য করিতে পারে, পুরুষের মত অর্থ উপার্জন করিতে পারে যদি রাজকীয় বিষয়ে আন্দোলন করিতে পারে ও যুক্তিপূর্ণ বক্তৃতা করিতে পারে তবেই তাহার যাহা উন্নতি হইবার তাহা হইল। এদিকে যদি তাহার নারী-স্বভাবসুলভ কোমলতা, ধৈর্য্য সেবা-পরায়ণতা, ধৈর্য্য, শ্রী, লজ্জা, বিনয়, প্রেম এসকল ছলিয়া যায়, যদি তাহার সম্ভান না হয়, বা সম্ভান হইয়া যদি স্তম্ভ না পায়, যদি সম্ভান মাতার কার্যের ব্যস্ততা ও মনের কঠোরতার জন্ত দাস

দাসীকেই আপনার করিয়া লয় সেদিক তাঁহারা দেখিতে প্রস্তুত নহেন, অথবা মনে করেন সময়ে এসকল দোষ চলিয়া যাইবে। অপর শ্রেণীর লোক মাতৃজাতির শিক্ষার অভাবই অনুভব করেন না। তাঁহারা হয়ত মনে করেন স্বভাবের কার্য স্বভাব নির্বাহ করিবে সে বিষয়ে মানুষের হস্তক্ষেপ করিবার প্রয়োজন নাই। প্রকৃত প্রস্তাবে দেখা যায় যে, মনুষ্য সকল বিষয়েই শিক্ষা ও অভ্যাস দ্বারা নিপুণতা লাভ করে। যেমন শকট চালাইতে বা নৌকা চালাইতে শিক্ষা করিতে হয়, তেমনই সম্ভান লালনপালন করিতে ও শিশু-চরিত্র গঠন করিতে মনুষ্যকে শিক্ষা করিতে হয়। আজ কাল সকল বিষয়েরই আলোচনা হইতেছে ও সকল বিষয়েই সত্য বা নিয়ম সকল আবিষ্কৃত হইয়া বিশেষ বিশেষ বিষয়ের বিজ্ঞান হইতেছে। যদিও রেলগাড়ী বা পুল নির্মাণের বিদ্যার মত শিশু পালন ও শিশুশিক্ষার নিয়ম সম্পূর্ণরূপে মানুষের জ্ঞানের আয়ত্ত হয় নাই, তথাপি ইহা অবশ্য স্বীকার করিতে হইবে যে, এবিষয়ে অত্যন্ত প্রয়োজনীয় অনেক সত্য শিক্ষা করা হইয়াছে ও যে মাতা সে সকল শিক্ষা করেন নাই তাহার হস্তে শিশুর শরীর ও নিরাপদ নহে। একথা সকলেই স্বীকার করিবেন। নারীর শিক্ষার প্রয়োজন, এবিষয় কাহারও ভিন্নমত হওয়া উচিত নয়। তবে শিক্ষাবিষয়ে একথা স্মরণ রাখিতে হইবে যে, ভিন্ন ভিন্ন অভিপ্রায়ে শিক্ষার বিষয় স্থির করিতে হয়। নারী-জন সমাজের একঅঙ্গ, একব্যক্তি, তাহার

সংসারের উপযোগী জ্ঞান লাভকর। প্রয়োজন। যদি এরূপ অবস্থায় পতিত হয় আপনার পরিশ্রমে আপনার জীবিকা নির্বাহ করিতে হয়, ত যে তাহার উপযোগী শিক্ষাও করিতে হইবে। সমাজের বা দেশের অথ কোন বিশেষ প্রয়োজন থাকিলে বিশেষ প্রয়োজন থাকিলে বিশেষ বিশেষ বিষয়ে শিক্ষা করিতে হইবে। যেমন পার্শ্ববর্তী দেশে বাস করিতে হইলে তাহার উপযোগী বা জনপূর্ণ দেশে বাস করিলে তাহার উপযোগী কিছু শিক্ষা হওয়া চাই। আমরা যে মাতৃশিক্ষার বিষয় আলোচনা করিতে প্রবৃত্ত হইলাম সে বিষয় কি কি শিক্ষা প্রয়োজন সে সম্বন্ধে এট বলিতে হয় যে যেমন একটা বয়স আছে ততদিন পর্যন্ত (সাধারণ ৮।৯ মাস পর্যন্ত) শিশুর পক্ষে মাতার স্তন্যই সম্পূর্ণ ও যথেষ্ট আহাৰ, তেমনি মাতার স্বভাব ও শিক্ষা এরূপ হওয়া প্রয়োজন যে, অনুমান পাঁচ বৎসর পর্যন্ত মাতাই তাহার জ্ঞান, নীতি, ব্যায়াম স্বাস্থ্য-রক্ষা, ধর্ম কর্ম সকল বিষয়ে সম্পূর্ণ ও যথেষ্ট শিক্ষাদায়ী হইতে পারেন। যদি জিজ্ঞাসা কর মাতাকে তবে কি কি বিষয় শিক্ষা দিব! ইহার একমাত্র উত্তর এই শিশুর নিকট বাহা পাইতে চাও। যদি মাতাকে প্রেম, সুকোমল ব্যবহার, অক্রোধ, সকল জীবের দয়া, গ্রাম্যায়ত্ততা, সত্যবাদিতা, অধাবসায়, শিক্ষণীয়তা, নিপুণতা, ঈশ্বরে একান্ত বিশ্বাস, প্রার্থনা-শীতলতা, নির্ভর, প্রসন্নতা, পরিচরিতা, বাধাতা ইত্যাদি শিক্ষাদেও দেখিবে যে সে মাতার সন্তান এসকলগুণ মাতৃস্তনের

সঙ্গে সঙ্গে লাভ করিবে। যে বীজক্ষেত্রে বপন কর নাই সে বৃক্ষও তাহার ফল তুমি যেমন সেই ক্ষেত্র হইতে আশা কর না তেমনি মাতাকে যে বিষয় শিক্ষা দেও নাই সন্তানে তাহা পাইতে আশা করিতে পারে না। যদি স্তন্যস্তান চাও তবে স্তন্যমাতা প্রস্তুত কর, মাতৃশিক্ষা, কিরূপ হওয়া উচিত এবিষয়ে বিশেষ চিন্তা করিয়া স্থির করিয়া ত হারপূর ভবিষ্যতে যাহারা মাতা হইবে, তাহাদিগকে শিক্ষা দাও।

কেশব জননী সাধ্বী সারদা দেবী ।

( ১২শ পৃষ্ঠার পর হইতে )

১৭ই নবেম্বর ১৮৯৩।

তীর্থ ভ্রমণ—কাশী, প্রয়াগ, বৃন্দাবন,  
মথুরা, বিষ্ণাচল।

কাশী যাইব বড় আনন্দ হইল, আমার ভাণ্ডার প্রায় সমস্ত খরচ দিলেন। আমার সঙ্গে দরওয়ান চাকর ও চাকরানী গিয়াছিল। তিনি সঙ্গে আরও দুই একজন কে দিলেন। এখান থেকে রাণীগঞ্জ পর্যন্ত রেল গেলাম, তার পর ডাকগাড়ীতে কাশী ও প্রয়াগ ভ্রমণ করিলাম; প্রয়াগ হইতে নোকা করিয়া বিষ্ণাচলে গেলাম। সেই সময় রাণীগঞ্জের ওদিকে আর রেল গাড়ী ছিল না। মাস কএক পর বাড়ীতে ফিরিলাম। কয়েক বৎসর পর আমার বড় জা বৃন্দাবন যাইবেন ঠিক করিলেন। আমারও সেই সঙ্গে যাইবার ইচ্ছা হইল, আমার ভাণ্ডারও মত দিলেন। কিন্তু আমার জার মত হইল না, স্তরায় সেই

সঙ্গে আমার যাওয়া হইল না। ফিরে বৎসব আমি পুনরায় যাইতে চাহিলাম। পূজার ছুটি হল, নবীন আমার সঙ্গে লইয়া যাইবেন ঠিক করিলেন। ভাণ্ডারের নিকট খরচ চাহিলাম, তিনি বাহা দিলেন অতি সামান্য। নবীন ফিরাইয়া দিলেন। নবীনের এই কার্যে আমার মত ছিল না। কারণ তাহাতে ভাণ্ডারের অংমান হইবার সম্ভাবনা ছিল। নবীন নিজে খরচ করিয়া আমার লইয়া গেলেন। সেই বার আগ্রা অবধি রেল হইয়াছিল। প্রথম কাশীতে গেলাম। সেইখানে ১৫ দিন ছিলাম। অষ্টমীর দিন পূজার ফল ছাড়াইবার সময় হঠাৎ আমার ডান পা ধরিয়া গেল, আমার চলৎশক্তি রহিত হইল। আমাকে ধরাধরি করিয়া উপরে হইয়া গেল। আমার পায়েতে ২টা জোঁক লাগান হইল। তারপর দিন পা একটু হালকি হইল। অযুধ ইত্যাদি খাওয়ার পর একটু ভাল হইলেই পুনরায় চলিতে আরম্ভ করিলাম। কাশী হইতে আগ্রা গেলাম। কাশী হইতে নবীন পাকী করিয়া আগে চলিয়া গেলেন, তারপর আমি উটের গাড়ী করিয়া আগ্রা হইতে বৃন্দাবন রওনা হইলাম। দুর্ঘটনা—উটের গাড়ী তিনতলা এবং ভয়ানক দোলে, সমস্ত রাত্রি চলার পর ভোরের সময় সমস্ত গাড়ী উল্টে পড়িয়া গেল। গাড়ীতে প্রায় আমরা ১০।১২ জন ছিলাম, এবং অনেক জিনীষ ছিল যদিও আমরা রক্ষা পাইলাম, কিন্তু আমাদের পুরুতের মার জিহ্ব বাহির হইয়া গিয়াছিল। তিনিও শেষে কোন রকমে রক্ষা

পাইলেন। গাড়ী উল্টে যাওয়া যেমন ভয়ানক, গাড়ীর উঠা তদপেক্ষা আশ্চর্য ব্যাপার। সেই বড় গাড়ী খানি খালি অবস্থায় তুলিতে গেলে প্রায় ১৫।২০ জন লোকের দরকার হইত, কিন্তু কি আশ্চর্যের বিষয় অতবড় গাড়ী খানি আর আমরা ১০।১২ জন লোক এবং জিনিষ পত্র সহ হঠাৎ কে তুলিয়া দিলেন। কিন্তু আমরা কেহ জানিতে কিম্বা দেখিতে গাইলাম না। সেই সময় রাস্তায় কোনও লোক ছিল না। গাড়োয়ানকে জিজ্ঞাসা করিলাম, সেও আশ্চর্য হইয়া বলিল সে বলিতে পারে না। সকলে বলিতে আরম্ভ করিল, বাঁহাকে দেখিতে যাইব তিনিই তুলিয়া দিলেন। তার পরদিন বৃন্দাবনে পৌঁছিলাম। বৃন্দাবন ও মথুরায় তিনমাস ছিলাম। এই তিন মাসের ভিতর মথুরা গোকুল শ্রামকুণ্ড রাধাকুণ্ড গিরিগোবর্দন দেখিয়া বৃন্দাবনে ফিরিয়া আসিলাম। আসিয়া আমি মছেচাব দিলাম (মহোৎসব)। সেইবার আমি চতুর্মাসিক (চারিমাস অন্নত্যাগ) করিয়াছিলাম। রাধাকুণ্ডে যাইয়া সেই ব্রত উপবাসন করিয়া এক ভাতের মহোৎসব দিয়াছিলাম। এই ভাতের মহোৎসব এক চমৎকার ব্যাপার। কি যে আমোদ বলিতে পারি না। প্রত্যেক দেবা লয়ে সিধে দেওয়া হইয়াছিল। সমস্ত রাত্রি বৈষ্ণবেরা অন্ন ব্যঞ্জন প্রস্তুত করিয়াছিল। বৃন্দাবনে মহোৎসবের পর নবীন কলিকাতায় ফিরিয়া আসিলেন। কারণ ছুটি ফুরাইয়া গিয়াছিল। রাধাকুণ্ডের মহোৎসবের পর যখন পুনরায় বৃন্দাবনে ফিরিয়া



আসিয়া বাড়ী রওনা হইবার জন্ত প্রস্তুত হইতে লাগিলাম, তখন আমার বন দেখিবার কোনও সম্ভাবনা ছিল না। শুধু একজন কুটুম্বের উৎসাহে উৎসাহিত হইয়া বন দেখিবার জন্ত বস্তু হইলাম। ব্রজ বাসীরা আমায় ভয় দেখাইয়া বলিতে লাগিল, নদী হাটিয়া পার হইবার সময় "মরবে ভেসে যাবে পড়িয়া পা ভাঙ্গিবে।" তবু আমি ভয় পাইলাম না। আমি বলিলাম, একবার বৈত জুইবার মৃত্যু হইবে না, আমি নিশ্চয়ই যাইব। তাহারা বলিল "তুমি মরিলে আমরা ব বুক (নবীনকে) যাইয়া কি বলিব?" আমি বলিলাম "বলিও যে তোমার মার মৃত্যু হইয়াছে।" আমার এই রূপ দৃঢ় প্রতিজ্ঞা দেখিয়া ব্রজ বাসীরা স্বীকৃত হইলে অনেক যাত্রী গেল না। শুধু আমরা ৭৮ জন গেলাম। বৃন্দাবন হইতে রওনা হইয়া তিন দিনের পর আমরা কাম্যবনে পৌঁছিলাম। বনটী প্রায় ৯ ক্রোশ, দুই দিন উপবাসের পর এই ৯ ক্রোশ সেই দিনই আমি হাঁটিয়া পরিভ্রমণ করিলাম। কাম্যবন একটা গ্রাম, এই গ্রামটী একটা নদীর পারে স্থাপিত। আমরা যখন নদীর অপর পারে পৌঁছি তখন রাত্রি ৭৮টা হইবে। সেখানে অত্যন্ত ডাকাতির ভয়। সেই জন্ত অতি সাবধানে সেই অন্ধকার রাত্রে পাহাড় ও জঙ্গলের ভিতর দিয়া সরু পথে আমরা সেই নদীর পারে পৌঁছিলাম। অত্যাঁচ সকলে গাড়ী-শুক্ক নদী পার হইল। আমি ও চারিজনে হাঁটিয়া পার হইব স্থির করিলাম। ব্রজবাসী আগে আগে মশাল জ্বালিয়া ও লাঠী

ধরিয়া চলিল। তাহার পর আমরা চারি-জনে প্রত্যেকের কোমর জড়াইয়া ধরিয়া এই অন্ধকার রাত্রে বরফের মত ঠাণ্ডা নদীর বিপৎ পূর্ণ জলে আস্তে আস্তে নামিয়া পার হইলাম; পার হইয়া এক ব্রজবাসীর বাড়ীতে আশ্রয় লইলাম। পর দিন ভোর ৪টায় বিমলাকুণ্ডের বরফের তায় জলে ডুব দিয়া সেই ভিজা কাপড়েই বন পবিক্রম করিতে আরম্ভ করিলাম। সেই বনের ভিতর রাস্তায় আমরা স্থানে স্থানে যশোদাকুণ্ড কৃষ্ণকুণ্ড ইত্যাদি অনেক কুণ্ড দেখিতে লাগিলাম। একটা একটা কুণ্ড পাইতাম তখনই আমি সুপ্ সুপ্ করিয়া তাহাতে পড়িতাম, এবং ডুব দিয়া ভিজা কাপড়ে উঠিয়া পুনরায় চলিতে আরম্ভ করিতাম। সমস্ত দিন ঘুরিয়া ঘুরিয়া সেই গ্রামের যত তীর্থ সব দেখিলাম। সন্ধ্যার সময় সেই গ্রাম ছাড়িয়া একটা স্থানে যাইয়া আশ্রয় লইলাম। সেই দিন শুধু খৈ আর ছোলা ভাজা খাইয়া রহিলাম। তার পর দিন কোকিলবনে গেলাম। সেই বনের বড়ই শোভা, সমস্তই তমাল বন। আমার মার মুখে শুনিয়াছিলাম, তমাল বৃক্ষের ছালে রাধাকৃষ্ণের নাম লেখা আছে, আমরা তাহা দেখিবার বড় ইচ্ছা হইল। আমি একটা গাছের ছাল খুলিলাম। ছালের নীচে আমার মনে হইল কালির ভুষোতে দেব নাগরির মত লেখা রহিয়াছে। আমি ততটা বুঝিতে পারিলাম না। কিন্তু যেন র এবং ধ এই দুইটা অক্ষর দেখিতে পাইলাম। সেই খানে এক সাধুর নিকট হইতে দুই কোষ

দোই খাইলাম, এবং ঠাণ্ডারই নিকট হইতে দুইটা মূলা চাহিয়া লইয়া খাইতে খাইতে চলিলাম। এইরূপ চলিতে চলিতে কোথাও একটা তেঁতুল গাছের তলা হইতে দুইটা তেঁতুল লইয়া তাহাই খাইতে খাইতে আবার চলিতে লাগিলাম, সেই দিন এই রূপেই কাটিল। এইরূপ উপোসেয় পর উপোস চলিতে লাগিল, কোনও ক্লান্তি কিম্বা খিদে বোধ ছিল না, দেখিবার আমোদে মত্ত ছিলাম। আমি এইরূপে দধিসাগর পবনসরোবর সান্ত্বনকুণ্ড মান সনোবর কুমুম বন ইত্যাদি অনেক বন এবং কুণ্ড দর্শন করিলাম। ভাদ্র মাসে অনেক সময় যাত্রীরা ঠোঙ্গা পাইত। (বড় বড় পানের মত গাছের পাতা ঠোঙ্গার মত হয়ে টুপ্ টুপ্ করে পড়ে।) শুধু ভাদ্র মাসে ঐ সব দেখিতে পাওয়া যায়, আমি যখন যাই তখন অগ্রাহ্য মাস, সেইজন্ত আমার ঠোঙ্গা দেখিবার কোনও সম্ভাবনা ছিল না। সেই জন্তে আমি যখন ললিতকুণ্ডের ধার দিয়া যাইতেছিলাম আমাদের ব্রজবাসীকে বলিলাম "আমার কপালে ঠোঙ্গা দেখা হইল না" এই কথা বলিতে না বলিতে হঠাৎ আমার সম্মুখে একটা ঠোঙ্গা টুপ্ করিয়া পড়িল। মহাবনের ভিতর আমি এইরূপ আর একটা পাইয়াছিলাম। সব শুদ্ধ দুইটা পাইয়া আমার যে কি আনন্দ হইল তাহা আর বলিতে পারি না।

ক্রমশঃ—

সরলাসুন্দরী কান্তগির।

দার্জিলিঙ্গযাত্রিকের পত্র ।

বত্রিশ বৎসর পরে সম্প্রতি দার্জিলিঙ্গ গিয়াছিলাম। বত্রিশ বৎসর পরে ছোট ছোট পল্লীগ্রামও একটা নতুন আকার ধারণ করে, আর এতদিন পরে যে একটা পার্কতা-ভূমি নতুন আকার ধারণ করিবে তাহা আশ্চর্য্য নহে। যে দুর্গম পথ দিয়া তখন দার্জিলিঙ্গ আসিতে হইত বোধ হয় পাঠক পাঠিকাদের মধ্যে তাহা অনেকেই অবগত নহেন। ইষ্টইণ্ডিয়া রেলওয়ের লুপ্ লাইনের সাহেবগঞ্জ ষ্টেশন হইতে শীমার যোগে কারাগোলা পর্যন্ত আসিতে হইত। তাহার পর কারাগোলা হইতে গোয়ান অথবা অশ্ব শকটে শিলিগুড়ি আসিতে হইত। দিন রাত্রি চলিয়া গোয়ানে শিলিগুড়ি আসিতে ১০।১০ দিন আর অশ্ব শকটে ৪।৫ দিন লাগিত। Carrying Company নামক কোন বিশেষ কোম্পানি দার্জিলিঙ্গ যাত্রীর জন্ত এইরূপ যান পরিচালনের ব্যবসায়ে ব্রতী ছিলেন। কারাগোলা হইতে শিলিগুড়ি পর্যন্ত এই সুদীর্ঘ ও সুবিস্তৃত পথে শকট বাহী গো ও অশ্ব মধ্যে মধ্যে বদলাইবার জন্ত বিশেষ বিশেষ আড্ডা প্রতিষ্ঠিত ছিল। সে সময়ে বাহারা এ পথে চলিয়াছেন পথের দুর্গমতা সন্মুখে তাঁহাদের বিশেষ অভিজ্ঞতা আছে। অনেক পথিককে অনেক সময়ে বাঘ ও দস্যুর করাল গ্রাসে পড়িতে হইয়াছে। আমরাদিগকেও সমগ্র পথ সেইরূপ ভয় লইয়া চলিতে হইয়াছিল। প্রথম হইতেই আমার সঙ্গে এক যুবকবন্ধু সহ যাত্রী হইয়া

চলিয়া ছিলেন। বন্ধু আমা অপেক্ষা অনেকটা সাহসী ছিলেন, সুতরাং তাঁহার সাহসেই আমার সাহস। উপরোক্ত পথে মহানন্দা নদীর দিঙাঘাটা নামক স্থানে দস্যর হাত হইতে এড়ান ও তেঁতুলিয়া নামক স্থানে বাঘের মুখ হইতে এড়ান বাস্তবিকই দার্জিলিঙ্গ যাত্রীর পক্ষে একটা সহজ ব্যাপার ছিল না। শিলিগুড়ি হইতে দার্জিলিঙ্গ পর্য্যন্ত ভীষণ অরণ্যময় ও গিরিসঙ্কট পূর্ণ পথের সে ভীষণ দৃশ্য এখনও স্মরণ পথে আনিলে হৃৎকম্প উপস্থিত হইতে থাকে। পদ-ব্রজে ও অশ্বরোহণে শিলিগুড়ি হইতে দার্জিলিঙ্গ যাইতে তিন দিন কাটিয়া গেল। যে শুকনায় এখন দার্জিলিঙ্গ রেলপথের দ্বিতীয় স্টেশন প্রতিষ্ঠিত। সেই শুকনার জলের মধ্যে বন বিভাগের কোন কর্মচারীর ক্ষুদ্র কাষ্ঠ প্রকোষ্ঠে এক রাত্রি কাটিয়া গেল। তার পর সেখান হইতে যশপুঠে কর্ণিয়ং যাইতে আরও একদিন লাগিল। আমরা যে সময় গিয়াছিলাম সে সময় জ্যৈষ্ঠ মাস। সন্ধ্যার প্রাক্কালে আমরা কর্ণিয়ং গিরিশ্রেণীতে উপস্থিত। সেখানে উপস্থিত হইয়া আমরা ভীষণ তমসাচ্ছন্ন কুজ্-কাটকা দর্শন ও দুঃসহনীয় শীত অনুভব করতে লাগিলাম। তখন সেখানে কেবল দুই জন মাত্র বাঙ্গালী ছিলেন। একজন পোষ্টমাষ্টার ও আর একজন বিপণিরক্ষক। এই বিপণিতে সাহেবদের উপযোগী দ্রব্যাদিই বিক্রীত হইত। আমরা অজ্ঞাত কুলশীল হইলেও এই বিপণিরক্ষক আমাদের সে রাত্রিতে খুব সমাদরে স্থান প্রদান করি-

লেন। সেই গিরিশ্রেণী পরবেষ্টিত পার্বত্য আলয়ে আমাদের প্রতি তাঁহার সে আতিথ্য সংস্কার বড়ই সুমিষ্ট বোধ হইয়াছিল। রাত্রিতে আমরা যে প্রকোষ্ঠে ভোজন করিতে বসিয়াছিলাম সেই প্রকোষ্ঠের প্রাচীরের বাহির হইতে একটা পোষিত কুকুর এক ভীষণ ব্যাঘ্র কর্তৃক ধৃত ও পাহাড়ের কোন নিভৃত অদৃশ্য স্থানে নীরবে ভক্ষিত হইল। তার পর দিন ভীষণ কুজ্-কাটকা ও বারিকণা-পূর্ণ ঘন মেঘ ভেদ করিয়া অপরাহ্নে আমরা দার্জিলিঙ্গ উপস্থিত হইলাম। ছয় মাস কাল আমরা দার্জিলিঙ্গে স্থশীতল তুষার কুজ্-কাটকা, স্তরীভূত মেঘ ও অবিশ্রান্ত বৃষ্টি-পাতের মধ্যে প্রকৃতির নূতন দৃশ্য দেখিতে দেখিতে কাটাইয়া দিলাম। তখন সে পাহাড়ে ৮১০ জন মাত্র বাঙ্গালী আর সব প্রায়ই পাহাড়ী ও ইংরেজ। তখন সে পাহাড়ী জাতির মধ্যে রেল পথ ও বাঙ্গালী শকটের কোন জ্ঞানই ছিল না। তখন বাঙ্গালীর আলু ও অরহর দাইল চাউল ও আটা ভিন্ন আর কোন আহাৰ্য্য মিলিত না। বাঙ্গালী বাঙ্গালীর মুখ খুব কমই দেখিতে পাইত। তখন বাঙ্গালীর প্রতি বাঙ্গালীর আতিথ্য বাঙ্গালীর এক প্রাণতা একাত্মতা ও এক হৃদয়তা বড়ই সুমিষ্ট বলিয়া বোধ হইত। এখনকার দার্জিলিঙ্গের সঙ্গে আর তখনকার দার্জিলিঙ্গের মিল হয় না। এক দিকে খুব উন্নতি স্বীকার না করিয়া থাকিতে পারি না। তখন বাঘ ভালুক ও দস্যর মুখের গ্রাস হইয়া দার্জিলিঙ্গের পথে ও পাহাড়ে

যাইতে হইয়াছিল, আর এখন শিয়ালদহে রেলগাড়িতে উঠিয়া ঘুমাতে ঘুমাতে হিমালয়ের উচ্চ মঞ্চে যাওয়া সম্ভব হইতেছে। এ ব্যাপারে, বৃটিশ ভারতে ভগবানের হস্ত কেনা স্বীকার করিবেন? তরঙ্গায়িত ঘূর্ণায়মান গিরিসঙ্কট অতিক্রম করিয়া ক্রমোন্নত তুষারাবৃত অল্পভেদী ধবল গিরির সম্মুখে যে জাতি দ্রুতগামী বাঙ্গালী শকটকে উপস্থিত করিয়াছে সে জাতিকে কোন হৃদয় ধন্যবাদ না দিয়া নিশ্চিত থাকিতে পারে? যে পাহাড়ে আলু ও অরহর দাইল খাইয়া বাঙ্গালী পাহাড়ী ও অন্যান্য ভারতীয় প্রবাসী ও অধিবাসীগণ দিন কাটাইত আজ সে পাহাড়ে অসময়েও কপি মটর, পটল বেগুন প্রভৃতি উদ্ভিজ্জ ও উৎকৃষ্ট মৎস্য পর্য্যন্তও অনায়াসে পাওয়া সম্ভব হইতেছে। এখন সে দার্জিলিঙ্গে কত ভাল ভাল লোক। এখন ইহাদের বহু যত্ন সম্ভূত, সুন্দর সুরক্ষিত স্বাস্থ্য-নিবাসে কত ভাল ভাল লোকের সমাগম হইতেছে। তখন বন বিভাগের ২।৪ জন কর্মচারী ও ২।৪ জন বিপণি রক্ষক ব্যতীত আর কাহারও সঙ্গে আলাপ পরিচয় করিবার বড় সম্ভাবনা ছিল না। সাহেবদের সম্মুখেও অনেকটা এইরূপ ছি। বন বিভাগের উচ্চ কর্মচারী একজন ইংরাজ যিনি Conservator of forests বণিয়া আখ্যাত হইতেন তিনিই এক প্রকার সেখানে সর্কসর্কা ছিলেন। পাহাড়ী লোকেরা তাঁহাকে জঙ্গলী লাট বলিত। তখন পাহাড়ীদের বড়ই সরল প্রকৃতির লোক বলিয়া বোধ হইত। এখন নানা জাতির

সংঘর্ষে তাহাদের সে সরল ও সুমধুর প্রকৃতি ক্রমে চলিয়া যাইতেছে। ইংরাজ ও বাঙ্গালীর বিশাশিতা ধীরে ধীরে তাহাদের মধ্যে প্রবেশ করিতেছে। সে দিন বাঙ্গালীর পথে দেখিলাম যে বাঙ্গালী ও পাহাড়ীর মধ্যে মল্ল যুদ্ধ চলিতেছে। এক সময়ে বাঙ্গালী যে চক্ষে সাহেবকে দেখিত পাহাড়ীও সেই চক্ষে বাঙ্গালীকে দেখিত। বাঙ্গালী ও পাহাড়ীর দ্বন্দ্ব দেখিয়া ভিত্তিতে লাগলাম যে জাতি স্বজাতির সঙ্গে এক পথে চলিতে শিখে নাই সে জাতি আবার “স্বাজেয়” জন্য ব্যস্ত। নিম্ন ভূমি হইতে সমাগত বহু লোকের ঘন সন্নিবেশে সে কালের সে প্রাকৃতিক শোভার কথঞ্চিত হানি করিয়াছে তাহার আর সন্দেহ নাই। তবে পরিস্কৃত দিনে তখনও যে উন্নত তুষারাবৃত গিরিশ্রেণী কাঞ্চন জঙ্ঘার অতুলনীয় শোভা সন্দর্শন করিয়াছিলাম এখনও এক দিন অরণ্যময় অব্যাহিত পথে সেই প্রাণ-মন-হারী বিশ্ব বিবাহার অপার মহিমা প্রকাশক প্রাতঃরশ্মি প্রতি-বিম্বিত তুষারচ্ছন্ন গিরি শৃঙ্গ দেখিতে পাইলাম। তখন যে প্রস্রবণের অসংখ্য অজস্র ধারা পাহাড়ের উচ্চ ম প্রদেশ হইতে প্রস্রবিত হইয়া সুমধুর শব্দ করিতে করিতে অলক্ষিত নিভৃত উন্নতস্থান মধ্য দিয়া ছুটিয়া ছুটিয়া প্রবাহিত হইতেছিল এখনও সেইরূপ ছুটিতেছে। এবার পাহাড়ে একটা যে সুন্দর ছবি দেখিয়া জানিলাম তাহা তখন দেখি নাই। প্রত্যাদিষ্ট ব্রহ্মসন্দের ব্যাকুলতা-পূর্ণ প্রার্থনা ও অশ্রুপাত ভেদ করিয়া এ ছবি

প্রতিফলিত হইয়াছে। যোগী ঋষি, তপস্বীদিগের তপস্বী সিদ্ধ হিমালয় আবার জাগিয়া উঠিয়াছে। এক দল নবীন বিশ্বাসী ভাই ভগ্নী সেখানে জুটিয়াছেন। এক দল নবীন তপস্বী তপস্বীর অভ্যুদয় হিমালয় ঘোষণা করিতেছেন। পাঠক ও পাঠিকাগণ! এ কোন্ দল তাহা কি তোমরা জান? যে নূতন ইস্রায়েল বংশের জন্ম আমাদের নবীন যোগী নিভৃত হিমালয়ে প্রার্থনা করিয়াছিলেন সেই হিমালয়ে সে দলের উত্থান। এই নূতন দলে এবার ভাদ্রোৎসব হইল। হিমালয়ে এ উৎসবে আমাদের পরম শ্রদ্ধাপদ কুচ-বিহার মহারাণী মহাশয়া ভগবানের ইঙ্গিত দেখিয়া স্থানীয় ভাই ভগ্নী ও বিদেশ গত কয়েকটা ভাই ভগ্নীকে লইয়া বিধানপতির নামে প্রাণের গভীর আবেগ প্রকাশ করিয়াছেন। শ্রদ্ধাপদ ময়ূরভঞ্জ মহারাজ, শ্রদ্ধাপদা ময়ূরভঞ্জ মহারাণী, ভাই নির্মল-চন্দ্র ও তাঁহার ভক্তিমতী সহধর্মিণী প্রভৃতি শতাব্দিক ভাই ভগ্নী উপস্থিত। Rose Bank নামক স্থানে মহারাজা বর্ধমানাধিপতির প্রশস্ত আলয়ে উৎসব হইল। এইখানে শ্রী আচার্যদেব এক সময়ে যোগসাধন করিয়াছেন, আর আচার্যের সেই যোগসিদ্ধ প্রার্থনাপূত স্থানে “ভাদ্রোৎসব” হইল। উৎসবের আনুষ্ঠানিক মহারাজ ময়ূরভঞ্জ বাহাজুরের Sligo Hall আবাসে, ভাই নির্মলচন্দ্রের Rotheiway আবাসের নূতন উপাসনা কুর্গের ও Mackenzie Road এ সমাজ গৃহে ভাই ভগ্নীদিগের সম্মিলিত উপাসনা ক্ষেত্রেও

এই নূতন ছবি দেখিতে পাইলাম। দার্জিলিং পাহাড়ের অনেক প্রকার নূতন নূতন ছবি বাজারে বিক্রীত হইতে দেখিলাম আর এখন এই এক নূতন ছবি তুলবার সময় আসিয়াছে। আমরাদিগের শ্রদ্ধাপদ কুচ-বিহার মহারাণী বর্জুক উৎসবের উপাসনায় অহত হইয়া বিধানপতি বাস্তবিকই এক নূতন ছবি দেখাইলেন। ধন্য তাঁর লীলা। ধন্য সেই প্রাচীন হিমালয়! ধন্য নববিধান বিশ্বাসী ভাই ভগ্নীগণ!

পাঠক ও পাঠিকা ভাই ভগ্নীগণ! দার্জিলিঙ্গে আর একটা যে সুন্দর দৃশ্য দেখিলাম তাহার বিষয় একটু না বলিয়া থাকিতে পারিলাম না। এ দৃশ্য যে কি তাহা তোমরা কি জান? পুরাতন ব্রাহ্ম সমাজের ইতিহাসে আমাদের যে অত্যন্ত শ্রদ্ধা ভগ্নী মিস্ পিগটের কথা আছে ইহাকেই সেখানে দেখিলাম। ভগ্নী মিস্ পিগট যে এখনও জীবিত ও দার্জিলিঙ্গে অবস্থিত করিতেছেন তাহা জানিতাম না। আমরাদিগের শ্রদ্ধা মহারাণী কুচবিহারাধি-শ্বরী তাঁহার কথা বলাতে ও তাঁহার সঙ্গে দেখা করিবার অভিপ্রায় প্রকাশ করতে পাহাড় হইতে নীচে নামিবার পূর্ব দিন শ্রদ্ধাপদা মিস্ পিগটের সঙ্গে দেখা করিলাম। Birch Hill এর নিম্নে Rooks nest নামক পর্বত প্রকোষ্ঠে প্রাচীনা ভগ্নী মিস্ পিগট বাস করিতেছেন। Rooks nest এ প্রবেশ করিয়া দেখিলাম যে বৃদ্ধা মিস্ পিগট একাকিনী তপস্বিনীর স্থায় সেই নিভৃত হিমালয়ের নিস্তব্ধ প্রকোষ্ঠে বসিয়া রহিয়াছেন। তাঁহার সঙ্গে

অনেক পারিবারিক আলাপ পরিচয়ের পর ব্রাহ্মসমাজ ও শ্রী আচার্যদেব সম্বন্ধেও অনেক কথা বার্তা হইল। শ্রদ্ধা মহারাণী মহাশয়ার অভিপ্রায়ানুসারে তাঁহাকে শ্রী আচার্যদেবের জীবন সম্বন্ধে কতকগুলি Notes দিবার জন্ম অনুরোধ করিলাম। ভগ্নী মিস্ পিগট তাহা খুব আত্মাদের সহিত দিতে স্বীকৃত হইয়াছেন। তাঁহার যে তপস্বিনী মূর্তি বড়ই ভাল লাগিল। তাঁহার দিকে যতবার তাকাইলাম তাঁহাকে সেই কুচবিহার বিবাহের Praying ও Kneeling Miss Pigot বলিয়া দেখিতে লাগিলাম। তাঁহার মুখে সেই কুশবাহী আচার্যদেবের উজ্জল স্মৃতি উপলব্ধি করিতে লাগিলাম। তাই বলিতেছি দার্জিলিঙ্গে আর একটা সুন্দর দৃশ্য দেখিয়া আসিলাম। ধন্য তিনি যিনি এ সেবককে এগার এসব সুন্দর দৃশ্য দেখাইলেন।

কুচবিহার } স্নেহের সেবক  
১১৯০৮। } শ্রীগৌরী প্রসাদ মজুমদার

স্বর্গগতা সাধ্বী মুক্তকেশী দেবী

( ৪৭ পৃষ্ঠার পর। )

অনেক সময় দেখিয়াছি, ছাত্রনিবাসের ছেলেদের খাবার কষ্ট হইতেছে শুনিতে, নিজে নানাবিধ ব্যঞ্জনা দি প্রস্তুত করিয়া পাঠাইতেন। পরিচিত রোগীদের পথ্যাদি পাঠানোও তাঁর একটা বিশেষ আনন্দের কার্য ছিল।

তিনি পরহুঃ কাতরতা দয়াদ্র হৃদয়

নারী ছিলেন, পরের দুঃখ শুনিতে অর্থ ও সামর্থ্য দিয়া তাহার কষ্ট দূর করিবার জন্ম ব্যস্ত হইতেন। যদি অর্থ সামর্থ্য না কুলাইত, অন্ততঃ! ছুটা মিষ্ট কথা বলিয়াও সাহায্য করিতেন। তিনি কখন ধনীরা ঘরে ঘাইতে চাহিতেন না কিন্তু দুঃখীর দুঃখ মোচনের জন্ম আগ্রহান্বিত থাকিতেন। গরিব দুঃখী গৃহে আসিলে কখনও ফিরিত না, তিফা দিবার সুন্দর প্রণালী ছিল। একবার তিনি আমাকে বলিয়াছিলেন “দেখ্ আমি যখন চলিয়া যাইব, তোরা খুব ভাল করিয়া গরিব দুঃখীদের খাওয়াস, তাহাতেই আমি সন্তুষ্ট হইব, গরিব দুঃখীদের খাওয়াইতে আমি বড় ভাল বাসি।” তাঁর অন্তরখানি স্নেহ মমতায় পূর্ণ ছিল, কেহ দোষ করিলেও কঠিন কথা বলিয়া তিরস্কার করিতে পারিতেন না।

নিজের সামর্থ্য থাকিতে কত্যা ও বধু-দিগকে কোন পরিশ্রম জনক কার্য করিতে দিবে না, এ বিষয়ে কেহ বলিলে, বলিতেন “আমার কাছে যে কয়দিন আছে আরামে থাকুক, এর পর নিজ নিজ সংসারে ত করিবেই”। নিজের সামর্থ্য থাকিতে কাহারও সাহায্য লইতেন না এবং বলিতেন আমি যেন কাহারও সাহায্য না লইয়াই চলিয়া যাইতে পারি। রোগের সময় তাঁর সে ইচ্ছা জীবনে পূর্ণ হয় নাই। সে জন্ম তিনি দুঃখ করিয়া বলিতেন “আমি তোমাদের কত কষ্টই দিয়াছি, তাঁর কনিষ্ঠা কত্যা যিনি সর্বদা নিকটে থাকিয়া সেবার শরীর মন চালিয়া দিয়াছিলেন তাঁর জন্ম আমায় বলিয়াছেন “পালু” আমার জন্ম

খেটে খেটে রোগা হইয়া গেল, আমি কত দিন তাকে এমন কষ্ট দিব জানি না।

দাস দাসীর উপরও তাঁর সদয় ব্যবহার ছিল, কাহাকেও কটু কথা বলেন নাই বরং যথেষ্ট স্নেহ মমতা করিতেই দেখিয়াছি। বাঁকিপুরে থাকিতে তিনি ব্রাহ্মিকা সমাজে প্রতিলিপিত করিয়া তাহাতে রীতিমত উপাসনা করিতেন। তিনি সুন্দর ভাব পূর্ণ উপাসনা করিতে পারিতেন, কিন্তু তাও বাহিরের বড় বড় কথা সাজাইয়া উপাসনা ভাল বাসিতেন না, অন্তর হইতে যে ভাল তরঙ্গ উঠে তাহাই সহজ ভাষায় ব্যক্ত করিতেন। তিনি অল্প ভাষী ছিলেন, তাঁর উপাসনাও ভাবপূর্ণ, অল্প কথায় শেষ হইত। হাজারিবাগ উৎসবে একবার বহু সংখ্যক নারীদের লইয়া উপাসনা করিয়া সাধারণের নারীগণকে বিশেষ আকর্ষণ করিয়াছিলেন। তিনি যেখানে যে অবস্থায়ই থাকুন না কেন উপাসনা গৃহে ঠিক সময়ে উপস্থিত থাকিতেন। দেহীতে উপাসনায় আসা পছন্দ করিতেন না। তাঁর শরীরে ক্রোধ ছিল না, ক্রোধের কারণ হইলে, রাগের পরিবর্তে তাঁর হুঃখই হইত।

তাঁহার জীবনে অনেক পরীক্ষা আসিয়া ছিল, সকল পরীক্ষায় প্রকৃত বিশ্বাসির ছায় ধীর ভাবে বহন করিয়াছিলেন। চারিটা সুন্দর সুন্দর সন্তান সন্ততি অল্প কালের মধ্যেই যখন চলিয়া গেলেন ঈশ্বর কৃপার তখনও বৈধব্য হইত হন নাই।

যখন মেজ দাদা ( ভূপেন্দ্র নাথ মজুমদার ) চলিয়া গেলেন তখন হইতেই তাঁর শরীর ভাঙ্গিয়া গেল কিন্তু এক দিনের

জন্মও নিজ কর্তব্য ভুলেন নাই। তিনি সন্তানদিগের সহিত যোগীবৃত্ত ছিলেন তাই মেজদাদা ও দিদি ( শ্রীমতী সরলা দেবী ) চলিয়া যাইবার পূর্বে তিনি জানিতে পারিয়াছিলেন। যে মুহূর্ত্তে মেজদাদার প্রাণ বিয়োগ হয় সেই মুহূর্ত্তে তিনি টের পাইয়াছেন এবং তাঁর “মা” “মা” ডাক শুনিয়াছিলেন। মেজদাদা মাতৃভক্ত সন্তান ছিলেন, তিনি বলিতেন “আমাদের সৌভাগ্য যে এমন মা পাইয়াছিলাম, তাই পিতার কর্ম ত্যাগেও ছুঃখ জানিতে পাই নাই, এমন গুণের মা যদি না পাইতাম তাহলে কি দুর্দশাই হইত”।

যখন তাঁর কনিষ্ঠ পুত্র (প্রেমেন্দ্র নাথ) হঠাৎ চলিয়া গেলেন মাতৃ দেবীর ভগ্ন শরীর চূর্ণ হইয়া গেল, কিন্তু তখন একটা কথা পীড়িত থাকায়, সে শোকাত শরীর লইয়া কেবল বিশ্বাসের বলে পীড়িত কঠোর সেবা করিতে এক দিনের জন্ম অবহেলা করেন নাই। দেখিয়া আশ্চর্য হইয়াছি যে সেই ভগ্ন শরীরে দিনরাত্রি তার আহাৰ্য্য প্রস্তুত ও তাহার সেবা শুশ্রূষা লইয়াই বাস্ত থাকিতেন। আহা! এত সেবা শুশ্রূষা করিয়াও কতটুকু বাঁচাইতে পারিলেন না, কেবল তাঁর অসীম বৈধব্যের পরীক্ষা হইল।

তিনি সময় সময় বলিতেন “ভূপেন্দ্র আমার ভাঙ্গিয়া দিয়া গিয়াছে, পিঁয়ুষ আমায় চূর্ণ করিয়াছে, ভাগ্যিস্ এমন ধর্ম্মের আশ্রয়ে আসিয়াছিলাম, তাহিত এত শোক ছুঃখের বোঝা বহিতে পারিতেছি, এমন ধর্ম্ম যদি না পাইতাম তাহলে পাগল হইয়া যাইতাম”।

সম্পদের কোলে জন্মগ্রহণ করিয়া, প্রকৃত বৈরাগিনীর ছায় জীবন যাপন করিয়াছেন। তাঁর জীবনে যোগ, ভক্তি, জ্ঞান ও কর্মের সমন্বয় দেখাইয়া গিয়াছেন। তাঁর অন্তরে যাহা ছিল, বাহিরে প্রকাশ পাইত না কারণ তিনি নিজেকে সর্বদা প্রচ্ছন্ন রাখিতেন; সেজন্ম বাহিরের লোকে তাঁহাকে বিশেষরূপে জানিতে পারেন নাই। প্রকৃতই তিনি একটা “দেবী” ছিলেন, সাধ্বী ছিলেন।

তিনি শেষ জীবনে কয়দিন রোগের যাতনায় বড়ই কষ্ট পাইয়াছেন, সে কষ্টও অবাধে ভগবানের দিকে চাহিয়া সহ্য করিয়াছেন। এমন অসহ্য যন্ত্রণা তার ভিতরেও উপাসনায় যোগ দেওয়া এক দিনের জন্মও বন্ধ হয় নাই। যন্ত্রণায় আহত তার মধ্যে আরাধনা প্রার্থনা, নামপাঠ রীতিমত চলিয়াছে একটু ভুল পর্য্যন্ত হয় নাই, আশ্চর্য্য!

রোগশয্যায় দুই মাস কাল পড়িয়া ছিলেন, সে সময় স সারের প্রায় কোন কথাই কহিলেন না কেবল হরিনামে করিয়াছেন। যখন যে গানের যে পদটি মনে আসিত আবৃত্তি করিতেন। “অনন্তের টানে অনন্তের পানে ধায় প্রাণ নদী বাধা নাহি মানে বাধা আছি যার সনে প্রাণে প্রাণে তাঁহারেই প্রাণ চায়।” এবং যদি বিষয়েতে সুখ হোত, তবে লালাজী (লালাবাবু) ফঁকির হত না। এই ছুটি গান সর্বদাই বলিতেন। একদিন বড়ই কষ্ট হচ্ছিল, বাবা বলিলেন “তুমি অমন করছ কেন? এই যে তোমার চারিদিকে ছেলে মেয়ে বউ সকলে

ব’সে তোমার সেবা কর’ছেন” উত্তরে বলিলেন “ওসব ভোজের বাজী”। হরিনাম মা নাম ছাড়া মুখে তন্ম কথা ছিল না। মৃত্যুর ৫৬ দিন পূর্বে এক দিন নিজে “হরিবোল হরি চল যাই বাড়ী” এই গানটি বলিতে ছিলেন দেখে অনেকে মিলে (সে দিন বিদেশের ৪৫টা মেয়েও দেখিতে এসে ছিলেন) ঐ গানটি গাওয়া হলে তিনি সেই সময় বসিয়া বেশ জোরে জোরে হাত-তালি দিতে লাগলেন যখন “বাড়ী পানে মন ছুটেছে এখন মা, মা ব’লে ঘরে চল” এই পদটি গাওয়া হ’চ্ছিল তখন হঠাৎ মুখে এমন স্বর্গের সুন্দর হাসি দেখা গেল যেন কতই আনন্দ হইয়াছে।

উপাসনার দেবী হইয়া গেলে ছুঃখিত হইতেন “ঠাণ্ডার সময় উপাসনা হইলে উপাসনা ভাল হয় গরমে কি আমি পারি? এইরূপ প্রায়ই বলিতেন।

শান্তি নিকেতনে ষাবার জন্ম বড়ই ব্যস্ত হইয়াছিলেন। প্রায়ই বাবাকে বলিতেন “ওগো আমার শান্তি নিকেতান নিয়ে চল”।

কিছু খাবে? জিজ্ঞাসা করিলে বলিতেন “দূর তোদের এখানকার জিনিষ আমি আর খেতে চাই না, পৃথিবীর জিনিষে আর রুচি নাই”। খাওয়া দাওয়া তাঁর মোটেই ছিল না, কিছুই খাইতে চাহিতেন না, ছুধটা নিতান্ত জোর করে খাওয়াতে হ’ত। একদিন অতি সামান্য ছুটি ভাতের সহিত ছুধ ও আম মাথিয়া খাওয়াইয়া দেওয়া হ’ল, সেদিন খাইলেন দেখিয়া পরদিন জিজ্ঞাসা করা হইল “আমি দিয়া

ছুটি ভাত খাইবে” ? উত্তরে বল্লেন, “তোরা কি জানিস্ না যে ভূপেন গিয়া পর্য্যন্ত আমি আম খাই না”। মেজদাদা গিয়া পর্য্যন্ত, তিনি :যে যে সামগ্রী ভাল বাসিতেন, সেই সকল জিনিস মা খাইতেন না তার মধ্যে ভাল আম কখন খান নাই। ফুলকাপি এঁচোড়ও খাইতেন না।

একদিন অবস্থা বড়ই খারাপ হইয়া আসিল সে দিন আর বাঁচিবেন বলিয়া বোধ হইল না, সে সময় বাবা বলিলেন “ছেলে মেয়ে বউ জামাই সকলকে কিছু বলিবেনা ?” উত্তরে বলিলেন, “ধর্ম্মই চির-সঙ্গী সকলের ধর্ম্ম মতি হোক দোষ করিলেও কাহারও মনে কষ্ট দিও না”। সকলকে আশীর্বাদ করিলেন। এই দিন হইতে তাঁর অবস্থা আরো দিন দিন খারাপ হইতে লাগিল, অসহ জ্বালা যন্ত্রণার মধ্যে কেবলই হরিনাম করিয়াছেন এবং স্বর্গগত সাধুভক্ত ও পুত্রকন্যাদিগকে দেখিয়াছেন ও কথা বলিয়াছেন। আশ্চর্য্য ধৈর্য্য সহিষ্ণুতা !

মৃত্যুশয্যায় যখন মাথার যন্ত্রণা বাড়িতে লাগিল, ক্রমাগত বরফ ও জল দেওয়া হইত, বলিতেন “কোন জল দিচ্ছ, জর্ডনের জল তো ? আমার মাথায় জর্ডনের জল দাও” কখনও বলিতেন “সেই জল দাও যে জলে দেব শিশু যিশুর পরিব্রাণ হইয়াছিল, আমার হয়ে সেই জর্ডনের জল আমার মাথায় দাও”। আহা, তিনি বাস্তবিক সেই দেব শিশু যিশুর মত ধৈর্য্য সহিষ্ণুতার পরাকাষ্ঠা দেখাইয়া গিয়াছেন, যেন বিধাতা সহিষ্ণুতার দৃষ্টান্ত জগৎকে দেখাইবার জন্তই তাঁকে প্রেরণ করিয়াছিলেন।

আজীবন রোগ শোক দুঃখ দারিদ্র্য, বিপদ, পরীক্ষা সকলি আশ্চর্য্য ধৈর্য্য সহিষ্ণুতার সহিত বহন করিয়া বিজয় নিশান উড়াইয়া চলিয়া গেলেন। একদিন আমাকে বলিলেন “দেখ দিনে ? তুই দেখতে পেলিনে, পিমু এসেছিলেন হেঁসে আমার কাছে এসে দাঁড়ালেন, আমি বললাম বাবা আমার ফেলে চলে গেলে হেঁসে বল্লেন মা তুমিও যাবে।” একদিন অযুধ দিতে গেলে বলিলেন, “আমায় তোমরা আর অযুধ দিও না আমি ত এখানে নেই, আমি যে অনন্তে ! পিমু বলেছিলেন সকলকে অনন্তে যেতে হবে তাই তাঁরাও গিয়াছেন, আমিও যাচ্ছি।” এইরূপে তিনি সর্বদা ভগবানও পরলোক লইয়াই থাকিতেন, ইহলোকের কোন কথা বলিতেন না। বরাবর বেশ জ্ঞান আছে দেখিয়াছি। কনিষ্ঠা সহোদরা যোগপ্রভার নিকট হইতে যে পত্র পাই তাহা নিয়ে উদ্ধৃত করিয়া দিলাম।

“তোমরা সেই যে দিন চলে গেলে তারপর কদিনই এক রকম অচেতন হইয়েই ছিলেন, ঠিক বোঝা যাচ্ছিল না, ডাকলে উত্তর দিচ্ছেলেন কিন্তু কথার উত্তর দিতে পাচ্ছিলেন না, কখনো একটু বলতে আরম্ভ করে বাকটা ভুলে যাচ্ছিলেন কখনও কথা এত জড়িয়ে যাচ্ছিল যে বোঝা যায় না। এ তিন দিন একটু দুধ, জল কি ওষুধ কিছুই মুখে নেন নি, একটু পাশও ফেরেন নি, যা হইয়ে যাবার ভয়ে আমরা রোজ একবার পাশ ফিরাইয়া দিয়াছি, এই কয়দিনের যা যন্ত্রণা হইয়েছিল, তা বোধ হয় এ কয়মাসের সঙ্গে তুলনা হয় না। সে

যাতনা প্রকাশ করিবারও বৃদ্ধি ভাব ছিল না, কেবল অজ্ঞানের মত পড়ে থাকতেন, অনেক জিজ্ঞাসা করিলে কখনো বলেছেন “কিছু না”, কখনো বলেছেন “উঃ অসহ”, কি যে আশ্চর্য্য তখনকার ভাব তা না দেখলে বোঝা যায় না। তারপর তিন দিনের পর রবিবারে ‘দুধ খাবে’ জিজ্ঞাসা করতে বল্লেন “হাঁ”, প্রায় আধপো দুধ খেলেন একবার পায়খানা হ’ল, তারপর চোক বন্ধ করে যে শুলেন, আর জ্ঞানের লক্ষণ দেখা যায়নি। সেইদিন উপাসনায় নিয়মিত আরাধনা প্রার্থনা করেননি। কিন্তু স্তোত্র পাঠের সময় একটু একটু বলেছেন। আশ্চর্য্য !

সোমবার সকালে স্বাসের লক্ষণ দেখা গেল। ১১টা থেকে খুবই কষ্ট হ’তে লাগিল, তখন বেশ জ্ঞান হোল, চোক চাইলেন। সে রকম আমরা কখনো দেখিনি, সে ভয়ানক কষ্টকর। সন্ধ্যা ৩:১৫ মিনিটে শেষ নিশ্বাস পড়িল, এতক্ষণ যে শরীর তোলপাড় হ’চ্ছিল সব নিস্তক হ’য়ে গেল। সে সময় মুখের চেহারা বড়ই সুন্দর হইয়েছিল, ফুলো হঠাৎ মমস্ত কমে গেল, খুব রোগা হইয়ে পেলেন। যখন সুন্দর করে সাজিয়ে বাহিরে আনা হোলো, সে যে কি সুন্দর দৃশ্য, মুখের এমন পবিত্র ভাব, সে দৃশ্য যেন অপার্থিব বলে বোধ হ’চ্ছিল—আহা ! তুমি কেবল কষ্টের মুখই দেখলে, এ স্বর্গের দৃশ্য দেখতে পেলেন না। তোমায় বার বার মনে হ’চ্ছিল।”

আমাদের মা বড় আরাম পেয়েছেন, তাঁর শেষকালের মুখের ভাব দেখে আমরা

কষ্ট ভুলে গিয়েছিলাম। তিনি এত আরাম পেলেন, আমরা দুঃখ করিব কি জন্ত তাঁর শরীরের অবস্থা এমন হইয়েছিল যে যখন ডাক্তার বাবু বলিলেন আরো ২৪ দিন থাকিতে পারেন, তখন আমাদের আতঙ্ক হ’ল যে তবে কেমন করে তিনি সহ্য করিবেন একষ্ট আর আমরা কেমন করে দেখবো।

তবে আর আমরা দুঃখ করবো কি ? আমাদের চেয়ে যারা তাঁকে দেখেনি তারা দুঃখিত হ’তে পারে।

এখন আমরা যদি তাঁর অমর চরিত্রের অংশ পাই, তহলেই ধন্ত হব এখন আর তাঁকে কোন কষ্ট ভোগ করিতে হবে না, এখন তিনি সুখী মাতৃদেবী এই পৃথিবীতে থাকিতে একবার একটা সুন্দর স্বপ্ন দেখিয়া আমায় বলিয়াছিলেন এখন সেই স্বপ্নটা মনে পড়িতেছে। স্বপ্নটা এই ;—“একটি সুন্দর সুশোভিত উচ্চ স্থানে যোগীভক্ত, সাধু সাধ্বীতে পরিপূর্ণ। মা সেই স্থানে যাইবেন বলিয়া দৌড়িতেছেন পথ সুদীর্ঘ এবং জঙ্গল ও কাঁটা বনে পরিপূর্ণ, তাঁর পশ্চাত্ত এক বিকটাকার মনুষ্য, তাঁকে ধরিবার জন্ত সেও দৌড়িতেছে, মা প্রাণপণে দৌড়িতেছেন, কাঁটা খোঁচা লাগিয়া তাঁর দেহ ছড়িয়া যাইতেছে সে দিকে দৃষ্টি নাই, ক্রমাগত দৌড়ছেন, পথ তবু ফুরাচ্ছে না অবশেষে সেই স্থানে পৌঁছিলেন, একজন একটি স্থান দেখাইয়া বলিলেন “এই তোমার স্থান” তিনি সেই স্থানে বসিয়া দেখিলেন সেই বিকটাকার লোকটা উঁকি মারিতেছে কিন্তু তাঁর কাছে আসিতে পারিতেছে না।”

আজ তিনি তাঁর স্বপ্নদৃষ্ট আন্তর্দ্বন্দ্বিতামে প্রাণের পুত্র কণ্ঠাদের লইয়া মাতৃকোলে উপবিষ্ট, বিশ্বাস চক্ষুতে দেখিয়া আমরা তাঁর ছুঃখী সন্তান সন্ততি শোক সম্বরণ করি।

তিনি যে আদর্শ জীবন রাখিয়া গিয়াছেন, সেই আদর্শ সম্মুখে রাখিয়া তাঁর সহিত আত্মার যোগে যুক্ত হইয়া নিজ নিজ জীবনকে সেই আদর্শে গঠন করিয়া ধন্য এবং কৃতার্থ হইতে পারি বিধাতার নিকট এমন শক্তি বল ভিক্ষা করি। তিনি আমাদের মস্তকে আশীর্বাদ করুন।

### সমুদ্রপথে পুরী ।

( বন্ধু হইতে প্রাপ্ত । )

প্রায় ১৮ বৎসর গত হইয়াছে। তখন উড়িয়া গমনাগমনের সুগম রেল লাইন খোলা হয় নাই। পুরুষোত্তম যাত্রীদিগকে জাহাজে চড়িয়া সমুদ্রপথে সারাদিন ও রাত্রির ৯ ঘণ্টিকা পর্যন্ত যাপন করিতে হইত। সে যে কষ্ট ও নির্যাতন, ভুক্তভোগী যাহারা তাঁহারা কেবল জানেন। জাহাজের ডেক অর্থাৎ নিম্নতলটি জগন্নাথ ধ্যান নিরত সরলপ্রাণ অসংখ্য স্ত্রীপুরুষের আশ্রয় নিকেতন হইত। তাঁহাদের সংখ্যাধিক্যতা ও স্থানের সঙ্কীর্ণতা বশতঃ কখন কখন একরূপ অবস্থা দাঁড়াইত যে অনেকেই সেই সুদীর্ঘ সময় দণ্ডায়মান থাকিয়া কাটাইতেন। সৌভাগ্যক্রমে যদি বড় তুফানের আবির্ভাব না হইত, তবেই মঙ্গলমত তাঁহারা তৎপরদিন চাঁদবালী বন্দরে উত্তীর্ণ হইয়া

তত্রস্থ পান্ডুশালায় কথঞ্চিৎ বিশ্রাম লাভ করিতেন। এখন আর সেই হাড়ভাঙ্গা বিপদসঙ্কুল রাস্তায় উড়িয়া যাইবার কাহারো ইচ্ছা হয় না। এখন সরকার বাহাজুরের রূপায় রেল চড়িয়া যথা ইচ্ছা শুইয়া বসিয়া, মহাআরাম, স্বল্প ব্যয়ে, প্রতিদিন শত শত হাজার হাজার যাত্রী মহাপ্রভুর শ্রীমুখ দর্শন করিয়া মহানন্দে গৃহে প্রত্যাগমন করিতেছেন।

সেই অতীত কালের ঘটনা মনে হইলে আমাকে এখনো যেন কেমন করিয়া একটা আতঙ্কের ভাব আসিয়া গ্রাস করিয়া ফেলে। সরকারী আদেশে আমি পুরী যাত্রা করিলাম। মাঘগাস রাত্রি প্রায় শেষ হইয়াছে। আমার বন্ধুজন আমাকে সঙ্গে করিয়া সিংগল ষ্টিমারে উঠাইয়া দিয়া বিদায় হইলেন। আমি নবীন বয়সে নবীন উৎসাহে মাতিয়াছি, গন্তব্য স্থান কেমন কত দূরে, তাহার ভাবনা একটুও উদয় হয় নাই। প্রাণ ভরিয়া সমুদ্র দর্শন করিব, সমুদ্রের উদ্ভীষমান মৎস্য চাক্ষুষ করিব এই আনন্দেই বিভোর ছিলাম। সেই অপরিণাম দর্শিতার ফল আমাকে অচিরেই ভোগ করিতে হইল। অতি প্রত্যুষে জাহাজ নঙ্গর তুলিয়া তুর্যা নিনাদে দিগন্ত কাঁপাইয়া তাহার গমনবার্তা ঘোষিত করেন, এবং সেই সঙ্গে গঙ্গাবক্ষঃ বিষম আলোড়িত করিয়া মূঢ় মস্তুর ও পরে দ্রুত গতিতে, সাগরাভিমুখে যাত্রা করিল, প্রকৃতির আদর্শ চিত্রপট গঙ্গাসেকতের উভয় পার্শ্ব-বর্তী নানা সুরম্য অট্টালিকা কত নগর উপনগর কোথা হইতে যেন আসিতে

কোথায় অন্তর্হিত হইতে লাগিল। গঙ্গাবক্ষঃ ক্রমেই বিশাল, জল নীলাভ ও ফেনিল দেখাইতে লাগিল। বেলা প্রায় ১১টার সময় আমরা বঙ্গোপসাগরে যাইয়া পড়িলাম। সম্মুখে অসংখ্য জলরাশি বামে ও কুল কিনারা দৃষ্ট হইতেছে না, কেবল দক্ষিণে সূত্রাকারে একটি কাল রেখা। জানিতে পারিলাম ইহাই ছোট নাগপুরের প্রান্ত সীমা। বলিতে তুলিয়া গিয়াছি যে সে সময় জ্ঞানযাত্রী উপলক্ষে অসংখ্য যাত্রী পুরীধামে যাইতে ছিলেন। জাহাজের নিম্নতল যে ভাবে মাঝুয বোঝাই হইয়াছিল বোধ হয় পণ্ডালায়ও সেই ভাবে পশুগণ রক্ষিত হয় না। আমিও অপর দুইটি বাঙ্গালী বাবু আপারডেক অর্থাৎ উচ্চতলে আশ্রয় লইয়াছিলাম। তন্মধ্যে একজন চাঁদবালী অপরটি কটক যাইতেছিলেন। আমি এই প্রথম পুরী যাইতেছি শুনিয়া শেষোক্ত বাবুটি জিজ্ঞাসা করিলেন “আপনি কটকে যাইয়া কোথায় বিশ্রাম করিবেন? কোন আত্মীয় তথায় আছেন কি?” আমি বলিলাম যে তথায় আমার পরিচিত কেহই নাই। আমি গাড়ী করিয়া বরাবর পুরী চলিয়া যাইব। বাবুটি ঈষদ্ হাস্তে বলিয়া উঠিলেন “আপনি কখনো দূরদেশে যান নাই, বোধ হয় সংসারে আপনার কেহই নাই, নতুবা আপনি একাকী এ বয়সে পুরী যাইতেন না। এখন শুভুন—আমরা পরশুদিন অপরাজ কটক পৌঁছিব। কটক হইতে পুরী ৫৩ মাইল। গো শকটে এই সুদীর্ঘ পথ পার হইতে আপনাকে প্রায় ৩ দিন লাগিবে। কটক জাহাজ ঘাটেই

গো শকট মিলিবে না; আপনাকে সহরের ভিতর ভ্রমাস করিয়া লইতে হইবে। যদি দৈব ঘটনায় কেনেল ষ্টিমার সন্ধ্যা বা সন্ধ্যার পর কটক পৌঁছে, আপনি জিনিস পত্র লইয়া তখন কোথায় যাবেন?” আমি ত শুনিয়াই ‘থ’ খাইয়া গেলাম। তাইতো এখন উপায় কি? তখন স্পষ্টই অনুভূতি হইল অসীম সাগরের তরঙ্গ আমার ভাবনা সাগরের তরঙ্গের তুলনায় নিতান্ত সামান্য, কিছুই নয়। আমি যেন বাস্তবিকই তাহাতে পড়িয়া হাবুডুবু খাইতে লাগিলাম।

এমন সময় নিম্নতলে তুমুল কোলাহল শ্রুত হইল। আমরা তাড়াতাড়ি সিঁড়ি দিয়া নামিয়া যাহা দেখিলাম তাহাতে আমাদের সর্ব শরীর রোমাঞ্চ ও প্রাণে আতঙ্ক উপস্থিত হইল। দেখিলাম একটি চট্টগ্রাম বাসিনী বৃদ্ধার ভ্রাতা ও পুত্র কলেরায় আক্রান্ত হইয়া যাতনায় এ পাশ ওপাশ করিতেছে। অভাগিনী যাহাদের সঙ্গে প্রফুল্ল মনে প্রাণে শত আশা বাঁধিয়া জগন্নাথ দর্শনে আসিতেছিল সেই সঙ্গী ও সঙ্গিনীরা নির্দয় নিষ্ঠুরের ছায় কেবলই তাহাকে তিরস্কার করিতেছে। তাহার তৎকালীন অবস্থা অবর্ণনীয়। হতভাগিনী কখনো ভ্রাতার কখনো পুত্রের গাত্র স্পর্শ করিয়া পাগলিনীর প্রায় কেবলই উচ্চঃ স্বরে চীৎকার করিতেছে—কিন্তু হায়! সেই চীৎকার সেই মর্মান্বভেদী বিলাপ ধ্বনি সহযাত্রী কাহারো প্রাণকে অভিভূত করিল না। কেহই অভাগিনীর দুর্দশা দেখিয়া তাহাকে সাহায্য দিতে অথবা রোগী ছুটির সম্মুখীন হইতে অগ্রসর হইল না!

## মুক্তি ফৌজের নেতা জেনারেল বুথের স্ত্রীজাতি সম্বন্ধে নির্বন্ধ।

বোধ হয় সকলেই জ্ঞাত আছেন যে মুক্তি ফৌজ নামক একদল ধর্মপ্রচারক পৃথিবীতে খাটিধর্ম প্রচার জ্ঞাত জাতি মন প্রাণ উৎসর্গ করিয়াছেন। অধর্ম বিনাশ করিয়া ধর্মরাজ্য সংস্থাপন এবং বিস্তারই এই দলের কার্য। ইহারা যদিও খৃষ্ট সম্প্রদায়ী তথাপি ইহারা সাম্প্রদায়িক ভাবাপন্ন সাধারণ খৃষ্টানদের মত কোন বিশেষ বিশেষ মতে আবদ্ধ নহেন। ঈশ্বরের বৈরাগ্য এবং জীবন্ত বিশ্বাস ইহাদের জীবনের অঙ্গপান ভগবানের পবিত্র আবির্ভাব প্রণোদন ব্যতীত অন্য কোন প্রকার নিজ ভাব এবং ক্রটিতে পরিচালিত হইয়া জীবন যাপন কিম্বা ধর্ম প্রচার করেন না। তাঁহারা লোককে আহ্বাস-সংস্থাপন পথ দেখাইয়া এবং ধরাইয়া দিয়া তৎপর তাহাদিগকে নীতিবান হইতে এমন গভীর উত্তেজনাপূর্ণ শিক্ষাদান করেন যে প্রতি ব্যক্তিই নৈতিক তেজসম্পন্ন হইয়া নীতিরক্ষা করিতে প্রবৃত্ত হইলেন।

পাঠশালায় গুরু মহাশয়ের নিকট যেমন ভয়ে জড়মড় হইয়া ছোট ছোট অনাবিষ্ট ছেলেরা অনিচ্ছা সত্ত্বেও লেখা পড়াতে যেরূপ বাহুভাবে নিরত থাকে ইহাদের দ্বারা উপদিষ্ট লোকেরা ভয়ে কিম্বা অনুরোধে নীতিরক্ষা করিতে প্রবৃত্ত হইল না। জীবনের অঙ্গপান রূপে নীতি গৃহীত হয়। ইহারা যে বিবাহ করেন তাহাতেও সর্বপ্রধান উদ্দেশ্য ধর্মপ্রচার এবং বিধাতার

আজ্ঞা জীবনে পালন করিতে অধিকতর সক্ষম হইবেন ইহাই লক্ষ্য থাকে। ইহাদের শারীরিক বিষয় আধ্যাত্মিক অন্তর্ভুক্ত। স্ত্রী পুরুষ সমভাবে ধর্মপ্রচার করিয়া থাকেন। মুক্তিফৌজের নেতা জেনারেল বুথ সাহেব কলিকাতায় কতিপয় বৎসর পূর্বে এসেছিলেন। এবার প্রচারে বহির্গত হইবার পূর্বে নারী জাতির প্রতি মুক্তি ফৌজের লোকেরা কিরূপ ব্যবহার করিবে তাহার এক বিজ্ঞাপনী প্রচার করিয়া যান এবং অনুরোধ করেন যেন দলের সর্বস্থানে উহা পঠিত হয় অথচ তৎসহ কেহ কোনরূপ আপন মতামত প্রকাশ না করেন। জীবন ভরিয়া, আপন পত্নী কথা পূত্রবধূগণ হইতে যেরূপ প্রচারপ্রণালী গঠন এবং জীবনদান করিয়া জীবনের কার্যে সহায়তা পাইয়াছেন তাহা হইতে নারী জাতির সম্বন্ধে যেরূপ ব্যবহার করা উচিত সিদ্ধান্ত করিয়াছেন তাহাই নিম্নে প্রদত্ত হইল।

“নারী জাতি সম্বন্ধে আমার ভাব এবং মত পৃথিবীর সর্বত্রই প্রচারিত আছে। এ বিষয়ে আমার আদর্শ তোমাদের সম্মুখে আছে এবং আমি চাই যে সমগ্র ফৌজ এই আদর্শ গ্রহণ করেন। প্রথম এবং সর্বাপেক্ষা আমি চাই যে, নারীর সমকক্ষতা দৃঢ়রূপে গণ্য করা হয়। পৃথিবীর উন্নতির জ্ঞাত নারীর ক্ষমতা, প্রয়োজনীয়তা, মূল্য এবং আবশ্যিকতা পুরুষেরই মত। দুর্ভাগ্যের বিষয় প্রতিশ্রেনীরই অনেক লোক অগ্ররূপ ভাব পোষণ করেন। তাহারা প্রাচীন কালের মত ‘নারী পুরুষের অপেক্ষা নিকৃষ্ট’ ধরিয়া আছেন।

## মুক্তিফৌজের নেতা জেনারেল বুথের স্ত্রীজাতি সম্বন্ধে নির্বন্ধ। ৭৫

অনেকের নিকট নারীজীবন বিশ্রাম সময়ের ক্রীড়ণক। আর একশ্রেণীর নিকট মতে না হটক কার্যতঃ নারী সর্ববিষয়ে ক্রীতদাসী। বোধোদ্দেশ্যে যে সকল পশুদিগকে ফষ্টপুষ্ট করা হয় কিম্বা গাড়ী টানিবার জন্ত ঘোড়ার স্বাস্থ্য এবং সুখ সুবিধার প্রতি দৃষ্টি রাখা হয় নারীরা তদপেক্ষা লঘুতর ব্যবহার পাইয়া থাকেন। এইরূপ জঘন্য এবং ধর্মশূন্য ভাব তিরোহিত করার জন্ত মুক্তিফৌজ যুদ্ধ করিয়াছেন ও করিতেছেন। মুক্তি ফৌজ জন্মগতই হই জাতিতে (পুরুষ এবং নারী) সমতা রক্ষা করিতেছেন। সুখ দুঃখ বোধ শক্তি এবং আত্মার মূল্য উভয়েরই সমান।”

“ঈশ্বরের দৃষ্টিতে নরনারী সমান এবং উভয়ই তুল্যরূপে স্বর্গীয় পিতার প্রেমের অধিকারী। যীশুপ্রদর্শিত পরিত্রাণবিধিতে উভয়েরই সমান অধিকার; ঈশ্বরেরাজ্য-বিস্তার এবং পরিত্রাণবিস্তারে উভয়েই সম-ভাবে দায়ী; উভয়ে সমভাবে তাঁহার স্থায়বিচারের অধীন; স্বর্গীয় নগরের অধিবাসীর অধিকারে একই অবস্থাপন্ন; ভাবী অনন্তজীবন সম্ভোগ এবং ব্যবহারের উভয়ের তুল্য ক্ষমতা।”

“এতদ্বারা নারীর প্রত্যেক বিশেষ বিশেষ গুণ নরতে থাকিবে কিম্বা নরের বিশেষ বিশেষ গুণ নারীতে সমভাবে থাকিবে তাহা আমি বলিতেছি না। তাঁহাদের উভয়ের গুণনিচয়ের মধ্যে প্রকৃতি এবং পরিমাণে পার্থক্য থাকিবে। এক জন অপেক্ষাকৃত দুর্বল, অপর অপেক্ষাকৃত শক্তিমান। দুর্দান্ত স্থলে বলা যাইতে

পারে ইচ্ছাশক্তি এবং শারীরিক শক্তিতে পুরুষ নারী অপেক্ষা শ্রেষ্ঠ। অপর পক্ষে, অনুভব করার শক্তি, সহিষ্ণুতায়, ক্ষমতাতে এবং ভালবাসার শক্তিতে নারী নর অপেক্ষা শ্রেষ্ঠ। অতএব মোটের উপর ঈশ্বরের প্রদত্ত গুণে এবং প্রভাব বিস্তারে নারী পুরুষের সমান। তাঁহাকে ভাল সুবিধা দেওয়া হউক তিনি তাহার প্রমাণ কার্যতঃ দিবেন।

“আমি এই চাই যে তোমরা এই সত্য অনুধাবণ করিয়া গ্রহণ কর। আমাদের কর্তব্য যে এই সত্যোক্তে দৃঢ় হইয়া আমাদের নারী সহযোগিনীর সহ ব্যবহারে জগতে এই সত্যের প্রমাণ দেই। মতে এবং কাজে যুবকদিগকে শিক্ষা দেই। শারীরিক বল ব্যতীত জীবনের যাহা কিছু উৎকৃষ্ট তাহা উভয়ের মধ্যেই সমান। ছেলেবেলা হইতে বেটা ছেলেকে, জানিতে দেও যে তাহার ভগ্নিতে আর তাহাতে ইতর বিশেষ নাই। কথা সম্মানকে অনুভব করিতে দেও যে, ঈশ্বর এবং মনুষ্যের নিকট তাঁহার আদর এবং প্রয়োজনীয়তা তদ্রূপ যদ্রূপ বেটা ছেলে হইলে হইবে।

বৃদ্ধেরা যুবকদের এবং ছেলেদের সম্মুখে অপ্রতিহত জীবন্ত দৃষ্টান্ত দ্বারা যীশু যেরূপ স্ত্রীলোকের প্রতি চিরদিন কোমল এবং স্নেহ ব্যবহার করিয়াছেন তদ্রূপ করুন। বিবাহিত অবিবাহিতনির্বিশেষে স্ত্রীলোকের প্রতি সম্মান ধৈর্য্য এবং যত্নের সহিত ব্যবহার করুন। বিবাহিত ব্যক্তির যদি প্রকৃত পুরুষকারের জ্ঞান থাকে তবে স্ত্রীর স্বার্থ রক্ষণে, তাঁহার পক্ষ হইয়া যুদ্ধ করা :

তাহার আত্মার তত্ত্বাবধান করা এমন কি প্রয়োজন হইলে খ্রীষ্টের গ্রায় তাঁহার জন্ত প্রাণদানে প্রস্তুত হওয়া প্রয়োজন। জীবনসংগ্রামের সহচরী, স্ত্রী মাতা এবং কতাব্যাপ্তি নারীকে অধিকতর সম্মান দানে আমরা দৃঢ় প্রতিজ্ঞ হই। \*

তোমাদের স্নেহের জেনারেল বৃথ।\*

মহিলাদের রচনা।

### স্বর্গীয় পিতৃদেবের উদ্দেশে লিখিত।

কতদিন হ'ল পিতা গিয়াছ চলিয়া  
সুখময় স্বর্গধামে সে অমৃত লোকে  
হ'য়ে পিতৃহীন মোরা কাঁদি তব গণ্ডকে  
কাতর অন্তর সদা তোমার লাগিয়া  
আর নাহি হেরিব সে স্নেহময় মুখ  
আর না শুনিব সেই বাণী স্নেহময়  
এ কথা হৃদয় মাঝে হইলে উদয়  
অসহ শোকেরে হায় ফেটে যায় বুক  
আমাদের মঙ্গলের কারণে নিয়ত  
দিতে কত উপদেশ নিশি দিনমান  
সেই স্নেহপূর্ণ বাণী অমৃত সমান  
মনে পড়ে কাতর এ হৃদয় সতত  
জীবিত থাকিতে সদা বলিতে যে পিতা  
দেহত্যাগে দূরে রব ভেবনাক মনে  
ইহলোক পরলোক রহিব যেখানে  
তোমাদের কাছে আমি রহিব সর্বদা  
এখন সে কথা তাত! পড়ে সদা মনে  
ব্যাকুল অন্তর হয় তোমার লাগিয়া  
কতবার অশ্রু মনে ভাবিয়ে বসিয়া  
কাছে তুমি আছ পিতা আমার এ মনে

\* এই মতে আমাদের ঐক্য আছে।

আদর্শ জনক তুমি আছিলে মোদের  
দয়া ধর্ম প্রেমে পুণ্য শোভিত হৃদয়,  
বিদ্যা ও ধর্মের জ্যোতি কত শোভাময়  
দেখাইলে জগতেরে মহিমা ধর্মের।  
আসিয়া জগত মাঝে সহিয়াছ কত  
শারীরিক মানসিক কতই যাতনা  
কিন্তু সব ধৈর্যসহ সয়েছ কতনা  
যোড়করে দয়াময়ে ডেকেছ সতত!  
কোন অনির্দিষ্ট স্থানে গেছ পিতা তুমি  
কাটাইয়া আমাদের স্নেহ মায়া সব  
সে রাজা কোথায় পিতা? কোন অভিনব  
কোন উদ্ধার লোকে তাত! কোন দেব ভূমি?  
পুণ্য স্মৃতি জেগে রবে সদা শোভাময়  
পুণ্য জ্যোতি পূর্ণ ওই অমূল্য জীবন  
যতদিন ধরা মাঝে রহিবে জীবন  
নিশিদিন অবিরত স্মরিবে হৃদয়  
পরলোকে গেলে দেখা হবে পুনরায়  
বিনাশ নাহিক কভু অমর আত্মার  
এ বিশ্বাস হ'ক দৃঢ় অন্তরে আমার  
রূপাময় রূপা কর দীন তনয়ায়

কর্শোলী

শ্রীমতী সা—

### আমার শ্বশুর বাড়ী যাত্রা।

সাত আট মাস হইল আমি বিবাহের  
পর সেই প্রথম শ্বশুর বাড়ী গিয়াছিলাম।  
সে দিন অমাবস্যা শনিবার ছিল। আমার  
পিতা অমাবস্যা পূর্ণিমা কিংবা অশ্রাশ্র  
বাধা বিয় মানেন না। কারণ সরকারী  
কার্যে তাঁহাকে সর্বদা বিদেশে ঘুরিতে হয়।  
সে সময় দিন দেখিলে চলে না। আমার  
বিষয়ে শ্বশুর মহাশয়ের বিশেষ অনুরোধ

তাড়াতাড়ি আমাকে শ্বশুরালয় ঢাকায়  
যাত্রা করিতে হইল। সকাল বেলা মা  
আমাকে কিছু খাওয়াইয়া সাশ্রু নয়নে  
বিদায় দিলেন। আমি চুঃখিত মনে বাবার  
সহিত ঘোড়ার গাড়ীতে উঠিলাম। গাড়ী  
বরাবর কলিকাতাভিমুখে চলিতে লাগিল,  
রাস্তার দুইধারে কত সুন্দর সুন্দর বাড়ী,  
সুসজ্জিত দোকান ও নানা প্রকার জিনিস  
পত্র দেখিতে লাগিলাম।

গাড়ী হাবড়া পুলের উপর উঠিল।  
নিয়মিত প্রবাহিণী গঙ্গা, বাধান ঘাটে  
শত শত নরনারী স্নানালিকে মত্ত। প্রবল  
শ্রোতে এত বড় প্রকাণ্ড পুলও কম্পিত  
হইতেছিল। আমার বোধ হইল বৃষ্টি গঙ্গা  
এরূপ একটা পুলের বাধন মোটেই পছন্দ  
করেন না। তাই এটাকে জোর করিয়া  
তাড়াইবার চেষ্টায় আছেন। যাহা হউক,  
দেখিতে দেখিতে গাড়ী আমার পিসা  
মহাশয়ের বাড়ীতে আসিয়া থামিল।  
আমার প্রাণটা যেন সহসা কাঁপিয়া উঠিল।  
স্নেহময়ী মাতা ও ভাই ভগিনীদের কথা  
মনে পড়িয়া আমার কেবলই কান্না আসিতে  
লাগিল। কিন্তু বাবার সাক্ষাতে কাঁদিতে  
পারিলাম না। আমার পিসিমা সে সময়  
শক্ত পীড়ায় কাতর ছিলেন। তবু তিনি  
স্নেহে আমাকে কত আদর যত করিয়া-  
ছিলেন।

রাত্রি ৯ টার সময় আমি গোয়ালন্দের  
রেল উঠিলাম। সঙ্গে আমার—ছিলেন।  
রেল গাড়ীতে গায় গহনা নিরাপদ নয়  
শুনিয়া আমার সমস্ত গহনাপত্র বাস্তুর  
ভিতর রাখিয়াছিলাম। আমাদের কামরায়

অনেক গুলি যাত্রী ছিল। তাহারা  
পর পর স্টেশনে নামিয়া গেল। বাকী  
রহিলাম আমরা দুই জন। রাত্রি ২টা  
পর্যন্ত আমরা সজাগ ছিলাম। তার পর  
কখন ঘুমাইয়া পড়িয়াছিলাম জানি না।  
হঠাৎ কাহার চীৎকারে আমার ঘুম ভাঙিল  
এবং ঘুমের ঘোরে শুনিলাম আমাদের  
জিনিস পত্র চুরী হইয়া গিয়াছে। চকিতে  
চাহিয়া দেখিলাম বেঞ্চের নীচে যে ট্রাঙ্কটা  
ছিল তাহা নাই। সেই ট্রাঙ্কে আমার  
যথা সর্বস্ব গহনা ও মূল্যবান রেশমী  
কাপড় জামা ইত্যাদি ছিল। তখন আমি  
ভয়ে ভয়ে আমার কাণ দুটীতে হাত দিয়া  
দেখিলাম তাহাও চুরী গিয়াছে কিনা।  
কারণ কাণের ছল দুটি খুলিয়া বাস্তুর  
রাখিবার সময় পাই নাই। যখন বুঝিলাম  
তাহা ঠিকই আছে তখন গালে হাত  
দিয়া চুপ করিয়া বসিয়া রহিলাম। এ  
দিকে পুলিশ আসিল, কত কি লিখিয়া  
লইয়া গেল। প্রভুঘোষে গাড়ী গোয়ালন্দ  
ঘাটে আসিয়া ঠাণ্ডা হইয়া দাঁড়াইল।  
শীতকাল, তখনো খুব ফরসা হয় নাই;  
আমার গায় একটা পাতলা জামা—  
শীতে আমার সমস্ত শরীর কেবলই  
কাঁপিতে লাগিল। সেই অবস্থায় তিনি  
আমাকে জাহাজে উঠাইয়া দিয়া কোথায়  
চলিয়া গেলেন। জাহাজ ছাড়িয়া দিল।  
জাহাজের ছইসিল্ ও চাকার গভীর গর্জনে  
চারিদিক তোলপাড় করিয়া তুলিল।

কামরার ভিতর অনেক গুলি মেয়ে  
ছিলেন সকলেই আপন আপন স্থানে  
বিছানা পাতিয়া বসিলেন। তাহাদের সঙ্গী



পুরুষেরা তাঁহাদের খবরাখবর লইতে লাগিল। আমি একে বালিকা তাহাতে একাকী; লজ্জা ও ভয় আসিয়া আমাকে গ্রাস করিয়া ফেলিল। আমি দাঁড়াইয়া এদিগ ওদিগ চাহিতে লাগিলাম। প্রায় আট ঘণ্টা পরে তিনি আসিয়া উপস্থিত। তাহার ব্রহ্মভাব দেখিয়া বুকিলাম আবার একটা নূতন অমঙ্গল ঘটয়াছে। পরে শুনিলাম তাহাকে পারে রাখিয়াই জাহাজ ছাড়িয়া দিয়াছিল। তিনি অতি কষ্টে নৌকা করিয়া জাহাজ ধরিয়ান। কি সর্বনাশ! কি ভয়ানক!! তিনি যদি না আসিতে পারিতেন আমার দশা কি হইত? তাই আমি পূজনীয়দিগকে জিজ্ঞাসা করি ইহা কি আমার অমাবস্থা শনিবারের যাত্রার ফল? \*

কোন্নগর } শ্রীমালতী বাল্য  
( হিন্দু পরিবারের ত্রয়ো-  
দশবর্ষ বয়স্কা কন্যা )।

### সংবাদ ।

বিগত ১১ই আশ্বিন নিজাম রাজ্যে বন্যা আরম্ভ হইয়া ১২ই তারিখে মুসি নদীর জল অতিশয় বৃদ্ধি পায়। প্রবল বন্যায় রাজধানী হায়দারাবাদ নগরীর এক তৃতীয়াংশ এক বারে ধুইয়া যায়। তত্রস্থ অনেক জনপদ জলপ্রাবনে ভাঙ্গিয়া যায়। মুসি নদীতে শব সকল ভাসিতে ভাসিতে কৃষ্ণা নদীর অভিমুখে বেগে চলিয়া যায়। হায়দারাবাদের প্রায় এক লক্ষ লোক বিনাশ এবং দুই কোটি টাকার উদ্ধৃত সম্পত্তির ক্ষতি হইয়াছে। গাড়ীতে গাড়ীতে মৃতদেহ নিয়াও সমস্ত শব স্থানান্তরিত করিতে পারিতেছে না। পুতিগন্ধে নগরে চলা এবং তিষ্ঠা ভার হইয়াছিল। এত দিনে নগরমৃত জীবদেহ মুক্ত হইয়াছে।

\* যাহারা অমাবস্থা মানিয়া চলেন তাঁহাদেরও এরূপ বিপদে পড়িতে হয়। সং

জন মানব এবং অত্যাচারী জীব জন্তুর এরূপ ভীষণ এবং বিস্তৃত মৃত্যু আর কখনও এ দেশে শুনা যায় নাই। সম্পত্তির ক্ষতিও কম্বিন কালে কোথাও এরূপ ঘটে নাই। রেল রাস্তা ভাঙ্গিয়া যাইয়া প্রায় দুই সপ্তাহ কাল লোকের গতিবিধি বন্ধ ছিল। টেলিফোন এবং টেলিগ্রাফ তার ভিন্ন হইয়া গিয়া দুই এক দিন সংবাদ চলাচলেরও বিশেষ অসুবিধা হইয়াছিল। হুসেন সাগর দিঘী যদি প্লাবিত হইত তাহা হইলে হায়দারাবাদ রাজ্যের চিহ্নও থাকিত না—পূর্বেই তাহার প্লাবন যাহাতে না হইতে পারে তাহার ব্যবস্থা করা হইয়াছিল। নৌকা এবং হাতীর সাহায্যে বহু লোকের প্রাণ রক্ষা হইয়াছিল। ভীষণ গর্জনে অর্ধ মাইল বিস্তৃত প্রবাহে বড় বড় উৎপাটিত বৃক্ষ জল স্রোতের ঢেউয়ের ক্রীড়াবস্ত হইয়া ছিল। ঘোলাগুদা নামক নগরী এক হাজার ঘর বাড়ীসহ সম্পূর্ণ রূপে কাদায় ডুবিয়া গিয়াছে।

একা নবাব ছলারজঙ্গের তিন লক্ষ টাকার ক্ষতি হইয়াছে। নিজাম এই ভীষণ ঘটনাতে মহা শোকার্ত হইয়া অনেক অশ্রুপাত করিয়াছেন। কোথায় পার্থিব ক্ষমতা কি করিতে পারে? এখানে রাজা প্রজার সকলেই অসহায়—অত্যাচারী এবং অত্যাচারিত সকলেই এ সময় পরম্পরের জন্ত ব্যস্ত হয়। এই রূপই বিধাতার লীলা। এরূপ দৈব দুর্ভিক্ষকেই মানুষ মানুষকে ভাই বলিয়া চিনিয়া থাকে এবং প্রাণের মধ্যে স্থান দেয়। ত্রিশ হাজার লোক প্রতিদিন অন্ত্রচত্রে আহার করিতেছে। নিজাম তাঁহার কোন একটা রাজ-প্রাসাদাংশ নিরাশ্রিতদের বাস জন্ত ছাড়িয়া দিয়াছেন। ভরসা করি এরূপ ঘটনা আলোচনা করিয়া মানব মাত্রেই জীবনে ঈশ্বরের আবশ্যকতা কত তাহা বিশেষরূপে বুঝিতে পারিবেন। এবং মানুষশক্তি কত অকিঞ্চৎকর এবং ক্ষীণ তাহাও হৃদয়ঙ্গম করিবেন।

## ভিক্টোরিয়া মহিলা বিদ্যালয় ।

### জীবের শত্রু জীবাণু ।

আমরা যে চারিদিকে চলিয়া বেড়াই কত যে শত্রু আমাদের চারিদিকে থাকে তাহা বলিয়া শেষ করা যায় না।

আমরা তাহা চক্ষে দেখিতে পাই না। অণুবীক্ষণ যন্ত্র যাহা দ্বারা একটা অতি ক্ষুদ্রতম জিনিসকে হাজার গুণ বড় দেখায় তাহার দ্বারা ঐ জীবাণু গুলিকে দেখা যায়। আমরা যে এগুলিকে সব সময় দেখিতে পাই না, তাহা খুব ভালরই জন্ত। তাহা হইলে আমাদের প্রাণ ধারণ করা শকটময় এবং কষ্টকর হইত। আমরা যদি এক গ্লাস জল খাইতে গিয়া গ্লাসটা ভরা পোকা দেখিতে পাইতাম তাহা হইলে আমাদের কি ভয়ানক ঘৃণা হইত এবং আমরা খাইতে পারিতাম না। কিংবা যদি আমরা প্রত্যেক প্রাণীর এমন কি প্রত্যেক পিপীলিকার পদধ্বনী শুনিতে পাইতাম তাহা হইলে আমরা অস্থির হইয়া উঠিতাম জীবন ধারণ করা কঠিন ব্যাপার হইয়া উঠিত।

দয়াময় পরমেশ্বরের এ সকল বিষয় ভালরূপে জানিয়া শুনিয়াই আমাদের শ্রবণ কি দর্শন শক্তিকে এত তীক্ষ্ণ করেন নাই। আমরা আগেই শুনিয়াছি যে রোগের জীবাণু আছে।

সে গুলি উদ্ভিদ জাতীয়। কিন্তু আমাদের শরীরে এক রকমের জীবাণু আছে সে গুলি প্রাণী। সে গুলির শরীরের চারিদিকে ঘুরিয়া বেড়ায়। আমাদের রক্তে যে লাশ তাহার কারণ হইতেছে তাহার মধ্যে এক রকম জীবাণু আছে তাহার লাল রংএর এবং আমাদের শরীরের রক্তের রং বস্তুত নারিকেল তেলের মত। আর এক রকম আছে তাহার সাদা।

খানিকটা জলে একটু সিন্দুর গুলিলে জলটা লাল দেখায়। সিন্দুর তেলে যে রকম মেশে জলে সে রকম মেশে না। এজন্ত উহাকে অনবরত পড়িলে জলটা লাল দেখায় এবং রাখিয়া দিলে, নাচে সিন্দুর ও উপরে জল হইয়া যায়।

মানুষের শরীরের রক্তও ঠিক এইরূপ।

শরীরের ভিতরে যে আর এক প্রকার সাদা রংএর পোকা থাকে তাহার সমস্ত ক্ষণ চারিদিক পাহাড়া দিতে থাকে। শরীরের চারিদিকে ঘুরিবার ইহাদের শক্তি আছে। যখন কোন রোগের বীজ আসিয়া আক্রমণ করে তখন ইহারা উহাদের সহিত যুদ্ধ করিয়া তাড়াইয়া দিতে চেষ্টা করে। আমাদের শরীরের ভিতর আর এক রকম জীবাণু আছে তাহাদিগকে "বিষঘাতী" বলে।

ইহারা শরীরে বিষ প্রবেশ করিলে তাহা নষ্ট করিতে চেষ্টা করে। উহাদের বিষ নাশক শক্তি যত বাড়ান যায় ততই বাড়ে। ইহার প্রমাণ, একজন লোক যে একটা সরিশার মত ছোট আকারের পরিমাণ আফিং খাইতে আরম্ভ করিল এবং প্রতি দিন অল্প অল্প করিয়া পরিমাণ বৃদ্ধি করিতে লাগিল। পরে এক দিন দেখা গেল যে সে একেবারে এতটা পরিমাণ আফিং খাইতে পারে যে তাহাতে হয়তো এক সঙ্গে আট দশ জনকে মারিয়া ফেলা যায়। আর একটা প্রমাণ, ঠিক যে রকম করিয়া Diphthiria রোগের ঔষধ প্রস্তুত করে। এই ঔষধ প্রস্তুত করা হয় কোন Diphthiria রোগীর গলা হইতে একটু লাল লইয়া খানিকটা জেলিতে দিয়া জেলিটুকু একটা

কাচের বাস্কে রাখিতে হয় তাহার কয়েক দিন পরে অণুবিক্ষণ দ্বারা দেখা যাইবে যে অনেক সংখ্যক ঐ রোগের বীজ উহাতে জন্মিয়াছে। তখন উহা হাতে চুরাতে করিয়া একটু লইয়া একটা ঘোড়ার গায়ে বেশ প্রকারে পবেশ করাইয়া দিতে হইবে। সে দিন ঘোড়াটির একটু সামান্য জরের ভাব হইবে কিন্তু পূর্কের মতই চলিয়া বেড়াইবে ও খাইবে। তার পর দিন আর একটু বেশী পরিমাণে এইরূপে প্রতিদিন মাত্রা বাড়াইবে ও খাইবে। তার পর দিন আর একটু বেশী পরিমাণে এইরূপে প্রতি দিন আর একটু বেশী পরিমাণে এইরূপে প্রতিদিন মাত্রা বাড়াইতে বাড়াইতে এক মাস পরে দেখা যায় যে ঘোড়াটা এখন যতটা বিষ সহ্য করিতে পারিতোছে উহাতে এমন কি এক সঙ্গে আট দশটা ঘোড়া মারয়া ফেলা যায়। তার পর ঐ ঘোড়াটিকে মারিয়া ফেলা হয় এবং ঐ সমস্ত রক্ত একটা বড় কাচের পাত্রে রাখা হয়। এক একটা ঘোড়ার গায়ে অনেকটা করিয়া রক্ত থাকে। অনেকক্ষণ রাখার পর ঐ সমস্ত রক্ত জমিয়া যায় এবং উহা হাতে এক প্রকার নারিকেল তৈলের ছায় উহার উপরে ভাসে মর্থাৎ রক্তের লাল অংশটা নীচে পড়ে এবং সাদা অংশটা থিতিয়া উপরে উঠে।


সেই নারিকেল তৈলের মত জিনিসটাই ছোট ছোট শিশিতে রাখিয়া কাচ গলাইয়া মুখটা বন্ধ করিয়া দেওয়া হয়। এই প্রকারে তৈয়ারি করিয়াই ইংরাজেরা এদেশে পাঠাইয়া দেন। ইহা অনেকটা বসন্তের টিকা দেওয়ার মত কাজ হইল। বিষে বিষক্ষয় করা হয়। ইহা কিন্তু Diphthiria অব্যর্থ মহৌষধ অবশ্য দময়ে জানিতে পারিবেন।

### মূল্যপ্রাপ্তি।

দ্বাদশ বৎসর।		” সুলতা দেবী, মঙ্গলপুর ২১
শ্রীমতী শান্তশীলা শাসমল, ২১	” মৃগালকুমারী দত্ত, বদরপুর ২১	” এস কে সেন, মঙ্গলপুর ২১
” সুলশীলাবালা সিংহ, দ্বারভাঙ্গা ২১	” বি এন দাস, ঢাকা ২১	” শান্তশীলা শাসমল, কাঁথি ২১
কুমারী লীলামঙ্গরী চৌধুরী, কলিকাতা ২১	” শান্তশীলা শাসমল, কাঁথি ২১	” কুলদা দেবী, ঢাকা ২১
শ্রীযুক্ত প্রসন্নকুমার দাস গুপ্ত, কুমিল্লা ২১	” কুলদা দেবী, ঢাকা ২১	” সরলাবালা সেন, মরীয়ানী ২১
” উপেন্দ্রনাথ ঘোষ, কটক ২১	” সরলাবালা সেন, মরীয়ানী ২১	” চারুবালা দেবী, রেঙ্গুন ২১
” তরীন্দ্রমোহন সেন, শিমলা ২১	” চারুবালা দেবী, রেঙ্গুন ২১	” যোগীনিবালা বসু, পুষ্কা ২১
ত্রয়োদশ বৎসর।		” হেডস্বজননী সেন, জয়পুর ২১
শ্রীযুক্ত গগনচন্দ্র সেন, জামালপুর ২১	” হেডস্বজননী সেন, জয়পুর ২১	” সরোজিনী রায়, কলিকাতা ২১
” গোপালচন্দ্র গুহ, টাঙ্গাইল ২১	” সরোজিনী রায়, কলিকাতা ২১	” ফিরোদা সুলন্দরী সেন, ঢাকা ২১
” সুরেশচন্দ্র বসু, কলিকাতা ২১	” ফিরোদা সুলন্দরী সেন, ঢাকা ২১	” সুরমা দত্ত, কলিকাতা ২১
” তরীন্দ্রমোহন সেন, শিমলা ২১	” সুরমা দত্ত, কলিকাতা ২১	” হৈমবতী চট্টোপাধ্যায়, ভাগলপুর ২১
” প্রসন্নকুমার দাস গুপ্ত, কুমিল্লা ২১	” হৈমবতী চট্টোপাধ্যায়, ভাগলপুর ২১	” ইন্সুমতী দাস, ঢাকা ২১
” রামলাল, ভাগলপুর ২১	” ইন্সুমতী দাস, ঢাকা ২১	কুমারী লীলামঙ্গরী চৌধুরী, কলিকাতা ২১
” হরলাল সাহা, কলিকাতা ২১	কুমারী লীলামঙ্গরী চৌধুরী, কলিকাতা ২১	
” শরৎকুমার লাহিড়ী, কলিকাতা ২১		
” কিরণচন্দ্র ঘোষ, কলিকাতা, ২১		
শ্রীমতী হেমকুম্ম মল্লিক, বাঁকিপুর ২১		

### চতুর্দশ বৎসর।

শ্রীযুক্ত এনাতুল্লা প্রধান, হলদিবাড়ী ২১
শ্রীমতী প্রফুল্লকুমারী হালদার, পীনমানা ২১



### মাসিক পত্রিকা।

“যদ নাথ্যস্তু দুজ্যন্তে বদন্তী তন্ন উবতা:”

১৪শ ভাগ ] কার্তিক, ১৩১৫, নভেম্বর ১৯০৮। [ ৪র্থ সংখ্যা।

### দ্বীনীতিসার।

যে গৃহের গৃহিণী পরিবারই সকলকে প্রীতি করিতে পারেন না, সেই গৃহে সেই পরিবারে কখনও শান্তি কুশল প্রতিষ্ঠিত হয় না। স্বামী হউক বা বালক বালিকা হউক, কিংবা দাস দাসী হউক, কাহারও দোষ ত্রুটি হইলে ক্রোধ বিরক্তি প্রকাশ না করিয়া তিনি প্রেমের শাসনে সকলকে শাসন করিবেন চরিত্রের নিষ্ঠতা, ধৈর্য ও ক্ষমার পরিচয় দান করিবেন, তাহাতে সকলে বশীভূত হইবে, পারিবারিক শান্তি ও কল্যাণ চিরপ্রতিষ্ঠিত থাকিবে। গৃহিণী বাইবেল শাস্ত্রের নিয়মিত মহামূল্য বচনটি সর্বদা স্মরণে রাখিবেন।

“যদিও আমার সকল সম্পত্তি হুংগী দ্বিগের আহারের জন্ত দান করি, যদিও আমার শরীরকে দগ্ধ হইতে দি, তথাপি প্রীতি না থাকিলে উহাতে আমার কোন লাভ নাই। প্রীতি দীর্ঘ কাল সহ করে,

এবং দয়ালু; প্রীতি পরদ্রেষ করে না, প্রীতি আত্মপ্রাণা করে না, এবং ক্ষাত হয় না। উহা অল্পচিত ব্যবহার করে না, স্বার্থ আশ্রয় করে না, সহজে ক্রুদ্ধ হয় না; অনিষ্ট চিন্তা করে না, অধর্ম্যে আনন্দিত হয় না, কিন্তু সত্যতেই আনন্দিত হয়, তাবৎ বহন করে, তাবৎ বিশ্বাস করে, তাবৎ আশা করে, এবং তাবৎ সহ্য করে।”

গৃহিণী, তুমি কি বিশ্বাস কর, এক্ষণ বঙ্গদেশে কতকগুলি লোকের মধ্যে প্রীতির নামে যে সকল ব্যাপার হইতেছে সে সকল বাস্তবিক প্রীতি? না, স্বদেশের ও স্বজাতির বিষয় অনিষ্টজনক হিংসা দ্রেষ। সম্মিলননামে স্বজাতির সঙ্গে যোগস্থাপন নামে কতকগুলি উপকারী লোকের কৃত উপকার অস্বীকার, তাহাদের সঙ্গে বিবাদ বিচ্ছেদ ও শত্রুতা সাধন : এসকল পরদ্রেষ, স্বার্থাশ্রয়, আত্মপ্রাণা ও নানা প্রকার অল্পচিত ব্যবহার কি প্রীতি? তুমি কি তোমার বালক বাসিকাদিগকে প্রীতির নামে এই সকল বৈর সাধন ও অপ্ৰীতির কার্যে প্রশ্রয় দিবে? উৎসাহ দিবে?

## আমাদের অবস্থা ।

সম্পাদকীয় উক্তিতে, “আমি” ও “আমার” এরূপ এক বচনস্থলে আমরা ও আমাদের বহুবচন শব্দ প্রয়োগ করা চিরন্তন প্রচলিত নিয়ম। প্রবন্ধের শিরোনাম “আমাদের অবস্থা” বিষয়টির সকল কথা বুঝিতে পাঠিকাদের পক্ষে জটিল হইয়া না পড়ে এই উদ্দেশ্যে “আমরা” ও “আমাদের” পরিবর্তে সোজাসোজি “আমি” ও “আমার” শব্দ সর্বত্র প্রয়োগ করা যাইতেছে।

আমি প্রায় ৬ মাস যাবৎ হৃদয়োগে আক্রান্ত হইয়া নানা প্রকার ক্লেশ ভোগ করিতেছি। এপর্যন্ত মহিলাতে পীড়ার বিষয়ে কিছুই উল্লেখ করা হয় নাই। ধর্মতত্ত্ব পত্রে দুই তিনবার সংবাদসূত্রে তাহা উল্লিখিত হইয়াছে, তাহাতে বন্ধুগণ ও নানা স্থানের পাঠিকা কল্যাণ আমি যে পীড়িত মোটামোটি জ্ঞাত হইয়াছিলেন, লোকপরিষদে রায় এবং পত্র যোগেও অনেকে জানিতে পারিয়াছেন। আমি গর্ভধারণী বৃদ্ধা জননীকে পৃথিবীতে হারাইয়া মাতৃহীন হই নাই। দেশ বিদেশের অনেক তরুণবয়স্কী কন্যা আমার ছায় বৃদ্ধের মাতৃস্থানীয়া হইয়াছেন। তাঁহাদের অনেকের আমার প্রতি অধিক স্নেহ, এবং আমার জন্ত অধিক ভাবনা। তাঁহারা আমার গবস্থা পুঞ্জীকৃত পুঞ্জরূপে জানিবার জন্ত আমাকে পুনঃ পুনঃ পত্র লিখিয়া থাকেন। আমি দুর্বলতা বশতঃ নিজে সকল সময়ে পত্রের উত্তর দান করিতে পারিতেছি না। সময়ে সময়ে

নিতান্ত প্রয়োজন ভাবিয়া অল্প লোক দ্বারা সংক্ষেপে উত্তর লিখিয়াছি। তাহাতে তাঁহারা বড় সন্তুষ্ট হন নাই। এই সকল মা আমার জন্মবার বহু বৎসর পরে জন্মগ্রহণ করিয়াছেন। তাঁহারা নিতান্ত বয়ঃকনিষ্ঠা হইলে কি হইবে, কিন্তু এই রুগ্ন বৃদ্ধের প্রতি স্নেহ ভালবাসায় ৯৪ বৎসরবয়স্কী স্বর্ণগতা বৃদ্ধা জননীকে অতিক্রম করিয়াছেন। নিজের রোগ ও দুর্বলতা বিস্তারিতরূপে প্রত্যেককে ভিন্ন ভিন্ন পত্র লিখিতে অসমর্থ হইয়া তাঁহাদের অবগতির জন্ত এবার মহিলাতে আনুপূর্বিক তাহা লেখা যাইতেছে। প্রথমতঃ দুইটি কন্যার পত্র উদ্ধৃত করিয়া দেওয়া গেল।

বাফিপুর হইতে একটি কুমারী কন্যা বিগত ১০ই অক্টোবর নিম্নলিখিত পত্রখানা লিখিয়াছেন, ইহা তাঁহার লিখিত বহু পত্রের মধ্যে শেষ পত্র।

“অনেক দিন আপনার কোন সংবাদ পাইনি। মনটা তাই বড় অস্থির হয়েছে। পরীক্ষার জন্ত প্রস্তুত হতে হচ্ছে বলে অনেক সময় কাহারই সংবাদ নিতে পারি না। আপনার গিরিডি যাওয়ার কথা ছিল, বোধ হয় গেছেন। জানিনাত, সেখানকার ঠিকানাও জানি না। তাই এনং পাঠাইলাম। আশা করি তবুও পাবেন। ওখানে গিয়া শরীর কেমন বোধ করছেন? আপনার সঙ্গে কে গেছেন? কে সেবা যত্ন করেন? কাহার চিকিৎসা হচ্ছে? কার বাড়ীতে আছেন? ওখানকার জল হাওয়ার পরিবর্তনে শরীরের উন্নতি কেমন বোধ করেন? এসব বড় জানতে ইচ্ছা হয়।

বিশেষতঃ শরীর কেমন আছে এখন, অনেক দিন শুনি নি। জানবার জন্ত মনটা বড় অধীর হয়েছে। যদি শীঘ্র জানতে পাই বড় সুখী হব। ওখানে ছুধের ব্যবস্থা কি রকম হয়? আর সব খাবার ব্যবস্থাই বা কি রকম করেছেন? খুব পেট ভরিয়া ডাক্তারে যে খাইতে নিষেধ করেন, তা জানি। কিন্তু দিনে বারে অনেক বার খাইতেও কি নিষেধ? সকল বিষয় অনুগ্রহ করিয়া যদি পারেন লিখিবেন, তা যদি না পারেন কেহ যেন লিখিয়া জানান। মহিলা পাইয়াছি। এবারকার মহিলায় বেশ পড়বার ও জানবার বিষয় আছে।”

এই পত্রখানা একটা ব্রাহ্মিকা কন্যা কর্তৃক লিখিত। নিম্নলিখিত পত্রাংশ, সাহিত্যসেবিকা মতিচূর পুস্তকের রচয়িত্রী স্নকবি মোসলমান কন্যা আর এন্স হোসেন কর্তৃক লিখিত ; \* \* \* “পত্রে আপনার কঠিন পীড়ার সংবাদে অত্যন্ত দুঃখিত হইলাম। পরমেধর আপনাকে দীর্ঘজীবী করুন, এই আপনার মায়ের আন্তরিক প্রার্থনা। আমাদের মঙ্গলের জন্ত আপনি অক্লান্ত পরিশ্রম করিয়া জীবনক্ষয় করিলেন, আপনার এখণ্ড আমরা (নারীজাতি) কখনও শোধ করিতে পারিব না।— (পারিলে) শোধ করিতে চাহিবও না। আপনার পবিত্র চরণে ঋণবদ্ধ হইয়া থাকিতেও সুখ আছে। পরম করুণাময় আপনাকে রোগমুক্ত করুন।

আমিনা

\* \* \* \*

“আপনি ইদানীং যেকোন কঠোর পরি-

শ্রম করিতেছিলেন, তাহাতে আমার ভয় হইয়াছিল যে, আপনার শরীর ভাঙ্গিয়া পড়িবে। এত শ্রম কি মানুষের সহ্য হয়? মাঝে মাঝে আপনার সংবাদ পাইলে বাধিত হইব। নানা কারণে আপনাকে পত্র লিখিতে অবশ্য বিনম্র হইয়াছে। কিন্তু তাই বলিয়া আপনাকে ভুলি নাই। আজ যেই একটু সুবিধা পাইয়াছি অমনি প্রথমে আপনাকেই চিঠি লিখিতে বসিলাম। এক রাশি পত্রের উত্তর লিখিতে হইবে, সে সব আর আজ লেখা হইবে না। আপনার আরোগ্য কামনা করি।”

“আপনার অতি স্নেহের মা।”

আমার অবস্থা ;—বিগত ১৬ই বৈশাখ রাত্রিতে আমাকে রাঁচি নগরে যাত্রা করিতে হয়। তাহার কিয়ৎকাল পূর্বে এক দিন আমি তথায় গমনে উদ্যোগী হইয়াছিলাম, সেস্থান হইতে সমাগত কোন কোন বন্ধু আমাকে ভয়প্রদর্শন করিয়া এরূপ বলিয়াছিলেন, এই সময়ে রাঁচিতে অত্যন্ত উত্তাপ, আপনি সেই উত্তাপ সহ্য করিতে পারিবেন না, আপনার এক্ষণ না যাওয়া ভাল, অসুখ হইবে। আমি তিন বৎসর পূর্বে জৈষ্ঠ আষাঢ় মাসে ভীষণ উত্তাপের সময়ে লক্ষ্মোতে, লাহোরে এবং উত্তপ্ত চুল্লীসদৃশ বান্দী নগরে বাস করিয়াছি, তখন লাহোরে এরূপ অসহ্য গ্রীষ্মোত্তাপ হইয়াছিল যে, ব্রাহ্মসমাজ গৃহে দুই দিন উর্দুভাষায় বক্তৃতা এবং একদিন হিন্দিতে উপাসনা করা নির্দারিত ছিল, উত্তাপের একান্ত বৃদ্ধি হওয়াতে একদিনের বক্তৃতা বন্ধ রাখিতে বাধ্য হওয়া গিয়া-

ছিল। আমি অবিলম্বে লাহোর হইতে সিন্ধুদেশে সামুদ্রিক নীতল বায়ু সেবনের জন্ত আরব সমুদ্রের তীরবর্তী করাচি বন্দরে চশিয়া গিয়াছিলাম, তথা হইতে হায়দরাবাদ হইয়া রাজপুতনার ছস্তর মরুভূমির পথে গ্রীষ্মপ্রধান আজমির, জয়পুর, এবং আঞ্জী প্রভৃতি নগরে গিয়া ২৪ দিন করিয়া স্থিতি করিয়াছিলাম। আমি কেন রাঁচির গরমের কথা শুনিয়া তথায় যাইতে ভীত হইব? রাঁচি যতদূর উষ্ণ হউক না কেন আমি সামান্য ও তুচ্ছ মনে করিয়াছিলাম; বন্ধুদের কথা কর্ণে স্থানদান করি নাই। যাহা হউক কোন বিঘ্ন হওয়াতে আমি সেদিন রাঁচিতে যাত্রা করিতে পারি নাই। তাহার অব্যবহিত পরেই হিমাচল শিখর খর্শিয়ং পর্বতে যাইতে বাধ্য হইয়াছিলাম।

আমার মেহাস্পদ ভাগিনেয় শ্রীমান গঙ্গা গোবিন্দ গুপ্ত করেক বৎসর হইতে রাঁচিতে কমিশনারের পার্সেনেল আফিস-টাণ্টের পদে নিযুক্ত আছেন, তথায় তিনি সপরিবারে বাস করিতেছেন। এক বৎসর হইল লেপ্টেন্যান্ট গভর্নর মহানুভব ফ্রেজার সাহেবের উদ্যোগে রাঁচিতে রেলওয়ে খোলা হইয়াছে, তথায় গমনাগমনের আর কোন কষ্ট নাই। ভাগিনেয় তথায় যাইবার জন্ত আগ্রহ প্রকাশ করিয়া পত্র লিখিয়াছিলেন, এবং পাঠ্যে পাঠাইয়া দিয়াছিলেন। অপিচ তিনি জানাইয়াছিলেন, এখন গ্রন্থান যদিও গরম, কিন্তু অচিরেই বৃষ্টি হইবে, তখন গ্রন্থান অতিশয় রমণীয় ও স্বাস্থ্যকর হইয়া উঠিবে। আপনার যখন শরীর সুস্থ ও সবল নয়, তখন এখানে

আসিয়া কিছুকাল আমাদের নিকটে বাস করা ও আমাদের সেবা গ্রহণ করা কর্তব্য।

ইতি পূর্বে আমার শরীর অসুস্থ ও দুর্বল হইয়া পড়িয়াছিল। রোগ বিশেষের সঞ্চারে আমি ডাক্তারের ব্যবস্থামত পথ্যাদির বিশেষ নিয়ম পালনে বাধ্য হইয়াছিলাম, কিয়ৎ দিনের ধ্যে রোগের প্রশমন হয়, কিন্তু দুর্বলতার বিশেষ হ্রাস হয় নাই। তখন কোরাণের অনুবাদ দ্বিতীয় সংস্করণের সমস্ত পুস্তক নিঃশেষিত হওয়ায় আমাকে সংশোধনানন্তর তাহার তৃতীয় সংস্করণে প্রবৃত্ত হইতে হয়। জল বায়ু পরিবর্তনে স্বাস্থ্যোন্নতি সাধনের জন্ত কলিকাতা হইতে কোন স্বাস্থ্যকর স্থানে যাইবার উদ্যোগী হইয়াছিলাম এই কারণে তাহা আর হইল না। সটীক কোরাণের তৃতীয় সংস্করণে প্রবৃত্ত হইতে হইল। নিজে উপস্থিত থাকিয়া প্রফ ইত্যাদি সংশোধন না করিলে চলে না, সুতরাং আমি কলিকাতায় থাকিতে বাধ্য হইলাম; ছাপা খানার লোকদিগের দ্বারা অতিরিক্ত কাজ করাইয়া প্রত্যহ এক একটি ফরমা মুদ্রাঙ্কিত করাইতে লাগিলাম। মূল পাইকা ও বর্জাইস অক্ষরের রয়োগ প্রায় এক শত ফরমা পুস্তক সম্বন্ধে মুদ্রিত করিয়া স্থানান্তরে যাইয়া বিশ্রাম করিব আমার এই সঙ্কল্প ছিল। তখন আমার পক্ষে ইহা কিছু অধিক কষ্টদায়ক হইয়াছিল। এরূপ সমস্ত মুদ্রাঙ্কনজন্ত অতিরিক্ত ব্যয় করিয়া তাড়াতাড়ি সেই বৃহৎ পুস্তক মুদ্রাঙ্কনে আমি অনেক ঋণগ্রস্তও হইয়া পড়িয়াছিলাম। যাহা হউক কোরাণের তৃতীয় সংস্করণ সমাপ্ত হওয়ামাত্র আমি

রাঁচিতে প্রিয় ভাগিনেয়ের আবাসে কিছুকাল স্থিতি করিয়া সেবাপ্রিয়া বধুমাতার বিশেষ সেবা ও যত্নে শক্তি ও স্বাস্থ্য লাভ করিবার জন্ত ১৬ই বৈশাখ রাত্রি ১০ টার গাড়ীতে যাত্রা করি। ১৭ই প্রাতঃকালে পুরুলিয়া ষ্টেশনে পৌঁছিয়া আমাকে রাঁচির গাড়ীতে আরোহণ করিতে হয়। আমি পুরুলিয়া জংশন হইতে ৮।৯ ঘণ্টার মধ্যে রাঁচিতে পৌঁছি, তখন এত উত্তাপ ছিল যে, এই সময়টুকু যেন আগুনের ভিতর দিয়া চলিয়া আসিতে হইয়াছিল। বেলা ৪ টার সময় রাঁচি ষ্টেশনে পৌঁছিয়া দেখি, শ্রীমানের জ্যেষ্ঠ পুত্র ও এক জন আরশালি ঘোড়ার গাড়ীসহ আমার প্রতীক্ষা করিতেছে। ষ্টেশন হইতে শ্রীমানের আবাস নগরের এক প্রান্তে, প্রায় তিন মাইল দূরে। আমি গৃহে পৌঁছিয়াই অল্প ব্যঞ্জন প্রস্তুত প্রাপ্ত হই। স্নানাগারে স্নান করিয়া ভোজন করিতে যাইব, তখন বধুমাতা সাবধান করিলেন, যেন উষ্ণ জল না মিশাইয়া হটাৎ ঠাণ্ডা জলে স্নান না করেন তাহা সহ হইবে না। সেখানকার জল বড় শীতল কেহই তাহাতে গরম জল না মিশাইয়া স্নান করিতে পারে না। আমি মহা উত্তপ্ত আবার গরম জলে স্নান করিব ভাবিয়া মনে একটু ছুঃখ হইল। কিন্তু পরে জল স্পর্শ করিয়া দেখিলাম যেন বরফের জল, ভয়ানক গরমের সময়েও সেই জলে স্নান করিলে সর্ব্বাঙ্গে কম্প উপস্থিত হয়। সে জন্ত কেহই গরম জল মিশাইয়া তাহার শীতলতার হ্রাস না করিয়া তাহাতে স্নান করেন না। ভীষণ উত্তাপজনিত তৃষ্ণার

সময়েও রাঁচিতে বরফের প্রয়োজন হয় না। এক গ্লাস কুপোদক পান করিলেই বরফের তৃষ্ণার নিবৃত্তি হয়। বিশেষ বিশেষ কুপের জল চমৎকার মুগপ্রিয়।

যাহা হউক আমি ভাগিনেয়ের বাড়ীতে নানা বিষয়ে পরম সুখে বাস করিতে লাগিলাম। তাঁহার কোঠা বাড়ী, তিন দিকেই খোলা মাঠ। আমি সকালে বিকালে পাদচারণা করিয়া ও প্রকৃতির শোভা দেখিয়া বিশেষ রূপে তৃপ্ত হইতে লাগিলাম। আমার থাকিবার ও বসিয়া লেখা পড়ার কাজ করিবার জন্ত সেই গৃহের একটি স্বতন্ত্র প্রকোষ্ঠ নির্দিষ্ট ছিল। তাহাতে কি হইবে, দিন দিন উত্তাপ বৃদ্ধি হইতে লাগিল, আমার যাওয়ার পর প্রায় এক মাস অতীত হইতে চলিল, এক বিন্দু বৃষ্টি নাই, দিনের বেলায় লুচলিতে লাগিল, রাত্রিতে হাওয়া বন্ধ। তথাকার অধিবাসীরা বলিয়াছেন রাঁচিতে এরূপ গরম পূর্বে কখনও হয় নাই। আমার প্রাণ ওষ্ঠাগত হইল, আমি রাত্রিতে ঘরের ভিতর থাকিতে না পারিয়া খোলা বারান্দায় মাছুরে শয়ন করিতাম। কিয়ৎ দিনের মধ্যে দেখি শ্বাস-কষ্ট হইয়াছে, ও অরুচি জন্মিয়াছে। পূর্বে বিকাল বেলায় ভ্রমণ করিতে যাইয়া এক মাইল দেড় মাইল পথ চলিতে আয়াস হইত না। এক্ষণে ছুই চারি পদ চলিতে যেন বুক ভাঙ্গিয়া পড়ে। ঠাণ্ডা আঘাত মধ্য রাত্রিতে শ্বাস-কষ্ট অতিশয় বৃদ্ধি পায়, আমার বাকশক্তি যেন রোধ হইয়া আসিয়াছিল, ঘন শ্বাসের শব্দ দূর হইতে শুনা যাইতে ছিল, ঘর্ষের স্রোতে সর্ব্বাঙ্গ অভিষিক্ত হইয়া বরফের ঠায় শীতল হইয়া

গিয়াছিল। শ্রীমান্ জানিতে পারিয়া অল্প প্রকোষ্ঠ হইতে দৌড়িয়া আসিয়া সেবা শুশ্রুষায় প্রবৃত্ত হন। কিয়ৎক্ষণ পরে যন্ত্রণার লাঘব হয়, জ্বোরে বাতাস করাতে শ্বাসের রোধ ও ঘর্মের নিবৃত্তি হয়। আমি একটু ঘুমাইতে সমর্থ হই। প্রত্যহ প্রাতঃকালে পারিবারিক উপাসনা হইতে ছিল, সে দিন আমি পূর্ণ উপাসনা করিতে পারি নাই, সংক্ষেপে প্রার্থনামাত্র করিয়া ছিলাম। সকালে ডাক্তার ডাকান হয়, তথাকার প্রসিদ্ধ ডাক্তার নরেশ্বর বাবু chest পরীক্ষা করিয়া বলিলেন Heart discast এর সন্ধা হইয়াছে। ডাক্তার বাবু ঔষধ পথ্যাদির ব্যবস্থা করিলেন। প্রায় মাসাবধি কাল তাঁহার ব্যবস্থা মতে ঔষধ সেবন ও নিয়মে থাকা হইল, তিনি অর্থ প্রত্যাশা না করিয়া পুনঃ পুনঃ অনুগ্রহ করিয়া আসিয়া chest পরীক্ষা করিয়া বলেন, রোগের হ্রাস হয় নাই। এ দিকে আমি শ্বাস কষ্টের জন্ম রাত্রিতে ঘুমাইতে পারি না, ক্ষুধা মন্দ, অরুচিতে কিছুই খাইতে পারি না। বধুমাতা একজন সুপাচিকা, তিনি পূর্ব বঙ্গে ও পশ্চিম বঙ্গে প্রচলিত ও নিজের উদ্ভাবিত নানা প্রকার মুখরুচিকর নিরামিষ ব্যঞ্জন স্বহস্তে প্রস্তুত করিয়া আনিয়া দিতেন, তাহা খাইতে আমার কিছুই প্রবৃত্তি হইল না। তখন দুগ্ধ পানের উপর আমার এক প্রকার জীবন ধারণ হইতেছিল। রাত্রিতে ঘুমাইবার জন্ম যত্ন করিতাম শ্বাস-কষ্টের জন্ম নিদ্রায় ব্যাঘাত হইত, এদিকে অরুচির জন্ম খাইতে পারিতে ছিলাম না। আমি দিন

দিন অধিকতর দুর্বল হইয়া পড়িতে ছিলাম। অগত্যা কলিকাতায় যাইয়া ডাক্তার আচার্য্যের গৃহে স্থিতি করিয়া তাঁহার চিকিৎসায়ীনে থাকা পরামর্শ স্থির করা গেল। ডাক্তার আচার্য্যের পত্নী আমার আপনার ভাগিনেয়ী। সেখানে উপযুক্ত চিকিৎসা এবং সেবা শুশ্রুষা ও যত্নের কোন ক্রটি হইবার কথা নয়। দুই দিন পূর্বে আমি ভারতের উত্তর প্রান্ত পেশওয়া হইতে দক্ষিণ প্রান্ত করাচি বন্দর পর্য্যন্ত নির্ভীক হৃদয়ে একাকী ভ্রমণ করিয়াছি। আজ ১৬।১৭ ঘণ্টার পথ কলিকাতা যাইতে আমার সাহস ও শক্তি নাই। কলিকাতা হইতে এক জন যুবক বন্ধু আসিয়া আমাকে সঙ্গে করিয়া তথায় লইয়া যাইবার জন্ম পত্র লেখা গেল। তদনুসারে ভাই বৈকুণ্ঠ নাথ ঘোষ রাঁচিতে যাইয়া সঙ্গে করিয়া আমাকে কলিকাতায় লইয়া আইসেন। ডাক্তার বাবুর মত গ্রহণ করিয়াই রাঁচি হইতে যাত্রা করা গিয়াছিল। তিনি অত্যন্ত সাবধানে যাইবার জন্ম বলিয়াছিলেন, গাড়ীর বুলানীতে বিশেষ কষ্ট হইলে পুরুলিয়াতে Halt করিয়া যাইবার জন্ম পরামর্শ দিয়াছিলেন। তাহা আর করিতে হয় নাই। ২৬শে আষাঢ় মধ্যাহ্ন কালে আমি রাঁচি হইতে বিদায় গ্রহণ করি, প্রিয় ভাগিনেয় বিষন্ন বদনে আমাকে গাড়ীতে তুলিয়া দিয়া বিদায় হইয়া চলিয়া যান। রাঁচি দুই হাজার ফিট উচ্চ ছোট লাট সাহেবের অতিশয় আদরের স্থান। তিনি রাঁচিকে অত্যন্ত পছন্দ করেন, দার্জিলিং অপেক্ষা উৎকৃষ্ট স্থান

বলেন, প্রতি বৎসর ২।৩ বার করিয়া রাঁচিতে যাইয়া সার্কিট হাউসে ১৪।১৫ দিন যাপন করেন। তাঁহারই উদ্যোগে শিবপুর হইতে ইঞ্জিনিয়ারীং কলেজ রাঁচি নগরে উঠিয়া যাইতেছে, অল্প অনেক বড় বড় কার্যালয় তিন রাঁচিতে স্থাপনে উদ্যোগী। তাঁহার ভালবাসায় ও দৃষ্টান্তে বাঙ্গালা দেশের বড় লোকেরা রাঁচিকে ভাল বাসিতেছেন, ও স্বর্গ তুল্য মনে করিতেছেন, বর্দ্ধমানের রাজা প্রভৃতি রাঁচিতে বিশ্রাম-ভবননির্মাণে উদ্যোগী হইয়াছেন। কিন্তু আমার ত্রায় গরিবের প্রতি রাঁচি প্রসন্ন হইলেন না, ২।৪ মাসের জন্মও স্থান দিলেন না, দূর করিয়া তাড়াইয়া দিলেন।

আমি ২৮শে আষাঢ় প্রাতে কলিকাতায় প্রত্যাগত হইয়া ডাক্তার আচার্য্যের হারিসম রোডস্থ নবনির্মিত ভবনে যাইয়া স্থিতি করি ও তাঁহার চিকিৎসাধীন হইয়া থাকি। এবং স্নেহের ভাগিনেয়ীর প্রাণগত সেবা যত্ন প্রাপ্ত হইতে থাকি। সুপ্রসিদ্ধ সিভিল সার্জন্স আর এন্স দত্ত মহাশয় আমাকে অত্যন্ত স্নেহ করেন, কলিকাতায় উপস্থিতির এক দিন পরে কোন বন্ধুর প্রমুখাৎ আমার কথা শ্রবণ করিয়া অবাচিত ভাবে আমাকে দেখিতে আইসেন। ডাক্তার আচার্য্যের নিকটে রোগের অবস্থা অবগত হইয়া তিনি আমাকে নানা বিষয়ে সাবধান করেন, বিশেষ ভাবে শারীরিক মানসিক বিশ্রাম করার কথা বলেন, মানসিক উত্তেজনা অধিকতর শরীর চাঃনা না হইলে এক মাসের মধ্যে রোগের নিবৃত্তি

হইবে একরূপ আশা দান করেন। কিন্তু ছুঃখের বিষয় আমি তাঁহার সমুদয় উপদেশ পূর্ণরূপে পালন করিতে সমর্থ হই নাই।

প্রেরিত দরবার হইতে ১৪ বৎসর হইল আমি মহিলা পত্রিকাসম্পাদনের ভার গ্রহণ করিয়া তৎকার্য্যে ব্রতী আছি। ইহার লাভালাভ ও অর্থাদির সঙ্গে আমার কোন সম্পর্ক নাই। ইহা দরবারের পত্রিকা। আমি দূরতর দেশে থাকি, বা পীড়িত হইয়া শয্যাগত থাকি, সকল অবস্থায় আমাকে যথাসময় ইহার জন্ম প্রবন্ধাদি যোগাইতে হয়। দুই এক জন নারীহিতৈষী বন্ধু অনুগ্রহ করিয়া অনিয়মিতরূপে প্রবন্ধাদি দান করিয়া থাকেন, এবং কোন কোন মনস্বিনী মহিলা গদ্য বা পদ্য রচনা সময়ে সময়ে পাঠাইয়া মহিলার হিতসাধন করেন। তাহার উপর কিছুই নির্ভর করা যায় না। আমি এই সঙ্কট রোগে আক্রান্ত হইয়া মহিলার জন্ম প্রবন্ধাদি লিখিতে এবং সময়ে সময়ে শ্রুত সংশোধন করিতে বাধ্য হইয়াছি, সম্পাদকায় দায়িত্বভার গ্রহণ করিয়া আমাকে চিন্তা ও মানসিক উত্তেজনা হইতে মুক্ত করেন, আমি এমন কাহাকেও প্রস্তুত প্রাপ্ত হই নাই। তবে কোন বন্ধু নিজে রোগাক্রান্ত হইয়াও কিছু কিছু লেখা যোগাইয়া শ্রুত সংশোধন করিয়া সাহায্য করিলেন। রুতজ্ঞতার সহিত আমি ইহা স্বীকার করি। আবার কেহ কেহ কোন কোন লেখা সম্বন্ধে অথবা বাদানুবাদ ও তর্ক বিতর্ক উপস্থিত করিয়া আমার মনের শান্তি ভঙ্গ করিতে ক্রটি করেন নাই। পূর্বে মহিলা ঠিক প্রতি

মাসে প্রকাশিত হইত, এফগ জানি না মুদ্রাক্ষণের সুব্যবহার অভাবে না কি কারণে পর মাসে ১২ই ১৩ই প্রকাশিত হয়। আজ ১৪ই কার্তিক গিরিডিতে বসিয়া কার্তিক মাসের মহিলার জন্য এই প্রস্তাব লিখিতেছি, কিন্তু আশ্বিন মাসের মহিলা এখনও প্রকাশিত হয় নাই। এরূপ অনিশ্চয়তার জন্য—সত্যের অপলাপ হওয়ার মন স্কন্ধ হইতেছে।

সুবিস্তীর্ণ আরব্য ভাষার হাদিস শাস্ত্র মেশ্‌কাত শরিফের বঙ্গানুবাদ পূর্ববিভাগ বহু বৎসরের যত্ন পরিশ্রমে সমাপ্ত হইয়াছে, সম্প্রতি উত্তর বিভাগের অন্তর্গত ৪র্থ খণ্ড প্রকাশিত হইয়াছে আর ৬খণ্ড হইলে উত্তর বিভাগ সমাপ্ত হইয়া উক্ত মহাশাস্ত্র পূর্ণ হইতে পারে। আমি রচিত্তে বসিয়া অবকাশমতে চতুর্থ খণ্ডের কিছু কিছু অনুবাদ করিয়া কলিকাতায় পাঠাইয়া যন্ত্রস্থ করিতেছিলাম, পারস্য ভাষার একখানা সাধন ভজনসম্বন্ধীয় গভীর আধ্যাত্মিক পুস্তক মকতুব শরিফ (মহালিপি) \* কিছু কিছু অনুবাদে প্রবৃত্ত হইয়াছিলাম। হাদিস পুস্তক কিয়দূর অনুবাদ হইয়াছে, এবং কয়েক ফরগা ছাপা হইয়া আসিয়াছে ইতিমধ্যে আমি দারুণ রোগে আক্রান্ত হই। বাধ্য হইয়া আপাততঃ উক্ত মকতুব শরিফের অনুবাদে নিবৃত্ত থাকি। কিন্তু হাদিস

\* “মকতুব শরিফ” শরফোদ্দীন নামক একজন মহামায়া সাধু কর্তৃক লিখিত শততম মহালিপি। ইতি পূর্বে ধর্মতত্ত্ব পত্রে সেই এক শত লিপির মধ্যে ৭।৮ লিপি অনুবাদিত হইয়া ক্রমশঃ প্রকাশিত হইয়াছে।

কিছু কিছু অনুবাদ করিয়া আশ্বিন মাসের প্রথম ভাগে প্রকাশ করিবার জন্ত দৃঢ়সঙ্কল্প হই। আমি আশ্বিন মাসে উক্ত চতুর্থ খণ্ড হাদিস বাহির করিয়াই গিরিডিতে চলিয়া আসিয়াছি। নদীয়া জিলার একজন মোসলমান প্রচারক বন্ধু হাদিসের অনুবাদ সমাপ্ত দেখিবার জন্ত ব্যাকুল। সেই অনুবাদ সমাপ্ত হইবার পূর্বে বা আমি দেহত্যাগ করি, তজ্জন্ত তাঁহার ও তাঁহার বন্ধুদের বিশেষ ভাবনা। এক সময়ে তিনি আমার দীর্ঘ জীবনের জন্ত মসজ্জেদে মণ্ডলীসহ প্রার্থনাদি পর্যন্ত করিয়াছেন। আমি তো এরূপ অসুস্থ ও দুর্বল, এদিকে তিনি ৪র্থ খণ্ড হাদিস প্রাপ্ত হইয়া ৫ম খণ্ড অনুবাদে প্রবৃত্ত হইয়াছি কিনা গত ১০ই কার্তিক পত্র লিখিয়া জিজ্ঞাসা করিয়াছেন; তাঁহার পত্র এই, “দিনীত সেলাম পূর্বক নিবেদন” ৪র্থ খণ্ড হাদিস ও পত্র পাইয়াই তাহার উত্তর যথাসময়ে দিয়াছি। পাইয়াছেন কিনা জানি না! যাহা হউক পত্রপাঠমাত্র কুশল লিখিবেন। আজকাল আপনার শরীর কেমন? ক্রমশঃ শরীরের অবস্থা ভাল হইতেছে কি না? হাদিস সম্বন্ধে কি করিতেছেন? লিখিলে সুখী হইব।”

আমি রোগের বর্তমান অবস্থায় দুকহ আরব্য পুস্তক হাদিসের অনুবাদে পুনঃ প্রবৃত্ত হইয়া মস্তিষ্ক নিপীড়ন ও রোগবৃদ্ধি কি করিতে পারি? এই সকল অনবধ্য কারণে আমি ডাক্তার দত্ত সাহেবের উপদেশ সমগ্র পালন করিতে না পারিয়া দুঃখিত আছি, মানসিক উত্তেজনা ও চিন্তার হাত এড়াইতে পারি নাই।

আমি ডাক্তার আচার্যের চিকিৎসাধীনে তাঁহার আবাসে প্রায় আড়াই মাস স্থিতি করিয়াছি। এত দিন তিনি নানা প্রকার ভিন্ন ভিন্ন ঔষধ ব্যবহার করিতে দিয়াছেন, পুনঃ পুনঃ Heart পরীক্ষা করিয়া বলিয়াছেন, ক্রমশঃ ভাল হইতেছে। আমি তাঁহার দ্বিতল গৃহের একটি সঙ্কীর্ণ গভীর মধ্যে আবদ্ধ হইয়াছিলাম, সাঁড়ি দিয়া ত্রিতলে আরোহণ করা বা নীচে অবতরণ করা আমার সম্বন্ধে বিধি ছিল না। দুই চারি পদ চলা আমার পক্ষে কষ্টকর ব্যাপার ছিল। একদিনও আমি ত্রিতল গৃহে আরোহণ করি নাই, কিন্তু আড়াই মাসের মধ্যে কেবল তিন দিন বিশেষ প্রয়োজনবশতঃ অনুমতি গ্রহণ করিয়া কোনরূপে নীচে নামিয়াছিলাম। ক্রমে আহারে রুচি জন্মিয়াছে। মধ্যাহ্নে অন্নভোজন ও দুগ্ধপান, প্রাতে টোটো রুটি ও দুগ্ধ এবং অপরাহ্নে ফলাদি ভক্ষণ, অপিচ রাত্রিতে রুটি ও দুগ্ধ পথ্য ছিল। শরীর এরূপ দুর্বল হইয়া পড়িয়াছিল যে, আমি ৭৪ দিন প্রাতঃকালে ভাগিনেয়ীকে সঙ্গে করিয়া ধীরে ধীরে সংক্ষেপে উপাসনা করিয়াছিলাম, তাহাতে বিশেষ আয়াস ও শ্রান্তি বোধ হওয়াতে তাহা হইতে নিবৃত্ত হই।

দেড় বৎসর পূর্বে আমি বর্ষদেশে বাস করিয়াছিলাম তখন বেশ ভাল ছিলাম, শরীর অতিশয় সুস্থ ও সবল ছিল। বর্ষদেশের প্রাচীন রাজধানী মেগালয়ে তথাকার একজন প্রধান উকীল বন্ধু আমাকে জিজ্ঞাসা করিয়াছিলেন, আপনার

বয়স কত? আমি ৭১। ৭২ বৎসর বলিয়াছিলাম। তাহা শুনিয়া তিনি বলিয়াছিলেন, আপনি ভুল বলিয়াছেন। ইহা বলিয়া নিকটে উপবিষ্ট তাঁহার এক জন বন্ধুকে বলিলেন, আপনি ইহার প্রতি দৃষ্টি করিয়া বলুন দেখি ইহার কত বয়স হইবে? তিনি বলিলেন ৫০। ৫১ বৎসর হইবে। রেগুণে বারিষ্টার পি, সি সেনও তদ্রূপ জিজ্ঞাসা করিয়াছিলেন, আমি ৭১। ৭২ বৎসর বয়ঃক্রম হইয়াছে বলিয়াছিলাম। তাহা শুনিয়া তিনি আমি ভুল বলিয়াছি বলিয়া স্ত্রীয় পত্নীকে জিজ্ঞাসা করেন, বল দেখি ইহার কত বয়স? তিনি ৫০ বৎসর বলিয়াছিলেন। ৫০ বৎসরের পুরুষকে বৃদ্ধ কে বলে। ব্রিটিশ গবর্নমেন্ট ৫৫ বৎসর বয়ঃক্রম হইলে কর্মচারীদিগকে বৃদ্ধ বলিয়া পেন্সন দানে কর্ম হইতে বিদায় দান করেন, ৫৫ বৎসরের পূর্বে বৃদ্ধ বলেন না। দুই জনেই সাক্ষ্য দান করিলেন, আমার ৫০ বৎসর বয়স, তখন আর আমি বৃদ্ধ কিরূপে? এ দিকে আমি জানি আমার ৭১। ৭২ বৎসর বয়স, দুই এক বৎসর নয় ২০। ২১ বৎসর অধিক। কিন্তু আজ কাল আমার শরীরের যেরূপ অবস্থা, তাহা দেখিয়া কে আমাকে ৮০ বৎসরের বৃদ্ধ বলিবে না? যাহা হউক বৃদ্ধত্বের বিশেষ লক্ষণ কেশপুঞ্জের শুক্লতা, দন্তের স্থলন ও ধনুর স্থায় পৃষ্ঠদেশের বক্রতা। এ সকল আমার শরীরে সম্পূর্ণ ঘটে নাই, কেশ শুভ্র হইয়াছে বটে, সমস্ত নয়, এফগও গঙ্গাঘমুনা সন্মিলনের স্থায় সাদা কালতে মিশ্রিত চুল, কিন্তু দন্তের স্থলন এবং পৃষ্ঠের বক্রতা এখন

নও হয় নাই। ইহা কি চল্লিশ বৎসর নিরামিষ ভোজনের ফল নয়? এক জন পারশ্ব কবি বলেন।

“মুয়ে সফেদ আজ আজল আরদ পেয়াম : পোশুতে খম ব আজল রহানদ সেলাম।”

অর্থাৎ শুভ্রকেশ শমনের পরওয়াণা— তলবনামা আসিরাছে একরূপ ব্যক্ত করে, এবং শমন নিকটে উপস্থিত তাকে সেলাম করিতেছে, কুজপৃষ্ঠ এই ভাব প্রকাশ করিয়া থাকে। আমি কুজ হইয়া যাই নাই, অতএব শমন এখনও আমার নিকটে আইসে নাই, দূরে আছে। কিন্তু আমাকে ডাকিয়াছে। তাহার তলবনামা আসি- যাছে।

বর্ষদেশের একটা মা এক সময় লিখিয়াছেন “আমার বড় ছেলে, কোন্ সময় না জানি তাহার কোন্ সংবাদ আইসে, আমার এই ভাবনা।” এদেশের একটা মা লিখিয়াছিলেন, “আমার মা আমার দাদার জন্ত কেমন পাগল! আমার কি আর পাঁচটা ছেলে আছে? আমারই ভাবনা। আমার স্থায় আপনার অনেক মা আছে।”

রাঁচিতে থাকিতেই অত্যন্ত মর্দি কাসা হইয়াছিল, তাহা কিছুই সারে নাই। সর্কদা গলায় কফ জমিয়াছে। কাসা নিদ্রার বিষম বিষ হইয়াছে, কয়েকটা ঔষধে কিছু কমিয়াছিল, পরে আবার বাড়িয়াছে। হ্যারিসন রোডের উপর ডাক্তার আচার্যের বাড়ী, দিবারাত্রি রাস্তার বিষম কোলাহল। বাড়ীর ভিতরের কাজও সমাপ্ত হয় নাই।

দিবাভাগে রাজমিস্ত্রীদের গাঙগোল, তাহার উপর রোগ-যন্ত্রণা। আমি ঘুমাইতে না পারিয়া অনেক সময় ফাঁফর বোধ করিয়াছি। যাহা হউক পরে মূল রোগের অনেক উপশম দেখিয়া ডাক্তার আচার্য বলিলেন, এক্ষণ আর এখানে এই ভাবে বন্ধ হইয়া থাকা উচিত নয়। একটা স্বাস্থ্যকর সমতল স্থানে যাইয়া কিছুদিন বাস করা এবং ছুই বেলা ধীরে ধীরে পদচারণা করা কর্তব্য। এই ব্যবস্থাতে আমি অত্যন্ত প্রীতি লাভ করিলাম, যেন কঠিন কারাগার হইতে মুক্ত হইলাম। গিরিডিতে বন্ধুবর বাবু অমৃত লাল ঘোষের সুন্দর আবাস বাটী, সে স্থানে যাইয়া কিছু দিন অবস্থিতি করা স্থির করিলাম। অমৃত বাবু আমার ইচ্ছা জানিতে পারিয়া আদর ও আগ্রহ প্রকাশ করিলেন। তখন ছুর্গা পূজার ছুটি, রেল গাড়ীতে যাইতে ভয়ানক ভিড়, ভিড় কমিয়া অমৃত বাবুর সঙ্গে গিরিডিতে যাত্রা করা স্থির হইল।

পেন্সন প্রাপ্ত বগুড়ার সিভিল সার্জন রায় বাহাদুর ডাক্তার মতিলাল মুখোপাধ্যায় মহাশয় বরাহ নগরে স্থিতি করিতেছেন, তিনি আমার পরম বন্ধু। অল্পগ্রহ করিয়া ৩।৪ দিন আমাকে দেখিতে আসিয়া- ছিলেন, আহালাদিক ব্যবস্থাও করিয়া ছিলেন। তাঁহার বিশেষ ব্যবস্থার মধ্যে আঙ্গুর বেদনা এপোল নাসুপাতি মনকা খর্জুর ইত্যাদি কাবোলী সুরস পুষ্টিকর ফল। এই ব্যবস্থাতে আমি আনন্দিত হইয়াছিলাম। স্বর্গগত বন্ধু কুঞ্জবিহারী দেব দার্যকালব্যাপী ছুরারোগ্য রোগে

আক্রান্ত থাকিয়া সেইরূপ ফল খাইবার ব্যবস্থা পাইয়াছিলেন। তাহাতে তিনি কৃতজ্ঞতাসূচক এইরূপ গান রচনা করিয়া গাহিয়াছিলেন;—মা আমার প্রতি তোমার বড় দয়া! আমি গরিব মানব, এইরূপ মূল্য-বান সুমিষ্ট ফল খাইতে পাইতাম না, তুমি রোগ পাঠাইয়া আদর করিয়া তাহা আমাকে খাওয়াইতেছ। তোমার মেহ দয়া বসিহারি যাই! আমার পক্ষে কি এই কথা খাটে না? উক্ত ডাক্তার বাবু গিরিডিতে শীতে কষ্ট না হয় এই উদ্দেশ্যে গরম জামা ক্রয় করিয়া সঙ্গে দিয়াছেন। ডাক্তার দিগকে ভিজিট দিতে হয় না। যে সকল Priscropson করেন সেই সকল ঔষধের মূল্যও তাঁহারা দিয়া থাকেন, তাহার উপর কখন কখন বস্তাদি দান হয়। মজার ব্যাপার! তাঁহাদের হইতে প্রাপ্ত উপকারের প্রতিদান জীবনে হইয়া উঠিবে না।

ভিক্টোরিয়া কলেজের পূজার ছুটি হইলে আমি ৭।৮ দিনের জন্ত সেই বাড়ীতে উঠিয়া যাই। সেখানে উক্ত কলেজের ম্যানেজার ভাই ব্রজ গোপাল নিয়োগী সপরিবারে স্থিতি করিতেছেন। উহা একতলা বাড়ী, সম্মুখভাগে প্রমুক্ত সমতল ভূমি আছে, তথায় কিছু কিছু পদচালনা করিবার সুবিধা। গল্পীগ্রামের বাড়ীর ছায় তখন উহা নির্জন ছিল। সেখানে কয়েক দিন থাকিয়া গৃহস্থ ও গৃহিণীদের সেবা লাভ করিয়া আমি বিশেষ আরাম বোধ করিয়াছিলাম। ১৮ই আশ্বিন প্রাতে ৬টার গাড়ীতে গিরিডিতে যাত্রা

করা স্থির ছিল। অমৃত বাবু রাত্রি ভোর না হইতেই গাড়ীসহ তাঁহার দুই জন আত্মীয়কে পাঠাইয়া দেন। রাস্তায় আসিয়া ঘোড়া দুইটি স্থির ভাবে দণ্ডায়মান থাকে। শত প্রহার খাইয়াও এক পদ অগ্রসর হইতে প্রস্তুত হইল না। ভাবিলাম ট্রেণ হয়তো এই বিলম্বের জন্ত পাওয়া যাইবে না। সন্দের এক জন বন্ধু দৌড়িয়া যাইয়া আর এক খানা গাড়ী ভাড়া করিয়া লইয়া আসিলেন। পথে অমৃত বাবুর গাড়ীর সঙ্গে মিলিত হইয়া পোল পর্যন্ত যাইয়া দেখি পোল খোলা হইয়াছে, ৭ টার পর পোল জুড়িবে। তখন ট্রেণ পাইবার আশা এক প্রকার পরিত্যাগ করা যায়। আমি চলৎশক্তিবিহীন, ফেরির জাহাজে মহাভিড়, তাহাতে পার হওয়ার সাধা নাই। সন্দের এক জন বন্ধু ধরাধরি করিয়া আমাকে ডিঙ্গি নৌকায় তুলিয়া দিলেন, তিনিই আমাকে ধরিয়া ধীরে ধীরে নামাইয়া ষ্টেশনে লইয়া গেলেন। ট্রেণ পাওয়া গেল। অমৃত লাল তাঁহার এক জন বন্ধুসহ নিজে ইন্টার ক্লাশে উঠিলেন, আমাকে দ্বিতীয় শ্রেণীতে তুলিয়া দিলেন। অপরাহ্ন ৫টার সময় ঈশ্বরের রূপায় এখানে আমি নির্বিঘ্নে পহুছিলাম।

কলিকাতা এক রাজ্য গিরিডি অথ রাজ্য। ইহা এক নূতন স্থান। কলিকাতায় কোলাহলব্যঞ্জক অশান্তি, গিরিডিতে নির্জনতা নিস্তরতা ও শান্তি। গিরিডি, হাজারিবাগ জিলার সবডিভিজন কলিকাতা হইতে দুইশত মাইল দূরে। অমৃত লালের আবাস নগরের বাহিরে উত্তর

প্রান্তে উচ্ছীনাঙ্গী ক্ষুদ্র নদীর পার্শ্বে । সম্মুখে প্রমুক্ত মাঠ, এ স্থানে লোকালয় অধিক নাই, তবে এখন অনেক বাঙ্গালী বাবুর স্বাস্থ্যনিবাস নির্মিত হইতেছে । ইতস্ততঃ সতেজ শালতরু সকল শ্রেণীবদ্ধরূপে উর্দ্ধ-মস্তকে দণ্ডায়মান থাকিয়া জগদ্বাসীদিগকে ধীরতা স্থিরতা ও যোগধ্যান যেন শিক্ষা দিতেছে । বিষ্ণুপুরাণে উক্ত হইয়াছে,—

“বসতি হৃদি সনাতনে চ তস্মিন্  
ভবতি পুমান জগতোহস্ত সৌম্যরূপঃ ।  
ক্ষিত্তিরসমতিরম্যমানোন্তঃ  
কথয়তি চারুতয়ৈব শালপোতঃ ॥”

অর্থাৎ নিত্য পরমেশ্বর বাঁহার হৃদয়ে বাস করেম, জগতের নিকটে তাঁহার সৌম্য মূর্তি প্রকাশ পায় । আপনার ভিতরে যে অত্যুৎকৃষ্ট রস আছে, বাল শালতরু নিজের সৌন্দর্য্য দ্বারাই তাহা প্রকাশ করে ।

গত বৎসর গ্রীষ্মকালে আমি এখানে আসিয়া দেখিয়াছি রৌদ্রের উত্তাপে অপর বৃক্ষাদি দগ্ন ও বিনষ্ট প্রায়, কিন্তু শালতরু জীর্ণ পত্র পরিত্যাগ করিয়া আরক্তিম নব পল্লবে স্নেহোদ্ভিত হইয়া নিজের সৌন্দর্য্য প্রকাশ করিতেছে । এজন্ত ভাবুক সাধক-গণ শালবনে প্রাকৃতিক সৌন্দর্য্যের মধ্যে বসিয়া সাধন ভজন করিতেন । তরুণ শালতরুকে দেবাধিষ্ঠিত পবিত্র বৃক্ষ বলিয়া বোধ হয় । কেহ তাহা ছেদন করিতেছে দেখিলে কষ্ট হইয়া থাকে । বাঙ্গলা দেশের স্থায় এস্থান সেত্-সেতে নয় । এখানকার ভূমি শুষ্ক ও বায়ু শুষ্ক, সকলই অনার্দ্র, জলে নৌহের অংশ আছে তজ্জন্ত এস্থান বিশেষ স্বাস্থ্যকর হইয়াছে । কলিকাতায় আমার

হই পা ফুলিয়া গোধের আকার ধারণ করিয়াছিল, এখানে আসার পর তাহা একে বারে সারিয়া গিয়াছে, কিন্তু কফ কাসীর বৃদ্ধি হইয়াছে । ভিক্টোরিয়া কলেজ বাড়ী সেত্-সেতে, আর্দ্র, সেখানে কয়েক দিন বাস করাতে ও গ্রীষ্মোত্তাপবশতঃ ঘরের দ্বার জানালা খুলিয়া রাত্রি যাপন করাতে এবং আসিবার দিন প্রাতঃকালে হিম ভোগ করাতে বোধ করি কাসী বৃদ্ধি হইয়াছে । তজ্জন্ত অনেক সাবধানে আছি । ক্রমশঃ ক্ষুধা-বৃদ্ধি ও শক্তি-বৃদ্ধি হইতেছে । ছই বেলা খোলামাঠে কিয়দূর পথ চলিয়া বেড়ান যায় । কলিকাতায় পথ্যাদি যে নিয়মে হইত প্রায় সেই নিয়মেই হইতেছে । ছকের মাত্রা কিছু বৃদ্ধি করা গিয়াছে, সেখানে তিন বার ছুক পান হইত, এখানে চারি বার পান করা যায় । কলিকাতায় সায়ংকালে দুধ রুটি খাওয়া যাইত রাত্রিতে লঘু আহারের আবশ্যক হওয়াতে সায়ং-কালে এখানে কিঞ্চিৎ ছুক মাত্র পান হয় । পূর্বেকাল কাবোলী ফল অনেক সময় খাওয়া যায় । অমৃতলাবু তাহা যোগাইয়া থাকেন । কিন্তু কলিকাতার স্থায় এখানেও স্নানদ্রাব্য অত্যন্ত অভাব ।

অমৃত লাল স্বর্গগত সাধু অঘোর নাথ গুপ্তের জ্যেষ্ঠ পুত্র শ্রীমানসত্যানন্দের জন্ম একটি পাকা বাড়ী প্রস্তুত করিয়াছেন, ২৪শে শুক্রবার সেই গৃহে বিশেষ উপাসনা হয় । সত্যানন্দ ও তাঁহার কনিষ্ঠ প্রেম্য-নন্দ এবং তাঁহাদের পূজনীয় গর্ভধারিণী এবং নিমন্ত্রিত কতিপয় বন্ধু উক্ত উপাসনায় যোগদান করিয়াছিলেন । পরে সেখানে

খিচারান ভোজন হইয়াছিল । উপাসনা করিবার জন্ত আমার প্রতি অধুরোধ ছিল, অশক্তিবশতঃ আমি সাহস করিতে পারি নাই । কলিকাতা হইতে ভাই ব্রজগোপাল নিয়োগী আসিয়াছিলেন । তিনি উপাসনা করিয়াছিলেন, আমি প্রার্থনা মাত্র করিয়া ছিলাম । আজ যোগিপ্রেবর সাধু অঘোরনাথ দেহে বিদ্যমান থাকিলে এই নব নির্মিত গৃহকে যোগকুটির পরিণত করিয়া এখানে থাকিয়া আনন্দে সাধন ভজন করিতেন । এক্ষণ উহা ভাড়া দেওয়া হইবে । ছুটি উপলক্ষে নানা স্থান হইতে অনেক বন্ধু এখানে বেড়াইতে আসিয়াছিলেন । অমৃত লালের বাসগৃহের পশ্চিমে নিত্য উপাসনার জন্ত অতিসুন্দর উপাসনাকুটির নির্মিত । আমি অধুরুদ্ধ হইয়া দুইদিন উপাসনার কার্য্য করিয়া অতিশয় ক্লিষ্ট ও ক্লান্ত হইয়া পড়িয়াছিলাম । তাহার পর আর সজন উপাসনা করি নাই । অমৃতলালের গৃহের নাম “তৃপ্তিকুটীর ।” প্রথমে বহুলোকের বাসজন্ত তৃপ্তিকুটীরে থাকিতে কিছু অসু-বিধা হইয়াছিল, তাঁহাদের অধিকাংশ চলিয়া যাওয়াতে এখন আর কোন অসু-বিধা নাই । একটি প্রশস্ত প্রকোষ্ঠ আমার স্থিতির জন্ত নির্দিষ্ট হইয়াছে । অমৃতলালও কলিকাতা গিয়াছেন, তাঁহার পরিবার আর একটি যুবক বন্ধু এখানে আছেন । সেবা যত্নের কোন ক্রটি হইতেছে না । নিয়মিতরূপে সকল কার্য্য চলিতেছে । যখন বাহ্য প্রয়োজন তাহা পাওয়া যাই-তেছে । অমৃতলাল আমার সুখ সুবিধার জন্ত অকাতরে অর্থব্যয় করিতেছেন ।

আমার এখানে পঁছিবির অল্প দিন পরেই ভাই ব্রজগোপাল নিয়োগী আসিয়া-ছিলেন । এস্থান দেখিয়া তাঁহার মন অতিশয় আকৃষ্ট হইয়াছে । তিনি ছই তিন দিন এখানে ছিলেন, পুনঃ পুনঃ নদী তীরে শালতরু মূলে যাইয়া বসিয়া থাকিতেন । এখানে একটা সাধন কুটির নির্মাণ করিয়া সময় সময় আসিয়া সাধন ভজন করিবার জন্ত তাঁহার মন ব্যাকুল হইয়াছে । তন্নিমিত্ত তিনি একখণ্ড ভূমি ক্রয় করিতে উদ্যোগী হইয়াছেন । তাহা হইলে এস্থানের প্রতি উপযুক্ত ব্যবহার হয় । আমার ন্যায় শারীরিক রোগ সারিবার জন্য সকলেই আসেন, আত্মার কল্যাণের জন্য কয় জন আসেন ? বাঁহারা সেই উদ্দেশ্যে আসেন তাঁহারা হই ধন্য ! এইস্থানে প্রাতঃ সন্ধ্যা সূর্যোদয়াস্ত কালে পূর্বাকাশ ও পশ্চিমা-কাশ বিচিত্র শোভা ধারণ করে । বিশ্ব-শিল্পীর অদৃশ্য হস্ত সমুজ্জল পীত লোহিতাদি বর্ণে মনোহর রূপে আকাশকে রঞ্জিত করিয়া থাকে । মুহূর্ন্ত বর্ণের পরিবর্তন সৌন্দর্য্যের পরিবর্তন হয়, একরূপ সুন্দর দৃশ্য আর কোথাও নয়ন গোচর হয় নাই । সূর্য্যমণ্ডল ঘন শালবন হইতে প্রকাশিত হইয়া পরে শালবনগর্ভেই লুক্কায়িত হইয়া থাকে । অপর কূলস্থ শালবনে দিনান্তে নিশান্তে নানাজাতীয় বিহঙ্গ মধুর স্বরে সঙ্গীত করিয়া কর্ণযুগলকে যেন স্মৃদাশিক্ত করে । তক্ত সাধকদিগের পক্ষে একরূপ অনুকূল স্থান আর কোথায় আছে ? অসভ্য সাওতালদের অরণ্যাকীর্ণ পার্শ্বত্যা-দেশে বিচিত্রকন্ধ্যা কর্ণাময় বিধাতার কত



লীলা ও মহিমা এবং করুণার প্রকাশ দেখা গেল। ধন্য লীলাময়ের লীলা! এস্থান হইতে ৬। ৭ মাইল দূরে নিবিড় শালবনের ভিতরে উচ্চীর জলপ্রপাতে বিচিত্র গন্তীর দৃশ্য। এখানে আসিয়া অনেক লোক তাহা দেখিতে গিয়াছেন। আমি একপ্রকার চলচ্ছিত্রবিহীন, আমার ভাগ্যে তাহা ঘটে নাই। নিজের শারীরিক অবস্থা তদানুসঙ্গে অন্যান্য কথা লিখিতে লেখাটি সুদীর্ঘ হইয়া পড়িল। ভরসা করি রোগের অবস্থাদি জানাইবার জন্য স্নেহের মাতিগকে আর আমার পুনঃ পুনঃ ভিন্ন ভিন্ন পত্রলিখিবার প্রয়োজন হইবে না। এই লেখা পড়িলেই তদ্বিষয়ে জ্ঞান লাভের পক্ষে যথেষ্ট হইবে। বার বার আমার স্বহস্তে পত্র লেখা বা অন্য লোক দ্বারা লেখান কষ্টসাধ্য ব্যাপার। আমি এখান হইতে অবিলম্বে অন্যত্র যাইবার উদ্যোগী। নবেম্বর মাস এ অঞ্চলে যাপন করার ইচ্ছা।

উপসংহার কালে বলিতেছি যে, আমি গ্রীষ্মকালে বৃন্দেল-খণ্ডের প্রধান নগর ভয়ঙ্কর উত্তপ্ত বান্ধিসিতে যাইয়া প্রচারের কার্য্য করিয়াছিলাম। বান্ধিসির উত্তাপের তুলনায় রাঁচির উত্তাপ সামান্য। কিন্তু সেখানে যাইয়া কয়েক দিন থাকিয়াই আমি কাজের বাহির হইয়া পড়িয়াছি। রোগ উত্তাপ জনিত, না অথ কোন কারণে তাহা জন্মিয়াছে। সুবিজ্ঞ ডাক্তারেরা বলিতে পারেন। ভগবান্ আমাকে এখন বসাইয়া রাখিয়া কি কাজ করাইবেন জানি না। বর্তমান অবস্থায় লেখা পড়ার কাজে অধিক পরিশ্রম করিবার শক্তি নাই। অধিক

চিন্তা করিতে মাথা ঘুরিয়া যায়। তাহার ইচ্ছা পূর্ণ হউক।

### মতি বাবুর পারিবারিক অবস্থা।

(পূর্ব প্রকাশিতের পর)

কর্তা ও গিন্নীর স্নেহমমতায় ও শ্রামার বালিকামূলত স্মৃষ্টি বাবুজারে হারাধনের মনের কষ্ট কমেই চলিয়া যাইতে লাগিল। তাহার বয়স বার বৎসর। স্মৃষ্টি শ্রামা তাহার ৩ বৎসরের ছোট ছিল। সে বড় স্মৃষ্টি বড় স্ববোধ। মতি বাবু তাহাকে পড়িবার জন্ত কলিকাতায় পাঠাইয়া দিলেন। তথায় তাহার একজন ব্রাহ্ম বন্ধু ছিলেন; তিনি সর্বদা বালকের খবরাখবর লইতেন।

তিন বৎসর কাটিয়া গিয়াছে। এবার হারাধনের প্রবেশিকা পরীক্ষার সময়। পূজা আগত প্রায়। হারাধন পূজার ছুটিতে বাড়ী বাইবে না চিঠি লিখিল। মতি বাবু ভাবিলেন, পরীক্ষা নিকটবর্তী, এবার পূজার আমোদটা যেন তাহার স্বামী স্ত্রী দুজনেই ভোগ করেন; বালক যেরূপ পড়া শুনা করিতেছে, সে নিশ্চয়ই এবার জলপানি পাইবে।

কর্তা মনে মনে দুঃখিত হইলেও মুখে কিছু বলিলেন না। কিন্তু গিন্নীর মুখ বড় ভার হইল। আকাশে যখন মেঘ দেখা দেয়, বায়ু ভারাক্রান্ত হইয়া পড়ে, তখনই বর্ষণ অনিবার্য্য। গিন্নীর মুখখানি ভার হওয়া মাত্র চক্ষু ও নাসিকা হইতে বর্ষ বর্ষ উষ্ণ প্রস্রবণ বহির্গত হইতে লাগিল।

নাকের নথ ভিজিল, বসন ভিজিল। তিনি কিছু ক্ষণ কাঁদিয়া শ্রামাকে ডাকিলেন। শ্রামা ইতিমধ্যে এক কাণ্ড করিয়া চুপ করিয়া বসিয়া আছে। সে বাবার চিঠি পড়া শুনিয়া ও মাতার কান্না দেখিয়া অভিমানে এক দিস্তা ডাক কাগজ 'ছাণ্ডনে পুড়াইয়া ফেলিয়াছে।' সে আর কখনো হারাধনকে চিঠি লিখিবে না—নিশ্চয় না। মার ডাক শুনিয়া পিস বদনে আসিয়া উপস্থিত।

মা—তুই দোয়াত কলম কাগজ লইয়া অয়তো, শিগ্গীর আসিস। মার হুকুম তামিল না করিলে নয়। তাই অনেক খুঁজিয়া শ্রামা কাগজ ইত্যাদি লইয়া আসিল। মা বলিলেন “আমি যাহা বলি হারুকে লেখ দেখি।”

মার পত্র।

স্নেহাঙ্গুদেয়—

বাবা হারু, তুমি নাকি এবার পূজায় বাড়ী আসিবে না? শিব বাবু (মতি বাবু বন্ধু) লিখিয়াছেন, তুমি জলপানির জন্ত এই কাঁচা বয়সে বড় খাটিতেছ। কেন? কে তোমাকে এই সর্বনেশে বুদ্ধি দিল? গরিব ছেলেদেরই জলপানি না পাইলে নয়। তোমার কিসের অভাব? তোমার এই বয়সে কত ছেলের পড়াও আঁস্ত হয় না। আমার মাথার দাঁক, তুমি ছুটির সময় অবশ্য অবশ্য বাড়ী আসিবে। নতুবা আমার দুঃখের সীমা থাকিবে না।

তোমার মা।

শ্রামা কতক্ষণ কি ভাবিল; তার পর

সে নিজের প্রতিজ্ঞা ভঙ্গ করিয়া পত্র লিখিতে বসিল।

শ্রামার পত্র—

শ্রীচরণেশু—

তুমি গত গ্রীষ্মের ছুটিতেও বাড়ী আস নাই, পূজায়ও আসিবে না। জলপানির জন্ত সকলকেই ডুলিয়াছ। কেন? আমি কি আর এখন তোমার সঙ্গে ছুটী করি? না, পড়া শুনার সময় তাক্ত বিক্ত করি? যদি না আস, আমি ভগবতীর পায়ে ধরিয়া তাঁহাকে ডাকিয়া বলিব তুমি যেন এবার পরীক্ষার ফেল হও।

শ্রামা।

যথা সময়ে হারাধন উভয় চিঠিই প্রাপ্ত হইল, শ্রামার চিঠি পড়িয়া হাসিতে হাসিতে পেটের নাড়ী ছিঁড়িবার উপক্রম হইল। সেই দিনই মাকে লিখিয়া জানাইল যে, পূজার কয়দিন সে বাড়ীতেই কাটাইয়া বাইবে; তিনি যেন সেজন্ত দুঃখিত না হন। শ্রামাকে লিখিল যে তাহার অভি-ম্প্রাপ্তের ভয়েই সে পূজায় বাড়ী আসিবে।

হারাধন ছুটিতে বাড়ী আসিয়াছে। গিন্নীর মুখে হাসি আর ধরে না। তিনি তাহাকে ঘাট ঘাট লিখিয়া কত স্নেহ অ দর করিলেন। শ্রামা একটু লজ্জাশীল। এক বৎসরের ভিতর তাহার অনেকটা পরিবর্তন ঘটিয়াছে। হারাধন শ্রামাকে দেখিয়া খুব হাসিল। মা হাসির কারণ জিজ্ঞাসা করিলে সে শ্রামার চিঠির কথা বলিল। তিনিও হাসিতে লাগিলেন।

পূজার আমোদ ফুঁইয়াছে। আজ প্রতিমা বিসর্জনের দিন। বাহির বাড়ীতে

চাক চোল মহারোলে চণ্ডীমণ্ডপ কাঁপাইয়া তুলিয়াছে। একদল সাঁনাইবাদক করুণ-সুরে বিজয়া সঙ্গীত গাইতে লাগিল।

“আর কত দিনে দেখব মা তোমার ত্রিনয়নী, —হুর্গতি নাশিনী মা ত্রিতাপনাশিনী।”

গানের ভাবে স্ত্রীলোকদিগের শোকোচ্ছ্বাস বাড়িয়া উঠিল। সকলেরই দৃষ্টি প্রতিমার দিকে। পুরোহিত ঠাকুর পূর্বেই হুর্গাঠাকুরাণীর চক্ষের নিম্নে কয়েক ফোঁটা জল দিয়াছিলেন; তাঁহার কান্না দেখিয়া সকলেই মা মা বলিয়া চীৎকার করিয়া উঠিল। সাঁনাই বলিয়া উঠিল—

“কাঁদিস্নে, কাঁদাস্নে ও মা ভবতারা, প্রাণে পাই ব্যথা সর্ব হুঃখহরা।”

হারাধন পুরোহিত ঠাকুরের চালাকী বেশ বুঝিতে পারিয়া হাসিতে হাসিতে বলিয়া উঠিল, ভাল, ভাল, পুরুত ঠাকুর অবস্থা বুঝিয়াই ব্যবস্থা করিয়াছেন।

—এ সময় বাড়ীর কর্তা কোথায়? মতিবাবু নিজ শয়ন কক্ষে একাগ্র মনে কতকগুলি খাতাপত্র দেখিতেছেন। চক্ষু কিন্তু খাতার উপর নয়, দৃষ্টি দেয়ালের উপর সম্পূর্ণ অন্ত-মনস্ক। গহনার কিন্ কিন্ শব্দে তাঁহার চমক ভাঙ্গল। তিনি মুখ ফিরাইয়া গিন্নির দিকে চাহিয়া বলিলেন “আঁ কি বল্ছিলে?”

গিন্নি—ও মা, আমি কখন কি বল্লুম? বলি, তুমি ও রকম বসে বসে কি ভাব্ছ?

বাবু—দেখ, ভাবনাটা ছোট খাট নয়। আগে দোরটা বন্ধ কর, পরে বল্ছি।

গিন্নি অবাক হইয়াকপাট বন্ধ করিলেন।

বাবু—কালই হারাধন চলিয়া যাবে; যেরূপ গতিক দেখছি এ ছেলে আমাদের হাত ছাড়া হয়ে যাবে। শিবুর সঙ্গে থাকিয়া তা’র মতি গতি বদলে গিয়াছে। আজ সকাল বেলায় পুরুত ঠাকুরের সঙ্গে তার যে সব তর্ক বিতর্ক হয়েছে তাহা শুনে আমি বেশ বুঝিয়াছি এ সব পুতুল পূজায় তা’র বিশ্বাস নাই। এখন ইহার একটা উপায় না করলে নয়।

গিন্নি দাঁড়াইয়াছিলেন, পালঙ্কের উপর মুখ থানা ভার করিয়া বসিলেন।

গিন্নি—হারুর শিগ্গির করে বিয়ে দাও, সব আপদ চুকে যাবে।

বাবু—তাতো বুঝিলাম। কিন্তু বিয়ে দিলে এ ছেলে কা’র হবে তা’কি ভেবে দেখেছ? তুমিতো তা’র গর্ভধারিণী যে একটা বাঁধাবাঁধি টান থাকিবে? পরের ছেলে, যেখানে আদর পাবে, যত্ন পাবে সেখ নেই যাবে।

গিন্নি—তাইতো, এখন উপায়? আ ম হারুকে ছেড়ে কেমন করে ঘরে থাকবো গো—তিনি কাঁদিতে বসিলেন।

বাবু—তোমার সব কথায়ই কেবল কান্না। কেন কি হয়েছে? আমি শ্রামার সঙ্গেই তা’র বিয়ে দিব।

গিন্নি—নাকটা ঝাড়িয়া মূহাসো বলিলেন “সে তো ভয়ানক, কিন্তু হারু যে শ্রামাকে আপন বোনের মত দেখে।”

বাবু—তাতো কিছু আটকাবে না, এতো কেবল মুখের ডাক বৈ নয়? তোমার ছেলে বেলায় কথা ভুলে গেছ?

গিন্নি—এবার সহজ ভাবে মূহাসো

মুখ থানা ঈষদ্ বাঁকাইয়া বলিলেন, “সব সময়েই তোমার ঠাট্টা তামাসা।”

হারাধনের সঙ্গে শ্রামার বিবাহ দেওয়ারই ইচ্ছা হইল। পরীক্ষার পর বিবাহের দিন কাল ঠিক হইবে। পিতা মাতার এই গুপ্ত পরামর্শ, কিন্তু সূচতুরা শ্রামার অগোচর রহিল না। সে কপাটের আড়ালে থাকিয়া সমস্তই শুনিয়া। ভোরের জাহাজে হারাধন কলকাতায় যাত্রা করিবে, এতক্ষণ সে তাহারই কাপড় চোপড় বই ইত্যাদি ট্রাঙ্কে কত যত্ন রক্ষা করিতে ছিল। পিতা মাতার কথা শুনিয়া বাগিকা লজ্জায় মরিয়া গেল। আর তেমন খারা গোছান হইল না। হারাধন আনিয়া দেখিল শ্রামার সঙ্গে ট্রাঙ্কের রুম জাপানী বুক বাড়িয়াছে। সে কিছুতেই ট্রাঙ্কের ডালা বন্ধ করিতে পারিবে না।

হারাধন। ওটা হচ্ছে কি? বই কা’খানা কাপড়ের তদার না রাখিলে বাঙ্কের ডালা যে ভেঙ্গে যাবে। শ্রামা—ও ছাই ভাঙ্গুগ্গে। একটা বড় ট্রাঙ্কও কি মিগে না?

হারাধন হাসিতে হাসিতে শ্রামার হাত ধরিল। শ্রামা মুখ লোচু করিয়া কাঁদিয়া ফেলিল—এটা মাতৃধারা।

যাহা হইক কান্না শুনিয়া কর্তা ও গিন্নি ঘরের বাহির হইলেন। ব্যাপার কি ভিজ্জাসা করার আশিষ্টেন যে, শ্রামার হাতে আঘাত লাগিয়াছে, তাই কান্না। মতি বাবু কিন্তু কাটা ঘর নুনের ছিটা দিলেন। তিনি বলিলেন “ওটা শ্রামার চালাকী; আজ বিজয়া, তাতে

আবার রাত পোহালে হারাধন চলে যাবে, তাই শ্রামার কান্না।” তিনি এই বলিয়াই হাস্যমুখে চলিয়া গেলেন। গিন্নিও মুখে আঁচল গুজিয়া হাসির ফোয়ারা চাপিয়া রাখিলেন। তাঁহার আজ কার্যের কুরু-ক্ষেত্র; তিনিও চলিয়া গেলেন।

হারাধন অবাক হইয়া হুঃপিত মনে শ্রামাকে বলিল, “শ্রামা একি? আমি যে ইহার কিছুই বুঝিতে পারিতেছি না। এই বন্টা খানেকের ভিতর তোমার যে কি আশ্চর্য পরিবর্তন ঘটেছে! আমার মাথার দিকি, বল ইহার অর্থ কি?”

শ্রামা—বেটা ছেলে মেয়েদের মত দিকি দিতে জানে কখনো শুনি নাই। তোমাকে এ রোগে কদিন ধরেছে?

হারাধন—সে বাঁউক, আমল কথা বস। কি হয়েছে?

শ্রামা—হবে আর বেশী কি? ওঁরা তোমার ও আমার বের সম্বন্ধ ঠিক করেছেন; আমি চুপে চুপে সব শুনেছি।

হারাধন—বটে? “কোন জায়গায়, কা’র সঙ্গে তোমার বিবাহ হবে শ্রামা?”

শ্রামা বড় বেহারা, বড় মুখরা। উত্তর করিয়া “আগে তোমার কথাই শোন, তার পর আমার কথা।”

হারাধন—আমার বিবাহের জন্ত ওঁরা এত ব্যস্ত কেন?”

শ্রামা—“পাছে তুমি পর হয়ে যাও, কেউ যদি পিছন থেকে তোমাকে ছোঁ মেরে নিয়ে যায়।”

হারাধন—“শ্রামা, রহস্য ছাড়; আমার যে মৃত্যু যাতনা উপস্থিত।”

শ্যামা—“মাইরি! তবু ভাল, এগনো সামনে দাঁড়িয়ে আছ। শুনবে? তবে শোন, তোমার ও আমার বিয়ে দিয়ে তাঁরা দুজনে তীর্থবাসী হবেন। আমার বিয়ে হইবে—হবে এক ব্রহ্মজ্ঞানীর সঙ্গে। আর তোমাকে তাঁদের খুব আপন্যা আপনীর মধ্যে বিয়ে দিয়ে বাড়ীতে রাখবেন। তোমার জন্ত যে কণে ঠিক হয়েছে সেটা বেজায় কালো, বড় কুংসিতা; তাতে আবার ডান পা খানা খাটা। মেয়েটার বে হচ্ছে না, তোমার ঘাড় চাপাতে হবে।”

হারাধনের চোখ মুখ বসিয়া গেল? মুখে বাক্য নাই, সে এক দৃষ্টে শ্যামার দিকে চাহিয়া রহিল।

শ্যামা হাসিতে হাসিতে বলিল “ওকি? অমন ধারা চেয়ে আছ যে?”

শ্যামা দেখিল তাহার দুই চক্ষু হইতে ফোঁটা ফোঁটা জল পড়িয়া ইস্তিরি করা মাটট ভিজিতেছে। শ্যামা মুখ ফিরাইয়া হাসিতে লাগিল।

হারাধন—“শ্যামা, এত দিনে বুঝিলাম এ সংসারে আমার কেহই নাই। আমি আর এ বাড়ীতে থাকিব না।”

সে যেমনই ঘর ছইতে বাহির হইবে, অমনই শ্যামা হাসিতে হাসিতে তাহার হাত জুখানি ধরিয়া বলিল “কোথায় যাবে? জলপানি তবে খাবে কে?”

হারাধন—“শ্যামা, তুমি বড় নিষ্ঠুরা, তুমি রাক্ষসী।”

শ্যামা—“আমি নিষ্ঠুরাও নই, রাক্ষসীও নই; তুমি যে, হারাচন্দ্র গঙ্গারাম তাই

তাই দেখলেম। এই বলিয়া আঁচলে তাহার চক্ষু মুছাইতে মুছাতে কাণে কাণে কি বলিল। হারাধন লজ্জিত বদনে ভাণান দেখিতে চলিল।”

— —

বেশবজননী সাধ্বী সারদা দেবী।

( ৬৩ পৃষ্ঠার পর। )

আজ ৭।৮ বৎসর পরে আবার বলিতেছি ইহার ভিতর আমার শোকের উপর শোক হইয়াছে। মেয়ে গেল না ত বৌ মোহিনী সংযুগলা গেল, নবীনের মেয়ে পিলু গেল, আমার মেজ বৌ গেলেন, শেষে আমার কৃষ্ণ বিহারী পর্যন্ত গেলেন। এখন এক মাত্র কুলেশ্বরী আছেন। এখন আমার নিজের শরীর ও মন কিছুই ভাল নাই। মনেও সব ঠিক আসছে না। যাহা হোক তুমি যখন লিখিতে চাহিতেছ তখন যাহা মনে আসে তাই তোমায় বলি।

আমার বৃন্দাবন দর্শনের কথাই বলিতে ছিলাম, সেখানে অনেক দেখিবার জিনিস আছে। চরণ পাহাড়ী একটা দেখিবার বস্তু। আলতাপাটী আমি যাই নাই। বড় চরণ পাহাড়ীতে রাখার চরণ চিহ্ন আছে। আমি তুলসী ও চন্দন সরাইয়া ফেলিলাম এবং যশোদা কুণ্ডের জল পাইয়া তাহা খুইয়া দেখিলাম তাহাতে বেশ আলতার ছাপ আছে, আমার দাসী তারাকেও তাহা দেখাইলাম। সে তাহা দেখিয়া তাহার উপর পড়িয়া গড়াগড়ি দিয়া কাঁদিতে লাগিল।

ইতিপূর্বে বৃন্দাবনে নবীন আমার জন্ত

লুটির মছোব দিয়াছিলেন। আবার রাখাকুণ্ডে আমি ভাতের মছোব দিলাম। সে এক অপূর্ব ব্যাপার, কত বায়ুন বৈষ্ণব একত্রে বসিয়া খাইলেন।

মথুরায় তোমার ঠাকুর দাদার শ্রাদ্ধ করিলাম, তাহাতে সমুদায় রূপার দান ইত্যাদি দিতে হইয়াছিল। আমি চারি মাস বৃন্দাবনে কাটাইয়া পরে কাশী আসিলাম, সেখানে দিন তিনেক থাকিয়া গয়াতে গেলাম, সেখানে বার দিন ছিলাম। আমি পাঁচ জায়গায় পিণ্ড দান করিলাম। তার পর বাড়ী আসিলাম। ইহার পর আমি আরও কয়েকবার তীর্থ দর্শনে গিয়াছিলাম। তাহার মধ্যে বৃন্দাবনে তিন বার, জয়পুরে দুইবার একবার কৃষ্ণ বিহারীর সঙ্গে যাই। কেশবের সঙ্গে নৈনীতাল মুন্সুরী পাহাড়, লাহোর লক্ষ্মী অমৃতসর কুরুক্ষেত্র এবং ইহার ভিতর অত্রাণ ছোট ছোট স্থান সব দর্শন করিয়াছিলাম।

আমি নববিধান প্রচারক শ্রীমান্ প্যারীমোহন চৌধুরীর সঙ্গে হরিদ্বার দেখিতে যাই। মুন্সুরী পাহাড়ে আমার সঙ্গে প্রচারক বিজয় কৃষ্ণ বৈলোক্য অমৃত, মহেন্দ্র ও হরন'থ বোস ইত্যাদি ছিলেন। দেবাজনের গুহপানী ও নালাপানী বড় চমৎকার দেখলে ভয় করে। পাহাড়ের গুহার ভিতর অন্ধকার, সেখানে কোনও খানে হাঁটু জল, কোন খানে কোমর জল, কোন খানে বুক জল, কোন খানে আবার পা ডুবে না, সব অন্ধকার। কেশব ও বাবুরা লাঠী ধরিয়া আস্তে আস্তে সে গুহার ভিতর দিকে কোন খান থেকে জল

আসিতেছে দেখিবার জন্ত চলিয়া গেলেন। আমার বড় যাইবার ইচ্ছা হইল, কিন্তু খানিক দূর গিয়াই পা পিচ্ছিলে ভয়ানক পড়িয়া গেলাম। কি করিয়া যে বাঁচিলাম বলিতে পারি না। বোধ হয় এ সব কষ্ট ভুগিবার জন্ত তখন বাঁচিয়া আসিলাম। অনেক কষ্টে উঠিয়া গুহপানীতে আসিয়া বসিয়া রহিলাম। শেষে সন্ধ্যার সময় বাবুরা ফিরিয়া আসিয়া সেখানে চড়িতাতি করিয়া খাইলেন। আমার পা ভাজিয়া গিয়াছিল হাঁটিতে পারিলাম না। কেশব ও বাবুরা একটা বাঁশ আনিলেন, আমি তাহাতে জড়াইয়া রহিলাম, তাঁ হারা আমায় কাঁধে করিয়া বাসায় আনিলেন। আমরা দেবাজনে গোপাল চন্দ্র সরকারের বাড়ীতে ছিলাম। গোপাল বাবুর স্ত্রী আমার মেয়ের মতন আমায় যত্ন ও সেবা করিয়াছিলেন। তাঁহাদের কত উপদ্রব করিয়াছি। এখন একবার তাঁহাকে বড় দেখিতে ইচ্ছা করিতেছে। এই গোপাল বাবুর বাড়ীতে প্রায় দু'মাস ছিলাম। আমার পা সারিলে লাহোরে গেলাম। পথে আমার সমস্ত জিনিস চুরী গেল, এমন একখানি কাপড় ছিল না যে আমি স্নান করিয়া পরি। প্রচারক প্যারীমোহন সঙ্গে ছিলেন, কিন্তু তিনি তখন এত ভাল মানুষ ছিলেন যে, নামিয়া দেখিতে পারিলেন না। তিন দিন ভিজা কাপড়ে থাকি, পরে অমৃতসরে আসিলে প্রচারক মহেন্দ্র বাবুকে টাকা দিলাম। তিনি এক খান কাপড় কিনিয়া দিলেন, পরিয়া বাঁচিলাম। আমি আস্থালী হইতে কুরুক্ষেত্রে গেলাম, খানেপরের

মহাদেব দেখিতে বেশ। কুরুক্ষেত্রের মধ্যে দেখিবার জিনিস বাণ গঙ্গা ও পদ্ম পুকুর। কুরুক্ষেত্রের নিকট এক খানি বাড়ী আছে। তাহাতে আমাদের কাঁচরা পাড়ার ব্রাহ্মণ গোহান্ত আছে। সেখান এক বাবু আমার নবীনের সঙ্গে চাকুরী করিতেন, তিনি আমায় জিজ্ঞাসা করিলেন আপনি কেশব বাবুর মা, আপনি কেন তীর্থ করিতে আসিয়াছেন! আমি বলিলাম "তীর্থ এক একটা পুরাতন স্থান, এবং ভগবানের রাজ্য, দেখিতে দোষ কি?"

দরওয়ান রাম গোলাম আমার সঙ্গে ছিল। আমরা রাস্তা ভুলিয়া ফিরিবার চেষ্টা করিতে ছিলাম। বড়ই কান্না পাইতেছিল। কিন্তু সেই সময় এক জন একা গাড়ীর গাড়োরান আসিয়া আমরা কুরুক্ষেত্রে যাইব কিনা জিজ্ঞাসা করিল এবং সেই গাড়োরান সঙ্গে করিয়া আমাদের দেশের লোকের কান্না বাড়ীতে লইয়া গেল। তার পর দিন কুরুক্ষেত্রে যাই।

কুরুক্ষেত্র হইতে কাশীতে ফিরিয়া আসিতেছিলাম; সেই বার চন্দ্র গ্রহণ ছিল। মাঝে এক জায়গায় আসিয়া আমার সমস্ত টাকা ফুরাইয়া গেল, একেবারে নিরুপায় হইয়া বসিয়া কাঁদিতেছি এমন সময় একটা ব্রাহ্মণের ছেলে আসিয়া আমায় অনেক বড় করিলেন, এবং শেষে আমার কি চুঃখ তাহা জানিবার জন্ত খুব ব্যস্ত হইয়া উঠিলেন। তাঁহার ব্যগ্রতা দেখিয়া আমি টাকার কথা বলিলাম, তিনি আমায় টাকা আনিয়া দিলেন, আমি সেই টাকার দ্বারা কাশীতে

আসিলাম। পবে সেই টাকা ব্রাহ্মণের ছেলে যাহাকে দিতে বলিয়াছিলেন তাঁহাকে পাঠাইয়া দিই। সে ছেলেটা দেখিতে অনেকটা ধর্মপালের মত।

কাশীতে গিয়া দেখি কেশবও সেই সময় কাশীতে আসিয়াছেন।

কাশীতে কুচবেহারের গুজরাট রানীর সঙ্গে দেখা হয়, তখন তাঁহার বয়স প্রায় ৮০ বৎসর। তিনি একজন গুজরাটের অতি ভাল সম্রাট ব্রাহ্মণের মেয়ে ছিলেন। বর্তমান মহারাজার প্রপিতামহ নামটা ভুলিয়া গিয়াছি, এই মেয়েটিকে বিবাহ করিয়া লইয়া আসেন। পরে তিনি কুচবেহারে আসিয়া যখন শুনিলেন যে মহারাজা ব্রাহ্মণ নছেন, তখন তাঁহার মনে বড় দুঃখ হইল। তিনি কুচবেহার ত্যাগ করিয়া কাশীবাসি হইলেন। তাঁহার সঙ্গে তাঁহার এক ভাই ছিলেন। তিনি রাস্তা করিলে দু'জনে তাহা খাইতেন। গুজরাট রানী কাশীতে থাকিবার জন্ত আমাকে খুব অনুরোধ করিতে লাগিলেন আমি চলিয়া আসিলাম।

যখন জরপরে যাই তখনকার একটা ঘটনা আমি বলিব। সকাল বেলায় গোবিন্দজীর আরতি দেখিবার জন্ত আমি আমার ভাগুরের (হরিমোহন সেনের) বাড়ী হইতে গাড়ী ভাড়া করিয়া রওনা হইলাম। গাড়ী হইতে নামিয়া কেমন এক রকম মন হইল, ছুটিয়া আরতি দেখিতে চলিলাম। রাস্তায় গিয়া গোবিন্দজীর মন্দিরে যেমন উঠিতে যাই এমন সময় দেখিলাম যেন গোবিন্দজী আসিয়া

আমায় আটকাইয়া রাখিলেন, আমি থমকে দাঁড়াইলাম, অনেকক্ষণ দাঁড়াইয়া শেষে যেন তাঁহাকে সরাইয়া ফেলিয়া আরতি দেখিতে ছুটিলাম। এখন হইলে আমি ঐ রকম করিতাম না। এখন আমি বুঝিছি যে গোবিন্দজীর ইচ্ছা ছিল না যে আমি সাকার ভাবে তাঁহাকে দেখি। কেন যে আমি কেশবকে ছাড়িলাম, তাহাতে এত কষ্ট হয়। তিনি আমায় নৈনীতালে তাঁহার সিদ্ধিধান হিমালয়ে লইয়া যাইতে চাহিয়াছিলেন, মেজবো তাহার ছেলে পুলেদের লইয়া যাইতে চাহিলেন বলিয়া আমার যাওয়া হইল না।

আমার তীর্থ ভ্রমণ সম্বন্ধে আমি কাল নিদিষ্ট করিতে পারিলাম না। সব তীর্থ আমি এক সঙ্গে যাই নাই, ফেপে ফেপে করিয়াছি। আমি ২৫ বৎসর বয়সে বিপদ হই। বিপদ হইবার দেড় বৎসর পরে (কৃষ্ণ বিহারী তিন বৎসর বয়সে) আমার প্রথম তীর্থ ভ্রমণ আরম্ভ হয়। সে বার আমি সাগর যাই, তার পর আর একবার গিয়াছিলাম। আমার শেষ তীর্থ ভ্রমণ নবীনের ছেলে মোহিতের সঙ্গে কাশী বৃন্দাবন দর্শন। কৃষ্ণ বিহারী যাইবার ৬ মাস পরে (১৮৯৫ ইং অক্টোবর নবেম্বর) প্রায় ৪৪ বৎসর ব্যাপিয়া আমি এই তীর্থ ভ্রমণ করিয়াছি। কিন্তু কোন সময় কোথায় গিয়াছিলাম আমার এ ঠিক করিবার আর এমন শক্তি নাই।"

গভর্ণমেন্ট কর্তৃক চট্টগ্রামের রাস্তামাটির নাবালক রাজা এবং তাঁহার ভাতার

অভিভাবক নিযুক্ত হইয়া কিছু কালের জন্ত আমার চট্টগ্রামে যাইতে হইয়াছিল এই কারণে ও সরোজা সুন্দরীর কনিষ্ঠ পুত্র আমার স্বর্গীয় শ্বশুর কৃষ্ণ বিহারী সেন মহাশয়ের মৃত্যুর দরণ তাঁহার অত্যন্ত মানসিক কষ্ট হওয়াতে কয়েক বৎসর লেখা বন্ধ ছিল এবং সেই সময় তিনি পুনরায় তীর্থ ভ্রমণে বহির্গত হন।\*

### হামিদাদেবীর পত্র।

স্বর্গগতা হামিদাদেবীর জীবনী ও আত্মীয় স্বজনদিগের নিকটে লিখিত গভীর ধর্মভাব পূর্ণ তাঁহার কতকগুলি পত্র ত্রয়োদশ ভাগ মহিলার কয়েক খণ্ডে প্রকাশিত হইয়াছে। তিনি ২৩ বৎসর বয়ঃক্রমের মধ্যে জীবন লীলা সম্বরণ করিয়াছেন। এই অল্প বয়সে এই কথ্য বৈরাগ্য উচ্চ ধর্মভাব, চরিত্রের বল ও জীবনের প্রভাব প্রদর্শন করিয়াছেন, তাহার দৃষ্টান্ত বিরল। বস্তুতঃ এই সত্য সাধবী কথ্য রমণী কুলের মধ্যে সমুজ্জ্বল রত্নবিশেষ ছিলেন। সম্প্রতি তাঁহার আরও কয়েক খানা পত্র প্রিয় প্রেমথলালের নিকটে পাওয়া গিয়াছে। এবার তন্মধ্য হইতে একখানা নিম্নে প্রকাশ করা গেল। এক্ষণে আধ্যাত্মিক পত্র লেখা তাঁহার স্বাভাবিক ছিল, তিনি বাহ্যিক ভাবে

\* কেশব জননী সাদ্বী সারদা দেবীর জীবনী লেখক শ্রীমান যোগীন্দ্র লাল কান্তগিরির লিখিত কয়েকটা কথা সাধারণের অবগতির জন্ত উপরে প্রকাশিত হইল। ভরসা করি কেহ ইহাকে বাদানুবাদ রূপে গ্রহণ করিবেন না। সং—

সংসারিক ভাবে কাহাকে কিছু লিখিতেন না।

শ্রীচরণেষু।

লালুদা, আপনার সুন্দর চিঠির জন্ম অনেক অনেক নমস্কার। দিনের মধ্যে কতবার প্রাণটা আপনাদের কাছে ছুটে চলে যায়। হয়ত রাত ছুপুরে অনিদ্রার ভেতর, সন্দের উপাসনার ভেতর, আর যখনই মনটা বেশ পবিত্র ও সুন্দর হয় সেই প্রকৃতির পানে ছুটে যেতে চায় যখন পৃথিবীর সব সুখ দুঃখের কথা প্রাণ হতে অন্তর্হিত হয় সেই নিস্তরকার ভেতর, পাখীর সঙ্গীতের বন্যার সঙ্গে, শীতল বাতাসের সঙ্গে মিশে আপনাদের পবিত্র সঙ্গ যেন লাভ হয়। আমি মনে করি এই আধ্যাত্ম সুখের অবস্থাকেই স্বর্গ বলে। আমি নিজেকে তখন বড় সুখী মনে করি। ১৫। ১৬ বছর বয়সে একবার দীক্ষিত হয়েছিলাম, কিন্তু বছরে বছরে কত স্মরণে আমার পুনর্দীক্ষা লাভ হইল। কষ্টের কঠিন পেষনে আমার জীবনে বার বার অগ্নি দীক্ষা হইল। একবার রোগ যন্ত্রনার পর সত্যই আমার এমন পরিবর্তন ঘটে, এমন আমি জীবিত হয়ে উঠি, কত বিবরণ নূতন হয়ে যায় যে সে যাতনাকে আমি দীক্ষা না বলে কি বলিব? কাল আমার সেই দিন ছিল। হয়ত এমন হতে পারত আর জীবনে আপনাদের দর্শন লাভ হ'তনা। হয়ত বিদায় না লইয়াও আপনাদের নিকট হইতে চলে যেতাম। মৃত্যু যন্ত্রণা কি, একবার নয় দুবার নয় কতবারই আমি দেখিয়াছি। মৃত্যু ভয় যদি বিশ্বাস করেন

তবে বলি, আমার অন্তর হ'তে চিরদিনের মত চলিয়া গিয়াছে। কিন্তু প্রস্তুত নই অপূর্ণ আমার বাধিয়া যাইতে মনটা শান্ত যতটা হওয়া সম্ভব তা হইতে পারি না।

রোমান ক্যাথলিক nun দেব উপর আমার অগাধ শ্রদ্ধা। তাঁদের চেহারা দেখিলে তাঁদের কাছে বসিলে আমার শরীর মন পবিত্র মনে হয়। Convent এ আর চের বার আমরা গিয়াছি। ওঁরাও আমাদের বাড়ীতে এসেছেন। আমাদের ইচ্ছা কলিকাতা হ'তে আসিয়া ওঁদের কাছে ইংরাজি ও Painting শিখিবার ব্যবস্থা করিব। আপনার এতে মত আছে?

এখন ও শরীর বড় দুর্বল। দাদা মশাই কেমন আছেন? আপনার শরীর কেমন? আমার একান্ত ভক্তি আপনি গ্রহণ করুন।

বাকি পত্র } আপনার আদরের—  
২৮। ২। ০৫ } হামিদা।

সংবাদ।

সম্প্রতি গিরিডিতে প্রতিনিধি সর্ভভিৎসের মাফিক শ্রীযুক্ত বাবু দেবেন্দ্র নাথ মুখোপাধ্যায়ের নিকটে এক খুনি মোকদ্দমা উপস্থিত হইয়াছে। এক ব্যক্তি ডাইন ভাবিয়া স্ত্রী বিমাতাকে হত্যা করিয়াছে। তাহার ২। ৭টি সন্তান ওলাউঠায় আক্রান্ত হইয়া মারা গিয়াছে, সে একজন ভূতবৈদ্যের নিকটে তাহার সন্তান হঠাৎ মারা যাওয়ার কারণ জিজ্ঞাসা করে। ভূতবৈদ্য তাহার বিমাতাকে ডাইনরাঙ্গসী বলিয়া নির্দেশ

করিয়া তাহা দ্বারা এই কার্য হইয়াছে, এইরূপ বলে। সে এই কথা বিশ্বাস করিয়া গলা চাপিয়া মাকে মারিয়া ফেলে। বিহার প্রদেশে বিশেষ বিশেষ বৃদ্ধ স্ত্রী লোককে ডাইন ভাবিয়া পল্লীর লোকেরা নানা প্রকার যন্ত্রণা দানে সচরাচর হত্যা করিয়া থাকে। অজ্ঞানতা ও কুসংস্কার মানুষকে কি ভয়ানক অন্ধ করিয়া রাখে!

ছোটনাগপুর প্রদেশের অধিকাংশ স্থান অরণ্য ও পর্বতাকীর্ণ, এইদেশের প্রকৃত নিবাসী কোল সাওতাল ভূঁয়া প্রভৃতি আদিম অসভ্য জাতি। হাজারিবাগ রাঁচি পালামো, সিংহভূম ও মানভূম এই পাঁচটি জেলাতে ছোটনাগপুর বিভক্ত। গিরিডি হাজারিবাগের একটি সবডিভিশন। গিরিডির নানা অংশে ঘন শালবন। শালবনে সাঁওতালেরা বাস করে। ছোটনাগপুরের সমস্ত অসভ্য বন্য লোক ঘন কৃষ্ণবর্ণ নিরীহ ও শাস্ত, আসাম প্রদেশের নাগা কুকী লুসই প্রভৃতির ন্যায় বিবাদপ্রিয় ক্রোধী দুর্দান্ত নহে। সাঁওতালেরা তাহাদের কল্পিত বৃড়া বৃড়ী দেবতার পূজা করে। বিশেষ বিশেষ পর্কাবে তাহাদের উৎসব হয়। একটা বাছুরকে নানা সাজে সাজাইয়া তাহার উপর ছত্র ধারণ করিয়া তাহাকে ঘেরিয়া স্ত্রী পুরুষ সকলে নৃত্য করিয়া থাকে, দুই তিন দিন ব্যাপিয়া সেই গোবৎসের প্রতি ভক্তি প্রকাশ করে। মুসার অনুপাগী বনিএশ্রায়েল গোবৎসের মূর্তির পূজা করিয়াছেন। ইহার জীবন্ত গোবৎসের পূজা করে। স্ত্রী পুরুষ সকলেই মদ্য পান করে, সমস্ত জীব জন্তর

মাংস ভক্ষণ করিয়া থাকে। স্ত্রীলোকেরা অতিশয় নৃত্যপ্রিয়া। সাওতালেরা এমন সাহসী ও বলবান্ শূনিয়াছি জঙ্গলের বাঘ ধরিয়া আনিয়া দড়ি দিয়া বাধিয়া রাখে।

জনহিতৈষী পুণ্য শ্লোক মহাত্মারা বহু পুণ্য কর্ম সম্পাদন ও সংকীর্্তি স্থাপন করিয়া জগতে প্রসিদ্ধি লাভ করেন এবং ইতিহাসে চির স্মরণীয় হইয়া থাকেন। আবার এক জন নরহত্যাকারী মহাপাপী ভয়ঙ্কর হত্যাকাণ্ড করিয়া সেরূপ জন সমাজে প্রসিদ্ধ হয়, জগতের ইতিহাসে আপনাদের নাম অঙ্কিত করে। আন্দামান দ্বীপে ছুরাওয়া সের আলি গভর্নর জেনারেল লর্ড মেওকে হত্যা করিয়া পৃথিবীতে খ্যাতি-নামা হইয়াছে। দুইটি ইউরোপীয় মহিলাকে হত্যা করার অপরাধে বিহারে ক্ষুদীরাম প্রাণদণ্ডে দণ্ডিত হইয়া কত খ্যাতি লাভ করিয়াছে। ঘরে ঘরে তাহার ছবি আদৃত হইয়াছে, সংবাদ পত্রাদিতে তাহার জীবনী ও ছবির ছড়াছড়ি। তাহার কাঁসীর দিন স্কুল কলেজের বহু স্বদেশী দলের ছাত্র শোক চিহ্ন ধারণ করিয়াছে। গত ২৫শে কার্তিক স্বদেশী দলের যুবা কানাই লাল দত্ত ও তাহার সহকারী সত্যেন্দ্র নাথ বসু হত্যা-পরোধে প্রাণদণ্ডে দণ্ডিত হইয়াছে।

“আমাদের অবস্থা” শীর্ষক প্রবন্ধে, আমার দীর্ঘকাল ব্যাপী রোগ যন্ত্রণা চিকিৎসা ও সেবা গুণ্যাদির বিবরণ পাঠিকারা অবগত হইবেন। সম্প্রতি প্রায় দেড় মাস গিরিডিতে স্থিতি করিয়া অপেক্ষাকৃত অনেক সুস্থ ও সবল হইয়াছি। গত কল্যা (১৬ই নবেম্বর) বেলা ১১টা ট্রেণে


গিরিডি পরিত্যাগ করিয়া মিহিজামে যাত্রা করিয়াছিলাম। মিহিজাম কলিকাতা যাওয়ার পথে, গিরিডি হইতে ৬।৭ ষ্টেশন পরে। মিহিজাম স্বাস্থ্যকর স্থান, খুলনার ডিষ্ট্রিক্ট সব রেজিষ্টার ব্রাহ্ম বন্ধু শ্রীযুক্ত বাবু বিপিন মোহন সেহানবিশ মহাশয় একটি সুন্দর বাড়ী সেখানে প্রস্তুত করিয়াছেন। এখন সেই বাড়ীতে তাঁহার সহধর্মিণী এবং তাঁহার আত্মীয় শ্রীমান ডাক্তার রণেন্দ্র নাথ ঘোষ স্থিতি করিতেছেন, আমি সেখানে কিছুদিন স্থিতি করিব মনস্থ করিয়াছিলাম। রণেন্দ্র ষ্টেশনে আমার জন্ম পাকী পাঠাইয়াছিলেন। আমার সঙ্গের বিছানা ব্যাগ ইত্যাদি দ্রব্যজাত নামান হইয়াছিল, ট্রেণ দুই মিনিটের অধিক ছিল না, আমি ভিড়ের জন্ম নামিতে পারি নাই। আমি দুই ষ্টেশন পরে সীতারামপুরে অবতরণ করিয়া প্রেমাস্পদ সতীশ চন্দ্র দত্তের আবাসে রাত্রি যাপন করি। সতীশ চন্দ্র সেখানে সোডা ওয়াটারের ব্যবসা করেন। তিনি তখন কলিকাতায় ছিলেন। বধুমাতার যত্নে আমার কোন কষ্ট ও অসুবিধা ভোগ করিতে হয় নাই। এ দিকে আমার অসুস্থ ও দুর্বল শরীর, আমি রাত্রিতে ক্লেশ ভোগ করিব ইহা ভাবিয়া মিহিজামে ডাক্তার রণেন্দ্র প্রভৃতি অত্যন্ত ব্যাকুল হইয়া পড়েন, কোন কোন ষ্টেশনে টেলিগ্রাফ করিয়া অনুসন্ধান করেন। রাত্রি ১০টার সময় স্বয়ং সীতারামপুরে বাইরা আমাকে পাইয়া নিশ্চিন্ত হন। আমিও তাঁহার ভাবনা দূর করিবার জন্ম সীতারামপুরে পঁহুঁছিয়া মিহিজামে urgent টেলিগ্রাফ

করিয়াছিলাম। আমি আজ প্রাতঃকালের গাড়ীতে মিহিজামে পঁহুঁছিয়াছি। সতীশ চন্দ্রের আত্মীয় একটি ব্রাহ্ম যুবা আমাকে সবলে পঁহুঁছাইয়া দিবার জন্ম সঙ্গের আসিয়াছিলেন। ইহাই আমার অবস্থার উপসংহার। আমি যেন গাড়ীতে শত শত বার চড়িয়াছি জীবনে এরূপ অবস্থা কখনও হয় নাই। মধুপুর জংশনে একটি বন্ধু আমার জন্ম প্রতীক্ষা করিতেছিলেন, তিনি আমাকে যত্ন পূর্বক মিহিজামের গাড়ীতে তুলিয়া দিয়াছিলেন।

### মহিলার নিয়মাবলী ।

মহিলা পত্রিকা প্রতিমাসের সংক্রান্তি দিবসে প্রকাশিত হয়। ডাকমাণ্ডুলসহ ইহার বার্ষিক মূল্য ২৯ মাত্র। গ্রাহক ও গ্রাহিকাগণ মহিলার মূল্য ও অর্থসম্বন্ধীয় পত্রাদি কার্যাধক্ষ শ্রীযুক্ত কান্তিচন্দ্র মিত্র মহাশয়ের নামে এবং প্রবন্ধাদি সম্পাদকের নিকটে ৩নং রমানাথ মজুমদারের ষ্ট্রীট, কলিকাতা, এই ঠিকানায় পাঠাইবেন। প্রাপ্ত প্রবন্ধাদি উপযুক্ত হইলে শীঘ্র হউক বা বিনয় হউক প্রকাশিত হইবে। কাহারও প্রবন্ধ ফেরত দেওয়া বাইবে না।

অনেকে মহিলা পত্রিকা বৎসরাধিক কাল গ্রহণ করিয়া মূল্য দান করেন না, বড় ছুঃখের বিষয়। যাহারা মূল্য দানে অসমর্থ তাঁহারা যেন অবিলম্বে পত্রিকা ফেরত পাঠাইয়া দেন, অথবা আমাদিগকে তাহা পাঠাইতে নিবেদন লেখেন। তাহা হইলে আমরা ক্ষতিগ্রস্ত হইব না। পুনঃ পুনঃ পত্র লিখিয়া প্রাপ্য মূল্য না পাইলে অনেক সময়ে আমরা সেই মূল্যের জন্ম ভি, পিতে মহিলা পাঠাইয়া থাকি।



## মাসিক পত্রিকা ।

“যত্র নারীশ্চ দূজ্যন্তে রমনী তত্র দৈবতাঃ ।”

১৪শ ভাগ ] অগ্রহায়ণ, ১৯১৫, ডিসেম্বর ১৯০৮ । [ ৫ম সংখ্যা ।

### স্ত্রী-নীতিমার ।

মাতা ক্ষুদ্র বালক বালিকাদিগকে উচ্চ উচ্চ ধর্ম কথা শিক্ষা না দিয়া বিস্কৃত নীতি কার্যাতঃ শিক্ষা দিযেন। তাহারা যেন সর্বদা সত্য কথা কহে ও সত্য আচরণ করে ; গরীব ছুঃখীদিগের প্রতি যেন সদয় ব্যবহার করে, কোন জীবের প্রতি নিষ্ঠুরাচরণ না করে, পিতা মাতাকে যেন ভক্তি করে তাঁহাদের আদেশ যেন মান্য করিয়া চলে, তাঁহাদের বাধা থাকে, জ্যেষ্ঠ গুরুজনদিগকে যেন সম্মান করে, কাহারও কোন দ্রব্য চুরি না করে ; মাতা আকার ইন্দ্রিতে উপদেশ ও দৃষ্টান্তে শিশুসন্তানদিগকে এরূপ নীতি শিক্ষা দিবে।

ঈশ্বর আছেন, আত্মা অমর, পরকাল আছে, পরমেশ্বর ইহলোকে বা পরলোকে পাপ পুণ্যানুসারে মহুষ্যকে দণ্ড পুরস্কার বিধান করেন। মাতা মোটামুটি এই সকল সত্য শিশুদিগকে শিক্ষা দিবে। তিনি গল্পছলে অনেক নীতি ও ধর্ম কথা

শিক্ষা দিতে পারিবেন। কথার অনুরূপ নিজে চরিত্রের দৃষ্টান্ত প্রদর্শন করিবেন, অথবা সমস্ত নিষ্ফল হইবে, তিনি রাগ করা অথায় বলিয়া নিজে যদি রাগ করেন, মিথ্যা বলা পাপ বলিয়া নিজে যদি মিথ্যা কথা বলেন, সেই উপদেশ শিশুরা কেন গ্রাহ্য করিবে? উপদেশ অপেক্ষা দৃষ্টান্ত প্রবল।

বালক বালিকারা ক্রমে বয়োধিক্যানুসারে ধর্মের উচ্চ উচ্চ বিষয় বুঝিতে ও ধারণা করিতে ক্ষমতা লাভ করিলে মাতা তাহাদিগকে সৃষ্টিতত্ত্ব, উপাসনা ও প্রার্থনাতত্ত্ব এবং নানা আধ্যাত্মিক বিষয় শিক্ষা দিবে। সে সকল বিষয়ক পুস্তক পড়িতে দিবে, তাহাদিগকে লইয়া প্রার্থনাদি করিবে। বিস্কৃত নীতিকে ভিত্তিস্বরূপ করিয়া তাহার উপর উচ্চ ধর্ম প্রাসাদপ্রতিষ্ঠিত করিলে তাহা স্থায়ী হইবে। তাহারা যাহাতে কুসঙ্গে পড়িয়া চরিত্রহীন না হইয়া পড়ে জুননী সে বিষয়ে সাবধান হইবে।

## এ দেশের নারী জাতির উন্নতি ।

ইয়ুরোপীয় শিক্ষা ও সভ্যতার আলোক পাইয়া বঙ্গদেশের নব্যশ্রেণীর নারীজাতির ঘোরতর পরিবর্তন ঘটনাচ্ছে ; তাঁহারা প্রাচীন রীতি নীতি ও কুসংস্কার-বন্ধন ছিন্ন করিয়া প্রায় সর্ববিষয়ে ইয়ুরোপীয় মহিলাদিগের অনুকরণে প্রবৃত্ত হইয়াছেন। প্রাচীন মহিলাদিগের গ্রাম তাঁহারা আর অন্তঃপুর-কারাগারে বদ্ধ ও অবগুণ্ঠনে আবৃত নহেন। তাঁহারা অনেকে প্রমুক্তমস্তকে প্রকাশ্য রাজপথে স্বাধীন ভাবে বিচরণ করেন, কেহ কেহ বাইসাইকেলে চলেন ও বগি হাঁকাইয়া থাকেন। অনেকেই ইংরাজি লিখিতে ও বলিতে এবং সভায় বক্তৃতা করিতে পারেন, এবং বি এ, এম এ, উপাধিপ্রাপ্ত হইয়াছেন। তাঁহাদের বেশ ভূষার সম্পূর্ণ পরিবর্তন হইয়াছে। তাঁহারা প্রাচীন শ্রেণীর মহিলাদিগের গ্রাম সর্বক্ষেত্র মোটা মোটা অঙ্গার পরেন না, বারণসী সাড়ীর আদর করেন না। তাঁহাদের বস্ত্রালঙ্কার সভ্যজ্ঞানোচিত হইয়াছে। প্রাচীন শ্রেণীর মহিলারা মাংস-ভোজনে কুণ্ঠিত, কিন্তু এই নব্য শ্রেণীর মহিলাগণ নিত্য কুকুটাদি মাংস ভক্ষণ করেন, অনেকে চেয়ারে বসিয়া মাংস প্লেট পুরুষদিগের সঙ্গে টেবিলের উপর ছুরি কাঁটা যোগে ছিন্ন ও ভিদ্ধ করিয়া মাংস ভক্ষণ করিয়া থাকেন। কেহ যে ডিনারের সময় মদ্য একেবারে স্পর্শ করেন না ইহা আমরা বলিতে পারি না। এ সকল দেখিয়া অনেক বিলাতী সভ্যতা-নুরাগী পুরুষ মনে করেন এ দেশের নারী

জাতির পূর্ণ উন্নতি হইয়াছে, তাঁহারা ইহা ভাবিয়া আনন্দ প্রকাশ করেন। কিন্তু আমরা এইরূপ বাহ্যিক পরিবর্তনকে উন্নতি বলি না। এ দেশের প্রাচীন নারীদিগের স্মৃতি, সদাচার ও ধর্মনিষ্ঠা এবং সাধুভক্তি ও দেবভক্তির সঙ্গে ইয়ুরোপীয় কুসংস্কার-বর্জিত বিশুদ্ধ জ্ঞান ও সভ্যতার মিলন না হইলে এ দেশীয় নারীদিগের প্রকৃত উন্নতি কখনও হইতে পারে না। বরং অবনতি অবগুণ্ঠাবী। সমস্ত বিষয়ে ইয়ুরোপীয় সাধারণ মহিলা এদেশের আর্থানারীদিগের আদর্শ হইতে পারেন না। এক্ষণে বহু হইতেছে অস্বাভিক ও দেখকানের অল্পম্যেণী নিত্য বহিমুখীন উন্নতি। প্রাচীন শ্রেণীর নারীদিগের গ্রাম আতিথ্য সংস্কার পরসেবা ধর্মনিষ্ঠা আহা-রাদিতে বৈরাগ্য গৃহকর্মাদিতে অক্লান্ত পরিশ্রম, নব্যশ্রেণীর মধ্যে কয়টি মহিলাতে দেখিতে পাওয়া যায়? আত্মসুখপ্রিয়তা ও বিলাসিতাই অনেকের জীবনে লক্ষিত হয়। পরের জল, স্বদেশের জন্য আত্মতাগ কোথায়? আমরা নব্য শ্রেণীর সকল মহিলাকে লক্ষ্য করিয়া এই কথা বলিতেছি না। অনেক মহিলা মনঃসদৃশ ও ধর্মনিষ্ঠায় সর্বলের পরম প্রকার হইয়াছেন। আমরা সাধারণ ভাবে ইহা বলিতেছি। ভক্ত কেশব চন্দ্র বলিয়াছেন, আমি ইচ্ছা করি, এবং চেষ্টা করিয়াছি যে আমাদের ব্রাহ্মিকা কন্যাগণ সায়ংকালে নিঃস্নেহে বসিয়া সচ্চিন্তা ও যোগধ্যান করিবেন, পবিত্র গৌরিক বসনে আচ্ছাদিত হইয়া এক তন্ত্রী যোগে ভগবন্তের কীর্তন করিবেন। তাহাতে

তাঁহারা কিছুমাত্র উৎসাহ ও অনুরাগ প্রকাশ করেন না, সুবিধা হইলেই সেই সময়ে বুট পায়ে টি-পার্টিতে যোগ দিয়া কেবল হাত গলে কালস্বাপন করেন। তাঁহাদের অহৃৎ ঠিক একেবারে নাই, কেবল বহিমুখীন ভাব।

পূর্বে শাক্ত শ্রেণীর পুরুষেরা মাংস ভোজন করিলেও বৎসরের মধ্যে দুই চারি দিন ছাগমাংসাদি ভোজন করিতেন। প্রাচীন শ্রেণীর মেয়েরা মাংস ভক্ষণ করিতেন না, এক্ষণে পুরুষ অপেক্ষা অনেক মেয়ে অধিক মাংসাশিনী হইয়া পড়িয়াছেন। স্বামী চির নিরামিষ ভোজী, পত্নী ঘোরতর মাংসভোজিনী এক্ষণে দেখিতে পাওয়া যায়। অনেক মহিলা অহার দানে কাঁকে কাঁকে মুরগী পোষণ করিয়া প্রতাহ তাহার দুই একটিকে মারিয়া উদরস্থ করেন। এ দিকে ফেরিওয়ালার ছাগল ভেড়ার মাংস যোগাইয়া থাকে। অনেক মহিলা মনে করেন কুকুট মাংস ভক্ষণ না করিলে শরীর রক্ষা পায় না, মাথা ঠাণ্ডা হয় না। তাঁহারা কুকুট মাংসযোগে নিমজ্জিত বদ্ধ বান্ধবদিগের রসনার তৃপ্তি সাধন করেন। অনেক ব্রাহ্ম পরিবারমধ্যেও সচরাচর এই বাপার লক্ষিত হয়। তাঁহাদের আহা-রাদিতে কোন রূপ নিষ্ঠা ও সাহিত্য নাই। অনেকে অল্প কিছু না খাইয় টেবিলের উপর ছুরি কাটা যোগে ছিন্ন ও ভিদ্ধ করিয়া তাহা টিবাইয়া খাইয়া থাকেন। এজন্ম ব্রাহ্মসমাজের প্রতি লোকের অত্যন্ত অশ্রদ্ধা জন্মিয়াছে। এক সময় একটা শিক্ষিত মহিলা মাংসের

মস্তি একখানা মোটা হাড় ভাঙা কাড়ি গলাধঃকরণ করিতেছিলেন, সেই হাড়খানা এক্ষণে গলাতে আবদ্ধ হইয়া গিয়াছিল যে, তাহাতে তাঁহার প্রাণবিয়োগ হওয়ার উপক্রম হইয়াছিল। একজন স্মৃতিপূর্ণ ডাক্তারের বহু চেষ্টার অস্থিও অধঃকৃত হয়। কি উপায় ও দস্তুর বিষয়।

ব্রাহ্ম সমাজ ও হিন্দু সমাজ বা অন্য কোন ধর্ম সম্প্রদায়ভুক্ত নহে এক্ষণে এক শ্রেণীর পরিবার আছে, তাঁহারা কোনরূপ ধর্মনিষ্ঠা ও ধর্মবিধির অধীন নহেন। সকল বিষয়ে স্বাধীন ও স্বেচ্ছাচারী। অনেক ব্রাহ্ম পরিবার এবং হিন্দু পরিবারেও এই দৃশ্য ঘটনাচ্ছে। তাঁহাদের বাড়ীতে পূজার্ক-নাদি কিছুই নাই, কেবল পান ভোজনের ঘটনা : সংপ্রসঙ্গ ও সদালোচনা নাই। নামে ব্রাহ্ম, এদিকে ব্রহ্মোপসনা করেন না, পরিবারমধ্যে ব্রহ্মোপসনা নাই, পরিবার মধ্যে দেখা যায় যে, কেবল পরচর্চা। ধর্ম-গ্রন্থাদি পাঠ একেবারে নাই, কেবল অসার কামোপন্যাস পাঠ। এইরূপ অবস্থার কি এদেশের নারীজাতির উন্নতি—পারিবারিক উন্নতি সম্ভব? কলির প্রাজুর্ভাবে এই প্রকার হৃদয় ঘটনা থাকে। পারিবার-মধ্যে ধর্ম প্রতিষ্ঠা ধর্মাত্মরাগিনী নারীগণই করিয়া থাকেন, পুরুষের দ্বারা তাহা হয় না। তাঁহারা লেখা পড়া শিক্ষা করিয়া থাকিলেও জ্ঞান দুই একটা সংকল্প ও বক্তৃতা করিয়া বেড়াইতে পারেন। ভক্তাবতার শ্রীসরিতাচার্যের ও শ্রীচৈতন্যের অভ্যুদয়ের পূর্বে বঙ্গদেশের যেকোন কলির প্রতাপ ছিল, এখনও কি সেইরূপ নয়? “অদ্বৈত-

বিলাসনামক"শ্রীঅদ্বৈতাচার্যের জীবনচরিত পুস্তকে এ দেশের যেরূপ অবস্থা গ্রন্থকার কর্তৃক বর্ণিত হইয়াছে, এস্থলে তাহা উদ্ধৃত করিয়া দেওয়া গেল।

“তৎকালে দেশের আধ্যাত্মিক অবস্থা অত্যন্ত শোচনীয়—অতি মাত্র হীন ছিল, সমস্ত নরনারী সদাচারভ্রষ্ট, বিলাসপরায়ণ ঘোর সংসারাসক্ত, কাহারও অন্তরে সাহিত্যিক-ভাব ও ধর্মনিষ্ঠার লেশমাত্র ছিল না। ফেই পাপের অর্ন্তস্থানে ভয় করিত না। ন্যায় ও সত্য, পুণ্য ও ধর্ম, প্রেম ও ভক্তি কাহাকে বলে লোকে এককালে জানিত না। পরলোকে বিশ্বাস নিতান্ত শিথিল, ইহ-লৌকিক সম্পদই লোকের সর্বস্ব হইয়াছিল। আত্মা উপেক্ষিত, শরীরই সর্বস্ব হইয়াছিল। ঘোর কলি অন্ধুগ্ন প্রভাবে সকলের হৃদয়ে রাজত্ব করিয়াছিল। একটি প্রাণীও বুদ্ধিতে পারিতে ছিল না মানবসমাজ কি বিসদৃশ হীনাবস্থায় উপনীত হইয়াছে।”

“দেশের তদানীন্তন অবস্থাসম্বন্ধে পদ-গাথক বৈষ্ণব দাস এইরূপ বলিয়াছেন ;—

“বিষয়ে সকলে মত্ত, নাহি কৃষ্ণনামতত্ত্ব,  
ভক্তিশূন্য হইল অবনী।

কলি কাল সর্প-বিষে, দধ্ব জীব মিথ্যে রসে  
না জানয়ে কেবা সে আপনি।

নিজ কন্যা পুত্রোৎসবে, ধূম ধাম করে সবে,  
নাহি অন্য শুভ কর্ম লেশ।

যক্ষে ( ধন দেবতার ) পূজে মদ্য মাংসে,  
নানা মতে জীব হিংসে।

এই মত হইল সর্ব দেশ।”

সে কালের এই অবস্থার সঙ্গে তুলনা করিলে এ কালের বর্তমান অবস্থার কি

সাদৃশ্য হয় না? বরং তদপেক্ষা কলি এফণ অধিক প্রবল। তখন কুবেরমিশ্রনামক একজন ভগবদ্বক্ত পূর্ণাত্মা পুরুষ দেশের ধর্মহীনাবস্থা—দুর্দশা দেখিয়া অত্যন্ত বা কুল হইয়াছিলেন। তিনি নিশ্চল ভক্তি প্রচার করিয়া দেশের দুর্গতি মোচন করিবার জন্য পরম ভক্ত : হাপুরুষের অভ্যুদয় জন্য নিরন্তর কাতর প্রার্থনা করেন। পরে তাঁহার পুত্ররূপে মহাভক্ত অদ্বৈতাচার্য্য শান্তিপুত্র, ভক্ত কুলচূড়ামণি শ্রীচৈতন্য মচী মাতার গর্ভে নবদ্বীপে জন্ম গ্রহণ করেন।

ব্রাহ্ম সমাজেও অনেক গৃহলক্ষ্য ও সুপত্নী ছিলেন ও আছে। পাঠিকারা ভাই দন নাথ মজুমদার মহাশয়ের ধর্মপত্নী স্বর্গ-গতা মুক্তকেশী দেবীর জীবনবৃত্তান্ত সম্প্রতি মহিলাতে পড়িয়াছেন, ব্রাহ্মিকদিগের মধ্যে ইহাকে আদর্শ ব্রাহ্মিকা বলা যায়। টাঙ্গাইলনিবাসী নববিধানবিধাসী ব্রাহ্ম স্বর্গগত উকিল বাবু রাধানাথ ষোষণের সহধর্মিণী বিদ্যালতা দেবী প্রকৃত সুগৃহিণী ও ধর্মগিণী ছিলেন। তিনি প্রতিদিন স্বহস্তে রন্ধন পরিবেশন করিয়া পরিবারস্থ সকলকে—দাসদাসীকে পর্যন্ত শ্রদ্ধাপূর্বক ভোজন করাইতেন; গৃহপালিত পশু পক্ষী-দিগকে গৃহাগত ক্ষুধার্ত ছুঁখা কাঙ্গালি-দিগকে আহার দিয়া সর্বশেষে নিজে ভোজন করিতে বসিতেন। পল্লীর সমস্ত লোক প্রত্যেকে তাঁহাকে নিজেদের স্নেহময়ী মাতা বলিয়া ভক্তি করিতেন। স্বামীর প্রতি তাঁহার একপ প্রাণের যোগ ছিল যে, যে দিন রাধানাথ বাবু ওকালতী কার্যের

ব্যস্ততাশ্রয়িত উপাসনা সংক্ষেপে করিতেন, সে দিন বিদ্যালতা মর্ম্মাহত হইতেন, অশ্রু বর্ষণ করিতেন, পল্লঙ্কের উপর শয়ন না করিয়া ভূতলে শয়ন করিতেন রাধানাথ বাবু কারণ জিজ্ঞাসা করিলে বলিতেন, “তুমি অর্থাপার্জননের অনুরোধে আজ আরাধনার ভাগ খর্ব্ব করিলে কেন? ঈশ্বরোপাসনাপেক্ষা তুমি ধনকে অধিক আদর কর।” একপ সুপত্নী ও সুগৃহিণী কোথায়? বিদ্যালতা তিনটি পুত্র ও একটী কন্যা রাখিয়া বহু বৎসর হইল দেহত্যাগ করিয়াছেন, দুই মাসের অধিক কাল হয় নাই রাধানাথ বাবু অকস্মৎ পত্নীর অনুগামী হইয়াছেন।

ইতিমধ্যে আমরা সাওতাল পরগণায় একটা ব্রাহ্মবন্ধুর পরিবারমধ্যে কিছুদিন স্থিতি করিয়াছিলাম। বন্ধুর একাদশবর্ষীয়া একটা কুমারী কন্যা প্রফুল্ল বদনে আমাদিগের যেরূপ সেবা করিয়াছে তাহার দৃষ্টান্ত নাই। কন্যাটি আচমণের জল স্নানের জল স্বহস্তে যোগাইতেন, বিছানা পাতিয়া দিতেন, প্রায় সকল কাজ স্বেচ্ছায় উৎসাহপূর্বক করিয়াছেন। সেবা করিয়া যেন তাঁহার বিশেষ আনন্দ হইত।

এ দেশের ধর্মপ্রাণা আর্ধ্য নারীদিগের ধর্মভাব ও সুনীতির সঙ্গে ইয়ুরোপীয় মহিলাদিগের বিশুদ্ধ জ্ঞান ও সভ্যতার যোগ করিয়া চলিলে নব্য মহিলাদিগের প্রকৃত উন্নতি হইতে পারে, অত্যা নিশ্চিত অবনতি। মনে করিতে হইবে, পুণ্য প্রেম ও জ্ঞান এবং ধর্মসাধনে জীবনের উন্নতিতেই যথার্থ উন্নতি, কাপড় চোপড় বেশ ভূষার উন্নতি অসারের অসার। ইহা মনে

রাখিতে হইবে যে, ভারতবর্ষ, শীতপ্রধান ইয়ুরোপ নয়, ইহা গ্রীষ্মপ্রধান দেশ। এদেশে ইয়ুরোপীয় নারীদিগের ভোজ্য পরিচ্ছদাদির অনুকরণ করিলে নিতান্ত অস্বাভাবিক ও বিকৃত হইবে। সে দেশের নারীদিগের আচার ব্যবহারাদি এ দেশের নারী জাতির প্রকৃতির উপযোগী নহে। একপ যেরূপ পুরুষোচিত বিদ্যা শিক্ষা হইতেছে, তাহাতে কোমল নারী প্রকৃতি বিকৃত হইতেছে এই অস্বাভাবিক শিক্ষায় অনেক ছুরারোগ্য রোগে আক্রান্ত হইয়া ক্লেণ ভোগ করিতেছেন।

ইয়ুরোপীয় সতী সাধ্বী মহিলাদিগের সদৃশ সকলের অনুকরণ হউক, এদেশের নারী জাতির মুখোজ্জ্বল হইবে। মুক্তি ফৌজের অন্তর্গত মহিলাদিগের বিবাহে কেমন উচ্চ ধর্মভাব প্রকাশ পায়! তাঁহারা বিবাহসম্বন্ধ স্থির হওয়ার পূর্বে মনোনীত বরকে বলিয়া থাকেন, আমি ধর্মবলহীন, তুমি সহায় হইয়া আমাকে ধর্মপথে অগ্রসর করিবে, আমাকে এই উদ্দেশ্যে বিবাহ করিও। আমা দ্বারা যদি তোমার ধর্মবলের হানি হইবে, বুদ্ধিতে পার তবে আমাকে বিবাহ করিও না। তাঁহাদের দাম্পত্য প্রেম অতি বিশুদ্ধ ও আধ্যাত্মিক। তাঁহারা বিলাসবর্জিত বৈরাগিণীর বেশে চির জীবন যাপন করেন। কাপড়ে কখনও ল্যাস ব্যবহার করেন না। যে দেশে যাইয়া ধর্ম প্রচার করেন বা স্থিতি করিয়া থাকেন সে দেশের ভোজ্যাদি সে দেশের মহিলাদিগের ভাবে ও কার্যে মিলন রাখিবার জন্ত ব্যবহার করেন। মুক্তিফৌজের



নারীগণ এদেশে আসিয়া এদেশের নারী-দিগের স্থায় বস্ত্র পরিধান করিয়াছেন, মস্তক শুভ্র বস্ত্র দ্বারা আবৃত করিয়াছেন, চেয়ার ছাড়িয়া মাড়ুরে বসিয়াছেন, গৌরিক উত্তরীয়ে আচ্ছাদিত হইয়াছেন, মিরমিষ ভোজন করিয়াছেন। এ দেশের অনেক মহিলা এ দেশে থাকিয়া আড়ম্বরপূর্ণ বিলাসী ভোজ্য পরিচ্ছদাদির অনুকরণ করেন নিতান্ত বাহ্যিক ও অস্বাভাবিক ব্যাপার।

বিলাসের কত পরহিতৈষিনী সেবা-প্রিয়া মহিলা দয়া ও প্রেমের আবেগে বর্ষ প্রকার স্মৃতিবিলাস পরিভাগ করিয়া স্ব-দগ ও স্বজনবর্গ ছাড়িয়া দূরতর দেশে যাইয়া প্রাণপণে পরসেবার নিযুক্ত আছেন। ইয়ুরোপীয় এ সকল দেবী প্রকৃতি মহিলা-দিগের এ সমস্ত স্বর্গের দৃষ্টান্তের অনুকরণ করিলে এ দেশের নারীজাতির মধ্যে নূতন প্রাণের সঞ্চার হইবে। জ্ঞানগর্ভ পরিভাগ করিয়া তুণের স্থায় দীন না হইলে কিছুই হইবে না।

মঙ্গল কথা প্রাচীন শ্রেণীর ধর্মপরায়াণা মহিলাদিগের ধর্মভাব বিনয় ভক্তি স্নেহীতি সঙ্গীচর এবং ইয়ুরোপীয় সনুন্নতননা নারী-দিগের শিশুক ভাব ও সভ্যতা এই দুইয়ের সমন্বিত উন্নতিতে এদেশের নবমহিলাদের প্রকৃত উন্নতি নির্ভর করে। তত্ত্বিন্ন অল্প উপায়ে নহে। ধর্ম, সঙ্গীচর ও সামাজিকতা-স্বার্থপর সভ্যতাতে নারীজীবনের অধোগতি হয়।

### স্ত্রীশিক্ষা ।

আমরা মুক্তি ফৌজের নেতা জেনারল,

বুণের স্ত্রীজাতি সম্বন্ধে যে একটি বিজ্ঞাপনী প্রচার করিয়াছেন তাহা পাঠিকাবর্গের নিকট গতবারে উপস্থিত করিয়াছি। “নর-নারীর সমান অধিকার” প্রথমে নগর সংকীর্ণনে প্রচারিত হইয়াছে। সেই অধিকার লইয়া ব্রাহ্মসমাজের মধ্যে দ্বিমত উপস্থিত হয়। একদল বলেন স্ত্রী এবং পুরুষের মানসিক বৃত্তি সমানরূপে বিকশিত হইবে—আর এক দল বলেন যে, কতকগুলি বৃত্তি নারী জাতির বিশেষ এবং কতকগুলি পুরুষ জাতির মধ্যে বিশেষ। এই বিশেষত্ব রক্ষা করিয়া শিক্ষা দান করা প্রথমোক্ত দল নারীকে পুরুষের স্থায় বিশ্ব-বিদ্যালয়ের পাঠ্য অধ্যয়ন এবং পরীক্ষা দান করিতে বলেন এবং তাঁহাদের আন্দোলনে নারীদের জন্য কলেজ ও গার্লস্‌সেণ্ট স্থাপন করিয়াছেন। ইতিপূর্বে যেকোন পাঠ্য নির্বাচিত ছিল তাহাতে সকলকেই জটিল অক্ষশাস্ত্রে পরীক্ষা দিতে হইত। এক্ষণ পাঠের এমন সুবন্দোবস্ত হইয়াছে যে, বাহার মস্তিষ্ক অক্ষবিদ্যায় অপারগ তাহার অল্পবিধ বিষয় অধ্যয়ন করিয়া পরীক্ষা দিলে চলিবে। সুতরাং এক্ষণ বাহার বাহা রুচি এবং ক্ষমতানুযায়ী পাঠ্য নির্বাচন করিয়া পরীক্ষা দেওয়ার পথ সুগম হইয়াছে। কিন্তু বিশ্ব বিদ্যালয়ের প্রতিযোগিতা পরীক্ষা দিতে যাইয়া যেটা ছেলেদের শরীর সকল সময় বহন করিয়া উঠিতে পারে না। আর বাহার মাতা হইবেন তাঁহাদের শরীর যদি পরীক্ষালব্ধ উপাধিলালসায় ক্ষয় হয়, তবে ভাবী বংশের স্বাস্থ্য যে ক্রমে কোথায় দাঁড়াইবে ভগবানই

জানেন। স্ত্রীস্বাস্থ্য লোকই বেশী দেখা যায়। বিশ্ববিদ্যালয়ে অধ্যয়নকরিয়া অতি অল্পসংখ্যক মহিলাই কতকটা চলনসই স্বাস্থ্য লইয়া সংসারে প্রবেশ করিতে পারেন। বাহার আত্মীয় কুমারী থাকিবেন তাঁহাদের পক্ষে একরূপ শিক্ষা কতকটা শোভা পায়, আর বাহার নিজে অল্প সংস্থান করিতে বাধ্য কিম্বা আপন বৃদ্ধ পিতা মাতা প্রতিপালন অথবা আপন ভাই ভগিনীর লেখা পড়া শিক্ষাইতে নিজের কর্তব্য বোধ করেন তাঁহাদের পক্ষে একরূপ শিক্ষার গত্যস্তর না দেখিয়া অবলম্বন করিলে বলিবার কিছু থাকে না। অপরাপর বালিকাদের পক্ষে বিশ্ববিদ্যালয়ের প্রতিযোগী পরীক্ষা না দিয়া কেবল বি এ, এম এ পরীক্ষার পাঠ্য অধ্যয়ন করিলে জ্ঞানলাভ হইবে, কিন্তু একরূপ জ্ঞান যদি স্ত্রীজনোচিত কমনীয় ভাব নিচয়ের বিকাশপক্ষে সহায় না হয় তবে তদন্তসরণ বিধাতার অধিপ্রত কি না দেখিতে হইবে। উচ্চ শিক্ষায় প্রবৃত্ত মেয়েদের উচ্চ শিক্ষায় রত হইয়া অকাল মৃত্যু এবং চক্ষুর দৃষ্টি শক্তির নাশ এবং অশ্রুত অসুস্থতার লক্ষণ প্রকাশ পাইতেছে। বালকেরা বিশ্ববিদ্যালয়ে অধ্যয়ন করেন স্বাধীনভাবে চলা ফিরা করিতে পারাতে যথেষ্ট মুক্ত বায়ু সেবন এবং অঙ্গ চালনা করিতে পারেন। নব নব শিক্ষিত লোক এবং ধর্ম সম্প্রদায়সহ সাফল্য হওয়াতে শরীরমনের অনেক ক্ষুণ্ণতা লাভ করেন, এবং স্বাধীনভাবে দেহ মনের বিকাশের সুবিধা পান, কিন্তু অধ্যয়নরতা নারীরা বোর্ডিঙের সীমাবদ্ধ বাডীতে কিম্বা

স্বপ্নের সীমাবদ্ধ মধ্যে অধ্যয়ন করিতে মুক্ত বায়ু লাভে প্রায়ই বঞ্চিত থাকেন। যে পর্যন্ত নারীদের স্বাধীন ভাবে চলা ফিরা অবস্থাতে দেশ উন্নত না হয় তাৎপর্য নারী শিক্ষা অতি সাবধানে এবং ক্রমে ক্রমে দেওয়া বিধেয়। এটি ঋণ সত্য যে যে পর্যন্ত নারী জাতির শিক্ষা বি এ এম এ, বি এন্ সি এবং এম্ এন্ সি মত উচ্চ না হইবে সে পর্যন্ত নারী জাতি পুরুষের সঙ্গে সমকক্ষতা করিতে পারিবেন না এবং দেশেরও সমাক্ষ উন্নতি হইবে না। নারীর উন্নতিতেই দেশের উন্নতি। আমরা বর্তমান সময়ের ভাবে অবলম্বন করিয়া ইহা লিপিশ্যম। নারীর স্বাভাবিক তীক্ষ্ণ অনুভব শক্তি, অতুলনীয় সহিষ্ণুতা এবং কোমল ভালবাসা বৃত্তি যে শিক্ষা নষ্ট করে সে শিক্ষা মানব জাতির পক্ষে অকলাপকর। কেননা নারী হইতেই পুরুষ এবং নর নারীর বুদ্ধিবৃত্তি এবং ধর্মবৃত্তির পত্তন হইয়া থাকে। বাহার নারীর এ সমস্ত গুণের দিকে দৃষ্টি না করিয়া কেবল ইউরোপীয় এক সম্প্রদায়ের অঙ্গ অনুকরণ করেন তাঁহারা নারীর মৌলিকতা বিনাশ করিয়া দেশের যে কত অনিষ্ট করিয়াছেন তাহা বুকিলে দেশের অনেক ভারী অকলাপ পথ অবরুদ্ধ হইত। জগতের বিষয় “নারীর প্রকৃত প্রশস্ত এবং উচ্চ শিক্ষা ক্রম” তাহার আদর্শ বাহার মুখে প্রচার করেন তাঁহারা কার্যে কয়েকটা নারী প্রস্তুত করিয়া দেখাইতে পারিলে দেশ রক্ষা পাইত। গ্রাম দেশে অনেকে অল্প শিক্ষাপ্রাপ্ত যুবক পাঠশালা স্থাপন করেন

নিজের জীবিকা অর্জন জন্ত, ছুঃখের বিষয় অনেকে নারী শিক্ষায় জীবন দিয়া অনেক ষাটেন,নিজের ব্যক্তিগত আধ্যাত্মিক উদ্ভে-জন্য চরিতার্থ জন্য। সুতরাং আদর্শ নারী শিক্ষা প্রণালী এ যাবৎ কেহই দাঁড় করাইতে পারেন নাই। এদেশে সে দিন আসিবে কি না জানি না। ভরসা করি এ বিষয়ে শিক্ষিতা ধর্মপরায়ণা মহিলাগণ চিন্তা করিয়া দেখিবেন কোন্ উপায়ে প্রকৃত শিক্ষার প্রচলন হইতে পারে। আমাদের মধ্যে যাহারা চিকিৎসা বিদ্যায় গণ্য মান্য এবং শরীর বিদ্যায় পটু তাঁহারাও এ বিষয়ে যথেষ্ট সহায়তা করিতে পারেন। স্বর্গীয় অধ্যাপক মোহিত চন্দ্র সেন এ বিষয়ে একটা আদর্শ স্থাপন করিতে যত্ন করিতেছিলেন কিন্তু তিনি পরলোকস্থ হওয়াতে আর কেহ সে স্থান পূরণ করিতে পারিতেছেন না।

সীতা ।

সন্ধ্যাকালে বালক বালিকাদিগকে লইয়া পড়িতে ও পড়াইতে বসিয়াছিলাম। গৃহিণী এক'গ্রমেনে কথাদিগের পড়া শুনিতেছিলেন। একটা কথা কীত্তিবাস রামায়ণ পাঠ করিতেছিল। সীতার জন্ম বৃত্তান্ত পড়িতে পড়িতে বালিকা হঠাৎ থামিয়া গেল। বালক বড় চঞ্চল, সে নিজের পড়া ভুলিয়া গিয়া দিদির পড়া শুনিতে ছিল সে বলিয়া উঠিল “বাহবা বেশ ত? রাজা আবার নাঙ্গল দিয়া জমি চাষ করে। আসল কথা—কীত্তিবাস বলি-

তেছেন রাজর্ষি জনক ভূমি কর্ষণ করিতে করিতে নাঙ্গলের ফলার অগ্রভাগে মাটির নীচে একটা পরমা সুন্দরী কণ্ঠারত্ন লাভ করিলেন। সেই কণ্ঠাই সীতা। গৃহিণী হাশ্বগুণে বলিলেন “তা'হলে সীতা “কুড়ান” মেয়ে, রাজ কণ্ঠা নহে।”

আমি। তা'তে কি আর সন্দেহ আছে?

গৃহিণী। তবে, সীতা “জনক ছুহিতা” না হইয়া “জনকপালিতা” বলা সম্ভব। আচ্ছা, একটা কথা জিজ্ঞাসা করি যদি এই কণ্ঠাটা পরমাসুন্দরী না হইয়া নিতান্ত কুৎসিতা হইত, তা'হলে জনক রাজা কি করিতেন?

আমি সহাস্ত্রে উত্তর করিলাম “তাহা হইলে হয়তো জনক রাজা শিশুটিকে কলিকাতার কোন অনাথাশ্রমে পাঠাইয়া দিতেন।” আমার উত্তর শুনিয়া সকলেই খুব হাস্য করিয়া উঠিল।

গৃহিণী। বোধ হয় আগেকার রাজাদের সময় সামাজিক শাসন বিধি কিছুই ছিল না। আজ কাল এমনিধারা একটা শিশু পাইলে হাঙ্গামার অবধি থাকে না। দারোগা পুলিশের টানাটানি শেষ হইলে পর শিশুটির অদৃষ্টে যাহা থাকে তাহাই ঘটে। হাজার সুন্দর হইলেও কোন ব্যক্তি সেই অজ্ঞাতকুলশীলকে গ্রহণ করিতে সাহসী হয় না। সমাজ তাহাতে বাধা দেয়।

আমি।—সে সময় সামাজিক শাসন না থাকিলেও লোক নিন্দার ভয় যে যথেষ্ট ছিল, সীতা—নির্কাসনই তাহার চূড়ান্ত দৃষ্টান্ত।

এখনও প্রধান পদে নিযুক্ত !! এখন বিবাহ-সময় মহা আন্দোলন উপস্থিত হয় তখন মহারাণীর (কোন কোন) চিঠি যাহা তিনি তাহার শাশুড়ী প্রভৃতিকে লিখিতেন,বিপক্ষ সমাজকে সেই ব্যক্তি সে সকল জানাইত। লোকে বলে উক্ত প্রধান কর্মচারী শিক্ষিত ও সত্য, কিন্তু কোন্ রাজকর্মচারী রাজার শত্রুতাচরণ করিয়া সে রাজ্যে থাকিতে চাহে? তাহাকে educated কি বলা যায়? প্রধান কর্মচারীর উৎসাহে ও সাহায্যে কুচবিহার রাজ্যে আবার এক বিপক্ষ সমাজ হইয়াছে। কোন ভাগ খুঁটান কি যিহদি-দিগের মন্দিরের জন্ত টাকা দেয়?

কুচবিহারের বিরোধী দল একটা মন্দির, একটা দল, এমন কি একটা নূতন ধর্ম পর্যন্ত বাহির করিল! আচ্ছা কেন তবে সে সব লোকে মহারাজা ও মহারাণীর কাছে দুই চারি টাকার জন্য ভিক্ষা চায়! আমি অনেক বার শুনিয়াছি যে, সাধারণ সমাজকে কুচ বিহারবিরোধী সমাজ বলা উচিত। তাহারা কি করিয়া তাহাদের মন্দির কুচবিহারে প্রস্তুত করিল, ইহা ভাবিতেও পারি না। ইংরাজিতে যে বলে gentleman যে সে কখনও অভদ্র ব্যবহার করে না শিক্ষিত যে সে মূর্খের ব্যবহার করে না। মহারাণীকে অনেকে বলে, “কেন এ সমাজ কুচবিহারে? এই একটা লাইনে বুঝা হাইতেছে, কুচবিহার রাজ্যের এখনও কত অবনতি? কর্মচারী-রাই এ রাজ্যকে মলিন করিতেছে! মহা-রাজ ও মহারাণী কুচবিহারে থাকিয়া এরূপ নীচ কার্যকে প্রশ্রয় দেন ইহা বড়ই আশ-চর্যের বিষয়।

শুনিতেছি শীঘ্রই কুচবিহারবিবাহের সমস্ত কথা ও চিঠি লিপিবদ্ধ হইয়া বাহির হইবে। সে সব পড়িয়া সাধারণে জানিবে কি ভয়ানক নীচ, অভদ্র, অশিক্ষিত কথা যাহারা জনসমাজে ভদ্র বলিয়া পরিচিত তাহারা লিখিয়াছে।

একটা কথা আমার সকলের অপেক্ষা নীচ বলিয়া মনে হয়, এই যে, যাহারা দীক্ষা-গুরুকে অপমান, অভক্তি, অবিশ্বাস করিল লোকে তাহাদের বিরূপে শ্রদ্ধা করে? গুরুনিন্দা মহাপাপ শৈশব হইতে শুনিয়া আসিতেছি। এখন কি কলিকাল বলিয়া পৃথিবী এ দাপ ভার সহিতেছেন!

—

প্রাপ্ত।

মহিলা সমিতি ।

ভাগলপুর ১৮ই জুলাই, ১৯০৮।

ষোড়শ অধিবেশন। সন্ধ্যা ৭ ঘটিকার সময়।

উপস্থিত;—

শ্রীযুক্তা দীন তারিণী মুখোপাধ্যায়।

” যমুনা কুমারী।

” করুণাময়ী দাস।

” হেমাস্বিনী ঘোষ।

” সরোজিনী চট্টোপাধ্যায়।

একটা ক্ষুদ্র প্রার্থনার পর সমিতির কার্য আরম্ভ হইল। পূর্ব সমিতির বিবরণ পাঠ হইলে পর শ্রদ্ধেয় নিবারণ বাবু ব্রহ্ম-গীতোপনিষৎ হইতে “অস্তুরে বাহিরে ভ্রমণ” বিষয়ে পাঠ করিলেন যে, প্রথম গতি বাহির হইতে ভিতরের দিকে, প্রথমে বাহিরের সমস্ত সংঘম করিতে পারিলে ক্রমেই ভিতরে

যাইতে হইবে। বাহিরে যেমন অনেক দীর্ঘ পথ ভিতরের পথও তেমনি অনেক দূর। ভিতরের দিকে মিয় হইতে বিঘ্নতর স্থান আছে। উপাসনা করিতে হইলে চক্ষু মুদিত করিতে হয়, ধ্যান করিতে হইলে কাণ বন্ধ করিতে হয়, পূজা করিতে হইলে হাত দুটি জোড় করিতে হয়, পা দুটি সঙ্কুচিত করিতে হয়। যত বারই উপাসনা করিবে ততবারই এ সকল ইন্দ্রিয়কে বাহির হইতে ভিতরে লইয়া যাইতে হইবে, ভিতরের রাজ্যে যাইতে না পারিলে যোগধ্যান করা যায় না। অন্তর সাধিত হইলে সেই অবস্থায় বাহিরে আসিতে হয়।

পরে স্বর্গগতা মুক্তকেশী দেবীর জীবন বিষয়ে আলোচনা হইল। শ্রীযুক্তা দীনতারিণী মুখোপাধ্যায় তাঁহার জীবনসম্বন্ধে যাহা লিখিয়াছেন তাহা পাঠ করিলেন, তিনি বলিলেন যে “স্বর্গীয়া ভগ্নী মুক্তকেশী দেবীর সহিত আমরা কিছু দিন বাস করিয়াছি, তাঁহার জীবনে কতকগুলি সুন্দর গুণ ছিল। তাঁহার ধর্মজীবন গভীরতা লাভ করিয়াছিল। বাহিরে কেহ না জানিতে পারে, কিন্তু আমরা একত্র থাকিয়া তাহা দেখিয়াছি, তাঁহার আদর্শ জীবন আমাদের মুগ্ধ করিয়াছে। ভগিনীর জীবনে ভক্তি-প্রেম সুন্দর রূপে প্রফুল্লিত হইয়াছিল। তাঁহাদের—প্রচারকের পরিবারে আর্থিক অবস্থা সচ্ছল ছিল না, নিজ হাতে তাঁহাকে সমুদয় করিতে হইত। তথাপি তাঁহাকে কখনও বিরক্ত বা বিমর্ষ দেখি নাই। অতিথি আসিলে কখনও বিরক্ত হইতেন না, অত্যন্ত আদর যত্ন করিতেন। এই সমস্ত সংসারের

কর্তব্য সমাধা করিয়াও প্রতিদিন নিয়মিত রূপে ব্রহ্মপোসনা করিতেন।”

(১) পরে শ্রীমতী হেমাঙ্গিনী ঘোষের প্রস্তাবে ও সর্ব সন্মতিতে এই নির্দ্বারগ হ'ল যে, এই সমিতি অত্যন্ত ছুঃখের সহিত পরলোকগতা দেবী মুক্তকেশী মজুমদার মহাশয়ার পরলোক গমনের সংবাদ শ্রবণ করিয়াছেন ও এই ছুঃখের ঘটনার শোক সন্তপ্ত হইয়াছেন; তিনি বঙ্গীয় ব্রাহ্মিকাদিগের মধ্যে একজন বিশেষ অগ্রণী ছিলেন। তাঁহার জীবন অনেক বিষয়ে অনুকরণীয়; প্রতিকূল সাংসারিক অবস্থার মধ্যে থাকিয়াও এবং বঙ্গ রমণীর স্বাভাবিক সরলতা, লজ্জাশীলতা বিনম্রতা মিষ্ট শান্ত ভাব এবং সাধারণে প্রকাশিত হইবার অনিচ্ছুকতা সম্পূর্ণ বজায় রাখিয়াও নিজে বিভিন্ন প্রকার গৃহকার্য্য সকল সমধিক সুদক্ষতা ও পারিপাট্যের সহিত প্রসন্ন চিত্তে সম্পন্ন করিতেন, ও বর্তমান যুগধর্ম্মানুযায়ী আধ্যাত্মিক ধর্ম্মজীবনগঠনে ও লাভে অক্ষুণ্ণ যত্নবতী থাকিতেন, এবং অনেক নিষ্ঠা ভক্তি দৃঢ়তালাভ করিয়াছিলেন। তাঁহার পরলোক গমনে আমরা একটা উৎকৃষ্ট আদর্শ হারাইয়া শোক সন্তপ্ত হইয়াছি।

(২) শ্রীমতী যমুনা কুমারীর প্রস্তাবে ও শ্রীমতী সরোজিনী চট্টোপাধ্যায়ের পোষকতায় সর্বসন্মতিতে ধাৰ্য্য হইল—এই নির্দ্বারগের নকল তাঁহার ভক্তিভাজন স্বামী ও স্নেহভাজন পুত্রগণের নিকট পাঠান হউক।

পরম ভক্তিভাজন শ্রীযুক্ত বাবু দীননাথ মজুমদার মহাশয় সমীপেষু—  
আপনি বোধ হয় জানেন যে এখানে

ফলতঃ যে সীতা আমাদের প্রাতঃস্মরণীয়া, আর্ধ্যানারী-কুলের শিরোমণি, তাঁহার জন্মটা একপে সন্দেহজনক ও প্রহেলিকাপূর্ণ কেন করা হইল, বুঝিতে পারা গেল না। লক্ষার অত্যাচারী রাক্ষস-রাজ রাবণকে বধ করিবার জন্ত নারায়ণ চতুর্মূর্ত্তিতে অযোধ্যার রাজ পুরতে জন্ম গ্রহণ করিলেন। আর সাত বৎসর পরে, লক্ষ্মীকৃপিনী সীতা বিদেহ নগরের জঙ্গলে মৃতিকার নিম্নে আবিষ্কৃত হইলেন। ইহা যে একটা ঘোর সমস্যা। ত্রেতা যুগের দেবতারা অসীম ক্ষমতাপালী হইয়াও একটা রাক্ষসের ভয়ে বেরূপ দুর্বলতার পরিচয় দিয়াছিলেন, তাহাতে হাশ্র মস্বরণ করা যায় না। ব্রহ্মা, বিষ্ণু, মহেশ্বর এই তিন দেবতাই তখন প্রধান ছিলেন। ব্রহ্মা রাক্ষস-রাজকে এসন একটা বর দিয়া ফেলিলেন, যাহাতে তাহার অস্ত্র-ভয় চলিয়া গেল, সে এক প্রকার ‘অমর’ হইয়া গেল। ভোলামহেশ্বর রাক্ষসের ছল বুঝিতে না পারিয়া তাঁহার অতি ভক্তির মায়ায় বাঁধা পড়িয়া নিজ স্বাধীনতাটুকু পর্য্যন্ত হারাইয়া ফেলিলেন। রাবণ বিষ্ণুর জন্ত ততটা ভাবনা করিল না। কারণ, বোধহয় তাহার বিশ্বাস জন্মিয়াছিল যে, তিনি ঘোর সংসারী; লক্ষ্মীকে ছাড়িয়া একপাও তাঁহার নড়িবার সাধ্য নাই। সুতরাং তিনি হানাহানি কাটাকাটিতে আসিবেন না। তার পর রাবণ উল্লাসে ছোট ছোট দেবতা যথা ইন্দ্র, বরুণ, সূর্য্য, যম প্রভৃতিকে ধরিতে লাগিল, আর তাঁহাদের হাত পা বাঁধিয়া একেবারে লক্ষায় আনিয়া ফেলিতে

লাগিল। কি বিড়ম্বনা! কি কষ্ট!!—ইন্দ্রের বজ্র, বরুণের পাশ, সূর্য্যের বিশ্বধ্বংসাতোজ যমের সর্বনাশী যমদণ্ড, তখন কোথাই ছিল! দেবতাদিগের এহেন অবস্থা, এবং রাক্ষস-বল ক্রমেই প্রবল হইতে দেখিয়া ব্রহ্মা নিজের জন্ত ভাবিত না হইবেন কেন?

বন্দী দেবতাবর্গের সন্তানাদির ক্রন্দন রোল এবং দেবপত্নাদিগের বিলাপধ্বনি বিষ্ণুর একেবারেই অসহ্য হইয়া উঠিল। তিনি প্রতিজ্ঞা করিলেন এই রাক্ষস বংশ সমূলে ধ্বংস করিয়া দেবতাদিগের উদ্ধার করিতেই হইবে। এদিকে পৃথিবীর অবস্থা শোচনীয় হইয়া উঠিল, রাত বেজায় লম্বা, রুষ্টি নাই, সমুদ্র শুষ্কপ্রায়; আধমরা রোগী অন্তিমশয্যাশায়ী বৃদ্ধ ও বৃদ্ধাগণ যাতনায় ছটফট করিতে লাগিল। পৃথিবীতে হাহাকার ধ্বনি!

বিষ্ণু কালবিলম্ব না করিয়া লক্ষ্মীঠাকুরাণীকে বলিলেন, “প্রিয়ে, আমি মর্তলোকে চলিলাম। তুমি দেবপত্নী ও তাঁহাদের সন্তানদিগের সুবন্দোবস্ত করিয়া পশ্চাতে চলিয়া আসিও।” সে সময় দশরথ রাজা পুত্রলাভার্থে একটা বিরাট যজ্ঞের আয়োজন করিয়াছিলেন। তিন রণী কৌশল্যা, সূমিত্রা ও কৈকেয়ী পুত্রবতী হইয়া মহারাজকে পুনাম নরক হইতে উদ্ধার করিবেন। বিষ্ণু দ্রবীভূত হইয়া যজ্ঞের চরুতে মিশ্রিত হইয়া গেলেন, এবং তার পর ঘটনা-চক্রে রাণীদিগেরগর্ভে চতুর্মূর্ত্তিতে জন্ম গ্রহণ করিলেন।

• লক্ষ্মীঠাকুরাণী নারায়ণবিরহে অধীরা

ও চঞ্চলা হইলেন ও দ্বারীর আদেশ পালন করিতে অর্থাৎ বৈকুণ্ঠের সমস্ত কাজকর্মের বন্দোবস্ত করিতে সাতটি বছর কাটাইলেন। তার পর অস্থির চিত্তে দ্বিধাদিক্ জ্ঞানশূন্য হইয়া স্বর্গ হইতে লক্ষ প্রদান করিলেন। ব্রহ্মা দেখিলেন সর্বনাশ উপস্থিত, লক্ষ্মী যদি পৃথিবীর আবর্তনে পাহার পর্বতে বা সমুদ্রে পতিত হন, তাঁহাকে রক্ষা করিবার কেহ নাই। তিনি তাড়াতাড়ি শূন্যপথেই লক্ষ্মীকে সদ্যপ্রসূতা বালিকার আকারে গড়িয়া ধীরে ধীরে মৃত্তিকার উপরে রক্ষা করিয়া আসিলেন।—এইরূপ একটা ঘটনা বিশ্বাস না করিলে রামায়ণ ‘অশুদ্ধ’ হইয়া পড়ে। বলিহারী কবির কল্পনা !!

যাহাউক, সীতা জনক রাজ ভবনে শশি-ফলার স্থায় দিনদিন বাড়িতে লাগিলেন। অজ্ঞাত কুলশীলা বলিয়া তাঁহার প্রতি স্নেহ মমতা বা যত্নের ক্রটি হইল না। কারণ, রাজর্ষি দৈববাণী শ্রবণ করিলেন, ইনি স্বয়ং লক্ষ্মী। সীতার কিশোর কাল প্রায় অবসান, যৌবন আসিবার জন্ত পঞ্জিকায় ভাল দিন খুঁজিতেছে—এমন সময় অর্থাৎ তাঁহার দশম বৎসর বয়সে রাজা জনক তাঁহার বিবাহের জন্ত নিতান্ত ব্যস্ত হইয়া পড়িলেন।

ক্রমশঃ।

জনৈক মহিলা হইতে

প্রাপ্ত।

আজ আমি কোন বিশেষ কারণে “মহিলার” নিকট উপস্থিত। অনেক দিন

হইতে ভাবিতেছি এ কয়টা কথা লিখিয়া সাধারণ মহিলাগণের সঙ্গে মন খুলিয়া সত্য কথাগুলি বলিয়া যাই। ছুই চারিজনকে এ ভাব আমার প্রকাশ করিয়া দ্বিধাবার কথা বলিলাম। তাঁহারা বলিলেন, “কথা ত সত্য, কিন্তু এখন বাহির না করাই ভাল।” আমি ভাবিয়া দেখিলাম সময় কাহারও জন্ত বন্ধ থাকে না, আর মৃত্যুও লোকের ইচ্ছামত আসে না। আর যখন জীবন এত অনিশ্চিত, তখন সত্য কথা যে যত পরিমাণে বত শীঘ্র পরে প্রচার করিয়া যায় ততই ভাল।

আমার উদ্দেশ্য এই কুচবিহারের বিবাহ-সম্বন্ধে ছুই চারিটি কথা বলিতে। আমি যত এ বিষয় দেখিতেছি ও জানিতেছি ততই আমার হৃদয়ে একটা এ বিবাহের বিরোধী দিগের প্রতি অশ্রদ্ধা ও অভক্তি বাড়িতেছে। আমি কুচবিহার রাজ্যের অনেক খবর রাখি, সেখানকার প্রধান কর্মচারী হইতে অনেক কর্মচারীদিগকে জানি। কতক এক রকম বলিদান দিতে ধর্ম্মাচার্য্য ভিন্ন কে পারে? কিন্তু আমি সামান্য সংসারী, আমার কতক কখনও এমন করিয়া ছুঃখ পরীক্ষায় জন্মের মত ফেলিবার জন্ত আমি বিবাহ দিতাম না। তিনি কতক বলি দিলেন ধর্ম্মবলে, ব্রহ্মবলে। এ বিবাহে যাহারা অবিশ্বাস করিয়াছে তাহাদের নিজ জীবনও তাহারা কলঙ্কিত করিয়া ফেলিয়াছে।

সর্বসাধারণে জানে কুচবিহারের প্রধান কর্মচারী একজন এ বিবাহের মহা বিরোধী, কিন্তু বড়ই আশ্চর্য্য, এ লোকটি এ রাজ্যে

লিখিত। তাহার টীকাতে “সাধারণের অবগতির জন্ত উপরে প্রকাশিত হইল” স্থলে নিম্নে প্রকাশিত হইল, হইবে।

নিম্নলিখিত পত্রখান: যোগীন্দ্রসাল আমাদিগকে লিখিয়াছেন।

শ্রীচরণেযু—

এবারকার মহিলায় দেখিলাম ঠাকু-মার জীবনী সম্বন্ধে কোনও মহিলা প্রতিবাদ করিয়াছেন। তাঁহার প্রতিবাদ পত্রটি অবশ্য আমরা দেখি নাই, যেটুকু মহিলাতে বাহির হইয়াছে তাহাতে বুঝিলাম স্বর্গীয়া ঠাকুমার জীবনীর কোন কোন অংশ তাঁহার মতে ত্যাগ করা উচিত ছিল। এ বিষয় আমি ছ’একটা কথা বলিতে ইচ্ছা করি।

আমার ভক্তিভাজন পরলোকগত শশুর মহাশয়ের (কৃষ্ণবিহারী সেনের) এবং ভক্তিভাজন পরম ভক্ত কোনও প্রচারকের বিশেষ অনুরোধে আমি এ জীবনী লিখিতে প্রবৃত্ত হই। ভক্তিভাজন প্রচারক মহাশয় আমাকে এই বলিয়া উৎসাহিত করেন, তোমার দিদি মৌ হনু ও তোমার দেশের প্রচারক প্যারীমোহন যেমন আচার্য্যদেবের প্রার্থনা এবং উপদেশ লিখিয়া পৃথিবীকে উদ্ধার দিয়াছেন, সেই রকম তুমিও আচার্য্যমাতার জীবনী লিখিয়া নিজে ধন্য হও ও জগতের উপকার কর। উপরি উক্ত উপদেশ বাস্তবিক আমার মনঃপুত হইয়াছিল। তাহার পরেই আমি ঠাকুমাতে তাঁহার জীবনী বলিবার জন্ত বিশেষভাবে অনুরোধ করি। তিনি প্রথমে কিছুতেই স্বীকৃত হয়েন

নাই। “আমার আবার জীবন চরিত কি?” এই প্রশ্নিয়া উড়াইয়া দিতে চেষ্টা করেন। তার পর তাঁহাকে আমি এবং অত্যাচার আরও অনেকে বুঝাইয়া সম্মত কর। তাঁহাকে এই বলিয়াছিলাম যে “আপনার জীবনী আপনার সম্পত্তি নয়, সহস্র বৎসর পরে জগতের লোক যখন আপনাকে খুঁজিবে, এবং আপনার সম্বন্ধে নানাধিক সত্য মিথ্যা কল্পনা করবে, তখন আপনি এই জন্ত ভগবানের নিকট এবং জগতের লোকের নিকট দায়ী হইবেন। তার পর আমার অনেক অনুনয় বিনয়ের পর ঠাকুমা তাঁহার জীবনবৃত্তান্ত বলিতে আরম্ভ করেন। তিনি যখন তাঁহার জীবনী বলিতেন তখন সেইখানে তাঁহার কথা প্রভূতি সকলেই উগস্থিত থাকিতেন। জীবনবৃত্তান্ত বলিবার আগে তিনি আমাকে এই অনুরোধ করেন। যেন তাঁহার জীবদ্দশায় এবং মৃত্যুর অনেক দিন পরেও এই লেখা বাহির না হয়। পূর্ক অনুরোধ আমি রক্ষা করিয়াছি, কিন্তু শেষ অনুরোধ আপনার আদেশে রক্ষা করিতে পারি নাই। তবে যদি আপনারা বলেন তাহা হইলে অবশ্যই জীবনী এখন বন্ধ রাখিতে পারি।

তিনি যখন এ জীবনী বলিতেন এবং আমি যখন তাহা লিখিতাম, তখন আমি ইহাকে একটি পবিত্র ধর্ম্মগ্রন্থ বলিয়া মনে করিতাম, এবং সমসাময়িক সমুদায় লোককে ভুলিয়া সহস্র বৎসর পরে নব-বিধানাশ্রিত লোকের দিকে দৃষ্টি স্থির রাখিয়া লিখিতাম; সারদাসুন্দরীকে ঠাকুমা

না মনে করিয়া কেশবজননীৰূপে দেখিতাম, আমি নিজেকে সহস্র বৎসর পরের একজন কেশবপত্নী বলিয়া মনে করিতাম। ইহা দ্বারা আপনি বুঝিবেন সারদাসুন্দরীর জীবনের প্রত্যেক ক্ষুদ্র বৃহৎ ঘটনাবলী তাঁহার ধর্মমত, তাঁহার সংসারে ক্ষুদ্র ক্ষুদ্র বিষয় এবং তাঁহার পুত্র কথা ইত্যাদির সম্বন্ধীয় সমস্ত বিষয় কত আবশ্যিকীয়, কত মূল্যবান, কত মনোহর মনে করিতাম। এই সঙ্গে আর একটা কথা বলি, সারদাসুন্দরীর মধুর প্রকৃতির বিষয় আপনারা সকলেই অবগত আছেন, কিন্তু তাঁহার জীবনগ্রন্থ লিখিতে লিখিতে আমি তাঁহার সত্যনিষ্ঠা দেখিয়া একেবারে অবাক হইতাম। তিনি কি আশ্চর্য সত্য-পরায়ণা ছিলেন! তিনি সত্য ঘটনা সমুদায় বলিবার সময় এমন করিয়া বলিতেন যেন ইহার দ্বারা কাহারও মনে আঘাত না লাগে। প্রথমতঃ আমি তাঁহার কথানুসারে জীবনী লিখিয়া যাইতাম। লিখিবার পরই আবার সেইটী তাঁহাকে পড়াইয়া শুনাইতে হইত। যদি কোনও স্থানে একটা কথার ব্যতিক্রমের জন্ম তাঁর মনের ভাবও ভাষার মধ্যে বিভিন্নতা প্রকাশ পাইত তখনই তাহা কাটাইয়া, যতক্ষণ পর্যন্ত তাঁহার ভাব ও ভাষা ঠিক না হইত ততক্ষণ পর্যন্ত তিনি কোনও রকমে স্থির হইতেন না। বলিতেন “না ভাই, ঐটা ঠিক হইল না কাট।” ইহাতেই বুঝিবেন তাঁহার জ্ঞান ও বিশ্বাস মতে তিনি একবিন্দু মাত্র মিথ্যা এ জীবনেতে আসিতে দেন নাই। ইহার পর

তাঁহার পুত্র কথা ও নাত নাঙ্গীদের ও কুচবেহারের বিবাহের বিষয় যাহা তিনি নিজে প্রত্যক্ষ করিয়াছেন তাহা যখন তাঁহার নিজের সরল ভাষায় ব্যক্ত হইবে তাহা পড়িয়া সকলেরই মন আকৃষ্ট হইবে এবং অনেক পরিমাণে বিরোধী ভাব দূর হইবে। সকলের নিকট আমার এই বিনীত প্রার্থনা যে, কেশব জননীর জীবন পাঠ করিবার সময় আমরা যে, তাঁর সম সাময়িক লোক এই ভাবটি যেন ভুলিয়া যাই। এই সঙ্গে আমার আর একটি বিশেষ নিবেদন এই যে, কেশবজননী, কেশব চন্দ্র, মহর্ষি দেবেন্দ্র নাথ ও প্রেরিতগণ, আমাদের পিতা মাতা কিংবা অগ্রাণ্ড নিকট আত্মীয় একথাটা যেন আমরা আরও বিশেষ করিয়া ভুলিতে চেষ্টা করি। কারণ শেষে যখন আমাদের চিহ্ন মাত্র থাকিবে না, তখন তাঁহাদের জীবনের ক্ষুদ্র বৃহৎ ঘটনার স্মিতর দিয়া জগতের ইতিহাস ফুটিয়া উঠিবে। যদি এ জীবনীতে আপাততঃ কাহারও অপ্রিয় ঘটনা প্রকাশিত হয় তাহা হইলে সারদা সুন্দরী ও তাঁহার এই অনুগত জনকে জগতের ভবিষ্যৎ ইতিহাসের দিকে তাকাইয়া যেন ক্ষমা করা হয়। ইতি

আপনার স্নেহের

সেবক শ্রীযোগেন্দ্র লাল কাস্তুরী।

পুঃ—তাঁহার জীবনের অনেক ক্লেশ-কর ঘটনা ছিল, এবং তিনি তাহা সব সময় বলিতেন, কিন্তু জীবন চরিতে তিনি তাহা লিখিতে স্বীকৃতা হন নাই। পাছে ইহার দ্বারা কাহারও প্রাণে আঘাত

আমাদের ব্রাহ্মিকা মহিলাগণের একটা সমিতি আছে। এই সমিতিতে আমাদের সর্বপ্রকার উন্নতির বিষয় সকল আলোচিত হয়।

বিগত ১৮ই জুলাই এই সমিতির এক অধিবেশন হয়। তাহাতে স্বর্গগতা মুক্ত-কেশী দেবীর জীবন আলোচ্য বিষয় ছিল।

এই অধিবেশনে সর্বসম্মতিতে উক্ত জীবন সম্বন্ধে একটি নির্ধারণ ধার্য হইয়াছে ও তাহার নকল আপনাদের নিকট পাঠাইবার জন্ম নির্ধারিত হইয়াছে। সমিতির এই নির্ধারণ অনুসারে উক্ত নির্ধারণের নকল আপনাদের নিকট শোকসন্তপ্ত চিত্তে পাঠাইলাম, রূপা করিয়া গ্রহণ করিবেন।

আপনার নিকট পাঠাইলেই পরিবারস্থ সকলের নিকট পৌঁছাবে জানিয়া পৃথক ভাবে গুত্রগণের নিকট আর পাঠাইলাম না। অনুগ্রহ করিয়া আপনিই তাঁহাদিগকে দেখাইবেন

একান্ত বিনয়ান্বিত

শ্রীমতী সরোজিনী চট্টোপাধ্যায়।

ভাগলপুর ৩০শে জুলাই, ১৯০৮।

হামিদাদেবীর পত্র ।

১। শ্রীচরণ কমলেশু—

লালুদা, আপনার সুন্দর চিঠির যদি আমি উপযুক্ত হ'তে পার্তাম আজ আমার কত সুখ হোত।

আশীর্বাদে কথা ভাবিতে ভাবিতে আমি কোন রাজ্যে চলিয়া যাই; এই ২২। ২৩ বছর তাঁর পূর্ণ আশীর্বাদে আপনাদের

কাছে রয়েছি। সেদিন আপনি “অসুস্থতার ভিতর তাঁর আশীর্বাদ বিশেষ ভাবে আমাদের কাছে আসে” এবিষয়ে কত কথা বলছিলেন, তখন আমার অনেক কথা মনে হচ্ছিল, যে চিরদিন রোগের সঙ্গে সংগ্রাম করিতেছে, তাহার কাছে এসকল সমাচার আপনা হইতেই আসে। আমি ১৫ বছর বয়স থেকে রোগের সঙ্গে সংগ্রাম করিতেছি। তার আগে আমি সম্পূর্ণ সুস্থ ছিলাম। আমি মনে করি ইহা ভগবানের লীলা। ইহার ভিতর আমি তাঁর অজস্র আশীর্বাদ সমস্তোগ করিতেছি, তাঁর চরিত্রের অদ্বীত রহস্য ও পরিচয় পাইতেছি, জানি না আরও কত পাইব। যদি এত কষ্ট যন্ত্রণা আমার জন্ম না আসিত আমি বুঝি এ সকল গভীর অনুগ্রহ ও আশীর্বাদ হ'তে বঞ্চিত হইতাম। ইহার ভিতর কত শিখিলাম, কত বুঝিলাম। অনুতাপ, আত্মচিন্তা, আত্মতত্ত্ব লাভ করিলাম, আপনাকে কি বলিব? এই অসুস্থতার ভিতর সকলের কত গভীর সহানুভূতি, মেহ, ভালবাসা, আদর যত্ন লাভ করিতেছি ইহাই আমার জীবনের বিশেষ আশীর্বাদ। প্রার্থনা করুন আমি যেন এই বিশেষ আশীর্বাদে উপযুক্ত হইতে পারি।

১৯০৭। আপনার আদরের হামিদা।

২। শ্রীচরণেশু—

লালুদা, দুদিন আপনার চিঠির উত্তর দেওয়া হয়নি। এ বাড়ীতে আসলে আমার মনটা যত খুলে যায়, যত সুন্দর সুন্দর ভাবের বাতায়াত হয় কেন জানি না ও বাড়ীতে ততটা পাইবার সুযোগ হয় না।

তার কত কারণ হ'তে পারে। এক দেখি নিৰ্জ্জনতার মত প্রিয় আর অনুকূল অবস্থা আমার আর নাই। আমার এই পুরাতন কত দিনের কত স্মৃতি অঙ্কিত এই নিৰ্জ্জন ঘরখানিতে যখন আমি চুপ করে বসি একে একে অতীতের যেন সব রুদ্ধ দ্বারগুলি আমার সামনে খুলে যায়, আর অতীতের চিত্রগুলি আমার কাছে এত মিষ্ট লাগে এত আকর্ষণীয় লাগে যে, সে কথা আমি প্রকাশ করে উঠতে পারি না। অতীতে যত কিছু আমি পাইয়াছিলাম তাহা আমার পক্ষে যথেষ্ট; তখন আমি তাহা পাইরাই স্মৃতি হইয়াছিলাম; কিন্তু জানিতাম না তার পর ভবিষ্যতে আমার জন্মে এত স্মৃতি এত ব্যবস্থা অপেক্ষা করিতেছে। আমার অজানিতে ভগবান্ আমার স্মৃতির জন্ত এত আরোজন করিয়া রাখিয়াছিলেন, আমি না চাহিতে তাহা আমার নিকট আনিয়া ধরিলেন, মস্তোগ করিতে বলিলেন। সকল পাইলাম বটে, কিন্তু তবুও মনে কিসের আশঙ্কা কিসের ভাবনা। তখন মনে হয় এ অস্বাচিত আশীর্বাদ গুলির কিরূপে আমি মর্যাদা করিলাম, তাহা যথেষ্ট পারিলাম কি না, তাহা গ্রহণের উপবুদ্ধি হইলাম কি না, এসকল প্রশ্নের উত্তর দেয় কে? যদি এ প্রশ্ন না উঠিত এ সন্তোগে বাধা পড়িত না। বাধা ও আঘাত না পাইলে মানুষ খাঁটি হয় না, এ স্মৃতিও এত মিষ্ট লাগিত না, ভগবানের আশ্রয়লাভের জন্ত এত ব্যাকুলতা আসিত না। ছুংখের ভেতর পড়িয়া মানুষ খাঁটি হইতে গেখে, ভাল হইবার জন্ত একটা প্রবল আকাঙ্ক্ষা হয়, আর

সে আকাঙ্ক্ষা ভগবানে পরিতৃপ্ত হয়। সেই পরিতৃপ্তির নামই স্মৃতি। অস্বাচিত এই স্মৃতি কত বারই আমি পরিতৃপ্তি লাভ করিলাম।

এখন আমার স্মৃতির এক একটি অংশ আপনাদের হাতে, আমার জীবন ও চরিত্র-গঠনের কত তার আপনাদের উপর নির্ভর করিতেছে। ভগবান্ আপনাদের সঙ্গে পরিচয় করিয়া দিয়া কত পথ পরিষ্কার করিয়া দিলেন। কত সময় নিজেকে ধন্য মনে অরি। দুরে থাকিয়াও যে সেবা আপনার পাই তাহা আর কে দিতে পারে? এ পবিত্র সরল আকর্ষণ কোথা হ'তে আসিল? এ আকর্ষণের ভিতর ধর্ম্য ভিন্ন আর কি আছে? কোন্ মলিনতার চিহ্ন ইহাকে স্পর্শ করিতে পারে? ধর্ম্যপথের সহায় আপনারা। আমার জন্ত আপনার এ দায়িত্ব যেন কোন দিন কম না হয়। সকল সময় আপনাদের পবিত্র স্মৃতি যেন আমাকে অন্টার এবং পাপ হইতে রক্ষা করে। ভগবান্ আমাদের নিকট উন্নতির পথ উজ্জ্বল এবং পরিষ্কার করিয়া দিন। তাঁর ইচ্ছা ধন্য হোক। আমার জন্ত প্রার্থনা করিবেন। আমার ভক্তিপূর্ণ প্রণাম গ্রহণ করুন।

বাঁকিপুর } আপনার আদরের  
২২শে ফেব্রুয়ারী } হানিদা।

কেশবজননী সাধ্বী সারদাদেবী ।  
ভ্রম সংশোধন ।

বিগত কার্তিক মাসে মহিলার ১০১ পৃষ্ঠার প্রথম কলামের শেষ পেরাগ্রাফ হইতে শ্রীমান্ যোগেন্দ্র লাল কান্তগিরির

লাগে। ঐ সব বিষয় বলিলে তাঁহার জীবনটি আরও প্রকৃত সুন্দর রূপে প্রকাশিত হইত। যোঃ—

এই ত্রে গেল আচর্যের জননীর নিজ-মুখে বিবৃত আত্মজীবন বৃত্তান্ত। ইহা এক প্রকার ঐতিহাসিক কাহিনী। তিন নিজে না বলিলে ইহার অধিকাংশ আমা-দের জানিবার উপায় ছিল না নিজের সদৃশ ও উচ্চভাব সকল কে নিজে বলি-থাকে? ঐতিহাসিক বিবরণ আরও কিছু অবশিষ্ট থাকিলে তাহা প্রকাশ করিয়া মাতার স্বাভাবিক বৈরাগ্য ও দীনতা ভগবদ্ভক্তি প্রার্থনাশীলতা পরসেবা ও গৃহকর্ম্মনেপুণ্য ইত্যাদি তাঁহার জীবনের অসাধারণ সদৃশ সকল পরিষ্কার রূপে লিখিয়া যোগেন্দ্র লাল বা সরলা দেবী জীবনীর উপসংহার করেন, এবং তাহা পুস্তিকার আকারে প্রকাশ করিয়া বঙ্গ-মহিলাদের হিতার্থ প্রচার করেন ইহা একান্ত প্রার্থনীয়।—সং।

### দেবী গান্ধর্বা ।

টাঙ্গাইল বেড়া বুচিনা নিবাসী শ্রদ্ধেয় বন্ধু শ্রীযুক্ত চরিত্রাথ নিয়োগী মহাশয় হরিভক্তিপরায়ণা পরমা সাধ্বী স্বর্গগতা জননী গান্ধর্বা দেবীর জীবনবৃত্তান্ত সংশো-ধিত বক্তিত আকারে পুনর্মুদ্রিত হইয়াছে। পুস্তকের নাম দেবী গান্ধর্বা। এই পুস্তকে শিক্ষণীয় অনেক বিষয় আছে। আমরা পুস্তক পড়িয়া অতিশয় আনন্দিত হইয়াছি। আমরা এই পুস্তক এক এক খানা গ্রহণ

করিয়া পড়িবার জন্ত মহিলাদিগকে বিশেষ-রূপে অনুরোধ করি। এবার সেই জীবনী পুস্তক হইতে নিম্নে কিছু উদ্ধৃত করিয়া দেওয়া গেল;—

### জীবনের নানা কথা ।

গান্ধর্বা সাধন ভজনের প্রায় সমুদায় কার্য। নিৰ্জ্জনে গভীর ভাবে সম্পন্ন করিতেন। নামজপ, গ্রহপাঠ ও সংপ্রসঙ্গ তির সঙ্গনে আর কোনরূপ সাধন করিতে দেখা বাইত না। অতি সহজ হেমের মধুগয় ধর্ম্য তাঁহার ছিল। কুলুকাদি অস্বাভাবিক উপায় তাঁহাকে কখনও অবগ-নন করতে দেখা যায় নাই। নিৰ্জ্জন-তার অনুরোধেই তিনি শেষে জীবনে অপরিস্রবত কোল হরণপূর্ণ বৃন্দাশ্রম হইতে নিভৃত রাধাকুণ্ডে বাইরা সাধন ভজনে জীবনান্তিপাত করিয়াছিলেন। গৃহে থাকা সময়ে অনেক সময় ভজনে রত থাকিতেন। সন্তান সন্ততি বা আত্মীয় স্বর্গগণের প্রতি বাহিরের ভাবে তত অধিক স্নেহ মমতা প্রদর্শন করিতেন না। তাহা দেখিয়া সাধা-রণ লোকের অনেকে তাঁহাকে স্নেহ মমতা-হীন কঠিন হৃদয় বলিয়া মনে করিত। প্রকৃত পক্ষে তিনি স্নেহমমতা হীন ছিলেন না। যে হৃদয় স্বর্গীয় মহাপ্রেমে পরিপূর্ণ তাহা কখনও কঠোর হইতে পারে না। তাঁহার স্নেহ মমতা অসাধারণ ছিল, এজন্য সাধারণ লোকে বৃষ্টিতে পারিত না।

তাঁহার সন্তানগণ উচ্চ পদাভিষিক্ত কি বিভবশালী হউক, এ আকাঙ্ক্ষা তাঁহার অধিক ছিল না। সন্তানগণ সচ্চরিত্র ভগ-

বহুতল ও হরিপরায়ণ হয়, এই তাঁহার হৃদ-  
য়ের আকাঙ্ক্ষা ছিল। বাহিরের ধন সম্পত্তি  
হইতে তিনি নিত্যধন ধর্মধনকে অধিক  
মনে করিতেন। সন্তানগণ তদনুরূপ জীবন  
পায়, এ আশা ও প্রার্থনা তাঁহার চিরদিন  
ছিল। সন্তানগণের চরিত্রগঠনের দিকে  
তাঁহার বিশেষ দৃষ্টি ছিল।

অসার সাংসারিক পসন্দ, নারীজনমূলভ  
নানাবিধ বৃথা বাক্যলাপ হইতে গান্ধর্কী  
সর্বদা দূরে থাকিতে চেষ্টা করিতেন।  
গ্রাম্যকথার মন দিলে ধর্মজীবনের গভীরতা  
নষ্ট হয়, ব্যর্থ প্রসঙ্গাদি ধর্মশাস্ত্রমতে অতি  
গুরুতর অপরাধ এ বিশ্বাস তাঁহার অতিশয়  
উজ্জ্বল ছিল। “গ্রাম্যকথা না কহিবে আর  
গ্রাম্য কথা না শুনিবে” এই মহা উপদেশ-  
বাণী তিনি অনেক সময়ে উচ্চারণ করিতেন  
এবং সাবধানে তদনুরূপ জীবন গঠন  
কারিতে নিরত বহুশীলা ছিলেন। গৃহে  
থাকিয়া তাঁহার সে চেষ্টা সম্যক ফলবতী  
হয় নাই। গৃহত্যাগ করিয়া বৃন্দাবনে ও  
বৃন্দাবন হইতে রাবাকুণ্ডে গমনের ইহাই  
একটি প্রধান কারণ ছিল।

গান্ধর্কী সাধুভক্ত এবং শুদ্ধাচারী  
বৈষ্ণবদিগের প্রতি অত্যন্ত ভক্তি শ্রদ্ধা  
প্রকাশ করিতেন। প্রাচীন ভক্তিমতী  
বৈষ্ণবী ও ভক্তিমান বৈষ্ণবের সাক্ষাৎ লাভ  
ইহাই তাঁহার সর্বোচ্চ নমস্কার করিতেন,  
এবং সুযোগ পাইলে পরমার্থবিষয়ে কিছু  
প্রসঙ্গ করিতেন, তাঁহাকে অন্তরঙ্গ সাধক  
বলিয়া বুঝিতে পারিলে সমধিক শ্রদ্ধা ও  
আদর করিতেন। হীনজাতীয় ব্যক্তিও  
যথার্থ বৈষ্ণবাচারসম্পন্ন হইলে তিনি কোন

বিধা বোধ করিতেন না। তিনি বলিতেন,  
বৈষ্ণবদিগের জাতিবিচার মহাপাপ। জাতি-  
বিচার করিয়া বৈষ্ণবকে ঘৃণা করিলে  
জীবের অধোগতি হয়। জাতি কুল মান  
শ্রীভগবানের চরণে উৎসর্গ করিয়া শুদ্ধ ও  
অকিঞ্চন বৈষ্ণব হইতে হয়, তাঁহার সম্বন্ধে  
আবার জাতিবিচার কি? বৈষ্ণব যে কৃষ্ণ-  
দাস। তাঁহার এই উদার মত সামাজিক  
নিগ্রহের অন্ততর কারণ হইয়াছিল। পরে  
এই নির্যাতনের ভাব অনেক হ্রাস হইয়া  
আইসে। সাধু বৈষ্ণবদিগকে তিনি পরম  
সমাদরে আহ্বান করাইতেন। কখন কখন  
অর্থ ও বস্ত্রাদি সাহায্য করিয়া আপনাকে  
কৃতার্থ বোধ করিতেন। শেষজীবনে তাঁহার  
এই সাধুসেবা ভ্রতপালনের ভাব সমধিক  
বৃদ্ধি প্রাপ্ত হইয়াছিল, সামাজিক ও লৌকিক  
প্রণালীরূপ সর্ব সাধারণের ভোজ্য দিতে  
আর তেমন আগ্রহ ছিল না। সাধুসেবাই  
জীবনের একটা উচ্চ লক্ষ্য হইয়াছিল। এক  
একটি সাধু ভক্তের সেবা করিতে পারিলে  
তিনি যে কত আনন্দ প্রকাশ করিতেন  
তাহা বলা যায় না। সুযোগ পাইলেই  
বৈষ্ণবমহিমাসূচক কত ভক্তকথা বলিতেন।  
“চণ্ডালোহপি বিজশ্রেষ্ঠো হরিভক্তপারায়ণঃ”  
এই শাস্ত্রীয় বচনে তাঁহার প্রবল বিশ্বাস  
ছিল। সাধুগণের সঙ্গ লাভ হইলে তাঁহাদের  
রূপায় ও আশীর্বাদে কৃষ্ণভক্তি ও শ্রীকৃষ্ণ  
মতি হয়, সাধু রূপা ভিন্ন পারমার্থিক জীবন-  
লাভে কেহ সমর্থ হয় না, এ বিশ্বাস তাঁহার  
অতি দৃঢ় ছিল। “বিনা মহৎ পাদরজোহভি-  
ষেকং” এই শ্লোকংশ তিনি এক এক সময়ে  
শ্রদ্ধাপূর্বক পুনঃ পুনঃ উচ্চারণ করিতেন।

গান্ধর্কী ব্রাহ্মণ পণ্ডিতদিগের প্রতি  
সম্মান প্রদর্শনে ক্রটি করিতেন না। কিন্তু  
অধিকাংশ ব্রাহ্মণ পণ্ডিতকে তিনি ভক্তি-  
হীন বলিয়া রূপাপাত্র মনে করিতেন।  
ভক্তিগ্রন্থ পাঠ না করিয়া, হরিভক্ত না  
হইয়া তাঁহারা কেবল কতকগুলি গ্রন্থ পাঠ  
করিয়া জীবন যাপন করেন, ইহা দেখিয়া  
তিনি দুঃখ প্রকাশ করিতেন। যে গ্রন্থে  
হরিনাম নাই, সে গ্রন্থকে তিনি গ্রন্থ বলি-  
য়াই স্বীকার করিতেন না। একদিন বিদ্যা-  
লয়ের কয়েকটি বালক পরস্পর বলিতেছিল,  
“অনুক পুস্তকখানা অতি উত্তম” তাহা  
শুনিয়া গান্ধর্কী বলিয়াছিলেন, “যে পুস্তকের  
সকল পাত উল্টাইলেও একটি হরিনাম  
পাওয় যায় না তাহা আবার উত্তম পুস্তক  
হইল কিরূপে?” যেমন হরিনামহীন গ্রন্থকে  
তিনি গ্রন্থ বলিয়া স্বীকার করিতেন না,  
তেমনি হরিভক্তিহীন জীবনকে তিনি প্রকৃত  
মহুষ্যজীবন বলিয়া স্বীকার করিতেন না।  
একবার কোন ধর্মাত্মরাগী পণ্ডিত কথা-  
প্রসঙ্গে তাঁহার যুবক জ্যেষ্ঠ পুত্রের অবস্থা  
জিজ্ঞাসা করায় তিনি বলিয়াছিলেন,  
“আমার পুত্রের সকলই আছে, কেবল  
হরিভক্তির অভাব। যেমন মনোহর দ্রব্য-  
জাতে সজ্জিত নাট্যালায় দীপাধার সকলে  
বর্তিকা পর্য্যন্ত সজ্জিত, কেবল আলোকের  
অভাবে অন্ধকার রজনীতে তাহার কোন  
শোভাই দৃষ্টিগোচর হয় না, আমার জ্যেষ্ঠ  
পুত্রের অবস্থা তদনুরূপ। তাহার দয়া,  
নিরহঙ্কারিতা, নিলোভিতা, প্রভৃতি বহুবিধ  
সদগুণসত্ত্বেও কেবল হরিভক্তির অভাবে  
সে সকল বিফল হইয়াছে।”

প্রথমবার বৃন্দাবনে গমনের পর তাঁহার  
কনিষ্ঠ পুত্র ও গ্রামবাসী আর একটি জাতি-  
বালক স্বদেশে আগমনের জন্ত মিতান্ত  
বাকুলতা প্রকাশ করিয়া তাঁহাকে পত্র  
লিখিয়াছিল। তাহার উত্তরে তিনি এই  
ভাবে লিখিয়াছিলেন—“বৎসগণ, আমার  
জন্ত ব্যস্ত হইলে কি হইবে? আমি তোমা-  
দের কিছুই করিতে পারিব না। তোমরা  
আমার জন্ত যেরূপ বাস্তুতা প্রকাশ করি-  
য়াছ, ভগবানের জন্ত সেইরূপ বাস্তু হও,  
সংসারে নিরাপদ ও সুখী হইতে পারিবে।  
আমি তোমাদিগকে ছাড়িয়া আসিয়াছি  
বলিয়া দুঃখ করিও না, হরি তোমাদিগকে  
রক্ষা করিবেন। তাঁহার পদে যেম তোমা-  
দের মতি থাকে, তাহা হইলেই আমি সুখী  
হইতে পারিব।”

বৈষ্ণব শাস্ত্রানুসারে একমাত্র হরির  
আরাধনাই গান্ধর্কীর জীবনের ধর্ম ছিল।  
হরির আরাধনা ব্যতীত বৈষ্ণবের অল্প দেব  
দেবীর অর্চনা নিষিদ্ধ বলিয়া তাঁহার দৃঢ়  
বিশ্বাস ছিল, জীবনও ঠিক তদনুরূপ ছিল।  
“সর্বান্ ধর্মান্ পরিত্যজ্য মামেকং শরণং  
ব্রজ” গীতোক্ত এই শ্লোকংশের প্রতি তিনি  
বিশেষ শ্রদ্ধা প্রকাশ করিয়া তাহার অনু-  
সরণ করিয়াছিলেন। তিনি অল্প ধর্মাবলম্বী  
কাহারও জীবনে প্রেম ভক্তি বিশ্বাস  
দেখিলে আনন্দিত হইতেন। একবার  
পর্যতে ব্রাহ্মধর্মাবলম্বী একটি ধর্মী আত্ম  
সহ তাঁহার ধর্মসম্বন্ধে কথোপকথন হইয়া-  
ছিল। ব্রাহ্মধর্মের মূল মত এবং বিশ্বাস-  
বিষয়ক কথা শ্রবণ করিয়া বলিয়াছিলেন  
“যে ধর্মের নামে রুচি ও জীবের দয়া এবং

যে ধর্মের মূলে প্রেম আছে তাহাতে জীবের পরিব্রাণ হইবে, সন্দেহ নাই।

গান্ধর্ষী পুরুষোত্তম, গয়া, কাশী, প্রয়াগ ও শ্রীহৃন্দাবন প্রভৃতি নানা ভীর্থে গমনাগমন করিয়াছিলেন। কুত্রাপি তিনি পুরুষের জ্ঞান নির্ভীক ভাবে গতি বিধি করিতে পারিতেন না। নারীজনসমূহ লজ্জাশালতা চির দিন তাঁহার ছিল। প্রথম বার হৃন্দাবন হইতে আসিবার সময় কতিপয় স্বদেশীয় স্ত্রীপুরুষ তীর্থযাত্রীর সহিত তাঁহার আসিবার প্রস্তাব হয়, তাহাতে তিনি অস্বীকার করিয়া লিখিয়াছিলেন যে পুত্র কিম্বা ভ্রাতা সঙ্গী না হইলে তিনি দূর পথ পর্যটন করিতে পারিবেন না। তদনুসারে তাঁহার কনিষ্ঠ পুত্র বাইরা তাঁহাকে দেশে লইয়া আসিয়াছিল।

ভোগবিলাসপূর্ণ কল্পিত স্বর্গ তিনি মানিতেন না। তিনি বলিতেন, “এই যে, তাঁহার নাম করিতেছি ভজন সাধন করিয়া আনন্দ লাভ করিতেছি, ইহাই স্বর্গ, ইহার উপর আবার স্বর্গ কি?” কার্যো, বাক্যে, চিন্তায় স্বীয় জীবন পবিত্র রাখিতে তিনি নিরন্তর যত্নবতী ছিলেন। কোন প্রকার অপবিত্রতার সংস্রব তিনি দৃষ্ণীয় মনে করিতেন। গ্রামবাসিনী একটা ব্রাহ্মণ বিধবার চরিত্র কলঙ্কিত ছিল, কিন্তু উপায়হীনা বলিয়া অনেকে তাঁহার দ্বারা বিগ্রহের ভোগ পাকাদি কার্য্য করাইত। গান্ধর্ষী সময় সময় তাঁহার সাহায্য করিতেন, কিন্তু কখনও দেবসেবার ভোগ পাকের সংস্রবে তাঁহাকে আসিতে দিতেন না। শুনিয়াছি এ বিষয়ে তাঁহার শব্দর

মহাশয়বও নিষেধ ছিল। বৃন্দাবনে একটি গোস্বামিনীর সহিত তাঁহার বিশেষ আলাপ পরিচয় ও ভালবাসা ছিল। পরে জানিতে পারিলেন যে, তাঁহার জীবন পবিত্র নহে। তখন হইতে আর তাঁহার সহিত দেখা করেন নাই।

তিনি অবিধ্বাসী ভজনহীন মনুষ্যজীবনের অসত্য উপলব্ধি করিয়া অত্যন্ত ক্লেশ বোধ করিতেন। অনেক সময় গভীর ভাবে বলিতেন ;—

“জগতের পিতা কৃষ্ণ, যে না ভজে বাপ।  
পিতৃদ্রোহী পুত্রের হয় জন্মে জন্মে তাপ”  
ক্রমশঃ।

মহিলার বচনা।

সেবা।

মঙ্গলময় ভগবান্ সমস্ত পৃথিবী এবং নরনারীকে সৃষ্টি করিয়াছেন। উদ্দেশ্যবিহীন করিয়া তিনি কিছু সৃষ্টি করেন নাই। সকলকেই এক এটি কার্য্যে নিযুক্ত রাখিয়াছেন ; এমন কি চন্দ্র, সূর্য্য, বৃক্ষ, লতা, নদ, নদী পর্যন্ত সকলেই কার্য্য করিয়া তাঁহার আদেশ পালন করিতেছে। সকল কার্য্যের শ্রেষ্ঠ কার্য্য সেবাদর্শ। চন্দ্র, সূর্য্য অলো দান করিয়া, বৃক্ষ, লতা কল ফুল দান এবং বায়ু সঞ্চালিত হইয়া নদনদী স্রোতল জল দান করিয়া সর্ব্বদাই জীবের সেবায় নিযুক্ত রহিয়াছে। কৃপাময় পরমেশ্বর কৃপা করিয়া আদিগকে মানব জন্ম দান করিয়াছেন। আমরা এই শ্রেষ্ঠ মানব-জন্ম লাভ করিয়া কি এই উচ্চ পবিত্র

সেবা ধর্ম্ম শিক্ষা করিতে পারিব না? পরসেবা করিলে জীবনে কত সুখ এবং আনন্দ লাভ করা যায় তাহা বর্ণনাতীত। ধন সম্পত্তি দ্বারা নিজের সুখ স্বচ্ছন্দতা সাধন কা অপেক্ষা তাহা দ্বারা দীন দুঃখী অনাথদিগের দুঃখ মোচন করিলে শতগুণ আনন্দ ও তৃপ্তি লাভ করা যায়। অনন্ত স্বর্গের রাজরাজেশ্বরী জগজ্জননী সেবাময়ী মা হইয়া জগতের দিন দুঃখী সন্তানদের জন্ত কত ব্যস্ত হইয়া সর্ব্বদা নিযুক্ত রহিয়াছেন, এবং কিরূপে সেবা করিতে হয় তাহার আদর্শ হইয়া প্রকাশিত রহিয়াছেন, আমরা কি সেই আদর্শ জীবনে গ্রহণ করিয়া ধত্ত্ব হইব না? আমাদের নানা-প্রকারে সকলের সেবা করা কর্তব্য।

প্রথমতঃ আমাদের সকলেরি পিতামাতার সেবা করা উচিত। পিতামাতা সন্তানদিগকে যেরূপ কষ্টে লালনপালন ও শিক্ষা দিয়া থাকেন তাহা কাহারও নিকট অজানিত নাই। সন্তান শত বৎসর পিতামাতার সেবা শুশ্রূষা করিয়াও তাঁহাদের দায় ও স্নেহের ঋণ পরিশোধ করিতে পারে না। তাঁহারা যখন বৃদ্ধ হন তখন তাঁহাদের প্রাণপণে সেবা যত্ন করা উচিত। সন্তানের নিকট পিতামাতা প্রত্যক্ষ দেবতাস্বরূপ। কায়মন বাক্যে তাঁহাদের আদেশ পালন করা উচিত। পিতামাতা যদি কখনও সন্তানকে কোন কঠোর কথা কহেন তাহা হইলে তাঁহাদের প্রতি বিরক্ত কি ক্রুদ্ধ হওয়া তাঁহাদের প্রতি প্রগাঢ় ভক্তি থাকা কর্তব্য।

তৎপর প্রতিবাসীদিগের সেবা শুশ্রূষা করা কর্তব্য। ঈশ্বর যে আমাদের সমাজবদ্ধ করিয়া রাখিয়াছেন তখন পরস্পরের সেবা শুশ্রূষা করা এক কর্তব্য কার্য্য। প্রতিবাসী, আত্মীয় স্ব ন কেহ পীড়িত হইলে তাঁহাদের যথাসাধ্য সেবা করা ঔষধ পথ্যাদি দেওয়া উচিত।

জগতে অতি প্রাচীন কাল হইতে সেবা ধর্ম্ম চলিয়া আসিতেছে। প্রাচীন ভারত মহিলা পর সেবার জীবন উৎসর্গ করিয়া সেবার উজ্জল দৃষ্টান্ত দেখাইয়া গিয়াছেন। বর্ত্তমানেও ভারতে সেবা ধর্ম্মের আভাস নারী বিশেষের মধ্যে চলিতেছে। পাশ্চাত্য মহিলাদিগের মধ্যেও সেবার উজ্জল দৃষ্টান্ত বড় কম নহে। অনেক সেবাপরায়ণা ইউরোপীয় মহিলা আত্ম সুখ ভুলিয়া গিয়া পরসেবার জীবন উৎসর্গ করিয়াছেন। কত সেবাপরায়ণা পাশ্চাত্য মহিলা দরিদ্র কুটীরে, পীড়িতের আলয়ে অসহায় জনের সেবা করিয়া আপনাকে কৃতার্থ মনে করিতেছেন। তাঁহাদের এই দৃষ্টান্ত আমাদের প্রতিজনের জীবনে গ্রহণ করা উচিত। যখন আমরা তাঁহাদের উচ্চ দৃষ্টান্তে বর্দ্ধিত হইব তখন বাস্তবিকই আমাদের সুখী পরিবার হইবে। মঙ্গলময় ঈশ্বরের আশীর্ব্বাদে যেন জীবনে সেবার পথে দিন দিন অগ্রসর হইতে পারি।

কুচবিহার।

বিধাননন্দিনী মজুমদার।



## সংবাদ ।

একজন মাননীয় মহিলা লিখিয়া পাঠাইয়াছেন, “পূজাবর ঠাকুরমাতার জীবনীতে কয়েকটি বিষয় লেখা হইয়াছে জানি না কে এরকম ভুল লিখিয়াছে, আর ক্ষমা কয়িবেন আপনার না ছাপাইলে ভাল হইত। ঠাকুরমার জীবন সকলের পূজ্য, সে জীবনে এসকল লিখিয়া ছোট করিবার ছায় যেন হইয়াছে। গুজুটি মহারানীর বিষয় যে লেখা হইয়াছে তাহা একেবারে ভুল কারণ তিনি অনেক কাল স্বামীর সংসার করেছিলেন। আর সিমলায় ঠাকুরমার যাওয়া, একথা আমাদের সকলের মনে আছে। পিতৃদেব ঠাকুরমাকে অনেকবার বলেছিলেন, কিন্তু ঠাকুরমা কিছুতেই গেলেন না।”

সম্প্রতি সাওতাল পরগণায় আমরা একজন ব্রাহ্মবন্ধুর পরিবারমধ্যে কয়েক দিন স্থিতি করিয়াছিলাম। সেই বাড়ীতে পুষ্প দ্যানের কাজে নিযুক্ত একজন সাওতাল আছে। তথায় সে সন্দীক বাস করিতেছে। তাহার পোষোর মসো স্ত্রী ও ৬৭ বৎসরের একটি ও তিন বৎসরের একটি পুত্র। সে ৫৫ মাত্র মাহিয়ানা পাঠিয়া থাকে। স্ত্রী ধান ভানিয়া চাউল করে, দুই বেলা রাঁধিয়া ফেণশুদ্ধ স্বামী ও পুত্রদ্বয় সহ ভক্ষণ করিয়া থাকে। অন্যের উপকরণ বনজাত শাকপাত মাত্র। তাহার সকলে প্রফুল্ল অন্তরে জীবনযাপন করিতেছে। তাহাদের কখনও কাহারও সঙ্গে বিবাদ বিসম্বাদ হয় না। কখনও বিরক্তি ও রাগ

প্রকাশ নাই। বড় বালকটির নাম ফেপা, ছোটটির নাম কানু। মা সংসারের কাজ করিতে করিতে সময়ে সময়ে ছোট ছেলেটিকে বৃকে করিয়া আদর করে; মধুর বচনে বড়টির প্রতি আদর প্রকাশ করিয়া থাকে। কোন সভ্য ও স্বচ্ছল পরিবারে এরূপ মধুর ভাব ও মিষ্ট ব্যবহার সচরাচর দেখিতে পাবনা যায় না। অসভ্য সাঁওতালদিগের নিকটে আমাদের অনেক নীতি ও মিষ্টতা শিক্ষণীয় আছে। সেই বাবুর নাতী সম্পর্কিত একটি বালক আছে। ফেপা সর্বদা তাহার সঙ্গে আনন্দে খেলা করিয়া বেড়ায়। উক্ত বালক ইঞ্জিন হয়, কৃষ্ণাঙ্গ ফেপা কয়লার গাড়ী হইয়া তাহার পেছনে ছুটিয়া বেড়ায়, এবং নৃত্য করে।

ছুপুর মরুভূমি অতিক্রম করিয়া সুপ্রসিদ্ধ তীর্থ মক্কা মদিনায় যাওয়া তীর্থযাত্রিক মোসলমানদিগের দুঃসাধ্য ব্যাপার ছিল। এবার মোসলমান মণ্ডলীর নেতা তুরস্কের সোলতানের বিশেষ যত্ন ও চেষ্টায় এবং সাধারণ মোসলমানের অর্থসাহায্যে হেজাজ রেলওয়ে খোলাতে সেই কষ্ট আর নাই। হেজাজ রেলওয়েযোগে উক্ত দুই তীর্থনগর যুক্ত হইয়াছে। যে দিন এই রেলওয়ে খোলা হইয়াছিল, সেই দিন সর্বত্র মোসলমানগণ আন্দোলন করিয়াছিলেন।

আমরা কয়েক মাস বোগ বিপদাদিতে আক্রান্ত থাকিতে গ্রাহক গ্রাহিকাদিগের নিকটে প্রাপ্য মূল্যের জন্ম উপস্থিত হইতে পারি নাই। তাঁহারা দয়া করিয়া অন্ততঃ গত বৎসর এবং পূর্ব বৎসরের বাকি মূল্য অচিরে পাঠাইলে বিশেষ উপকৃত হইব।

কিছুদিন হইল ওভর টাউন হলে একটি বিশেষ সভাতে ছোটগাট মহামতি ফ্রেজার সাহেব সভাপতির আসন গ্রহণ করিতেছিলেন, এমন সময়ে একটি ছুরাঙ্গা বাঙ্গালী যুবা তাঁহাকে লক্ষ্য করিয়া পিস্তল ছোড়ে, ভাগ্যক্রমে সে রুতকার্য হইতে পারে নাই। তখনই সে ধরা পড়ে। বিচারে তাহার প্রতি সশ্রম দশবৎস কারাবাসের আদেশ হইয়াছে।

মজফরপুরে যে পুলিশ ইনস্পেক্টরের বিশেষ যত্নে ইয়ুরোপীয় মহিলা দ্বয়ের হত্যাকারী ক্ষুদীরাম ধরা পড়িয়াছিল, কলিকাতায় তাঁহাকে রাষ্ট্রিকালে অসহায় পাঠিয়া ২০জনে অস্ত্রাঘাতে হত্যা করিয়াছে, কিন্তু তাহাদের অনুসন্ধান এক্ষণে হইয়া উঠে নাই।

ইতিমধ্যে গভর্নমেন্ট রাজদ্রোহিতাদি সূচক কিছু লেখা হইয়াছে বলিয়া “বন্দেমাতরং” ও “সন্ধা” পত্রিকার প্রচার বন্ধ করিয়া দিয়া যন্ত্রালয়াদিও হস্তগত করিয়াছেন। ইতিপূর্বে যুগান্তরাদি আরও কতকগুলি পত্রিকার প্রচার বন্ধ করা হইয়াছে। পুলিশ সন্দেহ করিয়া অনেক স্থানে অনেক বাঙ্গালী যুবাকে গেরেস্তার করিয়াছে। এক্ষণে আলিপুরের বোমা মামলা সংক্রান্ত প্রায় চল্লিশজন বাঙ্গালী বিচারাদীন আছে, তাহারা ৬৭ মাস বাবৎ হাজতের ক্রেশ ভোগ করিতেছে। কত দিনে যে বিচার নিষ্পত্তি হইবে তাহার স্থিরতা নাই। শীঘ্র শীঘ্র বিচার নিষ্পত্তি হইতে পারে সম্প্রতি এরূপ এক আইন পাশ হইয়াছে।

বিগত ১৫ই ডিসেম্বরের মধ্যে গিরি-

ডির বাবু মনোরঞ্জন গুহ, সঞ্জীবনী সম্পাদক বাবু কৃষ্ণকুমার মিত্র, বরিশালের বাবু অধিনীকুমার দত্ত, বন্দেমাতরংএর সম্পাদক বাবু শ্যামসুন্দর চক্রবর্তী, লক্ষ মুদ্রা দানে স্বদেশী দল হইতে রাজোপাধি প্রাপ্ত বাবু হুমোচন্দ্র মল্লিক স্বদেশী দলের আরও চারি জন বাঙ্গালী বাবু সর্বশুদ্ধ নয়জন অকস্মাৎ বন্দী হইয়া স্থানান্তরিত বা দ্বীপান্তরিত হইয়াছেন। ১৮১৮ নম্বর বিশেষ আইন অনুসারে তাঁহাদিগকে বন্দী করিয়া স্থানান্তরে প্রেরণ করা হইয়াছে। ইহাদের মধ্যে অধিকাংশই পূর্বাঙ্গ নিবাসী। ইহারা পত্রিকা লিখিয়া ও বক্তৃতা করিয়া সাধারণের মন উত্তেজিত ও রাজ্যে অশান্তি বিস্তার না করেন এই উদ্দেশ্যে ইহাদিগকে বন্দী করা হইয়াছে। তবে ইহারা অল্প অপরাধীর ছায় দণ্ডনীয় নহেন। গভর্নমেন্ট ইচ্ছা করিলে পাঞ্জাবের লাজপদ রায়ের ছায় শীঘ্র ছাড়িয়া দিতে পারেন, অথবা আবশ্যক বোধ হইলে দীর্ঘকাল দেহচ্যুত করিয়া রাখিতে পারেন। শুনা যায় সঞ্জীবনী সম্পাদক কৃষ্ণকুমার বাবুকে আগ্রার কেল্লাতে রাখা হইয়াছে। অনাধিকার চর্চা ও একান্ত বাগাড়াধর, অহঙ্কার ও অতিশয়ের এই পরিণাম।

ষ্টেট সেক্রেটারী লর্ড মরুলী সাহেবের ভারতমন্ত্রাজ্য শাসনের নূতন ব্যবস্থা প্রকাশিত হইয়াছে। তাহাতে তাঁহার ছায়পরতা ও উদারতার বিশেষ পরিচয় পাওয়া গিয়াছে।

## প্রেরিত ।

## কুচবিহারে জ্ঞীশিক্ষা ।


কুচবিহার-বিবাহ হইতে যে কুচবিহারে সভ্যতা ও শিক্ষার আলোক প্রবেশ করিয়াছে তাহা কেনা স্বীকার করিব? সত্যপ্রিয়, সুস্বদর্শী, ভগবদ্বিখাসী ব্যক্তি মাত্রকেই স্বীকার করিতে হইবে যে আচার্য্য কেশবচন্দ্রের শোণিতদানের মধ্যে কুচবিহারের উন্নতির বীজ নিহিত ছিল। শোণিত-তত্ত্ব না বুঝলে কুচবিহারের এক্রমোন্নতির তত্ত্ব কে বুঝিবে? কুচবিহারে জ্ঞীশিক্ষার ক্রমোন্নতি ও বিস্তৃতিই এক প্রবন্ধের আলোচ্য বিষয়। একদিকে শ্রদ্ধাস্পদ মহারাজা বাহাদুর পুরুষ শিক্ষার ভূরি উন্নতি কল্পে উচ্চ শ্রেণীর কলেজ ও স্কুলের প্রতিষ্ঠা সাধনে এরাঙ্গ্যে একটা যুগান্তর উপস্থিত করিয়াছেন তেমনি শ্রদ্ধাস্পদ মহারাজী মহাশয়াও জ্ঞীশিক্ষার উন্নতি কল্পে অতুল উৎসাহ, ও উদ্যম প্রকাশ এবং বহু অর্থদান করিয়া এদেশে নারীজগতে যুগান্তর উপস্থিত করিয়াছেন। কুচবিহারে বহু দিন হইতে প্রতিষ্ঠিত সুনীতি কলেজ ও মফঃস্বলের বালিকা বিদ্যালয় সমূহই তাহার সহায়তা, বদান্যতা ও আর্থিক সহায়তা ভাবের পরিচায়ক। বর্তমান বর্ষে মহারাজী মহাশয়া স্থানীয় সুনীতি কলেজের উন্নতি-বিধানে যার পর নাই প্রয়াস ও উৎসাহ প্রকাশ করিয়াছেন। কুচবিহার ষ্টেট হইতে মাসিক সাহায্যের বৃদ্ধি ও নিজ হইতেও বিশেষ মাসিক সাহায্যদানের ব্যবস্থা করিয়া সুনীতি কলেজকে ক্রমোন্নতির পথে অগ্রসর করিতেছেন। এগার সুনীতি কলেজের পরীক্ষার ফল বড়ই আশাপ্রদ হইয়াছে। বিগত সেপ্টেম্বর মাসে বিভাগীয় উচ্চ প্রাথমিক ও মধ্য ইংরাজী পরীক্ষায় যে ছয়টি বালিকা প্রেরিত হইয়াছিল সেই ছয়টি বালিকাই প্রথম শ্রেণীতে উত্তীর্ণ হইয়া বাস্তবিকই জ্ঞীশিক্ষানুরাগী

দিগের হৃদয়ের আনন্দবর্দ্ধন করিয়াছে। উচ্চ প্রাথমিক পরীক্ষোত্তীর্ণা ছাত্রীদিগের মধ্যে তিন জন ছাত্রী বিভাগীয় পরীক্ষোত্তীর্ণ ছাত্রীদিগকে অতিক্রম করিয়া পারদর্শিতালুম্বারে প্রথম, দ্বিতীয় ও তৃতীয় স্থান অধিকার করিয়াছে। আর দুই জন ছাত্রী ক্রমান্বয়ে পঞ্চম ও ষষ্ঠ স্থান অধিকার করিয়াছে। যে ছাত্রী মধ্য ইংরাজী পরীক্ষায় উত্তীর্ণ হইয়াছে সে ছাত্রীও প্রথম বিভাগে উত্তীর্ণ হইয়া বিভাগীয় ছাত্রীদিগের মধ্যে পারদর্শিতালুম্বারে তৃতীয় স্থান অধিকার করিয়াছে। বাস্তবিকই পরীক্ষার এই আশাপ্রদ ফলে আমাদের ভবিষ্যৎ আশা আরও বিস্তৃত হইয়া পাড়িয়াছে।

অধিক বয়স্ক সস্ত্রীক মহিলাদিগেরও উন্নতি কল্পে শ্রদ্ধাস্পদ মহারাজী মহাশয়ার আশা, উৎসাহ ও উদ্যম সহজ নহে। এই শ্রেণীর মহিলাদিগের মধ্যে শিক্ষানিস্তারের জন্ম এখানে “মহিলা শিল্প বিদ্যালয়” নামে একটা নারী বিদ্যালয় প্রতিষ্ঠিত হইয়াছে। বর্তমানে মাসে দুই দিন মাত্র বিদ্যালয়ের অধিবেশন চলিতেছে। এই বিদ্যালয়ে যে অনেক ভদ্র পরিবারের মহিলাগণের শিল্প-শিক্ষার বিশেষ উন্নতি ও দরিদ্র পরিবারের মহিলাগণের জীবিকা উপার্জনের একটা পথ প্রস্তুত হইবে তাহার আর সন্দেহ নাই। আমরা মহারাজী মহাশয়ার এইরূপ সহায়তাপূর্ণ উৎসাহ, আশাস ও অর্থদানের জন্ম হৃদয়ের আনন্দ ও উচ্ছাস প্রকাশ ও তাঁহাকে সশ্রদ্ধ ধন্যবাদ প্রদান না করিয়া থাকিতে পারি না। আদেশবাদী বিশ্বাসী যে এ সমুদায় ব্যাপারের মূলে বিধানের ইচ্ছা ও ক্রমবাহী ব্রহ্মানন্দের শোণিত দান স্বীকার করিবেন তাহার আর সন্দেহ নাই।

কুচবিহার  
১০।১২।০৮

শ্রীগৌরীপ্রসাদ  
মজুমদার।



## মাসিক পত্রিকা ।

“যত্র নারীস্তু দুজ্যন্তে রমন্তে তত্র ইবতা: ।”

১৪শ ভাগ ] পৌষ, ১৩১৫, জানুয়ারী ১৯০৯ । [ ৬ষ্ঠ সংখ্যা ।

## স্ত্রীনীতিসার ।

অস্তুরে নীতির প্রভাব নাই, বাহিরে তাহার প্রকাশ, একরূপ অনেক নারী দেখিতে পাওয়া যায়। নীতি কি? বিবেকানুসোদিত কার্য্য। অস্তুরের ভাবের সঙ্গে বাহিরে কার্য্যের মিল না হইলে কপটতা হয়, উহাকে নীতি বলা যায় না। স্বামী প্রীতি অস্তুরে শ্রদ্ধা ভক্তি ভালবাসা নাই, কেবল মুখে ভালবাসা ও আদরের কথা, ইহাকে নীতি বলা যায় না, ইহা কপটতা পাপ। নীতিপরায়ণ লোকের চরিত্র উন্নত হয়, সুখ শান্তির জীবন হয়, কপটতা অনীতি ও অধর্ম, তাহাতে অধোগতি হইয়া থাকে। নীতি স্বর্গীর আলোক বিশেষ, অনীতি নরকের অন্ধকার। কি শ্রেয়, কিরূপ কার্য্য করিলে কল্যাণ হয় বিবেকবাণীকূপে ঈশ্বর অস্তুরে বলিয়া দেন। তুমি বিবেকবাণীর অনুসারে চল, তাহা অগ্রাহ করিও না। তুমি স্বামীকে ভাল বাস, তাহার নানা দোষ সত্ত্বে তাহাকে

ভাল বাসিতে থাক, কায়মনোবাক্যে তাহার কল্যাণ সাধনে নিযুক্ত থাক, কিন্তু বাহিরে আদর করিয়া পাপকার্য্যে তাহাকে প্রশ্রয় দিলে তাহার প্রতি ভালবাসা হয় না। স্বামীর মঙ্গলের জন্ম তাহাকে শাসন করিবে, ধর্ম্মপথে লইয়া যাইবে। প্রেমের শাসন কঠোর হয় না, মিষ্ট হয়।

তোমার নীতির শাসন—চরিত্রের দৃষ্টান্ত বালক বালিকা প্রভৃতি সকলের জীবনে প্রভাব বিস্তার করিবে, তাহারা অনীতি কপটতাকে ভয় করিয়া চলিবে, পরিবার ধর্ম্মের পরিবার হইবে। যে পরিবারে নীতি নাই, অনীতি কপটতার প্রভৃতিব সেই পরিবার দুঃখের পরিবার ও পাপের পরিবার। সেই পরিবার কখনও সুখী হইতে পারে না।

গৃহকর্ত্তি, তোমার জীবনের বড় দায়িত্ব, তুমি চরিত্রের সুদৃষ্টান্ত দ্বারা সকলকে নীতি শিক্ষা দিবে। তুমি নীতিকে উপেক্ষা করিয়া যথেষ্টাচারিণী হইয়া চলিতে পার না। তোমাকে বিশেষ সাবধান হইয়া কর্ত্তব্য সম্পাদন করিতে হইবে।

### বিশেষ নারীর বিশেষ প্রতিভা ।

মানব জাতি প্রতিভা বা প্রকৃতি অল্পসারে সাধারণ ও বিশেষ এই দুই শ্রেণীতে বিভক্ত। সাধারণ শ্রেণীতে লক্ষ লক্ষ কোটি কোটি নরনারী। তাহাদের আত্মোন্নতির জন্ত কোন উচ্চাভিলাষ নাই, জগতের সেবাকার্যে উপযুক্ত হইবার জন্ত অন্তরে কোন প্রকার আবেগ নাই, তাহারা সংসারে ও শরীরে বদ্ধ, তাহারা সামান্য শারীরিক সুখ ও সংসারের স্বচ্ছলতা হইলেই সন্তুষ্ট। অর্থোপার্জন করিয়া সামান্য সুখ স্বচ্ছন্দতায় জীবনযাপন করিতে পারিলেই আপনাদিগকে কৃতার্থ মনে করেন। মেয়েরা বোম্বাই শাড়ী বা দশ পাঁচ খানা গহনা পরিতে পারিলে বা কোন প্রকার নূতন ধরণের সাজে সজ্জিত হইতে পাইলে, উৎকৃষ্ট গৃহে বাস করিয়া সচ্ছল ভাবে জীবনযাপন করিতে পারিলে আর কিছুই চাহেন না। এ সমস্তই শারীরিক ও সাংসারিক, সকলই সাধারণ ও অসার। ইহাতে নারীজাতির উন্নতি, নারী প্রকৃতির উন্মেষ এবং নারী-জীবনের বিশেষত্ব কি হয়? সাধারণঃ আত্মদৃষ্টিবিহীন পার্থিব সুখপ্রিয় নারী তাহাই চায়, তাহার জন্তই ব্যাকুল। তাহারা নিজ নিজ পুত্র কন্যাদিগের সেরূপ জীবন দেখিতে ইচ্ছা করে। তাহাদের উচ্চ-জীবন ও উচ্চপুত্র হয়, তাহাদের দ্বারা জগতে মহৎকার্য সম্পাদিত হয়, কয়জন পিতামাতা তদ্রূপ ইচ্ছা করিয়া থাকেন, সন্তানদিগের বিদ্যা শিক্ষা ও বিবাহাদি কার্য তাহারা সেই ভাবেই পরিচালিত হইয়া সম্পাদন

করেন। তাহাদিগকে আর উন্নতির পথে অগ্রসর হইতে দেন না। এই প্রকার সাধারণ কার্যে সাধারণ জীবনে পরমেশ্বরের সাধারণ অভিপ্রায় সাধিত হইতে পারে। কিন্তু সাধারণ কার্য ও সাধারণ জীবন দ্বারা জগতের বিশেষ সেবা হয় না, উহা জগতের ইতিহাসে চিরস্থায়ী হয় না।

মঙ্গলময় বিধাতা বাহাদুরা নিজের বিশেষ অভিপ্রায় সম্পাদন করতে চাহেন কোন বিশেষ বিষয়ে তাহাকে বিশেষ প্রতিভা অসাধারণ শক্তি প্রদান করিয়া থাকেন, তাহার শৈশবকালেই সেই শক্তি ও প্রতিভা স্ফূর্তি পায়। বিশেষ নারীর বিশেষ প্রতিভা এই প্রবন্ধের আশোচা বিষয়। অতএব আমরা বিশেষ পুরুষের বিশেষ প্রতিভার বিষয় আলোচনা না করিয়া, প্রতিভাশালিনী নারীর দুই চারিটা কথা বলিতেছি।

এক একটা ক্ষুদ্র বালিকা শিক্ষা ও উপদেশ না পাইয়া বিশেষ দৃষ্টান্ত না দেখিয়া নিজের জীবনে এক একটি বিষয় অলৌকিক প্রতিভা ও অসাধারণ শক্তি প্রকাশ করে, তাহা দেখিয়া বিস্মিত হইতে হয়। সে বিষয় ভগবান তাহার অন্তরে আশ্চর্য আলোকের সঞ্চার করেন। সে লোকের নিকটে শিক্ষা না পাইয়া বিশেষ বহু পরিশ্রম না করিয়া এক একটি কঠিন বিষয়ে আশ্চর্য উদ্ভাবনী শক্তি প্রকাশ করে। ১০।১২ বৎসরের বালিকার কবিতা রচনায় অদ্ভুত কল্পনা শক্তি ও বচনবিহ্বালের নৈপুণ্য দেখিয়া আমরা বিস্ময় সাগরে নিমগ্ন হইয়াছি। এইরূপ ক্ষুদ্র বালিকা

কাহারও নিকটে শিক্ষা বা উৎসাহ না পাইয়া এইরূপ কবিতা লাভ করিল। ইহার তিতরে বিধাতার বিচিত্র ক্রিয়া নয় কে বলিতে পারে? বিধাতা তাহার জীবন দ্বারা সাহিত্যজগতের উন্নতিধান করিবেন, তাহাকে কবিত্বরসে মুগ্ধ করিবেন, তজ্জন্ত তিনি মাতৃস্তন্যপানের সঙ্গে তাহাকে তদ্বিষয় সহজ শক্তি ও প্রতিভা দান করেন। কিন্তু অনেক পিতা মাতা ও গুরুজন বালিকার রুচি, শক্তি ও প্রতিভাতে ঈর্ষের অভিপ্রায় না বুঝিয়া তাহার জীবনে উন্নতির পথে বিঘ্ন হন, তাহার উন্নতির দ্বার একেবারে অবরুদ্ধ করেন, অল্পপুত্র বৎসে বিবাহ দিয়া তাহাকে সাধারণ পার্থিব সুখ ভোগে বলপূর্বক নিযুক্ত করেন। তাহার সেই প্রতিভা ও শক্তি চাপা পড়িয়া যায়, সে সাধারণ নারীদিগের শ্রেণীভুক্ত হইয়া জীবনযাপন করে। কোন কোন বালিকার শিল্পকার্যে অসাধারণ উদ্ভাবনী শক্তি প্রকাশ পায়, সে বাধা না পাইলে আশ্চর্য শিল্প কার্য করিয়া জগতের সেবা করিতে পারে, তাহার নিজেরও হৃদয় প্রশস্ত হইয়া যায়, এরূপ বহু দৃষ্টান্ত আছে। অনেক বালিকার কণ্ঠস্বর অতিশয় মধুর, রাগ রাগিণীবোধে তাহার আশ্চর্য ক্ষমতা দেখা যায়, অভিভাবকের দোষে তাহার সেই ঈশ্বর প্রদত্ত শক্তি প্রস্ফুটিত হইতে পারে না চাপা পড়িয়া যায়। বিধাতার অভিপ্রায় ও কার্যে এইরূপ বাধা দিলে নিজেদের অকল্যাণ ও জগতের অকল্যাণ হয়। বিধাতার অভিপ্রায় বুঝিয়া চল, তিনি যাহাকে যে বিশেষ কার্য সাধনের জন্ত পাঠাইয়াছেন

তাহাকে সেই কার্যে নিযুক্ত থাকিতে দাও, সংসারের অনুরোধে তাহাতে বাধা দিও না, অর্চরে দেখিবে তাহার জীবন কত উন্নত ও সুখী হয় জগৎ তাহা দ্বারা কত উপকৃত হয়। যে নারীর অন্তরে বালাকাল হইতে ধর্মভাব প্রবল তাহাকে ধর্মসাধনে নিযুক্ত থাকিতে দাও বাধা দিও না। তাহা দ্বারা মহাকাব্য সাধিত হইবে।

### রন্ধনকার্য অতি পবিত্র কার্য ।

এদেশে শারীরিক শ্রমের প্রায় সর্ববিধ কার্যই নীচ বলিয়া গণ্য। যত দিন যাইতেছে ততই এ দেশের লোকে নিজেরটা নিজে করা অথায় এবং অপমানজনক মনে করিতেছেন। এই দরিদ্র দেশে মেয়েদিগকে আজও হাড়ভাঙ্গা পরিশ্রম করিতে হয়; গৃহ পরিষ্কার, বাটদেওয়া, গৃহলেপন, জল আনা, বাসনধোয়া, উচ্ছিষ্ট নেওয়া, রন্ধনকরা, ধান-ধানিয়া চাউল করা, চিড়া কোটা ইত্যাদি যাবতীয় প্রয়োজনীয় কার্য স্বর্যোদয় হইতে সূর্যাস্ত গমন পর্যন্ত পরিশ্রম করিতে হয়। রন্ধনপটুতা মেয়েদের একটি অতীব প্রশংসনীয় গুণমধ্যে পরিগণিত। পূর্বে মেয়েরা রন্ধনজন্ত খ্যাতি লাভ করিলে নিজেকে কত কৃতার্থ ও গৌরবান্বিত মনে করিতেন। স্থান করিয়া পবিত্র হইয়া রন্ধনশালাতে যাওয়ার নিয়ম ছিল, উননে আগুন জ্বালায় পূর্বে অগ্নি এবং উননকে সেই দেব দেব মগদেবের অদ্ভুত জ্ঞান কৌশল এবং জীব শরীরের পোষণ উপযোগী খাদ্যপ্রস্তুতির প্রধান সহায় জানিয়া ভক্তির সহিত নমস্কার

করিবার রীতি ছিল। স্বর্গীয় আচার্য্য শ্রীমৎ কেশবচন্দ্র সেন গাইয়াছেন "জলে হরি স্থলে হরি অনলে অনিলে হরি হরিগয় এই ভূমণ্ডল" স্মরণে এই রন্ধনশািতে অগ্নিতে, উননে হরি দর্শন করিয়া ভক্তি-মতী নারীরা প্রণাম পূর্বক পতি পুত্র, পিতা, মাতা, ভ্রাতা, ভগিনীর জন্ম অন্ন প্রস্তুত ক্রিতে প্রবৃত্ত হইবেন, ইহা স্বাভাবিক, এবং অন্নব্যঞ্জন প্রস্তুতকরিয়া সকলকে তৃপ্তিপূর্বক আহার করিয়া নিজেকে অত্যন্ত তৃপ্ত এবং সুখী মনে করিবেন ইহাতে আর সংশয় কি? রন্ধন এবং খাদ্যাদ্য প্রস্তুত করা কত দূর পবিত্র এবং উচ্চ কার্য্য তাহা বাক্যে বলা হুঙ্কর। কিন্তু হুর্ভাগ্যের বিষয় আজ কাল রন্ধন কার্য্যটা অতি ছোট লোকের কার্য্যমধ্যে দাঁড়াইয়াছে—ছোট লোকের না হউক অন্ততঃ নিকৃষ্ট কার্য্য দরিদ্রতার পরচায়ক হইয়া দাঁড়াইয়াছে। সমস্তদিন কিছুই করিবার নাই বাহারও সেবা করিতে হয় না, এমত স্থলেও নিজের অন্ন নিজে প্রস্তুত পুষ্কষেরাতো করেনই না, এমন কি কোন কোন বিধায়াও পার্শ্বমানে করিতে ইচ্ছা করেন না। এবং কেনেও না। হায়! যে রন্ধনকে আচার্য্য কেশবচন্দ্র শেষ জীবনে অবলম্বন করিয়া আধ্যাত্মিক উন্নতির সোপান বলিয়া গ্রহণ করিয়াছিলেন সেই রন্ধন—সেই ভোজনে পবিত্রতা সাধন আজ কত তুচ্ছ ব্যাপার হইয়া পড়িয়াছে। পাণ্ডবমহিষী দ্রৌপদী রন্ধন করিয়া পরিবেশন করিতেন, অযোধ্যায় শ্রীরামচন্দ্রের পত্নী সতী সীতা রন্ধন করিতেন। ৫০।৬০ বৎসর পূর্বে ঘরে ঘরে

মেয়েরা রান্না করিয়া সকলক আহার করাইতেন। ইহা অতি পবিত্র কার্য্য ছিল। অল্প জাতিতে সে রন্ধন কার্য্যের অধিকার পাঠিত না। আজও পূর্ব বাঙ্গালাতে অধিকাংশ গৃহেই গৃহিণীরাই রন্ধন কার্য্য করিয়া থাকেন; পঞ্চাশ হাজার টাকা বাহার জমিদারীতে আয় তাঁহ'র পত্নীও স্বহস্তে রেঁধে সকলকে খাওয়াইতে ভালবাসেন এবং তিনি এখন যে বিধায়া তইয়াছেন, তবু হুঙ্কর আচার্য্য প্রস্তুত ক্রিতে সুখ বোধ করেন। দুই প্রহর রাত্রিতে অতিথি উপস্থিত হইলে তিনি সকলে পূর্বে ঠেঠে অতিথিমেষায় রত হইয়াছেন। গৃহের বৌঝিকে তজ্জন্ম ব্যস্ত করেন না। তাঁহা স্বতঃ উপস্থিত হইলেও নিজেই রন্ধন করিয়াছেন, তাঁহাশ মাত্র সহায়তা করিতে পাইয়াছেন। এট যে নিষ্ঠা স্নেহ দয়া ভক্তিসহ ভোজ্যাত প্রস্তুত হইত সেই পবিত্র অন্ন যাঁহারা গ্রহণ করিতেন, তাঁহ'রা স্বাস্থ্য, পবিত্রতা লাভ করিতেন। আহারের পূর্বে দেবতাকে নিবেদন করিয়া হিন্দুরা আহার করেন, অত্যাচ্ছ সম্প্রদায়ের লোকেরা কৃতজ্ঞতা প্রদান করিয়া এবং অন্নশক্তিতে ভগবানের প্রেম শক্তি উপলব্ধি করিয়া আহার করেন। আহার এটরূপই উৎকৃষ্ট কার্য্য, আহার পানেই লোকের ধর্ম্ম। নববিধানের উপাধায় মহাশয় আহারের সময়ে স্বর্ভব্য একটি সুন্দর শ্লোক রচনা করিয়া ধর্ম্মতত্ত্বে প্রকাশ করিয়াছেন, তাহাতে আহার দৃষ্টান্তে অতি উচ্চ ভাব নিহিত রহিয়াছে। মাতার হস্তের প্রস্তুত শাকার যেমন মিষ্ট এবং মধুর পাচক ব্রাহ্মণ কর্তৃক প্রস্তুত ঘৃতপক অন্ন

এবং নানাবিধ উপাদেয় খাদ্য তেমন বোধ হইবে না। ঔদরিক লোকেরা বোধ হয় এ কথায় প্রতিবাদ করিবে। কিন্তু প্রকৃত তত্ত্ব এই যে নিষ্ঠার সহিত প্রস্তুত আহারের নিকট কোন আহারই শ্রেষ্ঠ নয়। এই জন্ম এ দেশের ভোগের প্রসাদ বড় ভাল লাগে। শ্রদ্ধা ভক্তি মিশ্রিত দ্রব গ্রহণে শরীর মন সতেজ এবং শুদ্ধ হয়।

৩০ বৎসর পূর্বে বিবাহ ইত্যাদি সমারোহের ব্যাপারে দুইশত তিনশত লোকের অন্নব্যঞ্জন গ্রামের মেয়েগাই প্রস্তুত করিয়াছেন। এখন পাচক ব্রাহ্মণ না হইলেই চলে না। এমন নয় যে তাহা জনহিত-কর কিম্বা পরিবারেরই কোন অত্যাবশ্যকীয় গুরুতর কার্য্যে ব্যাপৃত থাকিতে অবসর হয় না বলিয়া পাচক ব্রাহ্মণের হাতে রন্ধন ভার দিতে বাধ্য হইয়ন। অলস হইয়া ঘরে বসে থাকিবেন তবু সেবার কার্য্যে মত হইবে না। আজকাল একশত দুইশত টাকা আয় হইলে গৃহিণী কি রন্ধন করিনে? নীচকার্য্যে শরীর ময়লা হইবে যে। পাচক ব্রাহ্মণের হাতে খাইয়া শরীর মনের কি সুস্থাবস্থা থাকে? ব্রাহ্মিকাদের মধ্যে এমন এক শ্রেণী হইতেছেন যে তাঁহারা লেখাপড়া বেশী শিখিয়াছেন তাহা নয় পরসেবা যে বেশী কিছু করেন তাহাও নয়, কিন্তু রান্না করিবেন না; রান্নাটা নীচ কার্য্য। কবে সুবুদ্ধি স্মৃতি প্রবেশ করিবে? অনেকে বলেন রন্ধন কার্য্য করিতে গেলে উপাসনায় যোগ দেওয়ার পক্ষে অসুবিধা হয়। কিন্তু তাহা ঠিক নহে, পূর্ব বাঙ্গালার

নববিধান বিদ্বাসী পরিবারের মধ্যে একটা নারী (ছয় সন্তানের মাতা হইয়াছেন) প্রাতঃ সন্ধ্যায় রান্না করেন, অথচ পারিবারিক উপাসনা প্রাতে এক ঘণ্টা এবং সন্ধ্যায় সন্তানদিগকে লইয়া কীর্ত্তন প্রার্থনায় প্রায় এক ঘণ্টা যাপন করেন। দুই প্রহর হইতে অপরাহ্ন চার ঘটিকা পর্য্যন্ত অন্তঃপুরিকাদিগকে শিক্ষা দান করেন, কেননা তিনি গভর্ণমেণ্ট কর্তৃক অস্থঃপুরিকা শিক্ষয়িত্রী পদে নিযুক্ত।

দেশের গতি ক্রমে যেকপ চলিতেছে, তাহাতে অচিরেই বাজার হইতে (হোটেল হইতে) ভাত তরকারী ক্রয় করিয়া খাওয়ার প্রথাই আসিয়া দাঁড়াইবে। এখন রাত্রির আহার অনেকেই দোকান হইতে খরিদ করিয়া সমাধা করেন। হিন্দুর আহারের নিষ্ঠা হিরে হিত হইয়া যাওয়ার মধ্যে। পশ্চিম দেশীয় উন্নতিজনক প্রথার অনুকরণ নই, কিন্তু লাসিতার অনুকরণটা বিলক্ষণ চলিতেছে। ধর্ম্ম প্রবল ভারত ক্রমে নিতান্ত ধর্ম্মহীন হইয়া পড়িতেছে, স্মরণে আহার নিষ্ঠায় তেমন দৃষ্টি নাই, আহার ভোগমাত্র দাঁড়াইতেছে। যত ধর্ম্মপ্রবর্তক আহার পানে ধর্ম্মের নিগূঢ় তত্ত্ব প্রচার ও প্রতিষ্ঠা করিয়া গিয়াছেন। কিন্তু আধুনিক সম্প্রদায় ভোজনক্রিয়াতে নিষ্ঠা হারাইতেছেন। ইহার মধ্যে যে নিগূঢ় জীবনের পবিত্রতা নিহিত রহিয়াছে তাহা হৃদয়ঙ্গম করিতে অক্ষম হইতেছেন। ব্রাহ্মসমাজের মেয়েগা যদি রন্ধন কার্য্যকে পবিত্র কার্য্য বলিয়া ভক্তি এবং নিষ্ঠা প্রকাশ করিতে পারেন তবে ব্রাহ্মসমাজের কল্যাণ, দেশের কল্যাণ।

হিন্দুসমাজের মেয়েদের মধ্যে রন্ধন এখনও গুরুতর নিষ্ঠা ভক্তিরকার্য বলিয়া পরিগণিত আছে। ব্রাহ্মিকাদের মধ্যে এই নিষ্ঠা ভক্তি প্রচলিত হইলে হিন্দুসমাজের মেয়েদের ভক্তি নিষ্ঠা ক্রমে বৃদ্ধি পাইবে ক্ষয় পাইবে না। অতএব ব্রাহ্মসমাজের মেয়েদের এ বিষয়ে সতঃপরতঃ দায়িত্ব রহিয়াছে, তাঁহার ইহা হৃদয়ঙ্গম করিবেন কি ?

### সীতা ।

( পূর্বপ্রকাশিতের পর । )

এ দিকে ব্রহ্মা মহাদেবকে ধরিয়া বসিলেন যেন সীতা যার হাতে না পড়েন। আশুতোষ তাঁহার লোহার ধনুক খানা দেখাইয়া বলিলেন, ইহা ভাঙ্গিতে পারে এমন শক্তি মানুষের নাই। আপনি ভৃগুরামকে আনাইয়া তাঁহারই এই ধনুক খানা জনক রাজার নিকট পাঠাইয়া দিন, এবং তাঁহাকে আদেশ করুন যে, এই ধনু যিনি বাহু বলে ছই খণ্ড করিতে পারিবেন তিনিই সীতার বর হইবেন। ভৃগুরামের নিকট তৎক্ষণাৎ আর্জ্ঞেয় তাঁর গেল; তিনিও স্বর্গ পার হইয়া হাঁপাইতে হাঁপাইতে অনতিবিলম্বে অমর ধামে পৌঁছিলেন। সে সময় স্বর্গের সিঁড়িটা না জানি কেমন ছিল। স্বর্গধাম যাইবার এহেন সুগম রাস্তাটা কি না রামচন্দ্র বাণ মারিয়া খাণ খাণ করিয়া একেবারে অস্তিত্বহীন করিলেন! আজ কাল যদি ইহার এক আধটু ধ্বংসাবশেষও থাকিত, সরকার বাহাদুরের কত ইঞ্জিনিয়ার মহোন্মাদে স্বর্গ আবিষ্কারের জন্ত আহা! নিদ্রা পরিত্যাগ

করিতেন। সে কথা যাউক, মহানীর ভৃগুরাম সেই প্রকাণ্ড ধনুকখানা অবলীলাক্রমে জনকপুরে আনিয়া হাজির করিলেন। এবং রাজ্যধিকে প্রজাপতির, আদেশ জানাইলেন।

ধনুক খানা যেমন তেমনি নয়—  
সুক্ষের পর্তত যেন ধনু খানি ভারি,  
দিয়ে কি তাহাতে গুণ নাড়িতে না পারি।

জনক রাজার প্রাণে যুগপৎ হর্ষ ও বিষাদ উপস্থিত। হর্ষ, কেন না তাঁহার কন্যার প্রতি দেবতাদের শুভদৃষ্টি,—বিষাদ, কেন না এই ধনুক ভাঙ্গা দূরে থাকুক ইহাকে হাতে ধরিয়া তুলিবার শক্তি কাহারো নাই। তিনিই ভাবিয়া চিন্তিয়া অস্থির হইয়া পড়িলেন। দলে দলে দেশ বিদেশ হইতে কত লোক হরধনু দেখিতে আসিতে লাগিল। লোকের মস্ত ভিড়, লোকের বিষম ঠেলাঠেলি, হুড়াহুড়ি। ছেলেদের ভারি আমোদ। বড় বড় রাজা রাজপুত্র সীতার বর হইবার আশায় ধনু ভাঙতে আসিলেন, এবং ছেলেদের হাত তালি খাইয়া লজ্জিত বদনে সরিয়া পড়িলেন। তার পর আসিয়া উপস্থিত লক্ষার সেই নামজাদা রাক্ষসরাজ রাবণ। ত্রেতাযুগে বোধ হয় তারবিহীন তাড়িত বার্তার কৌশল অজানা ছিল না, অথবা রাক্ষসেরা ব্যোমযান চালনায় একরূপ সিদ্ধ-হস্ত ছিল যে তাহারা যথা ইচ্ছা তথায় যাতায়াত করিতে পারিত। লক্ষাধীপ বোধ হয় তাড়কার বেটা মারীচের নিকট হইতেই সীতার বার্তা অবগত হইয়াছিল। রাবণ একা আসিলেন না;

সঙ্গে ফিল্ডমার্শেল মাতুল প্রহস্ত, ব্রিগেডার জেনারেল অকম্পন, লেপটেন্ট মহোদয় ও এডিকং মারীচ। মিথিলায় ছলুছল ব্যাপার। রাজা ভয়ে কাঁপিতে লাগিলেন। মন্ত্রীদিগের ডাক পড়িল—গুপ্তসভা বসিল। রাজা নিরাশভাবে বলিলেন—

স্বৈচ্ছাতে বিবাহ যদি না দিব রাবণে,  
কাড়িয়া লইবে সীতা রাখে কোন্ জনে।

যাহা হউক, রাক্ষসরাজের বড়াই ভাঙ্গিয়া গেল। তিনি কুড়ি হাতে প্রাণপণে টানিয়াও ধনুকখানা নাড়িতে পারিলেন না; লজ্জায় মরিয়া গেলেন। প্রহস্ত ব্যাপার সাংঘাতিক যুক্তিয়া ইতঃ-পূর্বেই রথখানা প্রস্তুত রাখিয়াছিলেন। রাবণ এক লক্ষ্যে রথে যাই উঠা অমনি বোঁ বোঁ শব্দে রথখানা আকাশে উঠিয়া বিছাৎ বেগে দক্ষিণ মুখে প্রস্থান করিলেন। পলাইয়া চলিল লক্ষার অধিকারী, সকল বালক দেয় তারে টিটকারী। লক্ষায় শঙ্কায় গেল রাজা দশানন, আকাশে থাকিয়া দেখে যত দেবগণ।

তখন দেবতাদের প্রাণেও একটা মহা আতঙ্ক উঠিয়াছিল, পাছে দশাননের কুড়ি হাতের টানে ধনুক খানা না টেকে। এবং সেই জহই বুঝি তাঁহার ধনুকের গায় পৃথিবীর মাধাকর্ষণ শক্তি অসম্ভবরূপে বৃদ্ধি করিয়া রাখিয়াছিলেন। অতঃপর একদিন অযোধ্যার রাজপুরোহিত মহাতপস্বী বিশ্বামিত্র মুনি শ্রীরাম লক্ষণসহ বিদেহ নগরে পদার্পণ করিলেন। প্রায় এক হাজার মণ অতি কষ্টে বহন করিয়া হরধনু সভাস্থলে আনয়ন করিলে রামচন্দ্র

হাসিতে হাসিতে বাম হস্তে তাহাকে উত্তোলন করিয়া মড় মড় শব্দে দ্বিখণ্ড করিয়া ফেলিলেন। ধনু শক্তি, ধনু বাহুবল। এই ধনুর্ভঙ্গে রামচন্দ্রের অসাধারণ সর্ববাদিসম্মত, সন্দেহ নাই। কিন্তু তখন তাঁহার বয়স কত ছিল? মাত্র সতের বৎসর। কথিত আছে ত্রেতা-যুগে মানুষ চতুর্দশ হস্ত, পরমাযুঃ দশ হাজার বৎসর ছিল। সেই হিসাবে রামচন্দ্র নিতান্ত বালক বা শিশু ছিলেন বোধ হয়। শিশুর গায় এত শক্তি যে, যে ধনুক রাবণ প্রভৃতি মহাকায় বীরগণকে পরাস্ত ও লাঞ্চিত করিল, তাহাকে অক্লেশে ভাঙ্গিয়া ফেলল!

এরূপ গল্প আজকালকার স্কুলে পড়া ছেলে মেয়েরা বিশ্বাস করিতে কুণ্ঠিত। হলেনই বা রামচন্দ্র বিষ্ণুর অবতার। মানুষের আয় তাঁহাকেও জীবনে অশেষ শারীরিক ও মানসিক বৃষ্টভোগ করিতে হইয়াছিল।

তৎপর মহাধূম ধামে সীতার বিবাহ হইয়া গেল। সীতা এখন রাজবধু অযোধ্যার ভাবী মহারানী। সীতা শশুরালয় যাইতেছেন, রাজ অন্তঃপুরে এক মহা বিচ্ছেদস্থচক শোকের তরঙ্গ উথিত।—

লক্ষ লক্ষ চুষ দিয়া বদনকমলে  
জানকীরে জনক করিয়া কোলে বসে।

করিলাম বহু দুঃখে তোমাকে পালন  
বারেক মিথিলা বলি করিহ স্মরণ।

শশুর শাশুড়ী প্রতি রাখিহ স্মৃতি  
• রাগ ঘেব অসুয়া না করো কারো প্রতি।

সুখ দুঃখ না ভাবিও যে আছে কপালে  
স্বামী সেবা, সতি, না ছাড়িও কোন কালে।

বড় সুন্দর কথা প্রত্যেক মহিলার  
হৃদয়ে ইহা স্বর্ণাক্ষরে মুদ্রিত থাকুক। ঈশ্বর  
করুন হিন্দুনারী যেন এই কথা মূর্ত্ত পান  
করিয়া সংসারে নিজের সুখ্যাতি ও প্রতিষ্ঠা  
স্থাপন করেন।

কীর্ত্তিবাস রামচন্দ্রের বনবাস বর্ণনাকালে  
বলিতেছেন, বিবাহের এক বৎসর পরই  
কোথায় রাম রাজা হইবেন, না চৌদ্দবৎ-  
সরের জন্ত বনবাসী হইলেন। অভাগিনী  
সীতা রাজভোগ, গুরুজনের অনুরোধ উপ-  
দেশ, কিছুই গ্রাহ্য করিলেন না। বনবাসের  
নিদারুণ কষ্ট হিংস্র পশু, নরখাদক রাক্ষস-  
দিগের ভীতি, তাঁহার পতিগতপ্রাণ  
একটুও বিচলিত করিতে পারিল না। ১১  
বৎসরের একরত্তি মেয়ে; রামচন্দ্র ভাবিয়া  
ছিলেন ভয় দেখাইলে আর তাঁহার বনবাসে  
প্রবৃত্তি হইবে না। কিন্তু এষে যেমন তেমন  
মেয়ে নয় গো।

শ্রীরামের বচনে সীতার ওষ্ঠ কাঁপে  
কহেন রামের প্রতি কুপিত সন্তাপে।  
নিজনরী রাখিতে যে ভয় করে মনে  
দেখ, তারে বীর বলে কোন্ বীর জনে।  
তব সঙ্গে বেড়াইতে কুশ কাঁটা ফুটে  
তুণ হেন বাসি তুমি থাকিলে নিকটে।  
আর কি চাই? বালিকার সরল প্রাণ  
ছাড়া এমন অকপট সক্রম হৃদয়স্পর্শী কথা  
কোথায় ফোটে? বালিকা স্বামীর গলা  
জড়াইয়া ধরিয়া ছলছল নেত্রে তাঁহার মুখ  
পানে চাহিয়া বলিল, "কেন তুমি আম কে  
সঙ্গে যাইতে মানা করিবে?"—

যখন জনক ঘরে ছিলাম শৈশবে  
বলিতেন দেখিয়া আমাকে মুনি সবে।  
শুনহে জনকরাজ তোমার ছহিতা  
করিবেন বনবাস পতির সহিতা।  
ব্রাহ্মণের কথা কতু না হয় খণ্ডন  
বনবাস আছে মম ললাটে লিখন।

ভগিনীগণ, কন্যাগণ, তোমরা বালিকা-  
বধু সীতার কথা শুনিলে? ইহা কবিকল্পনা  
নহে। সীতা যে জনমজুঃখিনী তাহা বেশ  
বুঝিতে পারিয়াছিলেন। গর্ভধারিণী জননীর  
পরিচয় নাই, জনকরাজা লালনপালন  
করিয়াছিলেন, তাই 'জনক ছহিতা'। মনের  
মত গুণবান্ ও রূপবান্ স্বামী লাভ করিয়া  
তাঁহার সঙ্গে একটি বৎসর কত লুকাচুরী  
কত পুতুলখেলা খেলিয়া বালিকা যে তন্ময়  
হইয়া গিয়াছিলেন। রামচন্দ্র শুধু তাঁহার  
স্বামী নহেন, তাঁহার খেলার সাথী, উপদেষ্টা  
গুরু ও একমাত্র সর্বস্ব। এমন বান্ধব,  
এমন ভাঃবাসার জিনিষ, তিনি তো বিশ্ব-  
ব্রহ্মাণ্ড খুঁজিয়া কোথাও দেখিতে পাইলেন  
না। বন—বনবাসের কষ্ট তাঁহার ভাবনার  
মধ্যেও আসিল না। দাঁড়াও মা, একটু  
দাঁড়াও। তোমার প্রেম ভক্তিমাখা বিষাদ-  
মাখা মুখখানি একবার আমাদিগকে  
ভালরূপ দেখিতে দাও। এমন সোণার  
মূর্ত্তি কে শ্রীহীন করিল গো? কোন্  
নির্দয় কোন্ প্রাণে তাঁহার কুসুম  
কোমল কমনীয় দেহখানি আভরণ শূণ্য  
করিল? হায়! হায়! অযোধ্যার ভাবী  
মহারাজী সন্ন্যাসিনী বেশে স্বামা ও দেবর  
সঙ্গে রাজপুরী পরিত্যাগ করিলেন!! ননীর  
পুতুলি সীতা প্রথর স্বর্ঘ্যকিরণে, কণ্টকাকীর্ণ

হর্গম পথে কষ্টে নিপীড়িত হইয়া বারংবার  
দীর্ঘনিঃশ্বাস ফেলিতে লাগিলেন। অগ্রে  
রাম, মধ্যে সীতা ও পশ্চাতে দেবর লক্ষ্মণ।  
লক্ষ্মণ ভ্রাতৃজায়ার কষ্টে মগ্নাহত। পথে  
মুনিকন্যাগণ সেই দিব্যকাস্তি জটাবন্ধল-  
ধারিণী ত্রিমূর্ত্তি দর্শন করিয়া নির্বাক  
নিঃস্পন্দ। তাঁহারা কোঁতুলক্রান্ত হইয়া  
সীতাকে জিজ্ঞাসা করিতেছেন—

পদব্রজে কেন যাও তুমি রূপবতি।  
অনুভব করি তুমি রাজার নন্দিনী,  
সত্য পরিচয় দেহ কে বট আপনি।  
সুন্দর বদন দীর্ঘ উন্নত আকার,  
ধনুর্কীর্ণ করে, উনি কে হন তোমার।  
আহা! সীতা লাজে অপোমুখী; কেবল  
ইচ্ছিতে বুঝাইলেন, "ইনি আমার স্বামী।"  
তার পর যমুনা নদী পার হইয়া ছরস্তু  
রাক্ষসের হাত এড়াইয়া এবং ভরদ্বাজ  
মুনির নির্দেশমতে তাঁহারা অবশেষে  
পঞ্চবটীনে কুটীর নির্মাণ করিলেন।

রাম সীতা কুটীরের ভিতরে তৃণশয্যায়  
শায়িত; লক্ষ্মণ ধনুর্কীর্ণহস্তে পাহা-  
ড়ায় নিযুক্ত, এই দৃশ্য দেখিবার জিনিষ।  
সীতার পাতিব্রত, লক্ষ্মণের কর্তব্যনিষ্ঠা,  
নিঃস্বার্থ ভ্রাতৃপ্রেম, পার্থিব নয়; যথার্থই  
স্বর্গীয়।

যৎকালে তাঁহারা পঞ্চবটী বনে  
উপস্থিত হইলেন, তৎকালে রামচন্দ্রের  
বনবাসকাল অবসান প্রায়; অর্থাৎ তখন  
ত্রয়োদশ বৎসর উত্তীর্ণ হইয়া গিয়াছে।  
সীতা তখন পূর্ণ যুবতী; তাঁহার লাবণ্য-  
গরিমা উছলিয়া পড়িয়াছে। তাঁহার  
দীপ্তিমান রূপবহ্নিতেজে স্বপ্ননা কুরূপা

হইল, খরদূষণ সদলে পুড়িয়া মরিল।  
তারপর হতভাগ্য রাবণ দিশাহারা পতঙ্গের  
আয় সপরিবারে সেই জলন্ত অনলে ভস্মীভূত  
হইল। হায়! সোণার লক্ষা ছারখার  
হইয়া গেল। সীতাঃঃণের পর দশমাসের  
ভিতরে কি একটা অলৌকিক কাণ্ড,  
লোমহর্ষণ বিভাষণ সমরক্রৌড়া হইয়া গেল!  
ব্রহ্মাযুগে বোধ হয় সেখানে সমুদ্রের  
তটটা গভীরতা ও পরিমর ছিল না।  
আশ্চর্য্যের বিষয় লক্ষাধিপ তুর্জয় রাবণ  
সেতুবন্ধকালে বিপক্ষকে কোন বাধা দিতে  
সাহসী হইল না? এতগুলি নামজাদা  
জেনেরেল, লক্ষ লক্ষ রণনিপুণ যোদ্ধা—  
সকলেই চুপ্ চাপ্! তাহাদের এই দশা  
না হইবে কেন? রাবণ পরস্কা-হরণে মহা-  
পাপী—তিনি পাপের জালায় মতিভ্রষ্ট,  
হতবুদ্ধি ও ক্ষীণবীর্য্য হইয়া পড়িয়াছিল।  
সেই মহাপাপেই এতশীঘ্র তাঁহার সর্বনাশ  
হইয়া গেল।

অভাগিনী সীতার দুঃখ কষ্টের বুঝি  
এইবার অবসান হইল। বন্দিভাবে অশেষ  
যাতনা ভোগ করিয়া এতদিন পরে  
স্বামীসন্দর্শন কত মধুর, কত উল্লাসজনক।  
কিন্তু একি? রামচন্দ্র তাঁহাকে গ্রহণ করা  
দূরে থাকুক তাঁহার প্রতি দৃকপাতও  
করিলেন না? এই স্থানে আমরা রাম-  
চন্দ্রকে সাধারণ মনুষ্য বই আর কিছুই  
দেখিতেছি না। সীতা যে ভাবে দীর্ঘকাল  
রাবণের করায়ত্ত ছিলেন, তাঁহার স্বভাব  
চরিত্রে সন্দেহান হওয়া মানুষ্যের পক্ষে  
অসম্ভব নয়। তার পর লোকনিন্দার ভয়  
কাহার না আছে? সীতার অপবাদ, মিন্দা

ও কলক যুচাইবার জন্তই সীতার 'অগ্নি পরীক্ষা' রূপ বীভৎস ব্যাপারের অনুষ্ঠান। রক্ষকুলতিলক মায়াবিদ মিত্র বিভীষণ, প্রথর বুকি সম্পন্ন মন্ত্রী জাম্বুবান, অসাধারণ বৈজ্ঞানিক নল নীল প্রভৃতি রয়েল ইঞ্জিনিয়ারগণ এবং বৈদ্যরাজশ্রেষ্ঠ স্ববেগ যথায় বর্তমান, তথায় বোধ হয় সহজেই অগ্নি-পরীক্ষারূপ মৃত্যুর কবল হইতে রক্ষা পাওয়া যাইতে পারে।

আজকাল সখের খিয়েটারে সপের রাজপুত্র রমণীরা অমান বদনে প্রজ্জ্বলিত চিতায় 'জহরব্রত' পালন করিতেছে, এবং দর্শকমণ্ডলী চিত্রার্পিতের আয় সেই দৃশ্য দেখিয়া রোমাঞ্চিত হইতেছে। রাস বোধ হয় সেইরূপ দর্শকই ছিলেন—অথবা সেই দৃশ্য দেখিবার পূর্বেই তাঁহার সংজ্ঞা লুপ্ত হইয়াছিল। যাহা হউক সীতাদেবী মেঘমুক্ত শশিকলার তাম্র অগ্নিপরীক্ষায় উত্তীর্ণ হইয়া পুনরায় স্বামিনোহাগিনী হইলেন, ইহাতেই আমাদের আনন্দ।

শ্রীরাম লক্ষ্মণ সীতা রাজহংসচালিত পুষ্পক রথে শূন্যপথে অযোধ্যায় অভিবান করিলেন। হনুমান পূর্ক্সাঙ্কিত পদব্রজে যাত্রা করিয়া লক্ষ্মণ বান্ধে পাহাড় নদী পার হইয়া চক্ষের নিমেষে অযোধ্যায় উপস্থিত হইল। সিংহল হইতে অযোধ্যায় কত দূর পথ? ভগ্নকার নিমেষ এখনকার লাট-মাহেবের স্পেশেল ট্রেন গাড়ীকেও পরাস্ত করিয়াছিল বলিতে হইবে।

রামচন্দ্র অযোধ্যায় রাজ্যভার গ্রহণ করিলে পতিপরায়ণা সীতাদেবীর ভাগ্য প্রসন্ন হইল। তিনি অযোধ্যায় রাজ্যাজে

খরী, শাণ্ডীবর্গের আনন্দদায়িনী, আত্মীয়-বর্গের হিতকারিণী ও সর্বসাধারণের শ্রদ্ধা ভক্তি প্রণোদনী। এমন দেবী—এমন পতিপ্রাণা সতীসাক্ষীর অদৃষ্টে সুখ মিশিল না। এই আক্ষেপ রাখিবার স্থান কোথায়? হায়, সমস্ত রাজমহিষী একটা কুচক্রিত সামান্য ইতর লোকের কথায় লোকরঞ্জনার্থ, নির্বাসিত হইলেন। রামচন্দ্র তেঁমায় ষিক! তোমাকে কে বলে দয়ানন্দ, সুবিচেক রাজা? তুমি পতিধর্ম বিচ্যুত হইয়া সংসারে নিজ স্থূল বুদ্ধির যথেষ্ট পরিচয় দিয়া গিয়াছ। অভাগিনী সীতা! মা, তুমি নিষ্ঠুর স্বামীকর্তৃক অত্যাচারে পরি-ত্যক্তা হইলেও সকলের পূজা। হিন্দুরমণী তোমার পবিত্র নমস্করণ করিয়া চিরকাল তোমাকে ভক্তি ও শ্রদ্ধা সহকারে পূজা করিবে।

নির্বাসিতা সীতার দৃশ্য অসহনীয়। সেই দুঃখের সঙ্গীত গাইতে গাইতে কবির ৬৭৭৭৭৭ শোকাবেগ সহসা থামিয়া গিয়াছিল।

নির্বাসিতা সীতার বিলাপ সঙ্গীত  
গাহিতে হরিণ পারে না আর।  
কল্পনার বাণ, হইল স্থগিত;  
সীতা শোকে তার ছিড়িলে তার।  
আমাদেরও সেই অবস্থা।

মতিবাবুর পারিবারিক অবস্থা।

(পূর্ক্সানুষ্ঠান।)

পরীক্ষার ফল বাহির না হইতেই মতিবাবু হারাধনকে জামাতৃপদে বরণ

করিয়া তাহার সঙ্গে একমাত্র কন্যা শ্রামা-সুন্দরীর বিবাহ দিলেন। এই শুভ কার্যে তিনি মুক্ত হস্তে দীনহীদিগকে আর্থিক সাহায্য করিয়া যশস্বী হইলেন। বিবাহের পর সংবাদ আসিল জামাতা বাবাজী ২০ টাকা জলপানি প্রাপ্ত হইয়াছেন। ইহাতে বাড়ীর সকলের আনন্দের সীমা রহিল না।

হারাধন এখন জামাই বাবু, সুতরাং আমরাও তাঁহাকে জামাই বাবু বলিয়াই ডাকিব। জামাই বাবু কলিকাতায় প্রেসি-ডেন্সি কলেজে ভর্তি হইয়া প্রকৃষ্টিতে পড়াশুনা করিতে লাগিলেন। সহপাঠী-দিগের মধ্যে কয়েক জন বড় লোকের ছেলে ছিলেন। তাঁহারা পড়াশুনা অপেক্ষা আমোদ প্রমোদই বেগী ভালবাসিতেন। তিনি প্রথমতঃ তাঁহাদিগের সঙ্গে মিশিতেন না, কিন্তু পরে আর প্রতিজ্ঞা রক্ষা করিতে পারিলেন না। শিববাবু তাঁহার মতিগতি দেখিয়া একদিন বিলক্ষণ ভৎসনা করিলেন। জামাই বাবুর অহুতাপ হইল বটে, কিন্তু রোগ কঠিন হইলে সামান্য চিকিৎসায় সুফল হয় কৈ? তিনি তাঁহাদের সঙ্গে ছাড়িতে পারিলেন না। একদিন তাঁহাদের সমুদ্র দেখিবার সাধ হইল। ঘটনাক্রমে সে সময় একখানা জাহাজ যাত্রী লইয়া পুরী যাইতেছিল। জাহাজ খানার নাম ছিল 'অরেন'। শেষরাত্রে তাঁহারা জাহাজে উঠিলেন। ভোরবেলা শিববাবুর কাণে এই সংবাদ পৌঁছিলে তিনি নিতান্ত বিরক্ত হইলেন, মতিবাবুকে জামাতার গুণের কাহিনী লিখিয়া জানাইলেন।

সারা দিন বেশ কাটিয়া গেল। কিন্তু

সন্ধ্যার অল্প পূর্বেই দেখিতে দেখিতে আকাশ মেঘাচ্ছন্ন হইয়া গেল। হারাধনের পূর্ক্সমুখি মনে জাগিয়া উঠিয়া তাঁহাকে অস্থির করিয়া তুলিল। তাঁহার বন্ধুবর্গের মর্মভেদী বিলাপধ্বনি দোলায়মান জাহাজের অভ্যন্তরেই রহিয়া গেল। ঝড় উঠিল, জাহাজের কাপ্তান বিচলিত হইলেও নিজ কর্তব্য কার্য ভুলিলেন না। তিনি হাত-মুখে আরোহীদিগকে আশ্বাসিত করিয়া খালাসীদিগকে যথাবিহিত আদেশ প্রদান করিতে লাগিলেন। ঝড়ের বেগ ক্রমেই বৃদ্ধি পাইতে লাগিল, সমুদ্র মহাকালরূপ ধারণ করিয়া জাহাজকে গ্রাস করিয়া ফেলিল। তাঁহার বামে দক্ষিণে উল্কে কেবলই পর্বত প্রমাণ বিশাল তরঙ্গ। তরঙ্গের উপর তরঙ্গ আসিয়া ভীষণ গর্জনে জাহাজখানা চূর্ণ বিচূর্ণ করিবার উপক্রম করিল। প্রচণ্ড আঘাতে তাঁহার মাস্তুল মড়মড় শব্দে ভাঙ্গিয়া পড়িল। আরোহীরা প্রায় সকলেই অচতন; হারাধন অসম সাহসে বুক বাধিয়া নিজকে রক্ষা করিতে-ছিলেন। মাস্তুল ভাঙ্গিবামাত্র কয়েক জন খালাসী তাহার উপর চড়িয়া বসিল। হারাধনও অতিকষ্টে হামাগুড়ি দিয়া তাহার একখণ্ড দড়ি ধরিয়া ফেলিলেন। তন্মূহূর্ত্তে মাস্তুল বিচ্ছিন্ন হইয়া জাহাজ হইতে বহু-দূরে উৎক্ষিপ্ত হইল, এবং জাহাজখানা হতভাগ্য আরোহীদিগকে সঙ্গে করিয়া সাগরবক্ষে অদৃশ্য হইয়া গেল।

কলিকাতার পোর্টকমিসনর আফিসে তার পরদিন এক হৃদয়বিদারক সংবাদ আসিয়া পৌঁছিল যে 'অরেন' জাহাজ

চাঁদবানীর ৩০ মাইল উত্তরে মারা গিয়াছে, জাহাজস্থ একটি প্রাণীও রক্ষা পায় নাই। সহরে গ্রামে এই নিদারুণ সংবাদ রাষ্ট্র হইয়া পড়িলে অনেক পরিবারে হাহাকার ধ্বনি উথিত হইল। মতিবাবু পাগলের স্থায় সপরিবারে কলিকাতায় বন্ধুর বাড়ীতে আসিয়া উপস্থিত হইলেন। নানাস্থানে টেলিগ্রাম প্রেরিত হইল, কিন্তু কোন সফল ফলিল না। হতভাগিনী শ্রামার অবস্থা আমরা আর কি বলিব? তাহার বৈধব্যদশা অদৃষ্ট লিখন। শিববাবুর বাড়ীর নিকটেই স্বতন্ত্র বাসায় মতিবাবু অবস্থিত করিতে লাগিলেন। শ্রামার মা অসহ্য শোকে কাঁদিতে কাঁদিতে চক্ষু ফুলাইলেন, স্বরভঙ্গ হইল, গহনাপত্র শরীরে যাহা ছিল দূর করিয়া ফেলিয়া দিলেন।

যখন বাড়ি থামিল, তখন প্রভাত হইয়াছে। হারাধন কি ভাবে যে সারারাত্রি আস্তলের উপর কাটাইয়াছিলেন একমাত্র বিধাতাই জানেন। তিনি চক্ষু মেলিয়া প্রথমতঃ কিছুই বুঝিতে পারিলেন না। ক্রমে ক্রমে সম্পূর্ণ জ্ঞানের সঞ্চয় হইলে তিনি দেখিতে পাইলেন যে তিনি একটা কেবিনের ভিতর শয়ান। নিকটে একটা বৃদ্ধ সাহেব ও মেম বসিয়া ইংরাজীতে কি বলাবলি করিতেছিলেন। সাহেব প্রাসে করিয়া তাঁহাকে কি একটা ঔষধ খাইতে দিলেন, অমনি তাঁহার শরীরস্থ নির্জীব ইন্দ্রিয় সকল যেন সজীব হইয়া উঠিল। মূঢ়হাশ্বে জিজ্ঞাসা করিলেন “তুমি ইংরাজা জান?”

হারাধন ঘাড় নাড়িয়া উত্তর দিলেন। সাহেব ও মেম সাহেব বড় খুসী হইলেন।

সাহেব—তোমার শরীর কেনন আছে?

হারাধন—বেশ আছি; বড় ক্ষিধে পেয়েছে।

সাহেব—তুমি হিন্দু, আমাদের খানা খাবে?

হারাধন—খাব।

মেমসাহেব হাসিয়া বলিলেন “তোমার জাত যাবে যে, তোমার বাপ মা তোমাকে ঘরে নিবেন না।”

হারাধন—মেমসাহেব আমার বাপ মা আত্মীয় বান্ধব কেহই নাই। এখন আপনাই আমার সর্বস্ব। আমি এখন কোথায় যাচ্ছি?

সাহেব—আমাদের জাহাজ লগুনে যাবে, আজ তোমাকে একটা ভাসমান আস্তলের উপর দেখিতে পাওয়া গিয়াছিল। ঝড়ে অনেক ভ্রমচরনা ঘটয়াছে। আমাদের জাহাজ গুণ্ডবিপন্ন হইয়াছিল। তুমি কোথায় যাইতেছিলে?

হারাধন ক্ষণকাল চিন্তা করিয়া ধীরে ধীরে বলিলেন, “মহাশয়, আমাদের জাহাজের নাম ছিল ‘অরেন্’। অসংখ্য বাত্মী লইয়া পুরী যাইতেছিল জাহাজখানা কি ডুবিয়া গিয়াছে?”

সাহেব—সম্ভবতঃ তাহাই হইবে। তুমি এখন কি চাও?

হারাধন—আমি আপনাদের সঙ্গে বিলাত যাইব।

সাহেব—তা’হলে তোমাকে ব্যাপ্-টাইজ হতে হবে। আমি কে জান?

হারাধন—না মহাশয়।

সাহেব—আমার নাম রেভারেণ্ড হেণ্ডারসন। আমরা সঙ্গীক বহুকাল আসামে বাস করিয়া দেশে যাইতেছি। তুমি যদি পবিত্র খ্রীষ্টধর্মের দীক্ষিত হও, তবে আমরা তোমার ধর্ম পিতামাতা হইয়া তোমার লেখাপড়ার ভার গ্রহণ করিব।

হারাধন সম্মত হইলেন।

তার পর জাহাজ যখন এডেন বন্দরে পৌঁছিল, পাদ্রী সাহেব যথারীতি তাঁহাকে দীক্ষিত করিয়া বাজার হইতে তাঁহার জঞ্জ একসুট পোষাক ক্রয় করিয়া আনি লন। নবধর্মের আশীর্বাদে হারাধনের যেমন বেশভূষার সম্পূর্ণ পরিবর্তন হইল, তেমন তাঁহার শৈশবকালের নামটীরও একটা অভূত পরিবর্তন ঘটিল। তাঁহার নাম হইল মিঃ আর্থার হেরিসন বস।

পাদ্রী সাহেব সঙ্গীক ধর্মপুত্র মিঃ বসকে সঙ্গে করিয়া হাশ্রমুখে গিয়া আসিলেন। অনেক সাহেব মেম খানায় বসিয়া গিয়াছেন। তিনি মিঃ বসএর কাহিনী বর্ণনা করিয়া এক নাতিদীর্ঘ বক্তৃতা করিলেন। উপস্থিত সকলেই তাঁহাকে ধন্য ধন্য করিয়া মিঃ বসকে সাদর সম্ভাষণ জানাইলেন।

একে রংটী ফর্সা, তা’তে সাহেবী পোষাকে অঙ্গ ঢাকা, মিঃ বসকে বড়ই সুন্দর দেখাইতে লাগিল। বস সাহেব মনের সুখে কাঁটা চামচ ধরিয়া ডিনার খাইতেছেন,—আর এদিকে নির্জলা একাদশীর ভীষণ পীড়নে অভাগিনী শ্রামার ওষ্ঠাগত প্রাণ। সেদিন মতিবাবুর বাড়ীতে উনান ধরে নাই, সকলেই উপবাসী।

হারাধন কি নিষ্ঠুর, কি কৃতঘ্ন !! তিনি যদি জাহাজ হইতে তাঁহার স্বপ্নের নিকট তাঁহার প্রাণরক্ষা ও বিলাতবাত্রার কথা লিখিয়া জানাইতেন, তাহা হইলে কি সুখের বিষয় ছিল। কিন্তু কি ভাবিয়া এসবন্ধে তিনি নিশ্চেষ্ট রহিলেন, তিনিই বলিতে পারেন।

যথাসময় জাহাজ লগুনে পৌঁছিলে মিঃ হেরিধন পূর্ণ মাত্রায় সাহেব হইলেন।

জেনারেল বুথের পরিবার।

(একটা কুমারী কথা হইতে প্রাপ্ত।)

জেনারেল বুথের প্রতিষ্ঠিত দল মুক্তি-ফৌজের এক প্রবল প্রতাপশালী হইবার মূল কারণ কি? জেনারেল বুথ তাঁহার দলকে উপদেশ দিবার আগে একটা আদর্শ পরিবারের উজ্জল দৃষ্টান্ত সম্মুখে ধারণ করেন। তিনি সর্বপ্রথম পুত্র কন্যার চরিত্র গঠন করেন। কেবল তাঁর একাকীর চেষ্ঠায় তিনি কখন ইহাতে কৃতকার্য হইতে পারিতেন না, কিন্তু তাঁহার অভিন্নহৃদয়া সহধর্মিণীর সহায়তায় তিনি মনোমত উপযুক্তপুত্র কন্যা গঠন করিয়াছেন। পুত্র কন্যারাও পিতামাতার উপযুক্ত সন্তান হইয়া তাঁহাদের নাম সার্থক করিয়াছেন।

আমরা প্রায়ই দেখিতে পাই অনেক মহানুভব মহাচরিত্র লোকের সন্তানেরা পিতার কোন সদগুণের উত্তরাধিকারী না হইয়া, ভিন্নচরিত্র নীচ প্রকৃতির লোক হন। লোকে পিতার গুণ পুত্রে আশা



করে, না দেখিতে পাইয়া নিতান্ত ছঃখিত ও মর্জাহত হন। পুত্র কণ্ঠা পিতার অপেক্ষা মাতার চরিত্রের উত্তরাধিকারী হয়। পিতা গুণবান্ মহানুভব হইলে কি হইবে? মাতা যদি সেরূপ না হন, পুত্র কণ্ঠা কখন পিতার নাম রক্ষা করিতে পারে না। এই বৃথ পরিবারে আমরা দেখিতে পাই, পিতার সঙ্গে মাতার এক মত, এক আদেশ, এক লক্ষ্য হওয়াতে পুত্র কণ্ঠা পিতা মাতার উপযুক্ত সন্তান হইয়া তাঁহাদের মুখ উজ্জ্বল করিয়াছে, নাম সার্থক করিয়াছে। বৃথ পরিবার হইতে, মুক্তি-ফৌজ হইতে আমাদের অনেক জানিবার শিখিবার আছে। আমরা ব্রাহ্মসমাজে ও অন্যান্য স্থলেও কি দেখিতে পাই দ্বিভ্রাতা-ব্রতধারী প্রচারকদের সন্তানদের জীবনের লক্ষ্য কি? তাহাদের জীবনের আদর্শ কি বৈরাগী প্রচারক হইয়া পরসেবায় জীবনান্টিপাত করা নহে? কিন্তু তাহাদের জীবনের আদর্শ সংসারে দশজনের একজন হইয়া ধনী সংসারী হইয়া স্মৃতে স্বচ্ছন্দে জীবনযাপন করা। তাঁহারা দরিদ্র প্রচারকের জীবনকে অত্যন্ত ছঃখের জীবন মনে করে। অপর দিক দিয়া ধরিতে হইবে, প্রচারকেরা যে ধর্মকে ভাল বাসেন, বড় বড় উপদেশ দিলে বোঝা যায় না, কিন্তু তাঁহারা যদি পুত্র কণ্ঠাকে ধর্মের নামে উৎসর্গ করেন, তাদের জীবনে যদি ধর্মকে জয়যুক্ত দেখিতে ইচ্ছা করেন, তবেই বুঝা যায়। অনেক স্থলে পিতা নিজে বৈরাগী প্রচারক, কিন্তু পুত্রের জন্ত ধন, মান, পদ, প্রাধিকার চান। কিন্তু

বৃথ পরিবারে সেরূপ নহে, পিতা, মাতা পুত্র ও কণ্ঠার জীবনে ধর্মকে জয়যুক্ত দেখিতে চান। ধর্মের নামে উৎসর্গ করিয়াছেন। পুত্র কণ্ঠাদের সংসারের সুখ সম্পদ প্রার্থনা করেন না। পুত্র কণ্ঠাদেরও জীবনের সর্বোচ্চ আনন্দ, আকাঙ্ক্ষা, আদর্শ কি পিতামাতার ছায় পরসেবায় জীবন দান করে। মনে হয় জগতে এরূপ ধর্ম-পরিবার আর কখনও হয় নাই। পিতা, মাতা, পুত্র, কণ্ঠা, জামাতা, বধু সকলের জীবনের এক শিক্ষা দীক্ষা এক কার্য, চেষ্টা, সকলে এক দলে পৃথিবীর পাপীতাপী দীন ছঃখীর পাপভার ছঃখভার বহন করিতে অগ্রসর। বাল্যকাল হইতে তাদের কিরূপ ভাবে প্রস্তুত করা হয়েছে, তাহা নিম্নলিখিত ঘটনা দুইটি পাঠ করিলে বুঝিতে পারিবেন। নিম্নলিখিত ঘটনা দুইটি জেনারেল বৃথের দ্বিতীয় কণ্ঠা স্বর্গগতা এমার বাল্যকালের কথা।

যখন মিসেস বৃথ পোর্টসমাউথে প্রথমবার বেড়াইতে আসেন, এমার তখন ত্রয়োদশ বর্ষীয়া বালিকা, সেই সময়ে একটি ঘটনা হয়। সেই ঘটনা হইতে বেশ বুঝা যায়, তাঁর সন্তানেরা নিষ্ঠুর আচরণ কিছুতেই সহ করিতে পারিত না। অন্যান্য দিনের ছায় এমার তাঁহার শিক্ষয়িত্রীর সহিত বেড়াইতে বাহির হইয়াছেন, এমন সময়ে একটি গর্দভের গাড়ী তাঁহাদের নিকট দিয়া চলিয়া গেল। এমার দেখিল যে একটি বালক ছড়ি দিয়া গর্দভটিকে মারিতে মারিতে লইয়া চলিয়াছে। এমার বালকটিকে গর্দভকে মারিতে নিষেধ

করিল, কিন্তু সে তাহার কথায় হাসিয়া আরও জোরে মারিতে লাগিল।

এমার শিক্ষয়িত্রীর হাত ছাড়াইয়া গিয়া গাড়ীর পশ্চাতে পশ্চাতে ছুটতে লাগিল, অনেক ক্ষণ দৌড়াইবার পর সে গাড়ীর নিকট পৌঁছিল ও লাগাম ধরিল।

এমার ঐ বালকের হাত হইতে ছড়ী টানিয়া লইয়া বালকটিকে প্রহার করিতে লাগিল ও বলিতে লাগিল, “এইবার এখন কেমন লাগছে?” বালকটি অত্যন্ত বলবান ছিল, সে ইচ্ছা করিলে অনায়াসে এমাকে আক্রমণ করিতে পারিত, কিন্তু এমার প্রহারের অপেক্ষা চোখের জল ও কাতর প্রার্থনা অধিক ক্ষমতাসালী ছিল। এমার এই ব্যবহারে বালকটি মুগ্ধ হ’য়ে, অবাক হ’য়ে দাঁড়াইয়া রহিল। সে বিনা বিচারে নিঃশব্দে তার কথায় সম্মতিদান করিয়াছিল ও আর কখনও সে এরূপ করিবে না বলিয়াছিল। এমার অরোধে ধূলার উপরেই গর্দভের পাশে বসিয়া ঈশ্বরের নিকট ক্ষমা প্রার্থনা করিল। বালকটি এমার ব্যবহারে পরাজিত হইয়া তাকে তার পথ হইতে অনেক দূরে আনিয়া ফেলিয়াছে বলিয়া ছঃখ করিতে লাগিল। বালকটি তাহাকে পাজী করে দিলে আসিতে চাহিল। এমার গাড়ীর উপরে বালকটির পাশে বসিয়া বিজয়ী হইয়া গৃহাভিমুখে চলিল। এমার যাইতে বাইতে গাধাটির অনেক সুখ্যাতি করিতে লাগিল, গাধাটিকে উত্তমরূপে আহার দিতে ও সদয় ব্যবহার করিতে বলিল। ইতিমধ্যে তাহার শিক্ষয়িত্রী মাতার নিকট যাইয়া

এমার ছঃখবাহসের কথা বলিলেন। কিন্তু মাতা আনন্দে সকল কথা শুনিলেন, আদরের সহিত কণ্ঠাকে বক্ষে চাপিয়া ধরিলেন এবং তাহার সংচেষ্টার সার্থকতা দেখে অধিকতর আনন্দ করিতে লাগিলেন।

পোর্টসমাউথে বাস করিবার সময়েই একদিন সন্ধ্যাবেলায় এক মেছুনী কাঁকড়া ও চিংড়িমাছ বিক্রয় করিতে আসিয়াছিল। সেই মেছুনী বাড়ীর ভৃত্যতীর সঙ্গে এইরূপ গল্প করিতেছিল, যে গত রাত্রিতে যখন জল ফুটিতে আরম্ভ করিয়াছিল, তখন একটা চিংড়িমাছ লাফাইয়া পড়াতে সে কিরূপ ভয় পাইয়াছিল। এমার এই কথোপকথনটা শুনিতে পাইয়াছিল। এমার আরও শুনিতে পাইল যে সেই মেছুনী বলিতেছে, যে যখন জল অল্প অল্প উষ্ণ হয় তখনই চিংড়িগুলি জলের মধ্যে দেওয়া হয়, পাছে তাহারা তাহাদের দাঁড়া বাহির করে। যখন জল ফুটিতে আরম্ভ করে, তখন ছোট ছেলের মত চিংকার করিতে থাকে, ও মৃত্যু না হওয়া অবধি ছটফট করিতে থাকে।

এই কথাগুলি শুনিয়া সে তাহার জ্যেষ্ঠ ভ্রাতা ব্রামওয়েল বৃথের নিকট গমন করিল। জ্যেষ্ঠ ভ্রাতা ব্রামওয়েলের উপর সকলের ভার ছিল, এমার ভ্রাতার নিকট গমন করিয়া সন্ধ্যাবেলাতেই মেছুনীর বাড়ীতে গিয়া, তাহার নিষ্ঠুরাচরণের বিষয়ই তাহার সহিত কথা বলিবার অল্পমতি চাহিল। ব্রামওয়েল বলিলেন, কাল প্রাতঃকালে গেলেই হবে, কিম্বা এবিষয়ে তিনি

নিজে একখানা পত্র লিখিতে রাজি আছেন, ইত্যাদি নানা কথায় তাহাকে সন্ধ্যাবেলাতে যাইতে নিষেধ করিলেন। কিন্তু কিছুতেই এমাকে ইহা হইতে নিবৃত্ত করা গেল না, সে নিজে সেই রাত্রিতেই গিয়া দেখা করিবে, তাহাই ঠিক হইল।

একটা ল্যাম্প হাতে লইয়া সেই অন্ধকার গ্রাম্য পথে, এমা তাহার ধাত্রীর সঙ্গে তিন মাইল দূরবর্তী কুটীরাতিমুখে যাত্রা করিল। সেখানে পৌঁছিয়া দেখিল স্বামী স্ত্রী দুজনেই শয়ন করিয়াছে। বাহিরে দাঁড়াইয়া অনেকক্ষণ দরজা ধাক্কা-ইবার পর উপরের ঘরের জানলা খুলিয়া একজন লোক বাহির হইল। “মহাশয়া আপনি” সেই ধীবর বলিল। সেই ধীবর যখন জানিতে পারিল বালিকা তাহার স্ত্রীর নিকট কোন বিশেষ প্রয়োজনে আসিয়াছে, তখন তাড়াতাড়ি কাপড় পরিয়া নীচে আসিল। এমা ধাত্রীকে বাহিরে রাখিয়া ভিতরে প্রবেশ করিল। এমা মনে করিলেন, আর একজন লোক সম্মুখে থাকিলে সে যেরূপ সরল ভাবে জোরের সহিত বলিতে চায় তাহা বলিতে পারিবে না। যখনই কোন লোককে তাহার অপরাধ দুর্বলতার কথা সরল ভাবে বলিতে চাহিতেন, এমা চিরজীবনই এই নিয়মাত্মসারে চলিতেন। আমরা সেই বালিকার অদম্য উৎসাহপূর্ণ ছবি মনে ভাবিয়া লইতে পারি, কিরূপ আবেগের সহিত সে তাহার রুদ্ধ ভাব উন্মুক্ত করিল। সে একরূপ ভাবে কথাগুলি বলিল যে, সেই ধীবর দম্পতী নতজানু হয়ে কাঁদিতে লাগিল,

এবং এমা তাহাদের ক্ষমা করিবার জন্ত ভগবানের নিকট প্রার্থনা করিতে লাগিল, এবং পুনরায় একরূপ কখনও করিবে না বলিয়া অঙ্গীকারাবদ্ধ করিল।

স্বীয় প্রচারে কৃতকার্য হ'য়ে সে গৃহাতিমুখে যাত্রা করিল, মধ্যে মধ্যে পথে পাথরের উপর বসিয়া বিশ্রাম করিতে করিতে অগ্রসর হইলে, এইরূপে সে আপনার ক্লান্তি লুকাইতে চেষ্টা করিল, তাহার ধাত্রী তাহার জন্ত চিন্তিত ছিলেন। গৃহে আসিয়া ভ্রাতার সাদর অভ্যর্থনা পাইলেন, ভ্রাতা তাহার সাক্ষাৎকারের সকল কথা আনন্দের সহিত গর্কের সহিত শুনিলেন। ভ্রাতা তাঁহার পাশের ঘরে এমার শুইবার বন্দোবস্ত করিলেন, পাছে সেই চিংড়িমাছের ভয়ানক যাতনার কথা মনে হইয়া ঘুমের ব্যাঘাত হয়।

আর একদিন এমা তাঁহার উপরের ঘরের জানালা হইতে দেখিতে পাইল যে, সম্মুখের ময়দানে দুইটি বালক মারামারি করিতেছে, সে দ্রুতবেগে তাহাদের নিকট গমন করিয়া তাহাদের ছাড়াইয়া দিয়া তাহাদের সহিত একরূপভাবে কথা কহিল যে তাহারা বন্ধুভাবে, পরস্পরের হস্তধারণ করিল ও তাহাদের চক্ষু অশ্রুপূর্ণ হইল।

দেবী গান্ধর্বা ।

(পূর্বানুবৃত্তি।)

গান্ধর্বার উপাশ্র দেবতা তাঁহার জীব-  
নীর নানা স্থানেই সুপ্রকাশিত, তথাপি  
তৎসম্বন্ধে এ স্থানে পরিষ্কাররূপে কিছু

লিখিত হওয়া নিতান্ত অপ্রয়োজনীয়  
নহে।

ঈশ্বরঃ পরমঃ কৃষ্ণঃ সচ্চিদানন্দবিগ্রহঃ ।

অনাদিরাদিগোবিন্দঃ সর্বকারণকারণঃ ॥

বৈষ্ণব শাস্ত্রের এই সচ্চিদানন্দ শ্রীকৃষ্ণই তাঁহার পরম উপাশ্র ছিলেন। অশ্রু দেবতা প্রকৃত পক্ষে তিনি মানিতেন না। জীবনের প্রথম হইতে শেষ পর্যন্ত তিনি এই এক-নিষ্ঠ ছিলেন। এই শ্রীকৃষ্ণকেই তিনি দেহ, মন, প্রাণ, জীবন, সংসার, ইহকাল, পরকাল সমস্ত সমর্পণ করিয়া কৃতার্থ হইয়াছিলেন। এই শ্রীকৃষ্ণই তাঁহার পিতা মাতা প্রাণপতি ও জীবন সর্বস্ব শ্রীহরি হইয়াছিলেন। তাঁহার বিধাসচক্ষু খুলিয়া গিয়াছিল; মনের সমুদয় আঁধার দূর হইয়াছিল; তিনি সম্পূর্ণরূপে শ্রীভগবানের হইয়া গিয়াছিলেন। নিরন্তর নয়ন ভরিয়া শ্রীভগবানের চিন্ময়রূপ দর্শন, শুদ্ধ ভক্তি-যোগে তাঁহার লীলাস্থান এবং প্রাণ ভরিয়া তাঁহার নিত্য প্রেমসুধা পানই গান্ধর্বার জীবনের সার সামগ্রী ছিল। আমরা তাঁহাকে অনেক সময়েই ঐরূপ শুদ্ধ প্রেম-সুধাপানে বিভোর দেখিয়াছি। তাঁহার ভাবপূর্ণ সৌম্য মুখকান্তি দর্শন করিয়া ও ভাবময়ী মহাজনপদের আবৃত্তি শুনিয়া তাঁহার অন্তরহৃৎ ভাবের কথঞ্চিৎ আভাস পাইয়াছি। গোপীভাবের পূর্ণ পরিণতি গৌরান্দভাবে মগ্ন থাকাই তাঁহার বিশেষ সাধনা ছিল। ইহাতে তিনি প্রচুর পরিমাণে কৃতকার্য হইয়াছিলেন। চৈতন্য-চরিতামৃত প্রভৃতি গ্রন্থের মনোনীত কত পদ ধীরভাবে আবৃত্তি করিয়া ভাবামৃত

পান করিতেন, তাহা নির্ণয় করা  
সুকঠিন।

একবার বার হৃদয়ে লাগে,

সদা তার হৃদয়ে জাগে,

কৃষ্ণ তনু যেন আম্র আঠা।

নারীর মনে পশি যায়,

যত্নে নাহি বাহিরায়,

তনু নহে সেহা কুলের কাঁটা ॥

সময় সময় এইরূপ নানা পদাবলী  
আস্বাদন করিয়া একেবারে ভাবসাগরে  
ডুবিয়া যাইতেন, সেই পবিত্র স্মৃতি এখনও  
প্রাণে সমুদিত হইয়া হৃদয়ে বিমলানন্দ  
দান করে।

যত্ন সহকারে যে সকল উৎকৃষ্ট ও রস-  
ময় শ্লোক এবং পদাবলী শিক্ষা করিয়া-  
ছিলেন, জীবনের নানা অবস্থায় নানা  
সময়ে সেই সেই অবস্থা ও সময়ের অঙ্গুল  
শ্লোক ও পদ আবৃত্তি করিয়া ভাবসুধা-  
পানে কৃতার্থ হইতেন। তাঁহার জীবন  
সাধনময় ছিল।

(বর্তমানে ভাগলপুর প্রবাসী শ্রীযুক্ত  
হরিচন্দ্র বসু মহাশয় কর্তৃক লিখিত।)

গান্ধর্বা ঠাকুরাণী আমার পিতৃব্য-  
কণ্ঠা। আমাদের পরিবার একান্তভুক্ত  
ছিল, স্তত্রাং খুড়তাত জেঠতাত ও সহো-  
দরা ভাই ভগিনীদের কোন প্রকার ভিন্নতা  
ছিল না। তাঁহার যখন যৌবন আরম্ভ  
হয় তখন আমার জন্ম হয়। সে সময়ে  
ভাইদের মধ্যে আমিই সর্ব কনিষ্ঠ ছিলাম।  
এই জন্মই হউক বা যে জন্মই হউক,  
আমার প্রতি তাঁহার অত্যন্ত মেহ ছিল।  
আমার মাতুলালয় তাঁহার শ্বশুরালয়ের

নিকটে ছিল, দুই তিন ঘণ্টার পথ মাত্র। আমার বাল্য জীবনের অধিকাংশ মাতুলালয়ে অতিবাহিত হইয়াছে। ১০।১১ বৎসর বয়সের সময়ে আমি মধ্যে মধ্যে তাঁহার বাড়ীতে যাইতাম, বিশেষতঃ আমার কিশোর বয়সে গীহা ও জ্বর হওয়ায় প্রায় বৎসরাধিক পীড়িত ছিলাম। সেই সময়ে আমার শুশ্রূষা ও চিকিৎসা নিয়মিতরূপে হইতেছে না শুনিয়া তিনি আমাকে নিজালয়ে লইয়া যান। তখন দুই তিন মাস একাদিক্রমে তাঁহার নিকট ছিলাম। সেই সময়ে তাঁহার আচার ব্যবহার ও চলন চরিত্র যাহা দেখিয়াছি এবং বিশ্বস্তসূত্রে শুনিয়াছি তাহার দুই একটি কথার উল্লেখ করিতে ইচ্ছা করি। মধ্যে মধ্যে যে তাঁহার বাড়ীতে যাইতাম, তাহা ব্যতীতও প্রায় প্রতি বৎসর দুই একবার তাঁহার সঙ্গে একত্র থাকিবার সুযোগ হইত। প্রায় প্রতি বৎসর বর্ষাকালে তাঁহার পিতা তাঁহাকে আমাদের নিজালয়ে লইয়া যাইতেন; সেই সময়ে আমি আমার মাতা-ঠাকুরাণীসহ সেখানে যাইতাম।

তাঁহার জীবন স্বভাবতঃ ধর্মপ্রধান ছিল। পূর্ববাহুল্যের পল্লীগামের মধ্যবর্তী গৃহস্থগণের মহিলাদিগের যে সকল সাংসারিক গৃহকর্ম করিতে হয়, সে সমস্তই তাঁহাকে করিতে হইত; তথাপি সাংসারিক কাজ কর্ম যতই কেন অধিক বা শ্রমসাধ্য হইক না, তাঁহার দৈনিক পূজা অর্চনা ইত্যাদির কোন ব্যাঘাত করিতে পারে নাই। হরি নামে কুচি, হরিকৃপায় বিশ্বাস ও নির্ভর তাঁহার অতি উজ্জ্বল

ছিল। আমি যখন পীড়িত অবস্থায় তাঁহার বাড়ীতে ছিলাম, তখন হঠাৎ একদিন তাঁহার ওলাউঠা অর্থাৎ ভেদবমি হয়। কয়েকবার দাত হইলে তাঁহার মনোহর সুবর্ণ বর্ণ মলিন হইয়া গেল, চক্ষুদয় কোটরস্থ হইল। তখন তাঁহার স্বাভাবিক প্রফুল্লতা রহিল না বটে, কিন্তু এক প্রকার গাভীর্য আসিয়া মুখমণ্ডলে দেখা দিল। সে গাভীর্য মনের ব্যস্ততা প্রকাশ করে নাই; মুখে কেবল হরিনাম ভিন্ন আর কোন শব্দ ছিল না। আহা উহু আর্তনাদ কিছুই নহে। আমি এবং তাঁহার স্বামী তাঁহার শুশ্রূষার জন্ত যথা কর্তব্য করিতে লাগিলাম। তিনি ঠাকুর ঘরের উঠানে ভূমিতে পড়িয়া রহিলেন। কোন ঔষধাদি গ্রহণ করিলেন না, এই ভাবে এক কি দেড় দিন থাকিয়া আরোগ্য লাভ করিলেন। অল্প এক সময়ে তাঁহার জ্যেষ্ঠ পুত্র হরিনাথ প্রবল জ্বররোগে আক্রান্ত হইলেন। তিনি কেবল হরিনাম মন্ত্র জপ করিয়া তাঁহার জ্বর দূর করিলেন। চিকিৎসা শাস্ত্রের নিষিদ্ধ বস্তু সকল হরিনামমন্ত্রপুত করিয়া তাহাকে আহার করিতে দিতেন। আমি তখন একটু ইংরাজী পড়িয়াছি; আমার নিকট ও প্রকার আচরণ অবৈধ বোধ হইত। তাই আমি এক দিন অল্প একটি লোকের নিকট তাহার প্রতিবাদ করিয়াছিলাম। তিনি তাহাতে অত্যন্ত বিরক্ত হইয়া আমার প্রতি কষ্টভাব প্রকাশ করিয়াছিলেন। সেই আমি আমার প্রতি তাঁহার বিরক্ত ভাব একবার দেখিয়াছি; তদ্ব্যতীত

চিরকাল তাঁহার স্মৃষ্টি কথা শুনিয়াছি।

লেখা পড়া জানিতেন না বটে, কিন্তু অতিশয় বুদ্ধিমতী ছিলেন। ধার্মিক পিতার সহায়তায় পৌরাণিক ধর্মতত্ত্ব, বিশেষতঃ বৈষ্ণব ধর্মের গূঢ়তত্ত্ব বিলক্ষণ জানিতেন। সাধারণ পল্লীগামবাসিনী নারীদিগের ত্রায় বাজে গল্প করিয়া সময় কাটাইতে তাঁহাকে দেখি নাই। সাংসারিক কাজ কর্মের সঙ্গে সঙ্গে প্রায়ই ধর্মের ইতিহাস সঞ্চরীয় অনেক কথা বলিতে শুনিয়াছি।

বিশ্বস্ত সূত্রে শুনিয়াছি যে যৌবনকালে সংসারে অনেক কাজ কর্ম করিতে হইত বলিয়া নিজের কেশমার্জনাও যথারীতি করিতে পারিতেন না, সূত্ররং মাথায় অনেক উকুন হইয়াছিল। সংসারে কাজ কর্ম করিয়া এবং স্বামী প্রভৃতিকে ভোজন করাইয়া যখন নিজে ইষ্ট দেবতার পূজা আরম্ভ করিতেন তখন ঐ উকুনগুলি বড় বিরক্ত করিত, এবং মন স্থির করিয়া পূজা করিতে পারিতেন না, তাই এক দিন নিজের হাতে দীর্ঘ কেশগুলি কাটিয়া ফেলিলেন। পাছে বা লোকে টের পাইয়া কিছু বলে, সেই ভয়ে কেবল কপালের দুই দিকে ছোট ছোট দুই গাছা কেশ রাখিলেন। মস্তকের পশ্চাদিক কাপড়ে ঢাকা থাকিত। তখন আর উকুনের যন্ত্রণায় পূজার ব্যাঘাত হইত না।

অল্প পুরুষদিগের সঙ্গে ব্যবহারে অত্যন্ত নিয়মপরায়ণা ছিলেন। এক দিন তাঁহার দেবরসম্পর্কীয় একটা লোক আসিয়া বলিলেন, “বোঁ আমি একটা পান খাব।” তিনি গান্ধর্বী ঠাকুরাণীর অপেক্ষায় বয়সে অনেক

কনিষ্ঠ হইলেও গান্ধর্বী ঠাকুরাণী নিজে পান সাজিতে গেলেন না; কেননা সেখানে অল্প কোন লোক ছিল না। দেবরকে বলিলেন, “ঘরে পান আছে সাজিয়া খাও।” বোধ হয় দেবরের ইচ্ছা ছিল, এই উপলক্ষে ছদ্ম তাঁহার সহিত গল্প করেন; নিজে পরপুরুষের সঙ্গে কথাবার্তা তিনি পছন্দ করিতেন না। এ কথা গান্ধর্বী ঠাকুরাণী নিজে আনাকে বলিয়াছেন।

তিনি যে অতিশয় বুদ্ধিমতী ছিলেন, তাহা ত দেখিয়াইছি। তাহার একটা দৃষ্টান্ত এই, তাঁহার বিবাহান্তে শ্বশুরালয়ে যাইবার অল্প কয়েক দিন পরে এক দিন গ্রামস্থ দেবর সম্পর্কীয় একটা লোক অতি ক্ষুদ্র ও পাতলা এক টুকরা নিমকাঠ লইয়া গ্রামের সব বাড়ী বাড়ী বেড়াইয়া বধুদিগকে জিজ্ঞাসা করিলেন, “এটা কি কাঠ?” কোন বধুই চিনিতে পারিলেন না। অবশেষে গান্ধর্বী ঠাকুরাণীর বাড়ীতে আসিয়া একজন লোক দ্বারা তাঁহাকে জিজ্ঞাসা করাইলেন, “এটা কি কাঠ?” তিনি কাঠের ঘ্রাণ লইয়া বলিয়া দিলেন, “নিম কাঠ।” প্রশ্নকর্তা বলিতে লাগিলেন, “গ্রামের সব বউগুলি নির্বোধ, কেবল এই বউটি বুদ্ধিমতী।”

বাজে কথা প্রায়ই কহিতেন না। কিন্তু সময়ে সময়ে এক একটি কথায় বেশ নির্দোষ রসিকতা করিতেন। একদিন তাঁহার দেবর সম্পর্কীয় শ্রামা প্রসাদ নামক একটা লোক তামাসা করিয়া হরি প্রসাদ নামক একটা বালককে বলিয়াছিলেন,

“তুমি হরিপ্রসাদ, তবে তুমি বাতাসা ;  
কেন না বাতাসা দিয়া হরির লুট হয় ।”  
গান্ধবী ঠাকুরাণী যখন এই কথা শুনি-  
লেন, তখনই বলিলেন, “হরিপ্রসাদ যদি  
বাতাসা হয়, তবে শ্রামা প্রসাদ পাঠা ।”

মহিলাদিগের রচনা ।

কোন কবি ভগিনীর প্রতি ।

সুদূর প্রবাসে বসি বন্ধুত্ব গেহে  
মনে পড়ে প্রবাসীর স্বদেশের কথা,  
শারদীয় উৎসবেতে জননীর স্নেহে  
জাগায় হৃদয় মাঝে কত সুখ কথা !  
যদিও সে পারে না গো হেঁতে মায়ের  
সেই স্নেহময়ী মৃতি ; তথাপি তাহার—  
সুখ স্মৃতি মনে পড়ে ; মনে পড়ে আর—  
করণাময়ীর সেই স্নেহ হৃদয়ের ।  
তেমতি আজিকে সখি সুদূরে বসিয়া,  
পে যছি শুনিতে তব বীণার বাজার,  
হৃদয়ের সুরে সুরে উঠে উচ্ছ্বসিয়া,  
নীরব আনন্দ এক হৃদয় মাঝে !  
সফল হউক সখি লেখনী তোমার,  
বিলাও তৃষিত-জনে প্রীতি পারাবার ॥

শ্রীমতী মা—  
কামোলি ।

জানি আমি ।

জানি আমি—সার তুমি সকল সময়,  
জানি আমি—চির তুমি অক্ষয় অবায়,  
জানি আমি—আছ তুমি সবার নিকটে,  
জানি আমি—বন্ধু তুমি বিপদে সঙ্কটে ।

জানি আমি—হও তুমি দয়াময় স্বামী,  
জানি আমি—সদা তুমি হও অন্তর্ধামী,  
জানি আমি—বাস্ত তুমি কল্যাণের তবে,  
জানি আমি—হও তুমি সবার অন্তরে ।  
জানি আমি—হও তুমি সবার সহায়,  
জানি আমি—পূর্ণ তুমি অসীম দয়ায়,  
জানি আমি—নাথ তুমি অনাথ জনার,  
জানি আমি—বিশ্বে তুমি জননী সবার ।  
জানি আমি—আশা তুমি নিরাশ হৃদয়ে,  
জানি আমি—ধন তুমি দরিদ্র আলয়ে,  
জানি আমি—বিনা তুমি কিছু নাহি আর,  
জানি আমি—হও তুমি সর্বস্ব আমার ।  
জানি আমি—প্রভু তুমি সবার-সবার,  
জানি আমি—লও তুমি ভক্তি উপহার,  
জানি আমি—জানি নাকি কিছুই তোমার,  
জানি আমি—শুধু তুমি সর্বস্ব আমার ।  
জানি আমি—হও তুমি ভক্ত-জন প্রাণ,  
জানি আমি—চাও তুমি মহা আত্মদান,  
জানি আমি—সার ধর্ম ইচ্ছার পালন,  
জানি আমি—সার ধন তোমার চরণ ।  
জানি আমি—লও তুমি পূজা উপহার,  
ভক্তি ভবে নত শিবে করি নমস্কার ॥

সুনীতি কলেজ } আপনার স্নেহের ;—  
কুচবিহার, } স—  
৩০।১।০৮

ভ্রাতা ও ভগিনী ।

( নীতি বিদ্যালয়ে পঠিত )

ভ্রাতা ও ভগিনীগণের পরস্পর প্রীতি  
ও স্নেহ প্রকাশ করিয়া পরস্পরের মঙ্গল-

কামনা করা সকল প্রকারে কর্তব্য ও  
নিতান্ত আবশ্যিক । ভাইভগিনী পরস্পরের  
এই যে সম্বন্ধ অতি মিষ্ট সম্বন্ধ । একমাত্র  
গর্ভে জন্ম গ্রহণ করিয়া স্নেহময়ী জননীর  
ক্রোড়ে প্রতিপালিত হইয়া এই সম্বন্ধ  
অতি পবিত্র ও মিষ্ট ভাব ধারণ করে । এই  
সম্বন্ধকে অগ্রাহ ও অনাদর করা কখনও  
উচিত নহে । এ জগতে ভাই ভগিনী  
ভগবানের অমূল্য দান । তাঁহারি অসীম  
করণায় আমরা ভাই ভগিনী লাভ করি ।  
মঙ্গলময় দেবতার এই করুণা সর্বদা স্মরণ  
রাখিয়া ভাই ভগিনী মিলিয়া সদ্ভাবে ও  
আনন্দে যেন দিন কাটাইতে পারি । হিন্দু  
পরিবারে ভাই ভগিনীর সুমিষ্ট সম্বন্ধ উপ-  
লক্ষে বিশেষ ভাবে বিশেষ উৎসব হইয়া  
থাকে । আমাদের ব্রাহ্ম পরিবারেও  
এই উৎসব আদিয়াছে । আমরা বাঁকি-  
পুরে এই উৎসবে সুন্দর দৃশ্য দেখিয়াছি ।  
স্বর্গগতা দেবী অঘোরকামিনী এই উৎসব  
সেখানকার ব্রাহ্মসমাজের মধ্যে বিশেষ  
ভাবে প্রতিষ্ঠিত করিয়া গিয়াছেন । বৎসরে  
বৎসরে অঘোর পরিবারে এই উৎসব হই-  
তেছে । ব্রাহ্মসমাজে এই উৎসব কেবল  
ব্রাহ্মপরিবারে আনন্দ নহে । বাঁকিপুরে  
এই উৎসব উপলক্ষে ব্রাহ্ম, হিন্দু, মুসলমান  
খৃষ্টান সকলকেই আহ্বান করিয়া সমাদর  
করা হয় । এক সময় এই উৎসবে একটা  
বড় সুন্দর দৃশ্য হইয়াছিল । যখন ইংলণ্ডের  
একেশ্বরবাদী সম্প্রদায়ভুক্ত বৃদ্ধ ফ্লেচার  
উইলিয়ম বাঁকিপুরে এই উৎসবের দিনে  
আগমন করেন, তখন তাঁহাকে সেই  
উৎসবের সভায় আহ্বান ও বিশেষ ভাবে

সমাদর করা হইয়াছিল । যখন আমাদের  
একজন ভগিনী তাঁহার ললাটে চন্দনের  
ফোঁটা দিবার জন্ত দাঁড়াইয়া ছিলেন ।  
বৃদ্ধ উইলিয়ম মস্তক অবনত করিয়া আদ-  
রের সহিত সে ফোঁটা গ্রহণ করিয়াছিলেন ।  
বিদাতার আশীর্বাদে আমাদের এই  
পবিত্র সম্বন্ধ সমস্ত পৃথিবীতে ব্যাপ্ত হউক  
ইহাই একান্ত প্রার্থনা ।

সুনীতি কলেজ } মহোজিনী  
কুচবিহার } মজুমদার

সংবাদ ।

রেঙ্গুণ হইতে পুষ্পমালা দেবী লিখিয়া  
পাঠাইয়াছেন ;—“আমাদের মহিলা-সমিতি  
বেশ চলিতেছে । অনেকগুলি মেয়ে হ’ন ।  
সেখানে কি প্রকারে কাজ হইলে আমা-  
দের উন্নতি হইতে পারিবে জানাইবেন ।  
আপাততঃ ২৩টা ব্রহ্মসঙ্গীত হয়, এবং  
কেহ কোন প্রবন্ধ লিখিয়া পড়িয়া থাকেন,  
অথবা কোন সদগ্রন্থ পাঠ হয় । গেল-  
বারের সমিতিতে মহিলার “মাতৃশিক্ষা,  
শীর্ষক প্রবন্ধটি পঠিত হইয়াছিল ।”

সম্প্রতি ইটালীর অন্তর্গত সিসিলী দ্বীপে  
ভূমিকম্পে ও সমুদ্রের আকস্মিক জল-  
প্রাবনে দুই লক্ষেরও অধিক লোক মারা  
গিয়াছে, দ্বীপটি উৎসন্ন প্রায় হইয়াছে ।  
ভয়ঙ্কর ব্যাপার !

এক্ষণ আর কলিকাতায় পথে মাঠে  
স্বদেশী বক্তৃতা ও স্বদেশী সঙ্গীত শুনিতে  
পাওয়া যায় না । গভর্নমেন্ট এক প্রকার  
বন্ধ করিয়া দিয়াছেন । কোথাও প্রকাশ

ও গুপ্ত সভা সহজে হইতে পারে না। কতিপয় লোক একত্র হইয়া মন্ত্রণাদি করিলে, সন্দেহ হইলেই পুলিশ গেরেস্তার করিয়া লইয়া যাইতে পারে। সমুদায় লোক ভয়ে তটস্থ ও নিস্তব্ধ। একান্ত আতশযা ও অস্বাভাবিকতার এই বিষয় ফল। যে দিবস ইংরাজ রাজপুরুষদিগের সঙ্গে ও ইংরাজ-জাতির সঙ্গে পুরুষ-ভুক্তমে চিববিচ্ছেদ ও বিবাদের সূত্রপাত হইয়াছে সেই বয়কটের দিন পূর্ণাদিন ও আছলাদের দিন বলিয়া উৎসব করিয়া সকলের মনে বিদেশ ভাবকে বিধিমতে জাগ্রত করিয়া তোলা হয়, এবং যে দিবস ঢাকা নগরে রাজধানী প্রতিষ্ঠিত হওয়ার পূর্ববন্ধে নানা বিষয়ে উন্নতি ও কল্যাণের সূত্রপাত হইয়াছে সেই দিবস শোক প্রকাশের দিন বলিয়া শোকচিহ্ন ধারণ ও শোককারীদের প্রসেশন বাহির হয়, কি আশ্চর্য্য ব্যাপার! লাভের মধ্যে কতকগুলি বাঙ্গালী যুবা ও বালকের সর্বনাশ হইল, নীতি ধর্ম গেল, কয়েকজন প্রাণদণ্ডে দণ্ডিত হইল, আরও কত দূর কি হইবে কে জানে? বাঙ্গলা দেশের কি দুর্দশাই ঘটিল, নেতারা ভাবেন কি? সকল স্বাধীনতার পথে যে কণ্টক পড়িল।

ভারত সচিব মহামতি লর্ড মর্লির ভারত শাসনের বর্তমান ব্যবস্থায় সকল লোকই সন্তোষ প্রকাশ করিতেছেন।

এবার মাদ্রাজে জাতীয় মহাসমিতির কার্য্য সূক্ষ্মালরূপে সম্পাদিত হইয়াছে। মাননীয় শ্রীযুক্ত রাসবিহারী ঘোষ মহাশয় সভাপতির কার্য্য করিয়াছিলেন। তাঁহার বক্তৃতা পাঠ করিয়া আমরা আছলাদিত

হইয়াছি। চরম পন্থী বিপ্লবকারী দলের লোক যোগদান করেন নাই।

কয়েক জন রাজবিদ্রোহী বক্তা ও পত্রিকা সম্পাদক এবং কতকগুলি শ্রোতা ও পাঠকের মত বাঙ্গলায় ৭ কোটি লোকের মত হইতে পারে না। তাঁহার ৭ কোটি লোকের প্রতিনিধি নহেন। বঙ্গ-দেশের প্রবল মোসলমান দল তাঁহাদের মতের বিরোধী। ছুই চারি জন কেবল অর্থাৎ স্বল্পসংখ্যক বাধা বাধকতার তাঁহাদের মতে মত দিয়া থাকেন। সমস্ত বাঙ্গালী রাজকর্মচারী তাঁহাদের মতাবলম্বী নহে। অতএব ৭ কোটি লোক রাজনিয়মের বিরোধী, একথা সত্য নহে।

প্রেমাস্পদ শ্রীমান্ শরৎকুমার দত্ত এম্ এ ইলেক্ট্রিক ইঞ্জিনিয়ারিং বিদ্যা শিক্ষা করিবার জন্ত জর্মানীতে গিয়াছিলেন। তিনি তথায় শেষ পরীক্ষায় সর্বপ্রথম হইয়াছেন। কলিকাতা বিশ্ববিদ্যালয়ে তিনি গণিত ও বিজ্ঞানে এম্ এ পরীক্ষায় উত্তমরূপে উত্তীর্ণ হইয়া টাটার ছাত্রীয় বৃত্তি অবলম্বনে ৫ বৎসর পূর্বে জর্মানীতে গিয়াছিলেন, সেখানে অতি বিশুদ্ধভাবে জীবনযাপন করিয়াছেন, কোনরূপ মাদক দ্রব্য এমন কি চুরুট পর্য্যন্ত স্পর্শ করেন নাই, চরিত্রগুণে তত্ত্বত্য সকলের শ্রদ্ধাভাজন হইয়াছেন। জর্মানীতে যাত্রা করার পূর্বে নবসংহিতানুসারে ধর্ম্মনীক্ষা গ্রহণ এবং একটা সুপাত্রীর পাণিগ্রহণ করিয়া গিয়াছিলেন, তথায় যাইয়া জর্মন, ফ্রান্স এবং ইটালী ভাষায় পাণ্ডিত্য লাভ করিয়াছেন। একজন বাঙ্গালী বালকের জর্মন ভাষা শিক্ষা করিয়া সেই ভাষায়

পরীক্ষাদানে জর্মানীতে সর্ব প্রথম হওয়া সামান্য গৌরবের বিষয় নহে। শ্রীমান্ নাড়ে ৫ বৎসর পবে ঈশ্বরকুপার স্কুল শরীরে দেশে ফিরিয়া আসিয়াছেন। বধে হইতে তাঁহার টেলিগ্রাফ পাওয়া গিয়াছে। শ্রীমানের গর্ভধারিণী ও প্রিয়তমা সহধর্ম্মিণী ও প্রিয়তম কনিষ্ঠ ভ্রাতা এবং গুরুজনগণ তাঁহাকে দেখিবার জন্ত ব্যাকুল অন্তরে সতৃষ্ণ নয়নে রহিয়াছেন। শরৎকুমার এফণ স্বদেশের সেবা করিয়া মঙ্গ-ময়ের শুভ ইচ্ছা পূর্ণ করুন।

আমরা গ্রাহক গ্রাহিকাদিগের নিকটে সাহু্যনয়ে মহিলার প্রাপ্য মূল্য প্রার্থনা করিতেছি। তাঁহারা অবিলম্বে মূল্য পাঠাইয়া আমাদের উপকৃত করুন।

রাজবিরুদ্ধে সাধারণ লোকের মন উত্তেজিত ও বিদ্রিষ্ট করিয়া রাজ্যে অশান্তি বিস্তার করেন বলিয়া বিপ্লবকারী দলের নয় জন বাঙ্গালী বাবুকে গভর্নমেন্ট গেরেস্তার করিয়া যে স্থানান্তরিত ও দ্বীপান্তরিত করিয়াছেন, তাঁহাদের পরিবারের ভরণ-পোষণের ভার গভর্নমেন্ট স্বয়ং গ্রহণ করিয়াছেন। স্মৃত হইল সঞ্জীবনী সম্পাদক শ্রীযুক্ত বাবু কৃষ্ণকুমার মিত্রের পরিবারের জন্ত মাসিক ছুই শত টাকা দান নির্দ্ধারিত হইয়াছে। তাঁহারা নাকি গ্রহণে অ নচ্ছুক।

ছিদ্রাশ্বেষণ করিয়া ভূতপূর্ব রাজপ্রতিনিধি লর্ড কুর্জনের কেবল নিন্দা ও কুৎসা রটনা করা হয়, তিনি যে এ দেশের কত মঙ্গলসাধন করিয়াছেন, তজ্জন্ত হৃদয়ে কৃতজ্ঞতা নাই, অত্যন্ত দুঃখের বিষয়। তাঁহার ঞ্চায় কর্ম্মঠ উপকারী উপযুক্ত

গভর্নরজেনারেল এ দেশে কয় জন আসিয়াছেন।

আমাদের বর্তমান রাজ-প্রতিনিধি মহামাণ্ড লর্ড মিণ্টুর প্রিয়তমা কস্তার সঙ্গে ভূ-পূর্ব গভর্নরজেনারেল লর্ড ল্যান্স ডাউনের পুত্রের শুভ পরিণয় কার্য্য গত ২১শে জানুয়ারী কলিকাতায় কেথিড্রাল গিরিজাতে মহাসমারোহে সম্পন্ন হইয়াছে। বরের মাতা বরকে সঙ্গে করিয়া এখানে আসিয়াছেন, তাঁহাদের বিশেষ আদর অভ্যর্থনা হইয়াছে।

### মহিলার নিয়মাবলী ।

মহিলা পত্রিকা প্রতিমাসের সংক্রান্তি দিবসে প্রকাশিত হয়। ডাকমাণ্ডুলসহ ইহার বার্ষিক মূল্য ২ মাত্র। গ্রাহক ও গ্রাহিকাগণ মহিলার মূল্য ও অর্থসম্বন্ধীয় পত্রাদি কার্য্যাদ্যক্ষ শ্রীযুক্ত কান্তিচন্দ্র মিত্র মহাশয়ের নামে এবং প্রবন্ধাদি সম্পাদকের নিকটে ৩নং রমানাথ মজুমদারের ষ্ট্রীট, কলিকাতা এই ঠিকানায় পাঠাইবেন। প্রাপ্ত প্রবন্ধাদি উপযুক্ত হইলে শীঘ্র হউক বা বিলম্বে হউক প্রকাশিত হইবে। কাহারও প্রবন্ধ ফেরত দেওয়া যাইবে না।

অনেক মহিলা পত্রিকা বৎসরধিক-কাল গ্রহণ করিয়া মূল্য দান করেন না, বড় দুঃখের বিষয়। যাঁহারা মূল্য দানে অসমর্থ তাঁহারা যেন অবিলম্বে পত্রিকা ফেরত পাঠাইয়া দেন, অথবা আমাদের নিকটে তাহা পাঠাইতে নিষেধ লেখেন। তাহা হইলে আমরা ক্ষতিগ্রস্ত হইব না। পুনঃ পুনঃ পত্র লিখিয়া প্রাপ্য মূল্য না পাঠিলে অনেক সময়ে আমরা সেই মূল্যের জন্ত ভি, পিতে মহিলা পাঠাইয়া থাকি।


## মূল্য প্রাপ্তি ।

ত্রয়োদশ বৎসর ।

শ্রীমতী লক্ষ্মীমণি সেন,	কোমগর	২১
” কুম্ভমালা সেন,	কলিকাতা	২১
” সরলাসুন্দরী দাস,	কটক	২১
” হেমলতা ঠাকুর,	কলিকাতা	২১
” তরঙ্গিণী দেবী,	কুল্‌টী	১০
” কুমুদিনী সেন,	কালকাতা	২১
” সুশান্তবালা বসু,	তারকেশ্বর	২১
” সরসীবালা সেন,	ভাগলপুর	২১
” সাবিত্রীবালা দেবী,	কোচ বহার	২১
শ্রী যুক্ত মোহিতলাল সেন,	কুচবিহার	২১
” কালীপদ দাস,	কলিকাতা	২১
” নিত্যগোপাল রায়,	গাজিপুর	২১
” রাজা মহিমরঞ্জন রায়,	কাকিনা	২১
” মহারাজা,	দিনাজপুর	২১
” দামোদর পাল,	বাঁকিপুর	২১
” অমৃতলাল সরকার,	কলিকাতা	২১
” সুরেশচন্দ্র সুর,	কলিকাতা	২১
” ললিতমোহন চট্টোপাধ্যায়,	ঢাকা	২১

চতুর্দশ বৎসর ।

শ্রীমতী সরলাসুন্দরী দাস,	কটক	২১
” সৌদামিনী চক্রবর্তী,	নোওয়াখালী	২১
” অঁমিয়া দেবী,	বেসিন	২১
” পুষ্পমালা দেবী,	রেশুণ	২১
” কুমুমকুমারী সেন,	কলিকাতা	২১
” কিরণকুমারী মিত্র,	কলিকাতা	২১
শ্রীযুক্ত কালীগোপাল রুদ্র,	ঘুবড়ী	২১



## মাসিক পত্রিকা।

“যত্র নার্যস্থ পূজ্যন্তে রমন্তে তত্র দৈবতাঃ।”

১৪শ ভাগ ] মাঘ, ১৩১৫, ফেব্রুয়ারী ১৯০৯ । [ ৭ম সংখ্যা ।

### স্ত্রীনীতিসার ।

অনেক মা নিজের বালকবালিকা-দিগকে অত্যন্ত ভালবাসেন, আদর করেন, কখনও তাহাদের প্রতি রাগ করেন না, তাহাদের সকল প্রকার আবদার রক্ষা করেন, কিন্তু মোহবশতঃ দুর্নীতির জন্ত তাহাদিগকে শাসন করেন না। কাহারও নশ্রে ঝগড়া বিবাদ করিলে, মিষ্টান্নাদি চুরি করিয়া খাইলে বা মিথ্যা কথা কহিলে মনে কষ্ট হইবে ভাবিয়া মা সেই দুষ্ট বালকবালিকা-দিগকে কিছুই বলেন না। তাহাতে তাহাদের দুষ্কর্মে সাহস বৃদ্ধি হয়, দুর্নীতি দিন দিন বাড়িয়া উঠে, পরে তাহাদের চরিত্র সংশোধিত হওয়া দুষ্কর হয়। এইরূপ জানিয়া শুনিয়া বালক বালিকা-দিগকে দুষ্করায় প্রশ্রয় দেওয়া জননীর পক্ষে অতিশয় অনীতির কার্য। এজন্ত মাতা পরম মাতার নিকটে দায়ী। তুমি ভালবাসিতে যাইয়া দুর্নীতিকে প্রশ্রয় দিও না, তুমি ভালবাসিবে ও তাহাকে পাপে প্রবৃত্ত

দেখিলে মঙ্গলের জন্ত শাসন করিবে। সেই শাসন ক্রোধ বিদ্বেষের শাসন হইবে না, প্রেমের শাসন হইবে।

মনে রাখিও, সুমাতা দ্বারাই সন্তানের চরিত্রগঠন হয়, বালকবালিকা স্ত্রীনীতি-পরায়ণ হইয়া থাকে। যত ধার্মিক বড় লোক, তাহাদের চরিত্রের মূলে দেখা যায় সুমাতার সুশাসন। তুমি নীতিকে দৃঢ়-রূপে আশ্রয় করিয়া জীবনে সুদৃষ্টান্ত প্রদর্শন কর, দুর্নীতিকে কোনরূপে অবহেলা ও উপেক্ষা করিও না দেখিবে তোমার সন্তানগণ দেবচরিত্র প্রাপ্ত হইয়া জগতের শ্রদ্ধাভাজন হইবে।

থিয়োডোর পার্কার একজন ধর্ম সংস্কারক বড় লোক হইয়াছিলেন, তাহার ধর্মপরায়ণা জননীর গুণে; বিদ্যাসাগর ভারতে পূজা হইয়াছেন, সাধ্বী জননীর চরিত্র প্রভাব তাহার বালাজীবনে পড়িয়াছিল বলিয়া; কেশবচন্দ্রের সাধুতার মূলে তাহার সাধ্বী জননী সারদাদেবী বিদ্যমান। তুমি সুমাতা হইয়া বালক বালিকা-দিগকে সুশিক্ষা দানে সুপথে লইয়া চল। তাহাদের চিরকল্যাণের বীজ তোমাদের হস্তে।

## মেয়েদের জীবে দয়া ।

এদেশের জৈন সম্প্রদায় জীবহত্যা করে না, জীব হত্যা করিবে কি বরং সর্ব-প্রযত্নে তাহারা কীটপতঙ্গাদি ক্ষুদ্র জীবের সেবা করিয়া থাকে, পিপীলিকা ছাড়পোকা প্রভৃতিকে আহার যোগায়। ইতর জীবের সেবা করা তাহাদের প্রধান ধর্ম। তাহারা বুদ্ধ ও পীড়িত পশু পক্ষীদিগকে যত্নপূর্ব্বক রক্ষা করে, আহারাদি দানে তাহাদের সেবা শুশ্রূষা করিয়া থাকে। মহানগরীর অনতি দূরস্থ পিঞ্জরাপোলনামক স্থানে জৈন-দিগের প্রতিষ্ঠিত বৃহৎ জীব সেবার ক্ষেত্র, সেখানে শত সংখ্যক রুগ্ন ও জরা দুর্বল পশু পক্ষী সংগৃহীত হইয়া সযত্নে সেবিত হইতেছে। বহু সেবক তাহাদের সেবা কার্যে নিযুক্ত আছে, তাহাদের বাসের জন্ত কোঠা ঘর সকল নির্মিত। শরৎকালে গোষ্ঠাষ্টমীর দিন পিঞ্জরাপোলে মহা মেলা হয়। সেইদিন কলিকাতা হইতে অনেক গুণি স্পেশাল ট্রেনে লোকের গতিবিধি হয়। গাভা সকলকে নানা সজ্জায় সাজিত করা হয়, সেবকগণ ফল পত্রব মিষ্টানাদি আদর পূর্ব্বক "গাহ মাহ" বলিয়া গাভার মুখে অর্পণ করিয়া থাকে। জৈনেরা কোন নিন্দুর কন্যাকে গরু বা ছাগল হত্যা করিবার জন্ত লইয়া যাইতে দেখিলে অধিক মুগ্ধদানে ক্রয় করিয়া তাহাদের জীবন রক্ষা করে। একদা আমরা রাজ-পুতানা প্রদেশের অন্তর্গত সান্তারে গিয়া-ছিলাম, সেখানে ২০ মাইল ব্যাপী লবণের হ্রদ। তৎসংক্রান্ত পক্ষী সকল মিঠা জল পান

করিয়া তৃপ্ত হইবে এই উদ্দেশ্যে সারি সারি তরুশাখায় হাড়ী পূর্ণ কূপোদক দয়ায় জৈনেরা রাখিয়া দিয়াছে, দেখিতে পাওয়া গেল।

বৌদ্ধ সম্প্রদায় জীবহত্যা করে না। তাহারা অহিংসাকে পরম ধর্ম বলে। কিন্তু তাহারা মৎস্য মাংস ভোজন করে, নিজে কোন জীবকে মারে না। অতঃ লোকের দ্বারা মারা গিয়াছে এমন পশু পক্ষীর মাংস ভক্ষণ করিতে তাহাদের আপত্তি নাই। বর্ম্মদেশ বৌদ্ধপ্রধান দেশ, সেদেশের মেয়েরা বিশেষ বিশেষ পক্ষাহে ইতর প্রাণীর প্রতি দয়া প্রকাশের জন্ত বিশেষ সাধন করিয়া থাকেন, বাজার হইতে কৈ মাগুর প্রভৃতি জীবিত মৎস্য সকল ক্রয় করিয়া আনিয়া জলাশয়ে ছাড়িয়া দেন, কসাই হইতে গো মেঘাদি খরিদ করিয়া আনিয়া ফুঙ্গিকে (বৌদ্ধধর্ম বাজককে) দান করেন। ফুঙ্গির আশ্রমে বিশেষ ব্রতাবগম্বী হইয়া জীবসেবা ও জীবের প্রতি দয়াবিষয়ে উপদেশ শ্রবণ করেন। বর্ম্মদেশের বিশেষ বিশেষ প্লেগোডাতে (ধর্ম মন্দিরে) নরক যন্ত্রপার ভীষণ ছবি সকল স্থাপিত আছে। আহারের প্রলোভন দেখাইয়া বড়শী দ্বারা মাছ শীকার করিয়াছিল, এমন পাপীর কর্ণে যমদূত বড়শী নিক্ষেপ করিয়া তরুশাখায় তাহাকে ঝুলাইয়া রাখা হইয়াছে, কোন জ্বলোক জীবন্ত কৈ মাগুর প্রভৃতি মাছকে বাঁট দ্বারা কটিয়া-ছিল, যমদূত তাহার দেহ অঙ্গ দ্বারা ছিন্ন ভিন্ন করিতেছে, একরূপ ছবি সকল ইতস্ততঃ রক্ষিত। তাহা দেখিলেই মনে ভয়ের সঞ্চার হয়।

বৈষ্ণব সম্প্রদায়ের লোকেরা মাংস ভক্ষণ করে না, এমন কি পাঁচটা মহিষ ইত্যাদি বলিদান দর্শন করে না। সাধারণ বৈষ্ণব ধর্মাবলম্বীগণ মাছ খায়, কিন্তু সাত্ত্বিক বৈষ্ণবগণ সম্পূর্ণ নিরামিষ ভোজী। বিহার উত্তর পশ্চিমাঞ্চল পঞ্জাব মহারাষ্ট্র সিন্ধু গুজরাট প্রভৃতি প্রদেশের লোকেরা বাঙ্গালীর মত আমিষভোজী নয়, সেই সমস্ত দেশের ভদ্র লোকেরা মৎস্য স্পর্শও করে না, তৎপ্রতি ঘৃণা প্রকাশ করে। অনেকে মাংস খাইলেও তদ্বিষয়ে নিতান্ত মিতাচারী। একটা গুজরাটী বিদ্যার্থী যুবা কিয়ৎকাল যাবৎ আমাদের সঙ্গে একত্র বাস করিতেছেন, তাহার পিতা বৈষ্ণব, মাতা জৈন ধর্মাবলম্বী, তিনি ব্রাহ্ম। তাহার মাছ খায় তাহাদের সঙ্গে উক্ত যুবা এক পঞ্জিকিতে বসিয়া ভোজন করিতে অক্ষম। তাহাকে স্বতন্ত্র গৃহে ভোজন করিতে দেওয়া হয়। তিনি বলেন, "এরূপ মাছ মাংস বাঙ্গালীরা কেন খাইয়া থাকেন? তাহাদের মনে কি একটু দয়া হয় না? মারিবার সময় জীব সকল দুঃখে আর্তনাদ করে, ছটফট করিতে থাকে, ভয়ে ছুটিয়া পলায়ন করিতে চাহে। তাহাদিগকে আঘাত ও নিপীড়ন করিলে যেরূপ ক্রোধ ও যাতনা হয় সেই ইতর প্রাণীদিগেরও তাহাই হইয়া থাকে।"

আচার্য্য কেশবচন্দ্র সেন ব্রাহ্মিকা-দিগের ধর্ম বুদ্ধি ভক্তি প্রেম ও হৃদয়ের কোমলতারূপক উদ্দেশ্য সময়ে সময়ে বিশেষ বিশেষ সাধন দিতেন। নববর্ষ বৈশাখ মাসে অনেকে তাহার নিকটে

সাবিত্রী ও মোহরী ব্রত প্রভৃতি সাপ্তাহিক বা পাক্ষিক ব্রত গ্রহণ করিতেন। তাহাতে তাহাদিগকে বিশেষ সংযম ও বৈরাগ্য অবলম্বন করিতে হইত। সাধুসেবা, দীন-সেবা, জীবসেবা, বৃক্ষসেবা তাহাদের নিত্য সাধনের অঙ্গ ছিল। শাস্ত্রপাঠ, রত্নন, সদালোচনা, সংকালে নির্জনে ধ্যানধারণা ভগবদ্গুণাবলুকীর্তনে তাহারা রত হই-তেন। এমন আর মেয়েদের ব্রত নিয়ম পালন ও সাধন ভজনাদি কিছুই নাই। তৎপরিবর্তে ইতিনিংপাটীতে ও টীপাটীতে যোগ দিয়া তাহাদিগকে গল্প আমোদ করিতে দেখা যায়। এদেশের শাক্ত সম্প্রদায়ের পুরুষেরা মাংস ভোজন করেন, কিন্তু তাহাতে তাহারা যথোচ্ছাচারী নহেন, মিতাচারী। অনেকে বলির প্রসাদব্যতীত বৃথা মাংস ভক্ষণ করেন না। প্রাচীন শ্রেণীর মেয়েরা মাংস ভক্ষণ করেন না, মাছ খাইয়া থাকেন। তাহারা মাংস খাওয়া অতিশয় দুষ্ট মনে করেন, কিন্তু নব্য শ্রেণীর অধিকাংশ মেয়ে ঘোরতর মাংসপ্রিয় হইয়া উঠিয়াছেন, তাহারা অনেকে প্রত্যহ ইংলিশ ডিনার করেন। আমরা দেখিয়া স্তম্ভিতও হই যে তাহারা অর্দ্ধদধু বা অর্দ্ধসিদ্ধ ছাগল ভেড়া ও মুরগী ইত্যাদি ছুরিকাটা দ্বারা ছিন্ন ও বিদ্ধ করিয়া ভক্ষণ করেন, তাহাদের কেবল মাংসই ভোজন হয়। অন্ন বা রুটির সঙ্গে বড় যোগ থাকে না, প্রধান আহার মাংস। অন্ন বা রুটির যোগ থাকিলে মাংসের উপকরণস্বরূপ, নামমাত্র। এই উষ্ণপ্রধান দেশের পক্ষে বাঙ্গালীজাতির পক্ষে বিশেষতঃ মেয়েদের

পক্ষে একরূপ মাংসাহার কি যে অস্বাভাবিক বলিয়া উঠা যায় না। অনেক সভ্যভব, বাঙ্গালী মেয়েকে দেখা যায় যে, প্রত্যহ আহার যোগাইয়া কাঁকে কাঁকে মুর্গী পোষেন, সেই পোষা মুর্গীর দুই একটীকে মারিয়া উদরস্থ করেন, তাঁহাদের সংস্কার যে মুর্গী না খাইলে শরীর সুস্থ থাকে না, মাথা ঠাণ্ডা হয় না। তাঁহারা প্রত্যহ ফেরিওয়ালার হইতে ছাগল ভেড়ার মাংসও খরিদ করেন, এদিকে মুর্গীও মারেন, কখন কখন বন্ধুভোজনের জন্ত বাজার হইতে মুর্গী খরিদ করিয়া বাড়ীতে আনিয়া বধ করেন, এবিষয়ে কসাইদের অপেক্ষা তাহাদের মন কম কঠিন নয়? ব্রাহ্মপরিবারেও এইরূপ কুদৃষ্টান্তের অভাব নাই। সভ্য মেয়েদের আহারাদি দেখিলে কে সধবা কে বিধবা চেনা হুসুর। শিখরদের কোন প্রকার ব্রহ্মচর্যা নাই, কোনরূপ বৈধব্য চহু নাই। তাঁহারা শারীরিক সুখের জন্ত শরীর রক্ষার জন্তই ব্যস্ত। কি বিষম কলিযুগ উপস্থিত। তাঁহারা কি ভাবেন না, বিহার ও পশ্চিমাঞ্চলের লোকেরা চির নিরামিষ ভোজী হইয়া পর্যাপ্ত মাংসানী বাঙ্গালী অপেক্ষা বহুগুণে সুস্থ সবল ও দীর্ঘায়ু হইয়া থাকে? বাঙ্গালীর ঞায় রুগ্ন দুর্বল ও অন্নায়ু জাতি পৃথিবীতে কোন্ জাতি? বাঙ্গালী বিধবারা একবেলা নিরামিষ ভোজন করিয়া সধবা-দিগের অপেক্ষা কি সমধিক সুস্থ ও বলিষ্ঠ নহে? “ভক্ষ্য ভক্ষকয়োমধ্যে উভয়ঃ পক্ষতান্তরম্। একশ্চ ক্ষণিকা প্রীতিরন্তঃ-প্রাণৈর্বিমুচ্যতে ॥” অর্থাৎ ভক্ষ্য ও ভক্ষক এই দুইয়ের মধ্যে কত প্রভেদ লক্ষ্য কর,

একজনের মুহূর্তের জন্ত রসনার তৃপ্তি অথের প্রাণত্যাগ। “স্বচ্ছন্দ বনজাতেন শাকেনাপি প্রপর্য্যতে অশ্ব দন্ধোদন্তার্থে কঃ কুর্যাৎ পাতকং মহৎ।” অর্থাৎ অন্যায়স লভ্য বনজাত শাকাদিতে যাহাকে পূর্ণ করা যায় এই পোড়া উদরের জন্ত কে মহা পাপ করে?

এরূপ ভূরি ভূরি শাস্ত্রীয় বচন থাকিলে কি হইবে? কে তাহা মানে? কোন কোন ব্রাহ্মপরিবারেও আমরা দেখিতে পাই, কর্তা নিরামিষভোজী নির্ভাবান্, গৃহিণী মুর্গী পোষিয়া প্রত্যহ মুর্গী মারিয়া ভক্ষণ করেন। এ সকল ব্যাপার দেখিয়াও গৃহস্বামীর কোন উচ্চ বাচ্য নাই, মনে ক্রেশ নাই। এরূপও দেখা যায়, গৃহস্বামী মাংসানী, গৃহিণী নিরামিষভোজী, ইহা অঁত বিরল। কিন্তু প্রায়ই মাংসানী স্বামীর চিত্তরজন্য স্ত্রী অনিচ্ছাসত্ত্বেও তাহার ঞায় মাংসাদি ভক্ষণ করেন। স্ত্রীর নিজের হিতাহিতবোধ ও অস্তিত্ব নাই।

এক সময় এরূপ এক যুগ ছিল যে, বিবাহাদির ভোজে নিমন্ত্রিত ব্রাহ্মের মধ্যে অন্ততঃ একতৃতীয়াংশ লোক নিরামিষভোজী দেখিতে পাওয়া বাইত, এক্ষণ অত্রতর যুগ, তিন শত নিমন্ত্রিত ব্রাহ্মের মধ্যে নিরামিষ ভোজী তিনটি লোক পাওয়া হুসুর হইয়াছে। বহুমূত্র রোগের উপক্রম এরূপ ছল করিয়া অনেক চির নিরামিষভোজী খাতনামা ব্রাহ্ম প্রচুর পরিমাণে মাংস ভোজন করিয়া থাকেন। একদা কোচবিহার মহারাজের উড ল্যাণ্ডের প্রসাদে কোন শুভ ক্রিয়া উপলক্ষে ব্রাহ্মদের ভোজ হইয়াছিল,

ভোজনে বসিয়া কয়েকটি ব্রাহ্ম পুনঃ পুনঃ মাংসের কারি চাহিয়া লইতেছিলেন, ইহা দেখিয়া পার্শ্বস্থ একজন বড়লোক দুঃখে বলিয়াছিলেন, “হায়! কেশব চলিয়া যাওয়ার পরই ইহাদের এট দুর্দশ ঘটিয়াছে।” ব্রাহ্ম পরিবারের বিবাহাদির নিমন্ত্রণে মাংসের ছড়াছড়ি, এদিকে অনেক হিন্দু বিবাহের ভোজে দেখা গিয়াছে মৎশ মাংসের কোন সম্পর্ক নাই, সমস্ত নিরামিষ।

“জীবে দয়া নামে ভক্তি কর জীবনের সার ওরে মন আমার” নববিধানী ব্রাহ্মগণ গগনভেদী স্বরে নগর কাঁপাইয়া এই গান গাহিয়া থাকেন কয় জন লোক জীবনে জীবে দয়া সার করিয়াছেন বুঝিতে পারি না। হয় তো গায়ক বাড়ীতে আসিয়া দেখেন তাঁহারই নির্দেশে গৃহিণী বা কী জীমুস্ত কৈ মাগুর মাছগুলিকে পাথরে সংঘর্ষণ করিয়া ছাল তুলিয়া কচ্ কচ্ করিয়া কাটিবেছে, সেগুলি যেন জীব নয়, সিম বেগুণ। ছিন্ন ভিন্ন কৈমাছগুলি তপ্ত কড়াতে ছট্ফট্ করিয়া জীবনের ক্রিয়া প্রকাশ করে। তাহার ক্রেশ যাতনায় দুঃখ কি? তাহাকে খাইতে যে বড় মজা!

এদেশের মেয়েরা অত্যন্ত কাঁকড়া-ভক্ষ্য। অস্থি ও রক্তবিহীন জলীয় কীট-বিশেষ বিকট আকার কাঁকড়াগুলি তাঁহাদের অতিশয় রসনাপ্রিয়। বিবাহের গা হনুদের ভোজে লাউ কাঁকড়ার ডালনা না পাইলে মেয়েদের ভোজনে কিছুমাত্র তৃপ্তি হয় না। এঅঞ্চলনিবাসী একটি সম্ভ্রান্ত ব্রাহ্ম পরিবার দুই শত মাইল দূরে পশ্চিমাঞ্চলে

বাস করিতেছেন সেই পরিবারের একটা কটার বিবাহে গা হনুদের ভোজের জন্ত কলিকাতা হইতে রেলওয়ে পার্শ্বলে পুঞ্জ পরিমাণে কাঁকড়া লইয়া গিয়াছিলেন, পথেই সেগুলি কষ্টে মরিয়া পচিয়া উঠে, সেই পচা দুর্গন্ধ কাঁকড়ার যোগে লাউ কাঁকড়ার ডালনা প্যাজ লহনের যোগে রসাল ও সুগন্ধীকৃত করিয়া গা হনুদের মহা ভোজে উপস্থিত মহিলাদিগকে পরিবেশন করিয়া দেওয়া হইয়াছিল। তাঁহারা তাহা খাইয়া না জানি কত তৃপ্ত হইয়াছিলেন। এদিকে শুনা গিয়াছে একজন মেছুনী একটা কাঁকড়ার ঠ্যাং ছিঁড়িয়াছিল বলিয়া জীবের প্রতি অত্যাচারনিরাপী সভা হইতে তাহার ১০ দণ্ড হইয়াছিল। এক্ষণ ব্রাহ্মিকার কাঁকড়ার প্রতি এরূপ অত্যাচারের জন্ত কিরূপ দণ্ড হওয়া সমুচিত। কাঁকড়া এ অঞ্চলের লোকের বিশেষ প্রলোভনের সামগ্রী। সেদিন আমাদের একটি ব্রাহ্ম বন্ধু কলিকাতা হইতে নিজালয়ে যাইতে ছিলেন, তাঁহার সঙ্গে কমলালেবু ও মিষ্টান্ন এবং কতকগুলি কাঁকড়া ছিল। তিনি একটি বালককে কমলালেবু ও মিষ্টানের কথা না বলিয়া বিশেষরূপে কাঁকড়ার প্রলোভন দেখাইয়া পুনঃ পুনঃ বলিয়াছিলেন “আমার বাড়ীতে আমার সঙ্গে একদিন থাকিলে তোমাকে কেঁকড়া খাইতে দিব, কিন্তু ছেলেটির মনের বল খুব, এইরূপ কেঁকড়ার প্রলোভনেও ভুলিল না, সে তাহার গম্ভব্য স্থানে চলিয়া গেল। বন্ধুটির বাড়ী তাহার গম্য স্থানের পথে হইলেও কেঁকড়ার প্রলোভন নামিল না। বাহাজুর ছেলে বলিতে হইবে।



ব্রাহ্ম ব্রাহ্মিকাদের জীবের প্রতি দয়ার কথা বলা গেল, এক্ষণ জেনারেল বুথের কথা এমার দয়ার কথা বলা যাইতেছে। পাঠিকাগণ তুলনা করিয়া দেখবেন। গত পৌষ মাসে “জেনারেল বুথের পরিবার” শীর্ষক প্রবন্ধ প্রকাশিত হইয়াছে, তাহা হইতে জেনারেল বুথের কথা এমার ক্ষুদ্র জীবের প্রতি দয়ার কথা এখানে উদ্ধৃত করিয়া দেয়া গেল।

“পোর্টগমাউথে বাস করিবার সময়েই একদিন সন্ধ্যাবেলায় এক মেছুনী কাঁকড়া ও চিংড়িমাছ বিক্রয় করিতে আসিয়াছিল। সেই মেছুনী বাড়ীর ভৃত্যটির সঙ্গে এক্ষণ গল্প করিতেছিল যে, গত রাত্রিতে যখন জল ফুটিতে আরম্ভ করিয়াছিল, তখন একটা চিংড়িমাছ লাফাইয়া পড়াতে সে কিক্রপ ভয় পাইয়াছিল। এমার এই কথোপকথনটা শুনিতে পাইয়াছিল। এমার আরও শুনিতে পাইল যে, সেই মেছুনী বলিতেছে, যখন জল অল্প অল্প উষ্ণ হয় তখনই চিংড়িগুলি জলের মধ্যে দেওয়া হয়, পাছে তাহারা তাহাদের দাঁড়া বাহির করে। যখন জল ফুটিতে আরম্ভ করে, তখন ছোট ছেলের মত চিংকার করিতে থাকে, ও মৃত্যু না হওয়া অর্থাৎ ছটফট করিতে থাকে।

“এই কথাগুলি শুনিয়া সে তাহার জ্যেষ্ঠ ভ্রাতা ব্রামওয়েল বুথের নিকট গমন করিল। জ্যেষ্ঠ ভ্রাতা ব্রামওয়েলের উপর সকলের ভার ছিল, এমার ভ্রাতার নিকট গমন করিয়া সন্ধ্যাবেলাতেই মেছুনীর বাড়ীতে গিয়া, তাহার নিষ্ঠুরাচরণের বিষ-

য়েই তাহার সত্বে কথা বলিবার অনুমতি চাহিল। ব্রামওয়েল বলিলেন, কাল প্রাতঃকালে গেলেই হবে, কিম্বা এ বিষয়ে তিনি নিজে একথানা পত্র লিখিতে রাজি আছেন, ইত্যাদি নানা কথায় তাহাকে সন্ধ্যাবেলাতে যাইতে নিষেধ করিলেন। কিন্তু কিছুতেই এমাকে ইহা হইতে নিবৃত্ত করা গেল না, সে নিজে সেই রাত্রিতেই গিয়া দেখা করিবে, তাহাই ঠিক হইল।

“একটা ল্যাম্প হাতে লইয়া সেই অন্ধকার গ্রাম্য পথে, এমার তাহার ধাত্রীর সঙ্গে তিন মাইল দূরত্বী কুটীরটিমুখে যাত্রা করিল। সেখানে পৌঁছিয়া দেখিল স্বামী স্ত্রী দুজনেই শয়ন করিয়াছে। বাহিরে দাঁড়াইয়া অনেকক্ষণ দাঁড়াইবার পর উপরের ঘরের জানলা খুলিয়া একজন লোক বাহির হইল। “মহাশয়া আপনি” সেই ধীবর বলিল। সেই ধীবর যখন জানিতে পারিল বালিকা তাহার স্ত্রীর নিকট কোন বিশেষ প্রয়োজনে আসিয়াছে, তখন তাড়াতাড়ি কাপড় পরিয়া নীচে আসিল। এমার ধাত্রীকে বাহিরে রাখিয়া ভিতরে প্রবেশ করিল। এমার মনে করিলেন, আর একজন লোক সম্মুখে থাকিলে সে যে রূপ সরল ভাবে জোরের সহিত বলিতে চায় তাহা বলিতে পারিবে না। যখনই কোন লোককে তাহার অপরাধ দুর্ভাগতার কথা সরল ভাবে বলিতে চাহিতেন, এমার চিরজীবনই এই নিয়মানুসারে চলিতেন। আমরা সেই বালিকার অদম্য উৎসাহপূর্ণ ছবি মনে ভাবিয়া লইতে পারি, কিক্রপ আবেগের সহিত সে তাহার

রুদ্ধ ভাব উন্মুক্ত করিল। সে একরূপ ভাবে কথাগুলি বলিল যে, সেই ধীবর-দম্পতী নতজানু হয়ে কাঁদিতে লাগিল, এবং এমার তাহাদের ক্ষমা করিবার জন্ত ভগবানের নিকট প্রার্থনা করিতে লাগিল; এবং পুনরায় একরূপ কখনও কারবে না বলিয়া অঙ্গকারাবদ্ধ করাইল।

“স্বীয় প্রচারে কৃতকার্য হইলে সে গৃহাভিমুখে যাত্রা করিল, মধ্যে মধ্যে পথে পাথরের উপর আসিয়া বিশ্রাম করিতে করিতে অগ্রসর হইল, এইরূপে সে আপনার ক্লান্তি লুকাইতে চেষ্টা করিল, তাহার ধাত্রী তাহার জন্ত চিন্তিত ছিলেন। তিনি গৃহে আসিয়া ভ্রাতার সাদর অভ্যর্থনা পাইলেন, ভ্রাতা তাহার সাক্ষাৎকারের সকল কথা আনন্দের সহিত গর্ভের সহিত শুনলেন। ভ্রাতা তাহার পাশের ঘরে এমার শুইবার বন্দোবস্ত করিলেন, পাছে সেই চিংড়িমাছের ভয়ানক যাতনার কথা মনে হইয়া ঘুমের ব্যাঘাত হয়।

### মহিলাগণের উচ্চাধিকার ।

নারী ঈশ্বরের প্রেম প্রকৃতির প্রতিকৃতি। নারী-জীবনরূপ পবিত্র পাত্রের ঈশ্বর তাহার অনন্ত প্রেম, স্নেহ, দয়া, মমতা স্থাপন করিয়াছেন। নারীর দেহ-মন ও জীবন সেই কারণে কোমল এবং স্নিগ্ধ। নারীর জীবনে সেবা পরম ধর্ম। সেবা যদি নীচ কর্ম হয়, তবে ঈশ্বর স্বয়ং জীবের বিবিধ সেবা সতত করিয়া অতি নীচ হইয়াছেন। যা আপন সন্তানের

সেবা করেন বলিয়া কি নীচ কর্ম করেন? জ্ঞান বিজ্ঞান অধ্যয়নে মনের নানারূপ কুসংস্কার দূর হয়, একথা সত্য, অথচ পৃথিবীর আলোকের পাছে যেমন অন্ধকার থাকে, জ্ঞানের সঙ্গের তেমন কতকটা অন্ধতা বিরাজ করে। সেবা মহিলাদের সর্বোচ্চ অধিকার। ভগিনী, মা, ছুহিতা ও পত্নীর পবিত্র করকমল হইতে সেবা ধর্ম যদি কাড়িয়া নেও, তবে তাহাদিগকে ধর্মহীন ও সত্যই নাচ করিলে। বর্তমান পাশ্চাত্য সভ্যতা ও জ্ঞানালোক পাইয়া অনেক মহিলা গ্রন্থপত্রাদ্বারা এবং জ্ঞান-চর্চার জীবন সমর্পণ করেন। কিন্তু দুঃখের বিষয় যে, অনেকে গৃহকর্মে ও পরিবারের পরিচর্যা কাণ্ডে বিশেষ উপেক্ষা দেখাইয়া থাকেন। সে সব বেতনভুক্ত ভৃত্য বা বীর কর্তব্য, একরূপ ধারণারূপ অন্ধকার জ্ঞানালোকিত বঙ্গ মহিলাদিগের চিত্তক্ষেত্রে প্রবেশ করিতেছে। আমরা অদ্য একারণে মহিলাগণ জ্ঞানলাভের সঙ্গে সঙ্গে প্রকৃত উচ্চ হইতে উচ্চতর অধিকারগুলির প্রতি বাহাতে উদাসীন না হন তাহার দিকে তাহাদিগের মনোযোগ আকর্ষণ করিতেছি।

জ্ঞান সেবা, ভক্তি এবং বাধ্যতা নারী-জাতির এই চতুর্বিধ ধর্ম। নারীজাতির ও যত্নের সহিত জ্ঞান অর্জন অবশ্য কর্তব্য। নারীদিগের ঘোরতর অজ্ঞানতা জন্ত, অতুল্য সভ্যতারূপ মঞ্চরূচ ভারতেরও কি প্রকার অধোগতি হইয়াছিল তাহা পুনরুক্তি নিস্প্রয়োজন। সাহিত্য, বিজ্ঞান, শিল্প, ইতিহাস দর্শন এবং দেহতত্ত্ব লাভ

করা নারীদিগের পক্ষে অত্যাশঙ্ক্য। জ্ঞান ভিন্ন মনুষ্যত্বের বিকাশ হয় না। শরীরের যেমন আহাৰ পান, মনের তেমন জ্ঞান। আহাৰ পান ভিন্ন কোন মহিলার কি শারীরিক শ্রী থাকে? তবে জ্ঞান ভিন্ন নারীদিগের মানসিক শক্তি এবং স্ফূর্তি কিরূপে থাকিবে? জ্ঞানের অধিকার নর-নারীর সমান। জ্ঞানেতে নারীর উচ্চাধিকার নহে; বরং তুল্যাধিকার বলা যায়।

নারীজাতির সেবার অধিকারটি উচ্চাধিকার। সেবাতে সহানুভূতি চাই। হৃদয় ভিন্ন সহানুভূতি বৃত্তির ভূমি কোথায়! হৃদয় রমণীরই নামান্তর। রমণী-হৃদয়ে পবিত্র প্রেমলতা জন্মপরিগ্রহ করিয়া থাকে। প্রেম অঙ্কে সুখদানে এবং আত্মসুখবর্জনে নিয়ত উন্মুখ। রমণীর জীবন বিলাসভবন নহে। রমণী-জীবন অপরের সন্তোষ, শান্তি ও আনন্দবর্ধক। প্রেম স্বর্গ হইতে ধরাতলে নামিয়া নারীর হৃদয়ে স্থিতি করে। তৃষ্ণার্ভকে বারি, ক্ষুধিত জনে অন্ন, রোগীকে ঔষধ পথ্য, শোকার্ভকে সান্ত্বনা, নিরাশ্রয়কে আশ্রয়, অজ্ঞানকে জ্ঞান, পরিতপ্তকে আরাম, পাপীকে পুণ্য দিয়া প্রেম কৃতকৃতার্থ বোধ করে। প্রেম আপনি কিছুই চায় না। প্রেমের যদি বিলাস বাসনা থাকে তবে ঐ সকলই বিলাস বলা যায়। নারীর ঐ প্রকার সেবা উচ্চ ধর্ম। ভারতের বা বঙ্গদেশের গৃহে গৃহে নারীগণ ঘোর অজ্ঞানতা কুসংস্কারে অন্ধ থাকিয়াও সেবা ধর্ম-পালনে, প্রিয় পরিজনের দুঃখদর্শনে বড়ই চক্ষুস্বস্তী ছিলেন। জ্ঞানের চক্ষু ফুটাইতে

যদি তাঁহারা সেবার চক্ষু অন্ধ করিয়া দেন, অতি উচ্চাধিকার তাগ করবেন। জ্ঞানের সঙ্গে সেবা ধর্মের যাহাতে মিলন থাকে, মনের সঙ্গে হৃদয়ের যাহাতে বিকাশ হয়, সেদিকে এখনই বিশেষ লক্ষ্য রাখা কর্তব্য।

হৃদয় প্রেমের প্রিয়ভবন, শ্রদ্ধা ভক্তির পবিত্র মন্দির। শ্রদ্ধা ভক্তির পাত্র দুই। মনুষ্য এবং ঈশ্বর। পিতা মাতা, জ্যেষ্ঠ জ্যেষ্ঠাগণ, জ্ঞানে গুণে দয়া ধর্মে ও সৌজন্তে মহত্বে যাহারা মানব সমাজে শ্রেষ্ঠ, তাঁহারা সকলেরই শ্রদ্ধাকর্ষণ করেন, মানবমাত্রই ভক্তিভাবে তাঁহাদিগকে অর্পণ করিয়া ঈশ্বরের মহিমা ঘোষণা করে। মানবজাতিরই এটি উচ্চাধিকার। বিশেষ ভাবে ললনাকুলের এ অতি গৌরবজনক উচ্চাধিকার। যত দেশে যত জাতিতে মহাপুরুষ এ ভূমণ্ডলে অবতীর্ণ হইয়াছেন, তাঁহারা সেই জাতীয় নারীদিগের দ্বারাই গৃহীত পূজিত ও সেবিত হইয়াছেন। নারীর গর্ভেই তাঁহাদের জন্ম; নারীর ভক্তি-গৃহেই তাঁহাদের প্রতিষ্ঠা। বর্তমান সময়ে জ্ঞান বিজ্ঞানের অধিকার পাইয়া কি কুলললনাগণ ভক্তি শ্রদ্ধার উচ্চতর অধিকার উপেক্ষা করিবেন? যদি তাহা কবেন নিশ্চয় তদ্বারা পাতকস্পর্শ হইবে। তাহার ফলে জাতীয় জীবনের ক্ষতি হইবে। পুণ্যের দ্বারাই প্রত্যেক জাতি উচ্চতা প্রাপ্ত হয়। পাপেতে অধঃপাত ঘটে। অতএব নারীগণ যেমন ঈশ্বরকে তেমন শ্রেষ্ঠ মনীষী ও মহাপুরুষদিগকে যেন স্ব স্ব ভক্তিরূপ স্বর্গমন্দিরে

প্রতিষ্ঠা পূরক উচ্চাধিকার ভোগে বঞ্চিত না হইয়েন।

মহিলাদিগের সর্বোচ্চ অধিকার বাধতা, কথা বলা, কথা শোনা এবং কথার বাধা হওয়া, মনুষ্যের পরিবার ও সমাজ রক্ষার নিদান। কিন্তু বাধাতারই অপর নাম দাস্ততা, বশতা বা দাস্ততা নীচতা জনক। স্বাধীনতা ত্যাগ করিলে, অধীন ও পরবশ হইলে লোক নীচতা প্রাপ্ত হয়। ভারতের সীমন্তলীগণ অধীনতাতেই জঘন্যতা প্রাপ্ত হইয়াছিলেন। অনেকে এ প্রকার মত পোষণ করিয়া থাকেন। কিন্তু বাস্তবিক অবস্থা তাহা নহে। বাধাতাতে মনুষ্যের শ্রেষ্ঠতা; বিশেষ ভাবে কুল-কামিনীদিগের দেবীত্ব বাধাতা ধর্মের অন্তর্ভূত ইহা আমরা প্রতিপাদন করিতে ইচ্ছা করিয়াছি। বর্তমান প্রাক্ক দীর্ঘ হইবে এই ভয়ে নারীজাতির সর্বোচ্চ ধর্ম যে বাধাতা তাহা এবং সে বাধাতা কিরূপ তাহা প্রমাণ সহকারে ভবিষ্যতে প্রকাশ করিব;

ঈ—সেন।

### আকস্মিক ঘটনা ও সামান্য রোগাদির গৃহচিকিৎসা।

(পূর্বপ্রকাশিতের পর।)

মূর্ছা।

অকস্মাৎ চৈতন্যহীন হওয়াকে মূর্ছা কহে। মূর্ছা সচরাচর নিম্নলিখিত কয়েকটি কারণ বশতঃ হইয়া থাকে।

১। অপরিমিত শারীরিক দৌর্বল্য বা ক্লান্তি।

২। তীব্র মানসিক অবসাদ বা আবেগ।

৩। শরীরের কোন স্থানে কঠিন বেদনানুভব বা আঘাত প্রাপ্তি।

৪। মস্তিষ্ক, হৃৎপিণ্ড ও মূত্রপিণ্ডের রোগ।

৫। অপরিমিত রক্তস্রাব—বাহ্যিক বা অভ্যন্তরিক।

৬। মাদক দ্রব্যাদী সেবন।

দীর্ঘকাল স্থায়ী রোগে শরীর দুর্বল হইলে কিংবা অপরিমিত পরিশ্রমে ক্লান্ত হইলে, কোন নিদারুণ শোক চিন্তা বা নৈরাশ্রের প্রাবল্যে মন অবসন্ন হইলে সামান্য শারীরিক আয়াসেই মূর্ছা হইতে দেখা যায়। কোন রূপ তীব্র আবেগে বা উৎফেপের দ্বারা মন উৎক্ষিপ্ত হইলেও মূর্ছা উপস্থিত হয়। ভয়েতে মূর্ছিত হইবার কথা আমরা সচরাচর শুনিতে পাই। লেখক এতদা একটি লোককে আনন্দে মূর্ছিত হইয়া অতিশয় সঙ্কটাপন্ন অবস্থা প্রাপ্ত হইতে দেখিয়াছিলেন। এ ব্যক্তি রাজমিস্ত্রির কার্য্য করিত। এক-দিবস সে প্রায় ২৫ ফিট উচ্চে একটি প্রাচীরের গাথে বসিয়া কার্য্য করিতেছিল এমন সময়ে তাহার নামে একটি টেলিগ্রাম আসিল। নীচে কণ্ট্রাক্টর মহাশয় কার্য্য পর্য্যবেক্ষণ করিতেছেন, টেলিগ্রাফ পিয়ন তাঁহার হস্তে টেলিগ্রামটি দিল। কণ্ট্রাক্টর মহাশয় আবরণের উপরে নামটি পড়িয়া মিস্ত্রীকে ডাকিয়া বলিলেন। সামান্য রাজমিস্ত্রির জীবনে টেলিগ্রামটি দৈনন্দিন ব্যাপার নহে। মিস্ত্রি একটু

আশ্চর্য্য হইয়া কণ্ট্রাক্টর মহাশয়কে উহা খুলিয়া পাঠ করিতে বলিল। কণ্ট্রাক্টর মহাশয় টেলিগ্রামের আবরণ উন্মোচন করিলেন, ইতিমধ্যে নিকটস্থ অগ্নাশ্রমিগ্নি ও কুলিরা তাঁহার চতুর্দিকে সমবেত হইয়া ব্যাপারটা কি জানিবার জন্ত উদ্গ্রীব হইয়া দাঁড়াইল, প্রাচীরোপরি উপবিষ্ট মিস্ত্রী কর্নিক হস্তে তাঁহার দিকে চাহিয়া রহিল। টেলিগ্রাম পড়িয়া কণ্ট্রাক্টর মহাশয়ের চক্ষু দুটি অসাধারণ রূপে বিস্তৃত হইল, তিনি উচ্চৈঃস্বরে ডাকিয়া বলিলেন “ওরে তুই কি ঘোড়দোড়ের টিকিট কিনেছিলি?” মিস্ত্রী প্রথমে কিছু বুঝিতে পারিল না, পরে একটু বিশেষরূপে বুঝাইয়া দিলে বলিল হাঁ হাঁ, মাস কতক হইল একটা বাবু আমার কাছে একটা টাকা লইয়া একখানা কাগজ আমাকে দিয়াছিলেন এবং বলিয়াছিলেন “নে যদি তোর কপালে থাকে এই একটাকা দিয়ে তুই একশ টাকা পেতে পারবি—তা কি হয়েছে বাবু?” কণ্ট্রাক্টর বাবু বলিলেন “আরে নেবে আয় নেবে আয় কি হয়েছে কি, আর তোকে কর্নিক ধতে হবে না, শিগ্গির নেবে আয়”। সে বলিল “কি হয়েছে বলেন না কর্তা আমি হাতের কাজটা না সেরে এখন না-বো না”। কণ্ট্রাক্টর বাবু বলিলেন ছর শালা না-ববি না, তুই যে তিন হাজার টাকা পেয়েছিস”। এই কথা শুনিবামাত্র তাহার হস্তস্থিত কর্নিক পড়িয়া গেল এবং কর্নিকের সঙ্গে সঙ্গে তাহার অচেতন দেহও ভূমিতে পতিত হইল। লেখক নিকটেই ছিলেন, তাঁহার নিকটে সংবাদ পৌঁছিবামাত্র তিনি

ছুটিয়া আসিয়া দেখিলেন এই অকস্মাৎ তিন সহস্র মুদ্রার স্বত্বাধিকারপ্রাপ্ত গভীর মূর্ছায় অভিভূত। অনেক চেষ্টার পর মূর্ছা অপনোদিত হইলে দেখা গেল এই সৌভাগ্যবান হতভাগ্য একেবারে উত্থান-শক্তি-রহিত হইয়াছে, ইষ্টকের স্তপের উপরে পতিত হইয়া তাহার একটা জজ্বার অস্তিত্ব ভগ্ন হইয়াছে। এ ব্যক্তি কৌতুহল বশতঃ একখানা ডার্বির (Derby) টিকিট ক্রয় করিয়াছিল তৎকালে তাহার কিছু পাইবার আশা থাকিলেও তিন হাজার টাকা পাইবে এরূপ আশা বা বিশ্বাস কখন তাহার মনে উদিত হয় নাই। হঠাৎ এত টাকার অধিকারী হইয়া আনন্দের আবেগে তাহার মূর্ছা হইয়াছিল। এইরূপ মনের অপরিমিত আবেগ বা অবসাদ বশতঃ মৃত্যু হইতেও দেখা যায়। প্রায় ত্রিশ বৎসর হইল পশ্চিমাঞ্চলের কোন সরকারী ডাক্তারখানার ভারপ্রাপ্ত লেখকের আত্মীয় একজন ডাক্তার বাবু এইরূপে মৃত্যুমুখে পতিত হন। তাঁহার একমাত্র পুত্র কঠিন রোগে আক্রান্ত হইলে, প্রায় মাসেককাল তিনি এবং অগ্নাশ্রমিগ্নিগণ নানারূপে চিকিৎসা করিয়াও তাহাকে রক্ষা করিতে পারিলেন না। ডাক্তার বাবু দিব্যরাত্রি পুত্রের নিকটে থাকিয়া তাহার গুণ্ণা ও চিকিৎসাতে নিযুক্ত থাকিতেন, পুত্রের নিকট হইতে কিয়ৎক্ষণের জন্তও তাঁহাকে বিচ্ছিন্ন করা কঠিন ছিল। বলা বাহুল্য তাবনা চিন্তা অনাহার ও অনিদ্রায় তিনি স্বয়ংও অতিশয় কাতর হইয়া পড়িয়াছিলেন। পুত্রের মৃত্যুর সময়ে তিনি নিকটে ছিলেন।

আসন্ন সময় উপস্থিত হইলে যখন পরিবারস্থ আর সকলে উচ্চৈঃস্বরে ক্রন্দন করিতেছিল তিনি চিত্রপুস্তলিকাভং নিশ্চল দেহে ও নির্নিমেষ নেত্রে পুত্রের মুখের দিকে চাহিয়া দাঁড়াইয়াছিলেন। তাঁহার মুখে শব্দ ছিল না, চক্ষে অশ্রু ছিল না। দেখিতে দেখিতে পুত্রের নিশ্বাস ক্রিয়া বন্ধ হইল। অকস্মাৎ তীক্ষ্ণ শোকাবেগগ্রস্ত পিতার আপাদ-মস্তক কম্পিত হইল এবং তিনি মূর্ছিত হইয়া ধরাতলে পতিত হইলেন। এই মূর্ছা অবিলম্বে মৃত্যুতে পরিণত হইল। অবশ্য এইরূপ মৃত্যু সচরাচর দেখা যায় না, কিন্তু একান্ত বিরলও নহে। আমরা মধ্যে মধ্যে Heart failure বশতঃ মৃত্যুর কথা শুনিতে পাই, ইহার অনেকগুলি দীর্ঘ সময়ব্যাপী শোক, চিন্তা, মানসিক উদ্বেগ ও নৈরাশ্যের ফল।

মস্তকে কঠিন আঘাত লাগিয়া মূর্ছা হইতে অনেকেই দেখিয়া থাকিবেন, পেটে ঘৃষি মারিলেও মূর্ছা হয়, শূলাদী দারুণ বেদনাতে বেদনা অসহ্য হইয়া পড়িলে বারম্বার মূর্ছা হইতে দেখা যায়।

পূর্কোল্লিখিত ভিন্ন ভিন্ন কারণোৎপন্ন মূর্ছার লক্ষণ, কারণ ও অবস্থা বিশেষে কতকটা ভিন্ন ভিন্ন রূপ হইয়া থাকে, এবং তৎপ্রতীকারের উপায়ও ভিন্ন ভিন্ন। সাধারণতঃ অপরিমিত শারিরিক দৌর্বল্য বা ক্লান্তি, তীক্ষ্ণ মানসিক অবসাদ বা আবেগ, কঠিন বেদনা বা আঘাত প্রাপ্তি অধিক রক্তস্রাব এই সমুদায় কারণে অকস্মাৎ মূর্ছা উপস্থিত হইলে মুখ বিবর্ণ (রক্তহীন) চক্ষু মুদ্রিত এবং শরীর অবসন্ন

ও শীতল হয়। নাড়ীর গতি ও শ্বাস-প্রশ্বাস ক্রিয়া অতিশয় মৃদু হয়। এইরূপ মূর্ছাতে মূর্ছিতকে শয়ান অবস্থায় রাখিবে, মস্তকে উপাধান না দেওয়াই উচিত। (অর্থাৎ মস্তক শরীরের অত্যাংশ হইতে একটু নিম্নে রাখিবে)। মস্তকে, মুখে ও বক্ষে শীতল জলের ছিটা দিবে এবং বহির্দেশে রৌদ্রের উত্তাপ না থাকিলে কক্ষের দ্বার জানালাদি উন্মুক্ত করিয়া দিয়া পাখার বাতাস দিবে। ইহাতেই সামান্য মূর্ছা অপনোদিত হইবে, যদিও তাহা না হয় তবে স্পেলিংস্ট আশ্রয় করাইবে; যদিও ইহাতেও কোন ফল না হয় তবে আর বিলম্ব না করিয়া চিকিৎসককে সংবাদ দিবে, এবং তাঁহার আসা পর্যন্ত মধ্যে মধ্যে স্পেলিংস্ট আশ্রয় করাইতে থাকিবে, এবং মূর্ছিত ব্যক্তির শরীর যাহাতে শীতল না হয় তদ্বিষয়ে চেষ্টিত থাকিবে। শুষ্ক হস্ত বা শুষ্ক ফ্লানেল দ্বারা হস্তপদাদী ঘর্ষণ করা, বোতলে গরম জল পুরিয়া তাহা পার্শ্বে এবং হস্ত ও পদতলে রাখা এবং উষ্ণ বস্ত্রে শরীর আবৃত করিয়া রাখাই শরীর উষ্ণ রাখিবার উপায়। যদিও নাড়ী অতিশয় দুর্বল বোধ হয় এবং শরীর অধিক শীতল বোধ হয় তবে বড় চামচায় table-spoon এক চামচা ব্রাণ্ডি (brandy) বা হুইস্কি সমান পরিমাণ ঈষৎ জলের সহিত আন্তে আন্তে পান করাইয়া দিবে। বলা বাহুল্য যে বাহ্যিক রক্তস্রাবজনিত মূর্ছাতে রক্তস্রাব নিবারণের উপায় অবলম্বন করিতে তিলেক মাত্র বিলম্ব করিবে না। রক্তস্রাব নিবারণের নানাবিধ উপায় পূর্বে বিবৃত

হইয়াছে। আভ্যন্তরিক রক্তস্রাব বৃদ্ধিতে পারা অনভিজ্ঞের পক্ষে সহজ নহে, তৎসম্বন্ধে যাহা করিতে হয় চিকিৎসক মহাশয় করিবেন।

মূচ্ছা যদি অধিকক্ষণ স্থায়ী হয়, এবং চিকিৎসকের পঁহুঁহিতে বিলম্ব হয় তবে নিম্নলিখিত বিষয় গুলি অল্পসন্ধান ও লক্ষ্য করিয়া রাখিবে, এবং চিকিৎসক মহাশয় আসিবামাত্র তৎপ্রতি তাঁহার মনযোগ আকর্ষণ করিবে, ইহাতে প্রকৃত অবস্থা বা রোগ নির্ণয় করিতে তাঁহার অধিক সময় ব্যয় হইবে না, এবং আশু চিকিৎসায় বিশেষ সাহায্য হইবে।

১। কতক্ষণ মূচ্ছা হইয়াছে।

২। মূচ্ছা হইবার পূর্বে বা তৎসময়ে মূচ্ছিত ব্যক্তি কোন বিশেষ রোগে কষ্ট পাইতেছিল কি না। বহু মূত্র বা অল্প কোন প্রস্রাবের রোগ, হৃদরোগ ইত্যাদি আছে কি না।

৩। মূচ্ছা হইবার পূর্বে মস্তকে বা শরীরের অত্র কোন স্থানে কঠিন আঘাত পাইয়াছিল কি না।

৪। মস্তকে আঘাত পাইবার পর নাসিকা কণ বা মুখ হইতে রক্তস্রাব হইয়াছে কি না।

৫। মূচ্ছিত ব্যক্তি কোন মাদক দ্রব্য সেবন করিয়াছিল কি না, কিম্বা কোনরূপ মাদক দ্রব্য সেবন করা তাহার অভ্যাস আছে কি না।

৬। উহার মৃগী বা হিষ্টিরিয়া রোগ আছে কি না।

৭। মূচ্ছা সম্পূর্ণ কি আংশিক,

অর্থাৎ মূচ্ছিত ব্যক্তিকে ডাকিলে উত্তর দেয় কি না, নাড়া চাড়া করিলে সাড়া দেয় কি না।

৮। চক্ষুতে অঙ্গুলি দিলে চক্ষু পল্লব কুঞ্চিত করে কি না। চক্ষুর তারা সঙ্কুচিত কি প্রসারিত।

৯। মুখে কিংবা নিঃশ্বাসে কোন রূপ শব্দ পাওয়া যায় কি না।

১০। নিঃশ্বাসের গতি ও শব্দ কিরূপ। নিঃশ্বাস প্রশ্বাস ক্রিয়া নাসিকা দ্বারা কিংবা মুখ দ্বারা সম্পন্ন হইতেছে।

১১। হস্ত পদে বা মুখে কোনরূপ আক্ষেপ বা থিঁচুনি হইতেছে কি না। জিহ্বা দন্তের দ্বারা দংশিত হইয়াছে কি না।

১২। হস্তপদাদী সঞ্চালন করিবার শক্তি আছে কি না।

১৩। বাহ্য প্রস্রাবাদী অজ্ঞাতে সম্পন্ন হইতেছে কি বন্ধ আছে।

১৪। শরীরের উত্তাপ কি প্রকার তাপমান যন্ত্রের দ্বারা দেখিয়া রাখিবে। উভয় কুঞ্চিত উত্তাপ পরীক্ষা করিয়া কোন ভারতম্য আছে কি না দেখিবে।

অধিককাল স্থায়ী মূচ্ছার প্রতীকার সম্বন্ধে নিম্নলিখিত কয়েকটি বিষয়ও জানিয়া রাখা আবশ্যিক। চিকিৎসক উপস্থিত হইবার পূর্বে উল্লিখিত উপায়গুলি অবলম্বন করা বাইতে পারে।

১। মস্তকে আঘাত লাগিয়া যদিপি ধীরে ধীরে মূচ্ছা উপস্থিত হয় এবং উহা দীর্ঘকাল স্থায়ী হয় তবে মস্তকে শীতল জলের পটি দিবে।

২। মাদক দ্রব্য সেবন করিয়া মূচ্ছা হইলে প্রথমে লবণ মিশ্রিত উষ্ণজল পান করাইয়া বমন করাইবে, পরে মস্তকে ও মুখে শীতল জল সিঞ্চন করিবে, কিংবা মস্তকে শীতল জলের ধারা দিবে।

৩। মস্তকের কোন রোগ বশতঃ মূচ্ছা হইলে প্রথমে তাহা কিরূপ মস্তকের রোগ হইতে উৎপন্ন হইয়াছে তাহার অনুসন্ধান করিতে হইবে। সচরাচর তিন প্রকার মস্তিষ্ক রোগে মূচ্ছা উপস্থিত হয়। যথা মৃগী, মাথায় রক্ত উঠা, বা মস্তিষ্ক মধ্যে রক্তস্রাব হওয়া apoplexy এবং বায়ু বা সন্ন্যাস রোগ, যাহা হিষ্টিরিয়া Hysteria বলিয়া পরিচিত। মৃগীরোগে রোগী অকস্মাৎ কোনরূপ শব্দ করিয়া ভূতলে পতিত হয় এবং তাহার হস্তপদাদী ও মুখে থিঁচুনি হইতে থাকে মুখ হইতে ফেন নির্গত হয়, দন্তপাটী আবদ্ধ থাকে এবং কখন কখন দন্তের দ্বারা জিহ্বা কঠিন রূপে দংশিত হয়। অজ্ঞানাবস্থায় সময়ে সময়ে মল মূত্রও নিঃসৃত হয়। হিষ্টিরিয়ার মূচ্ছা এবং মৃগী রোগের মূচ্ছা অনভিজ্ঞের পক্ষে বুদ্ধিয়া উঠা সহজ নহে, উভয় লক্ষণেই অনেকটা সাদৃশ্য আছে, কিন্তু বিভিন্নতাও আছে। মৃগী অকস্মাৎ উপস্থিত হয়, হিষ্টিরিয়া ধীরে ধীরে আরম্ভ হয়। মৃগীরোগে কোনরূপ উচ্চ শব্দ করিয়া মূচ্ছা হয়, হিষ্টিরিয়াতে তাহা হয় না। হিষ্টিরিয়াতে জিহ্বা দংশিত হয় না, মুখে ফেনও নির্গত হয় না। ইহাতে দন্তপাটী কঠিন রূপে সংবদ্ধ হয় না, কিন্তু পরস্পর সংঘর্ষিত হয়। এবং সেই হেতু কড় মড় শব্দ হইতে থাকে।

মৃগী ও হিষ্টিরিয়ার মূচ্ছাবস্থায় প্রায় একই প্রকার প্রতীকারোপায় অবলম্বিত হইয়া থাকে। মূচ্ছিতের পরিধেয় বস্ত্রাদি শিথিল করিয়া দিবে এবং তাহাকে উপাধানযুক্ত শয্যাতে শয়ন করাইয়া দিবে। আক্ষেপ সময়ে হস্তপদাদিতে কিম্বা অত্র স্থানে কোনরূপ আঘাত না লাগে তবিসরে সাবধান হইবে। মুখে শীতল জল প্রক্ষেপ করিবে এবং মধ্যে মধ্যে স্মেলিং সন্ট আত্মাণ করাইবে। এইরূপ অবস্থাতে লোকে সচরাচর ব্যস্ত হইয়া দন্তপাটী বিচ্ছিন্ন এবং মুষ্টিবদ্ধ হস্ত উন্মুক্ত করিবার জন্ত চেষ্টা করে অথবা আক্ষেপ সঞ্চালিত দেহকে চাপিয়া ধরিয়া রাখিবার চেষ্টা করে। এরূপ করা উচিত নহে। ইহাতে কোন উপকার হয় না বরঞ্চ আক্ষেপ বৃদ্ধি হয়। সুবিধা পাইলে দন্তপাটীর মধ্যস্থলে একখণ্ড রুমাল কিম্বা তোরালে কিম্বা এরূপ অল্প কোন দ্রব্য রাখিয়া দিবে যাহাতে জিহ্বা দন্তের দ্বারা নিষ্পেষিত বা দংশিত না হয়।

হিষ্টিরিয়ার ফিট উপস্থিত হইলে অনেক সময়ে রোগী সম্পূর্ণরূপে চৈতন্যহীন হয় না। হস্ত পদাদিতে থিঁচুনি হইতে থাকে, হস্তের মুষ্টি কঠিন রূপে সংবদ্ধ হয়, দন্তপাটীর পরস্পর সংঘর্ষণে কড় মড় করিয়া শব্দ হয়, রোগীকে বারম্বার ডাকিয়াও কোন উত্তর পাওয়া যায় না, চক্ষু ছুঁটা চেষ্টা করিয়াও খোলা যায় না, অথচ রোগী নিকটস্থ লোকের সমুদায় কথাবার্তা শুনিতে পায়, নিজে কথা বলিতে অসমর্থ বা অতিশয় অনিচ্ছুক বোধ করে। মনের

আবেগে অনেক সময়ে হিষ্টিরিয়ার মূর্ছা ছাড়িয়া বাইতে দেখা যায়। একদা লেখক একটা হিষ্টিরিয়াজনিত মূর্ছাগ্রস্তা স্ত্রীলোকের মূর্ছা অপনোদন করাইবার জন্ত নানা চেষ্টা করিয়া নিষ্ফল হইলে একখানি কাঁচি হস্তে রোগীর নিকটে গিয়া কিঞ্চিৎ উঠেঃ-স্বরে বলিলেন “ইহার মূর্ছাতো কিছুতেই গেল না আমি ইহার চুলগুলি কাটিয়া দিয়া মাথায় বরফ দিব।” স্ত্রীলোকটি যুবতী ছিল এবং তাঁহার মস্তকে সুদীর্ঘ সুন্দর কেশ ছিল, লেখক ঐ কথা বলিবামাত্র তিনি তৎক্ষণাৎ হুটী হস্তে আপন মস্তক আবৃত করিলেন এবং এফটা দীর্ঘ ও কাতর নিশ্বাস পরিত্যাগ করিয়া চক্ষু হুটী উন্মুক্ত করিলেন, সেই মুহূর্ত্তেই তাঁহার মূর্ছা ছুর ভূত হইল।

মস্তিষ্কের অভ্যন্তরে কোন কারণে রক্তস্রাব হইলে মূর্ছা হইয়া থাকে। উহাকে ইংরাজিতে এপিলেপসি বলে, সাধারণ ভাষায় মাথায় রক্তভটা বলিয়া থাকে। এইরূপ মূর্ছা প্রায়ই অকস্মাৎ হইয়া থাকে এবং দীর্ঘকাল স্থায়ী হয়। গভীর মূছার অবস্থায় নিশ্বাস প্রশ্বাস কার্য অতিশয় মন্দ গতিতে নির্বাহিত হইয়া থাকে এবং সঙ্গে ঘড় ঘড় শব্দ হয়। সচরাচর নিশ্বাস বায়ু নাসিকা পথে গৃহিত হইয়া মুখে পরিত্যক্ত হইয়া থাকে এবং নির্গমনকালে ফুৎকার দিবার স্থায় গাল ছুটি ফুলিয়া উঠে। এপিলেপ্সির মূর্ছার সহিত অনেক সময়ে অর্ধাঙ্গ (একদিকের হস্ত ও পদ অবশ ও শক্তিহীন হওয়া) হইতে দেখা যায়। চক্ষুর তারা একটা সঙ্কুচিত ও একটা প্রসারিত হইয়া

থাকে। শরীরের তাপেও ছুই কুক্ষিতে প্রায় এক ডিগ্রির বিভিন্নতা থাকে।

উপরিলিখিত অবস্থাতে রোগীর মস্তক কিঞ্চিৎ উচ্চ করিয়া তাহাকে শয্যায় শয়ান রাখিবে, সম্পূর্ণ ভাবে পৃষ্ঠের উপরে শয়ান না রাখিয়া পৃষ্ঠের দিকে একটা উপাধান রক্ষা করিয়া ঈষৎ বক্রভাবে এক পার্শ্বের উপরে শয়ন করান উচিত। ইহাতে নিশ্বাস প্রশ্বাসের সুবিধা হয়। মস্তকে শীতল জলের পটী দিবে এবং পদতলে গরম জলের বোতল রাখিবে। এইরূপ মূর্ছায় গৃহ-চিকিৎসা অসম্ভব, শীঘ্রই রোগীকে চিকিৎসকের হস্তে সমর্পণ করিবে।

ক্রমঃ ।

### নূতন পুস্তক ।

“চারিটা সাধ্বী মুসলমান নারী” নামক পুস্তক সম্প্রতি প্রকাশিত হইয়াছে। এই পুস্তকে এসলাম ধর্মের প্রবর্তক মহাপুরুষ মোহাম্মদের প্রথমা পত্নী সাধ্বী খদিজা দেবীর, তাঁহার কনিষ্ঠ কন্যা ফাতেমা দেবীর এবং দ্বিতীয়া পত্নী আয়শা দেবীর অপিত তপস্বিনী রাবেয়ার জীবনবৃত্তান্ত বিবৃত। মূল্য ১০ মাত্র।

### আমাদের প্রতি মাতৃজাতির সহানুভূতি ।

আমি যে দীর্ঘকাল যাবৎ হৃদয়গোপে ক্রেশ ভোগ করিতেছি, আমার অনেক তরুণবয়স্ক আদরের মা যে তজ্জন্ত ব্যথিত হইয়া পত্রাদি লিখিয়া সহানু

ভূতি প্রকাশ করিয়াছেন গত কার্তিকমাসে “আমাদের অবস্থা” দীর্ঘক প্রবন্ধে বিস্তারিতরূপে লিপিবদ্ধ করা গিয়াছে। তাহাতে ইহাও লিখা হইয়াছে যে সকলকে সহস্র পত্র লিখিয়া অবস্থা জ্ঞাপন করা আমার পক্ষে দুঃসাধ্য। এই প্রবন্ধ পড়িয়া উৎকর্ষাকুল মাতৃগণ সবিশেষ অবগত হইবেন; এখন আমি কিঞ্চিৎ ভাল আছি, ইহাও জানাইয়াছিলাম। তাহার পরও সবিশেষ জানাইবার জন্ত ক্রমাগত পত্রের পত্র পাওয়া গিয়াছে। পশ্চিমবঙ্গের একটি ব্রাহ্মবন্ধুর কুমারী কন্যা ১৯শে জাহ্নয়ারি তারিখে লিখিয়াছেন;—

“আপনি যে কোথায় আছেন, কেমন আছেন কিছুই জানি না। কত দিন হয়ে গেল আপনার কোন সংবাদ পাইনি। কেবল আপনি কোথায় আছেন তা জানতাম না বলেই কোন সংবাদ এত ইচ্ছেসহেও নিতে পারিনি। কলকাতায় কত লোককে জিগোস করে চিঠি লিখেছি আপনি কোথায় আছেন সংবাদ পাবার জন্ত, কিন্তু কারো কাছে কোন উত্তর পেলাম না। আজ হঠাৎ কেমন মনে হলো জ্ঞানাজ্ঞানকে চিঠি লিখে আপনার ঠিকানা জানতে পারলাম। তাই আজই লিখছি। এমন মুঞ্চিলে আমি কখনো আপনার ঠিকানা নিয়ে পড়িনি। মনটা ছটফট করত, তবু কোন খবর নিতে পারতাম না। একবার শুনেছিলাম আপনি গিরিডি গেছেন, কিন্তু তারও ঠিকানা জানতাম না। ঠিকানা পেয়ে খন-যেন বাঁচলাম। আপনার শরীর

এখন কেমন আছে? গিরিডির পরিবর্তনে শরীর কিছু ভাল বোধ হচ্ছে কি? এখানে কারও চিকিৎসা হচ্ছে কি? এ বাড়ীতে আপনার থাকার সুবিধা হচ্ছে কি? এখানে আপনাকে দেখা শুনা কে করেন? সেবা যত্ন কে করেন? কেমন বোধ হচ্ছে এখানে এসে, সব জানাবেন। জানবার জন্ত মনটা বড় অস্থির হয়ে রয়েছে। আপনার নিজ হাতের লেখা কি পাব? এত অস্থির বিষয়, অস্থিরতার ভেতরও এত মনে করে আবার দেবী গান্ধবীর জীবনী পাঠিয়েছেন। আপনার ভালবাসা এমন নিঃস্বার্থ, এমন গভীর যে এততেও ভুলতে পারেন না! এত অস্থির অস্থিরতার ভেতরেও যা পান অমনি পাঠান। আপনার এ ভালবাসা দেখে আমিই অবাচ্ হয়ে ভাবি। এত অস্থির হয়েও এত ভালবাসা পাই, এ কার আশীর্ব্বাদে? তিনিই ধন্য! যার জন্তে এত ভালবাসার অধিকারী হোলাম।”

(দ্বিতীয় পত্র। ৩১শে জাহ্নয়ারি।)

আপনার অগ্নি দ্বারা লিখিত পত্র খানি সময়ে পাইয়াছি। তাহাতে আপনার এত ব্যারামের বৃদ্ধি শুনিয়া মনটা বড় খারাপ হইয়া গেল। বড় আশা করিয়াছিলাম গিরিডির পরিবর্তনে কিছু ভালই শুনিব। বিধাতার বিধি ত বুঝিতে পারি না। আমি এ হৃদরোগের বিষয় কিছু কিছু জানি। থাকে থাকে হঠাৎ মাঝে মাঝে আপনিই এমন বেড়ে ওঠে, যা এড়ান কিছুতেই যায় না। ডাক্তারেরা

ততই আর কোন উপায় না পেয়ে কেবল খাওয়ার ওপরই কড়া কড়ি করেন। পেট ভ'রে কোন ভারি জিনিষ খেতে দেন না, তাও জানি। তাই ত বার বার খাওয়ার বিষয় এত ক'রে জানিতে চাই। আপনার যখন বাড়ে তখন কি রকম কষ্ট হয়? আহা! আমি জানি ভয়ানক কষ্ট, দিন রাত যাতনায় অধীর, ঘুম নাই, তার বিরামও নাই। আপনার সকল কষ্টগুলি আমিও যেন চোখের সামনে দেখতে পাই। মনে করলে, মনে হয় ছুটে আপনার কাছে চলে যাই। যতদূর পারি তেমনি করে আপনার সেবা করি, যাতে একটু আরাম পান। কে আপনার কাছে এখানে থাকেন? কে সেবা যত্ন করেন? যে ঘরে আপনি থাকেন, সেটা কি ভাল মনে হয়? ছুবেলা কেবল দুধ খেয়ে থাকেন? ভাত কি রুটি মোটে খেতে দেয় না?

( তৃতীয় পত্র । ১৩ই ফেব্রুয়ারি । )

“আপনার চিকিৎসা প্রাণরক্ষক বাবু কি একাই করেন? আপনার কাছে থাকেন কে? দেখেন শোনে কে? রাত্রে কে কাছে থাকেন? খাবার বন্দোবস্ত কার হাতে থাকে? আপনি কোথায় একটু বেড়ান? ভাল পরিষ্কার বাতাস পান কি? ওষুধের যেমত দরকার, এ সবও কি তেমনি দরকারী জিনিষ নয়? আজকালকার ডাক্তারেরা এ সবই ত বেশী দেখেন, না? আপনার ঘরে, আপনার কাছে ফুল থাকে কি? আমাদের কাছে বেশ গোলাপ

ফুল ফোটে, দেখে আমার আপনার কথা মনে হয়। কিন্তু কি করে পাঠাই। ওখানে আজ কাল ঠাণ্ডা কেমন?”

অতঃপর মা গাজীপুর হইতে লিখিয়া পাঠাইয়াছেন ;—

“আপনার শরীর আজকাল কেমন আছে? অসুখ হইতে উঠিয়াছেন খুব সাবধানে ও নিয়মে থাকিবেন। আজকাল কি কোন ঔষধ ব্যবহার করিতেছেন? শরীরে পূর্বাপেক্ষা বল পাইয়াছেন কি না লিখিবেন। আমি সর্বদা আপনাকে পত্র লিখিয়া সংবাদ লইতে পারি না, কিন্তু মন আপনার জন্ত ব্যাকুল থাকে।” আরও কেহ কেহ লিখিয়াছেন।

আমি ভিন্ন ভিন্ন পত্র না লিখিয়া আমার বর্তমান অবস্থা আমার মাদিগকে জানাই-তেছি। সকল সময় নিজহস্তে পত্র লিখিয়া সমস্ত বিবরণ জ্ঞাপন করিতে অক্ষম। আমি গিরিডিতে প্রায় দেড়মাস ও মিহিজামে ১৪ দিন ছিলাম, কিছু ভাল ছিলাম। গত পৌষ মাসের প্রথম ভাগে কলিকাতায় ফিরিয়া আসিয়া কিয়দিন এক প্রকার ভালই কাটান গিয়াছিল। পরে ক্রমে ২৩ দিন রাত্রিতে হঠাৎ পীড়ার বৃদ্ধি হয়। এক্ষণে খুব ভাল নহে। শরীর একান্ত দুর্বল। কলিকাতার বাড়ীর গোলযোগ ধূলি ও ধূমময় হাওয়া আমার পক্ষে অসহ্য হইয়া উঠিয়াছে। অবিলম্বে স্বাস্থ্যকর স্থান মিহিজামে জল বায়ু পরিবর্তনের জন্ত কিছুকাল স্থিতি করিব এরূপ সঙ্কল্প। এখানে চিকিৎসা ও সেবা গুণস্বার্থে কোন-

রূপ ক্রটি হইতেছে না। যখনই দরকার হয় বাড়ীর আয়ীয়ে মেয়ে পুরুষেরা দৌড়িয়া আসিয়া পরমযত্নে সেবা করেন। শ্বাসকষ্টের প্রবল বেগের সময় বাতাস করা, বুক হাত বুলান ইত্যাদি তাঁহার করিয়া থাকেন। আমি প্রাতে ওটমিল ও ৯টার সময় একবার কিঞ্চিৎ দুগ্ধ পান করি, মধ্যাহ্নে অল্প পরিমাণে ভাত খাই, তাহার সঙ্গে দুধও থাকে, বিকালে দুইটার সময় কিঞ্চিৎ দুগ্ধ পান করি, ৫টার পর দুগ্ধ ও ঘরের পাতলা রুটি দুই খানা মাত্র খাই; সমস্ত রাত্রি আর কিছুই খাওয়া হয় না। প্রত্যহ ২৩টি ঔষধ সেবন করিতে হয়, যখনই আবশ্যিক হয় ডাক্তার আচার্য্য আসিয়া দেখিয়া যান। দিব্যরাত্রি সর্বক্ষণ আমার নিকটে একজন থাকেন। বাহার মেহ দয়ার আবেগে দূরদেশ হইতে মা, তোমরা আমার জন্ত এত ব্যস্ত, যিনি তোমাদের কাছে সর্বক্ষণ থাকিয়া সবত্রে তোমাদের সেবা করেন, বাহার মেহ প্রেমের বিরাম নাই, যিনি কখনও কাহাকে ভুলেন না সেই পরম মাতা কাছে আছেন। তোমাদের ভিতর দিয়া তাঁহারই মেহ প্রেম প্রকাশিত। আমি তজ্জন্ত তাঁহার নিকটে ও তোমাদের নিকট পরম কৃতজ্ঞ। মঙ্গলময়ী জননী তোমা-দিগকে শুভাশীর্বাদ করুন।

—

কেশবজননী সাধ্বী সারদাদেবী।

বিষয়বিভাগ।

( ১২১ পৃষ্ঠার পর । )

আবার সংসারের কথা স্মরণে চাই-

তেছ, বলি, সব ভাল মনে নাই। আমি যেবার শ্রীক্ষেত্রে যাই সেইবার আমার ভাস্কর অহাবর বিষয় ভাগ করেন। নবীন আমাকে অনেক করিয়া থাকিতে বলিয়া-ছিলেন। আমি কিন্তু ঐসব তুচ্ছ বিষয়ে মন না দিয়া শ্রীক্ষেত্রে চলিয়া যাই। আমি যাওয়ার পর টাকা মোহর এবং রূপার বাসন ভাগ হয়। মোহর পালি মাটিয়া ভাগ হইয়াছিল। ঠাকুরের সোণা রূপার জিনিষ ভিন্ন এক এক ভাগে অনেক রূপার জিনিষ পড়িয়াছিল। ভাগ করিবার সময় আমার ছেলেরা কিছুই পান নাই। নবীন যখন আমার ভাস্করকে জিজ্ঞাসা করিলেন “জ্যেষ্ঠানবিশ্বর আমাদের ভাগ কোথায়?” তিনি বলিয়াছিলেন “তোমাদের ভাগ আমার কাছে রহিল।” শেষে অনেক দিন পরে যখন আমার ভাস্করের বেরোয়া তাঁহার ঘরের জন্ত বাহিরের ফটকে চাবি দিলে, তখন বাহিরের সেই তেতলা হইতে কুড়ি কুড়ি সব রূপার বাসন ভিতর বাড়াতে আনা হইতেছিল। আমি সেই সময় ঐ ঘরের দরজায় বসিয়াছিলাম। তখন আমার ভাস্করের মেজ ছেলেকে বলিলাম “আমার ছেলেরা কিছুই পায় নাই, তাহাদের বাসন গুলো দাও।” আমার এ কথায় তিনি এক কুড়ি হইতে কয়েক খানি বাসন লইয়া আনয়ন দিলেন। কিন্তু তাঁহার বাহা পাইয়াছিলেন তার সঙ্গে এদের ভাগ কিছু নয় বলিলেও হয়। আমার ভাস্করের নিকট যে আমার ছেলের মোহর ছিল, তাহা আমার ছেলেরা শেষে পাইলেন না, কারণ তখন

আমার ভাণ্ডারের অনেক দেনা হইয়াছিল, এবং সেই দেনার দরুণ তাঁর কষ্ট দেখিয়া আমিও আর চাহিতে পারিলাম না। আমার শ্বশুর যাওয়ার সময় সোণারূপার বাসন ভিন্ন তাঁর চারিছেলের প্রত্যেককে ৮০,০০০ হাজার করিয়া নগদ টাকা দিয়া গিয়াছিলেন। এই সমস্তই আমার ভাণ্ডারের নিকট ছিল। কলিকাতায় আমার শ্বশুরের প্রায় সতের খানা বাড়ী ছিল। এত দিন আমার সে সব ঠিক মনে নাই, তার ভিতর খুব বড় বড় কএক খানির কথা বলিতেছি। চৌরঙ্গীতে তিন খানি, বড় বাজারে অনেক যায়গা ও একটা বড় বাড়ী, পটলডাঙ্গার স্কুলবাড়ী (এলবার্ট কলেজ) এই বাড়ীটা তাঁর গুরু জন্ম হইয়াছিল, তিনি আসিলে ঐ খানে থাকিতেন। নীচু বাগানের ও মাণিকতলার বড় বাগানবাড়ী, খালের ধারের ধেনো জমি ও অনেক যায়গা এবং শিবপুকুরের নিকট অনেক যায়গা। এইরূপ এক এক বাড়ীর ৩০।৪০০ শত টাকা করিয়া মাসে মাসে ভাড়া আসিত। কলিকাতার বাড়ীতে আমার শ্বশুর প্রায় ৮।১০ লাখ টাকার বিষয় রাখিয়া যান। সোণা মুক্তা ও জড়োয়ার গহনা প্রায় ৫০,০০০ হাজার টাকার কম নয়। আমার ছেলেদের ভিতর নবীন ২০,০০০ ও কেশব ২০,০০০ করিয়া পাইয়াছিলেন। নবীন ২০,০০০ হাজার টাকা প্রথমেই পাইয়াছিলেন, কারণ সকলেই তাঁহাকে একটু ভয় করিতেন। কেশব প্রথম টাকা পান নাই, শেষে যখন তিনি দেবেন্দ্রনাথ ঠাকুরের

নিকট মেজ বোকে লইয়া যান, এবং তাঁহার এ বাড়ীতে আসা ও খরচ আমার ভাণ্ডার বন্ধ করিয়া দেন, তখন কেশব উকীলকে দিয়া তাঁহার ২০,০০০ হাজার টাকার জন্ম নালিশ করিতে চাহিলেন। তারপর আমার ভাণ্ডার কেশবের ২০,০০০ হাজার টাকা এবং তাঁহার ভগ্নীদের টাকা বাহির করিয়া দিলেন। সেই সময় কেশব আমায় বলিয়াছিলেন “মা, তুমি বলত কৃষ্ণবিহারী ও তোমার জন্ম উকীলের চিঠি দিয়া তোমাদের টাকাও বাহির করিয়া নিই।” আমি বলিলাম “না টাকা কি বড় জিনিষ? টাকার জন্ম তোমার জ্যেষ্ঠা কি জেলে যাবেন? যাক্ এখন নিম্নে দরকার নাই।”

আমি নালিশ কাহাকে বলে জানিতাম না, নালিশের নামে ভয় হইল। আমার অমতের জন্ম কৃষ্ণবিহারীর ও আমার টাকা বাহির হইল না। আমার জন্মই কৃষ্ণবিহারীর টাকা গেল, কিন্তু সে জন্ম কৃষ্ণবিহারী এক দিনও ছুঃখ করেন নাই। কলিকাতায় যে সমস্ত বাড়ী ছিল তার ভাড়া আমার সব ছেলেরা নিয়মিতরূপে পাইয়াছিলেন। আমার ছেলেদের ভাগে যে সমুদায় বাড়ী ছিল তার মধ্যে চৌরঙ্গীর বিজিতলার ২টা বড় বাড়ীও ছিল। মাণিকতলার ধেনোজমিও পাইয়াছিলেন, সেই জমীর খাজনা এখনও আমার নাতিরা পায়। গহনা আমার ছেলেরা তেমন কিছুই পান নাই, নবীন ও কেশব বা অল্প পাইয়াছিলেন, কৃষ্ণবিহারী কিছুই পান নাই। ছেলেরা যে সব বাড়ী পাইয়া-

ছিলেন, তাহা কোথায় গেল, কি হইল, তাহা কিছুই জানি না। শেষে আমার ভাণ্ডার এবং ভাণ্ডারের ছেলেরা যখন দেনার দায়ে রাত্রে সব সোণা রূপার বাসন লইয়া রাতারাতি জয়পুরে চলিয়া যাইতেছিলেন, নবীন আমাকে না জানাইয়া দরওয়ানকে হুকুম দিয়া সমস্ত জিনিষ আটকাইলেন। যহ ও মোহিন আসিয়া বলিলেন, “মেজখুড়ি, নবীনকে আমার জিনিষ ছেড়ে দিতে বল, আমি যতদিন বেঁচে থাকিব তোমার কখনও কষ্ট হইতে দিব না।” আমি এ কথা শুনিয়া নবীনকে ডাকিয়া বলিলাম, “তোমার দাদার জিনিষ ছেড়ে দাও। কাউকে কষ্ট দিলে কাজ নাই।” ছেলেরা জিনিষ লইয়া জয়পুরে গেলেন, কিন্তু যহর ধর্ম যহ রক্ষা করিয়াছেন। তিনি মাসে মাসে এখনও আমাকে সাহায্য করিতেছেন। আমার শ্বশুরের এত বিষয় আমার কপালদোষে নষ্ট হইয়া গেল। আমার ছেলেরাও বিষয়ী ছিলেন না। তাহারই জন্ম নবীন প্রায় সমস্ত বিষয় নিয়মত পাইয়াও রক্ষা করিতে পারিলেন না। কলুটোলার বাড়ী প্রথম শ্বশুরের বড় ও মেজ ছেলের ভাগে পড়ে। শেষে বড় ছেলের ভাগ শ্বশুরের ছোট ছেলে কিনিয়া রাখিলেন। আমার স্বামীর অংশ আমার তিন ছেলেরা পাইলেন। কেশবের অংশ কৃষ্ণবিহারী ও আমার দুই মেয়ে কিনিয়া রাখিলেন। তিনি নারিকেলডাঙ্গায় বাইয়া বাড়ী করিলেন।

পুত্র কথা ।

পুত্র কথা মেয়েদের বিষয় পূর্বে

বলিয়াছি। প্রথম পুত্র নবীন;—আমার তের বৎসর বয়সে নবীনের জন্ম হয়, তিনি প্রথম সন্তান। তিনি প্রায় ৫৭ বৎসরে মারা যান। তিনি বরাবরই রোগী ছিলেন, তিনি হিন্দু কলেজে পড়িতেন। পড়া শুনায় তিনি চিরকালই মনযোগী ছিলেন, তাঁহার নিকট কেহ দাঁড়াইতে পারিত না। তিনি চিরকাল স্বাধীনপ্রকৃতি বিশিষ্ট এবং গস্তীর ছিলেন। অজ্ঞাত ভাই ভগ্নীরা তাঁর সম্মুখে কথা কহিতে ভয় করিত। তিনি কিন্তু কখনও কাহারও প্রতি নির্ভুর ব্যবহার করেন নাই। তিনি যা করিতেন, অতি নিয়মে করিতেন, কখনও নিয়মের বাহিরে যাইতেন না। কেশব ও কৃষ্ণবিহারীর কোন নিয়ম ছিল না। মা যা করিতেন তাহাতেই তাঁহারা সন্তুষ্ট থাকিতেন। নবীন যদিও বিষয় প্রায় সমস্ত পাইয়াছিলেন, কিন্তু কোম্পানির কাগজের সেয়ার কিনিয়া অনেক টাকা নষ্ট হয়। তাহারই জন্ম শেষে তাঁর অনেক অর্থকষ্ট হইয়াছিল। তিনি বহুমূত্র রোগে মারা যান।

কেশবচন্দ্র ।

আমার ১৭ বৎসরে কেশবের জন্ম হয়। নবীনের ছোট আমার মেয়ে ব্রজেশ্বরী, তার ছোট কেশব। অগ্রহায়ণ মাসে গুরুপক্ষে দ্বিতীয়া তিথিতে সোমবার ভোরে ৭টার সময় ঐ নীচের যেই ঘরটা \* তোমায় দেখাইয়া দিয়াছি,

\* তাঁর নাতজামাই যোগেন্দ্রলাল কান্তগিরিকে বলিতেছেন।

সেই ঘরে এবং যে স্থানে আমার দেখান মত তুমি বেদী করিয়া দিয়াছ, ঠিক সেই স্থানে তাঁর জন্ম হয়। সেই ঘরে সুধু আমার ননদের এক মেয়ে হইয়াছিল। সেই ঘরটী দেতুখানার পাথে ছিল, নবীনের বড় ব্যাম বলিয়া আঁতুর ঘর প্রস্তুত হয় নাই। তাই ভাড়াভাড়াতে সেই ঘরেই কেশবের জন্ম হয়। ঘরটী এত খারাপ ছিল যে, কেশবের জন্মবার একটু পরেই তাঁর পেট ফেঁপে গিয়াছিল। নয় বৎসর পর্যন্ত তিনি বেশ সুস্থ ছিলেন। নয় বৎসর বয়সে তাঁর মূচ্ছা রোগ হয়। এক দিন স্কুলে যান, সেই খানেই রোগ আরম্ভ হয়। মাষ্টার একটী বিষয় জিজ্ঞাসা করিয়াছিল, কেশব জবাব দিতে পারিলেন না, কারণ তখন রোগের আরম্ভ হইয়াছে। মাষ্টার মনে করিল বলিতে পারিবে না বলিয়া কথা কহিতেছে না। এই মনে করিয়া এক খানি ছড়ি দিয়া কেশবের হাতের চেটো বিদীর্ণ করিয়া দিয়াছিল। তাহাতে তিনি অজ্ঞান হইয়া মাটিতে পড়িয়া যান, শেষে বাড়ীতে আনিয়া সুস্থ করা হয়। এই মূচ্ছা রোগ প্রায় দুই বৎসর ছিল, শেষে ভাল হইয়া যায়। তার পর আর কোন বিশেষ রোগ হয় নাই। তিনি এত সুস্থ ছিলেন যে, সকলে তাঁহাকে গোসাই বলিত। তাঁহার কোন দোষ ছিল না। চিরকাল যেন ধোয়া পোঁছা পরিষ্কার পরিচ্ছন্ন। নবীনকে ভয় করিতেন, এবং মাঝে মাঝে করিতেন। ছোট ভাই বোনদের বিশেষ কৃষ্ণবিহারীকে ছেলেবেলা হইতে বড় ভাল বাসিতেন।

কারণ কৃষ্ণবিহারী অতি ভালমানুষ ছিলেন। কখনও কাহারও সহিত ঝগড়া করিতেন না। কৃষ্ণবিহারী শুধু আমার ও বৌএর সঙ্গে আদার করিতেন। বাড়ীতে এত ছেলে মেয়ে ছিল কাহারও সহিত কেশব কিম্বা আমার অশ্রু ছেলে মেয়েরা ঝগড়া করেন নাই। কেশব সকলের সহিত খেলিতেন, কিন্তু গলাগলি ভাব কাহারও সঙ্গে ছিল না। কেবল আঙ্গা আঙ্গা থাকিতেন। তিনি হিন্দু-কলেজে পড়িতেন। কেশব কখন স্কুল ছাড়িয়াছেন বলিতে পারি না। স্কুল ছাড়িয়া ব্যাংকে কাজ করেন, ট্যাকশালেও এক মাস কাজ করিয়াছিলেন।

এক দিন কেশব খেলিতে খেলিতে হঠাৎ আমার মেজ মেয়ের চোখে বল ছুড়িয়াছিলেন, অবশ্য না জানিয়া। পূর্বে থেকেই এই মেয়ের চোখের রোগ ছিল, কিছু কিছু ভাল হইতেছিল, কিন্তু কেশবের এই অজানিত আঘাতে আমার মেয়ের চিরকালের মত চোখটী যায়। কেশব দুঃখে এবং ভয়ে একেবারে জড়সড় হইয়া গিয়াছিলেন। তখন কেশবের বয়স ৩৭ বৎসরের ছিল। আমার শ্বশুর, এ বাড়ীর প্রত্যেক ছেলেকেই পাঁচ বৎসর হইলেই হাতে এক ছড়া তুলসীর মালা দিয়া হরিনাম দিতেন, কেশবকেও সে রকম দিয়াছিলেন, অশ্রু ছেলেরা সে নাম সর্কদা করিতেন না। কেশব কিন্তু সে নাম ছাড়িলেন না, সেইটী বরাবরই ছিল। সব সময় তিনি হরিনাম লইয়া থাকিতেন, শেষে এই হরিনামে জগৎ মোহিত করি-

লেন। তিনি ছেলে বেলায় অনেক রকম খেলিতেন, যাহা দেখিতেন, তাহাই নকল করিয়া খেলিতেন। কত বাজি করিতেন, যাত্রা করিতেন, সাহেব সাজিতেন, কখনও পুরাত হইয়া পূজা করিতেন, কখনবা গুরু মহাশয় হইয়া ছেলেদের শিক্ষা দিতেন। এই সকল বিষয় অনেকে লিখিয়া লইয়াছেন। আর লিখিবার দরকার নাই।

কেশব সন্দেশ ও রসগোলা বড় ভাল বাসিতেন। তিনি ছোটবেলায় একদিন আমার কাছে চারিটী সন্দেশের জন্ত আদার করিয়াছিলেন বলিয়া আমি বড় মারিয়াছিলাম। সেইজন্ত তিনি বড় কাঁদিয়াছিলেন, আমার শ্বশুর তাঁর কালা গুনিয়া উপর থেকে নামিয়া আসিয়া বলিলেন, “কেন কাঁদিতেছে?” (তিনি কেশবকে বড় ভাল বাসিতেন) আমার ননদ বলিলেন “কেশব ৪টা সন্দেশ খাইতে চাহিয়াছে বলিয়া বৌ মারিয়াছেন।” ইহা গুনিয়া আমার শ্বশুর বড় বাজার হইতে ১২ বুড়ি সন্দেশ আনাইলেন, এবং আমায় বলিলেন, “আমি ওদের জন্ত রোজ ৫০৬০ টাকা উপরি আনিতেছি, তাহারা যাহা খাইতে চাহিবে তাই দিবে, কখনও মারিবে না।” কেশব এক বুড়ি হইতে খাইলেন; তাঁর খাওয়া হইয়া গেলে পর অশ্রু ছেলেদের দেওয়া হইল। বাদবাকি চার বুড়ি সন্দেশ ছিল। আমার শ্বশুর কেশবকে বলিলেন, “২ বুড়ি তোমার মা খাইবেন, আর ২ বুড়ি তোমার বুড় নানী খাইবেন।” এই বলিয়া তিনি ২ বুড়ি আমায় দিলেন, ও ২ বুড়ি

আমার শ্বশুরীকে দিলেন। কেশব আমার রান্না খাইতে চিরকাল ভাল বাসিতেন। শাক তাঁর বড় প্রিয় ছিল, অড়হর ডালও বড় ভাল বাসিতেন। আমায় বলিতেন, “না, তুমি যে রকম করিয়া অড়হর ডাল রান্না আমাকে তেমনি করিয়া শিখাইয়া দাও।” আমার ছোট মেয়ে পান্নার ঘরের উপরকার ছাদে কেশবের একটী কুটীর ছিল। তিনি সেই কুটীরের মধ্যে নিজে রান্না একদিন ভাইকে, একদিন বোনদের, একদিন ছেলেদের খাওয়াইতেন। এইরূপে তিনি ভাই ভগ্নী এবং শিশু সেবা করিতেন। কেশব ও কৃষ্ণবিহারী দুজনেই নবীনের ছেলে অমিকে বড় ভাল বাসিতেন। বিবাহের পূর্বে কেশব বলিয়াছিলেন, “আমার বিবাহ করিয়া দরকার নাই।” বিয়ের পর তাঁর মনে কি হইল, তারপর থেকেই তিনি দেবেন্দ্রনাথ ঠাকুরের সহিত মিশিতে লাগিলেন, এবং ক্রমে ক্রমে ব্রাহ্ম হইলেন। তাঁর ব্রাহ্ম হওয়ার দরুন আমি অনেক ভুগিয়াছি, ভাণ্ডারের নিকট অনেক গালাগালি খাইয়াছি, অনেক অত্যাচার সহ করিয়াছি বিনা কারার আমার দিন যায় নাই। আমি কেশবকে তাঁর ধর্মের জন্ত কিছুই বলিতাম না বলিয়া তিনি এক এক দিন রাগিয়া এত বকিতেন যে বলা যায় না। আমারও তখন এক এক বার মনে হইত কেশব অশ্রায় করিতেছেন, কিন্তু এখন আর সেই রূপ মনে হয় না।

ভাণ্ডারপো মোহিন, যোগীন ও কেশবের এক সঙ্গে দীক্ষা লইবে সব ঠিক, গুরু



আসিয়াছেন, মহা ঘট, কত লোক খাবে। ওমা সকালে উঠিয়া দেখি কেশব নাই, তিনি দেবেন্দ্রনাথ ঠাকুরের বাড়ীতে পলাইয়া গিয়াছেন। কেশব সমস্ত দিন এলেন না। আমি মনে করিলাম বুঝি খ্রীষ্টান হইতে গিয়াছেন। আমি অল্পজল তাগ করিয়া পড়িয়া রহিলাম। রাত্রি ছপরের সময় কেশব বাড়ীতে ফিরে এলেন, আমার জামাই যাদবের নিকট আমার অবস্থার বিষয় শুনিয়া তিনি চুপ করিয়া রহিলেন। তার পর আশ্বে আশ্বে আমার কাছে আসিয়া একখানি বই ও কাগজ আমার কোলের উপর দিয়া চলিয়া গেলেন। আমি পড়িতে লাগিলাম, প্রথমেই—

“তুমি কার কে তোমার

তুমি কারে বল রে আপন

মিছে মায়ায় নিদ্রাবশে

দেখেছ স্বপণ”

এই গানটা পড়িবার পর আমার মন একেবারে ভাল হইয়া গেল। সেই গানটা এখনও আমার মন হইতে যায় নাই। আমি উঠিয়াই সেই বই ও কাগজ লইয়া গুরুর নিকট গেলাম। তিনি সেই সব পড়িয়া বলিলেন, “তোমার ছেলে যদি এই ধর্ম নিতে পারে সে একজন বড়লোক হবে, দেখবে তার কাছে কত লোক আসবে, তুমি এই জন্ত কোনও চুখ করিও না।” গুরুর এই কথা শুনিয়া আমার মন একেবারে শান্ত হইয়া গেল।

আদর্শ ও দৃষ্টি।

আগি যখন কেশবের সঙ্গে নৈনীতাল দর্শনে যাই সেই সময় একদিন হুদের

সম্মুখে বসিয়া কেশবের সঙ্গে উপাসনা করিতেছিলাম। উপাসনা করিতে করিতে দেখিলাম, আমার সম্মুখে যাহা কিছু আছে সমস্ত রক্তেতে পূর্ণ হইয়া রহিয়াছে। আমি আশ্চর্য হইলাম, এবং কেশবকে জিজ্ঞাসা করিলাম, এইটা কি? তিনি বলিলেন, মা, তুমি যাহা দেখিলে তাহা তোমার ভক্তির ভাব, কিন্তু আসল এখনও হয় নাই, সে পরে হইবে। দেবালয়ে আমি অনেক সময় অনেক কথা পাইয়াছি, কিন্তু এখন আর কিছুই হয় না।

২। কেশবের যাওয়ার ২৩ বৎসর পরে আমি দেখিলাম, কেশব পুকুরধারে যেখানে তিনি মাটির নীচে যোগের জন্ত কুটীর করিয়াছিলেন, সেখানে একখানি গেকিয়া কাপড় গায়ে দিয়া দাঁড়াইয়া আছেন। আমি তাঁহাকে ডাকিলাম এবং বলিলাম “কেশব, ওখানে দাঁড়িয়ে কেন? এখানে এস” তিনি বলিলেন “আমি সেখানে যাব না ওরা আমার কাছে আসুক”।

৩। আর একদিন দেবালয়ে উপাসনার সময় দেখিলাম কেশব একটা ফুলের সাজি হাতে করিয়া বাপানে ফুলগাছ তলায় দাঁড়াইয়া আছেন, কিন্তু সাজিটা শূন্য। আমি জিজ্ঞাসা করিলাম, “তুমি ফুল তোল নি?” তিনি বলিলেন, “ফুল নাই, সব ফুল কলুটোলায় লইয়া গিয়াছে”।

৪। আর এক দিন কেশব যাওয়ার দুই তিন দিন পরে আমি বড় কাতর হইয়া লিলিকটেজে ঘরের ভিতর দরজায় ঠেস দিয়া বসিয়া আছি, মেয়েরা সকলে

চা খাইতেছিলেন সেই সময় আমি দেখিলাম কেশব আমার সম্মুখে দিয়া এ ঘর হইতে অল্প ঘরে হাসিতে হাসিতে চলিয়া গেলেন।

৫। মোহিনীকে এরূপ উপাসনার সময় অনেকবার দেখিয়াছি। এই সব সত্য কি কল্পনা জানি না, কিন্তু স্বপ্ন নয়, দেখিয়াছি ঠিক। কিন্তু কৃষ্ণবিহারী যাওয়ার পর বিশেষ কিছু দেখি নাই, শুধু শেষ বার যখন কাশী যাই সিকুরোলে আমার বড় বামু হইয়াছিল, সেই বামুতে আমি বড় ছুর্কল হই, তাই আমার নাতি মনিকে বলিলাম “আমাকে কাশীতে রাখিয়া এস, আমি কাশীতে মরিতে চাই”। এই বলিয়া মনের দুঃখে বসিয়া আছি, আমাকে একজন বলিলেন “তোমার কাশী সব যায়গা, এই কি তোমার কাশী নয়, তুমি যদি ষ্টেসনে মরিস সেখান থেকেও তোকে তুলে নিব”।

কেশব যাওয়ার অল্প দিন পরে আর একদিন দেবালয়ে উপাসনা করিতেছি, এমন সময় কে আসিয়া আমাকে জিজ্ঞাসা করিলেন, “তুমি কি চাস” আমি বলিলাম, “মুক্তি চাই” তিনি বলিলেন “তবে তোমার সম্ভান সম্ভতি কিছুই থাকিবে না”। এই কথা শুনিয়া আমার সমস্ত শরীর কাঁপিতে লাগিল। এই কথা আমি একবার স্মরণ করিয়া সামধ্যায়ীকে কথায় কথায় বলিয়াছিলাম, তিনি বলিলেন, “মা, তুমি কেন এমন কথা বলিয়া ফেলিলে”। আমি বলিলাম, “কথাত আমি বলি নাই, আমার জীবন বলিয়াছে আমি কি করিব।” এখন বুঝিতেছি এইজন্ত বুঝি আমার একে একে সব যাইতেছেন।

তারপর আমার নবীন যে দিন গেলেন তার পরদিন পূর্বে যাহাকে দেখিয়াছিলাম তিনিই আবার আমার জিজ্ঞাসা করিলেন “আর তুমি আমায় ভাল বাসতে পারবি?” আমি তাহার কিছুই জবাব দিতে পারিলাম না। এই কথা কৃষ্ণবিহারীকে বলিলাম তিনি বলিলেন “মা, তোমায় তিনি ঠিকই জিজ্ঞাসা করিয়াছেন, তুমি আর আমাদের কাহারও দিকে মন দিও না শুধু বাহাকে ধরিয়াছ তাঁহাকে এঁটে ধরিয়া বসিয়া থাক, আর কোনও দিকে যাইও না। আমি পূর্বে যাহা দেখিয়াছিলাম তাহাও কৃষ্ণবিহারী জানিতেন, ফুলধরী তাঁহাকে সব বলিয়া দিয়াছিল। সেই জন্ত কৃষ্ণবিহারী মনে মনে জানিতেন তিনিও থাকিবেন না।

মহিলার রচনা।

প্রাকৃতিক সৌন্দর্য্য।

(নীতিবিদ্যালয়ে পঠিত।)

জগদীশ্বর এই জগত অতি আশ্চর্য্য কৌশল ও সুন্দররূপে সৃজন করিয়াছেন। ভূমণ্ডলের একদিকে প্রকাণ্ড বিস্তীর্ণ মরুভূমি, আর এক ধারে ভয়ঙ্কর আগ্নেয়গিরির উপর হইতে ধূম অগ্নিশিখা ও গলিত ধাতু সকল বহির্গত হইয়া কত নগর দেশ ও গ্রাম ধ্বংস করিতেছে। আর এক স্থানে অত্যাচ্ছ শুভ্রাকার তুষারচ্ছন্ন পর্বতশ্রেণীর চূড়ায় সূর্য্যের রশ্মি লাগিয়া নানাবিধ বর্ণ প্রকাশ করিতেছে, ও অতি সুন্দর শোভাধারণ করিয়াছে। পর্বতের কোন কোন স্থান হইতে অনবরত প্রস্রবণের জল নিঃসৃত হইয়া

নিম্নভূমিতে আসিয়া নদ নদীতে মিশ্রিত হইতেছে, এবং সেই সকল নদ নদী কত দেশ দেশান্তরের মধ্য দিয়া বহিয়া যাইতেছে, এবং চতুর্দিকস্থ ভূমি সকল উর্বর করিতেছে। মধ্যে মধ্যে অল্প অল্প মেঘ আসিয়া পর্বতের গায়ে লাগিতেছে, আবার কখন কখন অনেক মেঘ আসিয়া চারিদিক অন্ধকার করিয়া ফেলিতেছে। জগতপিতা সমুদায় জীবের সুখের নিমিত্তই ছয় ঋতু ও দিন রাত্রির পরিবর্তন স্থির করিয়া দিয়াছেন। প্রতিদিন অতি প্রত্যুষে পূর্বদিকে স্বর্ণের বর্ণ ধারণ করিয়া সূর্য উদয় হয়। তখন ফুলগুলি গাছে গাছে ফুটিয়া কি সুন্দর শোভা ধারণ করে, আলোক দর্শন করিয়া পক্ষী সকল বাসা হইতে বাহিরে আসিয়া ডালে বসে, ও মনের আনন্দে যার যাহা বুলি সে তাহা গাহিতে আরম্ভ করিয়া দেয়। শিশিরা-চ্ছন্ন গাছের পাতা ও ঘাসগুলির উপর রৌদ্রের উত্তাপ নামে। তখন নিদ্রিত জগৎ জাগ্রত হয়, ও সমুদায় প্রাণী নিজ নিজ কার্যে নিযুক্ত হয়। আবার সন্ধ্যা হইলে সূর্য অস্তে অস্তে পশ্চিম দিকে লোহিতবর্ণ ধারণ করিয়া অস্তমিত হয়। তখন পক্ষীসকল আপন আপন বাসায় ফিরিয়া যায়, গরুগুলি মাঠ হইতে গৃহে ফিরিয়া যায়; চন্দ্র ও অগণ্য তারকারাশি সুনীল অনন্ত আকাশে শোভা বিস্তার করিবার উপক্রম করে। কখনবা সুস্নিগ্ধ জ্যোৎস্নার আলোক, ও কখনবা অমাবস্যার ঘোর অন্ধকারময় রাত্রিতে, এই পৃথিবীর সমুদায় মনুষ্য জীব জন্তু নিদ্রিত অবস্থায় থাকে। কে আকাশের এত চন্দ্র, সূর্য, গ্রহ, উপগ্রহ, ধূমকেতু, এবং এই ভূমণ্ডলকে এত সুন্দর করিয়া রাখিয়াছেন? সেই পরমদেবতা পরমেশ্বর যিনি এই সুখময় জগতে কিছুরই অভাব রাখেন নাই। প্রকৃতিতে তাঁহার জ্ঞান বিশেষরূপে প্রকাশিত রহিয়াছে, ইহা জানিয়া আমরা

কৃতজ্ঞতার সহিত তাঁহার চরণে প্রণাম করি।

সাবিত্রী লজ, } বিভাবতী নারায়ণ।  
কুচবিহার।


### সংবাদ ।

ইংলণ্ড জর্মানি প্রভৃতি সভ্যদেশের মধ্যবিত্ত শ্রেণীর মহিলারা রন্ধনাদি সমস্ত কার্য্য স্বহস্তে সম্পাদন করেন। প্রায় কাহারও ঘরে কী চাকর নাই। সেখানকার চাকর চাকরাণীর বেতন আমাদের দেশের চাকর চাকরাণীর বেতন অপেক্ষা দশগুণেরও অধিক। সে দেশের বড় ঘরের মেয়েরা বেশী কাজকর্ম করেন না, তাঁহারা গান বাদ্য ও লেখা পড়া করিয়া সময় যাপন করেন। অনেকের ঘরে টিকে চাকরাণী আছে, তাহারা প্রত্যহ আসিয়া ২১ ঘণ্টা করিয়া কাজ করিয়া যায়। এ অঞ্চলের এক্ষণে একরূপ অবস্থা হইয়াছে যে, অনেক সামান্য শ্রেণীর গৃহিণীরাও নিজেদের অল্প ব্যয় প্রস্তুত করিয়া লইতে পারেন না। একদিন রাঁধুণী না থাকিলে পরিবারস্থ সকলকে উপবাস করিতে হয়। অনেক পরিবারের মেয়েরা আনন্দ গল্প করিয়া ও তাস খেলিয়া সময় যাপন করেন। তাঁহাদের যেন অস্ত্র কিছু করিবার নাই, জীবনের উচ্চ লক্ষ্য নাই।

সম্প্রতি গবর্নমেন্টের পক্ষের উকিল বৃদ্ধ আণ্ডতোষ বিখাস মহাশয়কে মতিভ্রান্ত দলের চারুচন্দ্র বসু নামক একটি নবযুবক প্রেক্ষা বিচারালয়ে পিস্তলের গুলিতে বধ করিয়াছে। ছুরায়া তখনই ধরা পড়িয়াছে, তাহার প্রাণদণ্ডের আদেশ হইয়াছে। কি ভয়ানক কাণ্ড!

### ভ্রম শোধন।

গত পৌষ মাসের মহিলাতে মূল্যপ্রাপ্তি স্থলে, শ্রীমতী সাবিত্রী দেবী, কোচবিহার স্থলে কছোলি হইবে।



## মাসিক পত্রিকা।

“স্বপ্ন নারায়ণে দুঃখান্তে বসন্তে নব দিবসঃ।”

১৪শ ভাগ ] ফাল্গুন, ১৩১৫, মার্চ ১৯০৯। [ ৮ম সংখ্যা।

### স্বীকৃতিসার ।

জননীর দ্বারায় সম্ভানের নীতিভূমির সূত্রপাত হয়। ছেলে বেলা হইতে সত্য বলার অভ্যাস মাতা হইতে শিশুরা শিক্ষা লাভ করে। কিন্তু আমাদের দেশে সত্য কথা এবং সত্য রক্ষার প্রতি অনেকেরই তেমন তীক্ষ্ণ দৃষ্টি নাই। এই হেতু সত্যানুরাগ তেমন প্রবল দৃষ্ট হয় না। জননী মিথ্যা বলিতে শিক্ষা না দিতে পারেন কিন্তু শিশুরা মাতার ব্যবহার নীরবে নিরীক্ষণ করিয়া সত্য মিথ্যার ভাব গ্রহণ করে। যদি লোকের সঙ্গে কথায় ও ব্যবহারে মাতার অসত্য কথা কপট ভাব দেখে তাহারা সেইটী অতিক্রমভাবে গ্রহণ করে এবং তাহা তাহাদের স্বভাব মধ্যে দাঁড়াইয়া যায়, এস্থলে জননার কতদূর সাবধান হইয়া কথা বলা এবং ব্যবহার করা আবশ্যিক তাহা সকলেই বুঝিতে পারেন। সত্য বিশ্বাস এবং আস্থা স্তম্ভ পান হইতেই শিক্ষা লাভ হয়। অতএব নারীমাত্রেই সত্যানুরাগী হওয়া সর্বতোভাবে বিধেয়।

ছেলে বেলাতে লোকের বাড়ীর বৃক্ষ তলে পতিত ফল কুড়াইয়া আনা গ্রামদেশে একরূপ প্রথার মধ্যে দাঁড়াইয়াছে। এমন

কি গৃহস্থায়ীরা অজ্ঞাতে বৃক্ষ হইতে ফল পাড়িয়া গৃহে নিয়া গেলে অনেক মাতা সেস্থলে ছেলের কত প্রশংসা করেন। অজ্ঞানিত ব্যক্তির পরের দ্রব্য গ্রহণে যে পাপ সে বোধটী আর জন্মে না। তবে উপযুক্ত বয়সে, শিক্ষা এবং লোকশাসনে এবং ধর্ম-বুদ্ধির উন্মেষে কাহারও, কাহারও এ অভ্যাস পরিত্যক্ত হইয়া যায় কিন্তু অনেকেরই থাকিয়া যায়। কাহারও কাহারও এই পরদ্রব্য গ্রহণ প্রবৃত্তি এত প্রবল হয় যে অবশেষে চৌর্য্যাপরাধে রাজ-দ্বারে দণ্ডিত হইতে হয়। সুতরাং জন-নীর কর্তব্য যে, অজ্ঞানতা ব্যতীত পরদ্রব্য গ্রহণ করার প্রবৃত্তি অল্পেই বিনাশ করিয়া দেন। যখনই ছেলে কোন দ্রব্য গৃহে নিয়া আনিবে অমনি তাহার নিকট হইতে জানিয়া নিশে হইবে কিরূপে ঐ দ্রব্য তাহার হস্তগত হইল। যদি জানিতে পারেন যে দ্রব্য স্বামীর অজ্ঞাতে এবং বিনাভুমতিতে গ্রহণ করা হইয়াছে তবে তৎক্ষণাৎ তাহা ছেলেকে দিয়া ফেরত পাঠাইবেন, এবং ছেলেকে দিয়া তাঁহার নিকট ক্ষমা প্রার্থনা করাইবেন। একরূপ করিলে বিনাভুমতিতে পরদ্রব্য গ্রহণ প্রবৃত্তি অল্পেই বিনাশ প্রাপ্ত হইবে।

## মহিলাদিগের উচ্চাধিকার।

(দ্বিতীয় প্রস্তাব।)

আমরা মহিলাদিগের উচ্চাধিকার বিষয়ক প্রথম প্রস্তাবে “বাধ্যতা” নারী-কুলের সর্বোচ্চ অধিকার বলিয়া উল্লেখ করিয়াছি। কিন্তু অনেকের ধারণা বাধ্যতাই ললনাগণের নীচতার হেতুভূত। সুতরাং বাধ্যতাতে উচ্চাবস্থা কি প্রকারে লাভ হয়, এবং বাধ্যতা কোন্ অবস্থায় দৃশ্যনীয় তাহাও প্রদর্শন করা আবশ্যিক।

বলা বাহুল্য যে মনুষ্য মাত্রই ইচ্ছার স্বাধীনতা এবং ব্যক্তিত্ব লইয়া ভূমণ্ডলে আগমন করিয়াছেন। পুরুষ ও নারী তুল্য স্বাধীন। শারীরিক মনসিক ও আত্মিক নিয়ম যেমন পুরুষের তেমন রমণীর স্বাধীনভাবে সর্বথা পালনীয়। প্রাকৃতিক নিয়ম অতিক্রম করিলে নারী সমভাবে দণ্ডগ্রস্ত হইয়া থাকেন। নিয়ম-পালনের পুরস্কারও তাঁহারা একই প্রকারে প্রাপ্ত হন। মনুষ্যও প্রাকৃতিক নিয়মস্বাধীন পশু পক্ষ্যাদি ইতর প্রাণীগণও প্রাকৃতিক নিয়মস্বাধীন। ভারতম্য এই যে, মনুষ্য ইচ্ছাপূর্বক নিয়ম পালন বা ভঙ্গ করিতে সমর্থ, ইতর প্রাণীর সে ক্ষমতা নাই। সুতরাং ইচ্ছাপূর্বক নরনারী অধীন হইতে সক্ষম। স্বাধীন ভাবে অধীন হওয়ার জ্ঞান মনুষ্যের পুণ্য জন্মে; এবং স্বাধীন ভাবে প্রাকৃতিক নিয়ম ভঙ্গ করা নিবন্ধন মনুষ্য অপকারী হয়। নরনারীর এ প্রকার স্বাধীনতার সহিত ব্যক্তিত্ব অল্পহীন

আমরা এক একটি পরিবারে আবদ্ধ। পতি পত্নী, পিতা মাতা, পুত্র কন্যা, ভাই ভগিনী, প্রভু ভৃত্য প্রভৃতির সমবায়ে পরিবার গঠিত। পরিবারের প্রত্যেকে এক একটি ব্যক্তি, প্রত্যেকে স্বাধীন। প্রেমই পরিবারের বন্ধন। ছায়াভূগত অধীনতা পারিবারিক পবিত্রতা বা পুণ্য। যদি পরিবারস্থ ব্যক্তির পরস্পরের অধীন না হয় প্রেম থাকে না, পুণ্য শূন্য হইয়া যায়। আবার অন্তঃস্বয়ং অধীন হইলেও নীচতা ঘটে। ছায়াভূমোদিত অধীনতাশৃঙ্খলে আবদ্ধ না হইলে প্রেম পুণ্য উভয়ই পরিবারভূমি হইতে নির্কাসিত হইয়া পড়ে। অতএব বাধ্যতা বা বশুতা, স্বাধীনতা এবং ব্যক্তিত্বের সম্বন্ধসম্বন্ধে দৃঢ় শক্তি। বাধ্যতা স্বাধীনতার অপব্যবহার বা দুর্বলতা নহে।

নারীর এক নাম শক্তি, অপর নাম অবলা। ছায়াভূগত অধীনতা স্বীকার করিয়াই মহিলাগণ উল্লিখিত উভয় নামের সার্থকতা প্রাপ্ত হইয়া থাকেন। ভারতে যৌষিৎবর্গ বা দ্বিতীয় পিতা, যৌবনে পতি এবং বার্ককো পুত্রের অধীনতা অবশ্য কর্তব্য বোধ করেন। প্রাতঃস্মরণীয়া সীতাদেবী স্বাধীনভাবে তাঁহার পতি অবাধ্যাধিপতি রামচন্দ্রের বশুতা স্বীকার করিয়াছিলেন বলিয়া কত যে দুঃসহ ক্লেশ প্রাপ্ত হইয়াছিলেন, তাহা অদ্যাপি স্মৃতিপথে উদয় হইলে হৃদয়ে অসহনীয় বেদনা বোধ হইতে থাকে। কিন্তু সীতার পবিত্রতা, মধুরতা ও প্রভাব সকলই সেই বশুতার অভ্যন্তরে। যদি সীতা স্বাধীনভাবে রামচন্দ্রের অভিপ্রায়ের বাধ্য না

হইতেন, আপনার অভিকৃতির অনুযায়ী হইতেন, সহস্র সহস্র বৎসর বাপিরা ভার-ের সমস্ত ললনাশ্রেণীতে তাঁহার দৃষ্টান্ত পরিগৃহীত বা প্রতিষ্ঠিত হইত না। বাধ্যতা ভিন্ন ভালবাসারও মাধুর্য থাকে না। বাধ্যতা তা বাসাকে উচ্ছসিত করে। বাধ্যতাগুণে ভালবাসা আকর্ষণ করে। পুত্র যদি পিতার বাধ্য হয়, তদ্বারা পিতার স্নেহ এহং পুত্রের ভক্তি উভয়ই নিত্য নূতন উচ্চাঙ্গ দাত করে। সংসারের শোভা বাধ্যতা। সংসারের দৃঢ়তাও বাধ্যতা। পৃথিবীতে তা বাধ্যতার উক্তবিধ পরাক্রম। এখন স্বর্গে ইহার প্রভাব কত তাহা পর্যালোচনা করা হউক।

বুদ্ধ বলেন নির্কালে মুক্তি, ঋষিগণ বলেন যোগে মুক্তি, ঈশ্বর-তনয় ঈশা বলেন বাধ্যতাই জীবনমুক্তি। মনুষ্য ঈশ্বর হইতে স্বাধীনতাপ্রাপ্ত লইয়া সংসারে অবতরণ করিয়াছেন। কিন্তু আপনার ইচ্ছানুসারে মনুষ্য সংসাররাজ্যের সুখের সন্ধান করিতে করিতে দুঃখের কূপে পতিত হইয়াছে। তাহার স্বাধীনতা অটুট রাখিবার যত্ন সে পাপের অধীনতাবদ্ধ হইয়াছে। মনুষ্যের এই প্রকার দুঃখ, অধীনতা, পতন ও বন্ধনজগতে যাতনার ক্রন্দনে সংসারাকাশ সতত ধ্বনিত। কে কি প্রকারে এ আর্তনাদ নিবারণ করে? কাহারও সাধ্য নাই, ক্রন্দন নিবৃত্ত করে। কেবল এক জন লোক এ দুঃখসাগর পার হইয়াছেন, তিনি যীশু। যীশুখ্রীষ্ট পথও দেখাইতেছেন। যদি সেই পথে পাদচারণ

কর, অশ্রুজল মুছিয়া যাইবে। তোমার চিন্তে ও জীবনে আশ্রম পাইবে। সে পথ কি? বাধ্যতা। তোমার ইচ্ছা ঈশ্বরের ইচ্ছাতে বিসর্জন কর। ঈশ্বরের ইচ্ছা কি তাহা প্রার্থনাদ্বারা অবগত হও; এবং সেই ইচ্ছার অধীনতা স্বীকার কর। প্রেম ভক্তি ও একান্ততা সহকারে পরম-পিতা পরমজননের ইচ্ছা পালনে রত থাক। ঈশ্বরের বাধ্যতা পুণ্য। ঈশ্বরের বাধ্য হইলে পুণ্য স্বতঃ প্রাপ্ত হইবে; জীবনমুক্তির রসাস্বাদন করিবে, এবং মনুষ্য হইয়া পৃথিবীতে স্বর্গরাজ ঈশ্বরের সহিত গুণ্ড সন্মিলন লাভ করিবে।

এখন বাধ্যতা যে সর্বোচ্চ ধর্ম এ কথা কি প্রমাণিত হইল না। অবলা নারীরই এই সর্বোচ্চ ধর্ম বাধ্যতাতে অধিকার। নারী নরের দৃষ্টান্ত। নর, নারীর এই পবিত্র বশুতা ব্রত পালন দর্শন পূর্বক নতীরে নারীর পবিত্র পদানুসরণ করিবে। পৃথিবীর দৃষ্ট পথে নর নারীর আশ্রয়; কিন্তু স্বর্গের অদৃষ্টপথে নারীই নরের আশ্রয়। স্বাধীনতা যদি অধীনতা-বিহীন হয় তবে ইহা শূন্যগর্ভ শব্দ মাত্র। অধীনতা বা বাধ্যতা নারীর (এবং নরের ও) সর্বোচ্চ ব্রত বা অধিকার।

স্বাধীনতা এবং বাধ্যতা মূলতঃ এক। সদ্ধর্ম, সংকর্ম, জীবনমুক্তি এবং বাধ্যতাও এক। রমণীহৃদয় বাধ্যতারূপ মহাধর্মের রমণভূমি। রমণীহৃদয় যেমন পবিত্র স্নেহ প্রেমের জীলাস্থল, তেমন বাধ্যতারূপ সর্বোচ্চ ধর্মের নিত্যনিকেতন। নারী সত্যসত্যই পিতা মাতা, পতি ও পতিকুল-

শ্রেষ্ঠগণ দ্বারা যে বাধাতা এবং সেবা ধর্মের শিক্ষা প্রাপ্ত হইয়া থাকেন, কালসহকারে ঈশ্বরের প্রতি সেই বাধাতা ও প্রেম অর্পণ পূর্বক সংসারে স্বর্গীয় পণ্য পান্ডিত্য করিয়া থাকেন।

ধর্মবিগর্হিত জ্ঞান অল্পগতা স্বীকার দ্বারা যে অধঃপতন হয় তাহাও এমতী মণ্ডলে অনেক দুঃখিনী নারী জীবনদীর্ঘ জাজ্জল্যমান প্রমাণ দেখাইতেছেন। সে বিষয় অধিক সর্ণনা নিম্নোক্তজন : কিন্তু বাধাতার উচ্চতা প্রদর্শন জন্মই বিধাতা মহিলাদিগকে বাধাতা ধর্ম বিভূষিত করিয়াছেন। মহাপুরুষগণ ঈশ্বরের বাধাতার মহিমা সংসারে দৃষ্টান্তযোগে পোচার করিতেছেন। নারীকুল ও বাধাতার মহীয়সী শক্তি এবং বাধাতাই যে পবিত্রতা ও শান্তি তাহা প্রকাশ করিতেছেন। আশা করি আমাদিগের মহিলাগণ ইহার মর্ম পরিগ্রহ করিবেন এবং বাধাতার উচ্চাধিকার ভোগ করিবার জন্ম সর্বপ্রকারে যত্নবতী হইবেন।

### অর্ঘ্যানারীদের কথা বলা

#### এবং কথা শোনা।

ঈশ্বর সংসারে বিবিধ পদার্থ এবং বিচিত্র জীব সৃজন করিয়াছেন। সর্বশক্তিমান ঈশ্বর ঘটে ঘটে কতই শক্তি বিতরণ করিয়াছেন। তাঁহার মহীয়সী শক্তি ভাবিলে বিস্মিত হইতে হয়। মনুষ্যকে যত প্রকার শক্তি ঈশ্বর দিয়াছেন, বাকশক্তি তন্মধ্যে প্রধান। কথা বলা

এবং কথা শোনার শক্তি মনুষ্যের সর্বপ্রকার উন্নতির কারণস্বরূপ। মনুষ্য যদি যেনে গভীর ভাব ও অভিপ্রায় বাকশক্তি সহায়ে অভিব্যক্ত করিতে সক্ষম না হইত, কখনও একদূর উন্নতিলাভে সমর্থ হইত না। আবার মনুষ্য যদি অল্প লোকের কথা না শুনিত না বুঝত এবং অভিব্যক্ত অভিপ্রায়রূপ কার্যসাধনে অপারক হইত, তবুও উন্নতিমধ্যে তাহার অধিরোহণের বাধাত হইত। সুতরাং কথা বলা এবং কথা শোনা মনুষ্যের মহাশক্তি। পৃথিবীময় সর্বত্র ধীশক্তি সম্পন্ন জ্ঞানীগণ অর্জিত জ্ঞানতত্ত্ব সকল বাগ্‌জয়যোগে ধরাভলে ঢালিয়া দিতেছেন; একান্তচিত্ত শিষ্যগণুলী তাহা কর্ণরন্ধ্রযোগে চিত্তক্ষেত্রে ধারণ করিতেছেন। মানবচিত্তক্ষেত্রে তদ্বারা উন্নতিশক্তি প্রাপ্ত হইতেছে। মনুষ্যের মহত্ব ও গরিমার মহাফল নিচয় তাহা হইতে সমুৎপন্ন হইতেছে।

বাগ্‌জয় যেমন জ্ঞানীগণের উপায়, মানবসমাজ কিম্বা পরিবারমধ্যে প্রেম সাধনার্থ বাগ্‌জয় তেমন বিশিষ্ট উপায় বটে। কথোপকথনে প্রেম লাভ ও বৃদ্ধি দুইই হইতেছে। মনুষ্য বাগ্‌জয়বিহীন হইলে প্রেমের এত আনন্দোচ্ছ্বাস ধরাভলে পি দৃষ্ট হইত না। প্রিয়জনকে প্রিয়কথা বলা স্বাভাবিক। যাহাকে প্রেম দিতে কুষ্ঠিত তাহাকে বাগ্‌দানেও কুষ্ঠিত হইতে হয়। যাহার সহিত বন্ধুগণ নাই তাহার সহিত বাক্যালাপও থাকে না। বাক্য দ্বারা মনুষ্য পরস্পরের প্রতি শ্রদ্ধা, ভক্তি, সম্মতি এবং সম্মান প্রকাশ করিয়া থাকে।

মনুষ্য মনুষ্যের কথা শোনে, মনুষ্য মনুষ্যকে কথা দ্বারা শ্রদ্ধা সম্বল করে, ইহা সকলেই স্বীকার করে। অধিকন্তু মনুষ্যের কথা ঈশ্বরও শ্রাণ করেন। মনুষ্যের বাকশক্তি সর্বশক্তিমান ঈশ্বরের জ্ঞান এবং প্রেমশক্তিকে আকর্ষণ করে। যদি ঈশ্বর মনুষ্যের কথা না শুনিতেন, মনুষ্যগণ আবহমানকাল ঈশ্বরের নিকট প্রার্থনাধ্বনি উত্থিত করিত না। মনুষ্যের সত্য স্তব স্তুতি, ঈশ্বরের প্রার্থনার সাহায্য সাগরে তরঙ্গোত্তোলন করে। সুতরাং মনুষ্য, বাক্যপ্রয়োগে মনুষ্যকে মাত্র তুষ্ট করে এমন নহে, মনুষ্যের বচনে ঈশ্বরও সন্তুষ্ট হইতেছেন। কেবল কি মনুষ্যই বাক্য উচ্চারণেরা অভিমত প্রকাশ করে? ঈশ্বরের কি অভিলাষ এবং অভিমত নাই? ঈশ্বর কি স্বীয় অভিলাষ এবং অভিমত প্রকাশ করেন না? অবশ্য আছে এবং অবশ্যই ঈশ্বরের অভিমত ও অভিলাষও প্রকাশিত হইয়া থাকে। কাহার নিকট? মনুষ্যের নিকট ঈশ্বর স্বকীয় অভিমত এবং অভিলাষ প্রকাশ করিয়া থাকেন। অনন্তজ্ঞানময় ঈশ্বর আপনার অসীম জ্ঞান, ক্রমে ক্রমে শরণাগত মনুষ্যমানে প্রকাশ করিতেছেন। তাহাই লাভ করিয়া মনুষ্যের জ্ঞানের প্রসার বৃদ্ধি হইতেছে। প্রেমময় ঈশ্বর মনুষ্যের সহিত প্রেমমালাপ করিবার জন্ম উৎসুক। প্রেমার্থী মনুষ্য ঈশ্বরের শরণাপন্ন হইয়া যেমন তাঁহার পবিত্র সঙ্গ, তেমন তাঁহার উদার প্রেমবাণী ভোগ করিয়া থাকে। যে সকল মনুষ্যকে

ঈশ্বর স্বয়ং জ্ঞান দান করেন, প্রিয় কথা বলেন এবং স্বকীয় প্রেম উৎসঙ্গে গ্রহণ করেন, তাহারা কি পঙ্গু ভাগবান্‌ নহেন? ঈশ্বরের সঙ্গেও মনুষ্যের কথা বলা এবং কথা শোনারূপ ঘনিষ্ঠ সম্বন্ধ আছে। যেমন মনুষ্যের সঙ্গে মনুষ্যের তেমন ঈশ্বরের সঙ্গেও মনুষ্যের প্রেমের ঘনিষ্ঠতা প্রাপ্ত হইয়াছে।

ঈশ্বর প্রেম দ্বারা এবং আপনার স্বরূপ স্বেচ্ছা প্রকাশ দ্বারা মনুষ্যকে পরমাপ্যায়িত করিয়াছেন। প্রথমতঃ মনুষ্য প্রার্থনা এবং স্তুতি গতি দ্বারা ঈশ্বরের অন্বেষণ করিয়াছে। ঈশ্বর যাহাকে বিশ্বাস করিয়াছেন, যাহাকে যোগ্য বুঝিয়াছেন তাহার নিকট আত্মপ্রকাশ এবং আত্ম পরিচয় দ্বারা তাহাকে সম্মানিত ও কৃতকৃত্য করিয়াছেন। ঈশ্বর বাহাদের নিকট সর্বপ্রথমে আপনার অভিপ্রায় এবং পরিচয় প্রকাশ করিয়াছেন, তাঁহাদের মধ্যে ভারত মহিলাগণ প্রাধান্য। ভারতের বৈদিক যুগের ইতিবৃত্ত বাহারা সন্মান করিয়াছেন, তাহারা এ সত্য শুনিয়া চমৎকৃত হইবেন না। তথচ ভারত মহিলাকে ঈশ্বর পৃথিবীর সমগ্র মনুষ্যমণ্ডলীর পূর্বে এ সম্মান দিয়াছেন জানিয়া ব্যক্তমাত্রই ভারতীয় নারীজাতির প্রতি সমধিক শ্রদ্ধা-যুক্ত অবগুই হইবেন।

পুরাতন বাইবেল গ্রন্থে লিখিত আছে যে, মূসার নিকট জগদীশ্বর "আমি আছি" নামে আত্ম পরিচয় প্রদান করিয়াছিলেন। তাহারও পূর্বে ঋষিদিগের নিকট ঈশ্বরের "আমি আছি" নামে ব্যক্তিত্বের পরিচয়ের

প্রমাণ যোগবাশিষ্ট নামক গ্রন্থযোগে প্রাপ্ত হওয়া যায়। কিন্তু বৈদিক যুগ সর্ব প্রথম যুগ। বৈদিক যুগে অল্প ঋষি-কণা বাকুনামী পূজ্যা জগদ্বন্দ্বী মহিলার নিকটে ঈশ্বর সর্বপ্রথম "আমি" নামে আত্ম পরিচয় প্রদান করেন। ইহার মত সুখপ্রদ মঙ্গল সমাচার মহিলাদিগের পক্ষে আর কি হইতে পারে ?

ঈশ্বর ভারত মহিলাদিগকে প্রেমে, সম্মে, সমাদরে গ্রহণ করিয়াছিলেন বলিয়া ভারতের লগনাকুল একসময়ে জানে, ধর্ম, পবিত্রতাতে পৃথিবীতে সর্বশ্রেষ্ঠ হইয়াছিল। ভারতীয় সভ্যতা, বর্তমান পাশ্চাত্য সভ্যতাপেক্ষা অতি উচ্চতাব সম্পন্ন মহিলাকুলের সর্বপ্রকার উন্নতি এবং মহিলাদিগের প্রতি ঈশ্বরের প্রদত্ত প্রেম ও সম্মম এই সভ্যতার মূলভূত কারণ, একথা বলিলে কিছুমাত্র অযথোক্তি হয় না। ভারতীয় জনসমাজে বাকশক্তির উচ্চ সম্ভাবনার একবার হইয়াগিয়াছে। যেমন পুরুষগণ তেমন পুরনারীবর্গ কথা বলা এবং কথা শোনার উচ্চতম অধিকার উচ্চতম-রূপে প্রয়োগ করিয়াছিলেন। সেই সম্ভাবনার উচ্চতম পুরস্কার ও প্রাপ্ত হইয়াছিলেন।

আশা করি "মহিলার" গ্রাহক গ্রাহিকাগণ প্রাচীন আর্ধ্য মহিলাগণের অদ্ভুত জ্ঞান ভক্তি ও বৈরাগ্য সন্নীতি এবং সত্য-ত্বের ঐতিহাসিক চরিত্র খ্যাতি অবগত আছেন।

প্রত্যেক দেশের উন্নতির সহিত যেমন অতীত তেমন ভবিষ্যতের অচ্ছেদ্য সম্বন্ধ

বর্তমান ! বর্তমানকাল অতীত এবং ভবিষ্যতের সহিত গ্রহিত। ভারতের অতীত-তত্ত্ব আামাদিগকে প্রোৎসাহিত করে। ভারতের বর্তমান শুভলক্ষণ সমূহ দেখিয়া ভবিষ্যতের সমুজ্জ্বল আশা আামাদিগকে নবীনতর আলোকে উদ্ভাসিত করে। একার ভারতীয় মহিলাবৃন্দ যেমন জগতের শ্রদ্ধা ও সম্মম আকর্ষণ করিয়াছেন, পুনরপি ভারতের সমুন্নতির এই নবযুগে তাঁহার মনুষ্য এবং ঈশ্বরের নিকট সেই প্রকার শ্রদ্ধা, ভক্তি এবং সম্মম সম্মানের "যোগ্য হইবেন আামাদিগের এই আশা।

মনুষ্যের সঙ্গে মনুষ্যের এবং মনুষ্যের সঙ্গে ঈশ্বরের, পক্ষান্তরে ঈশ্বরের সঙ্গে মনুষ্যের জ্ঞান ও প্রেমের যে বাক্যবিনিময় ইহা অতীব প্রয়োজনীয় বোধ হয় মহিলাবৃন্দ এ প্রয়োজনীতা উপলব্ধি করিতে অধিকতর সমর্থ। কারণ মহিলাগণ সংসারের কর্তা, পরিবারের সকল বিষয়ে অধিকারিণী। পরিবারস্থ সকলে যদি মুক হন, তাঁহার ও যদি মুক হন, সংসার কি অসামান্য ক্লেশজনক প্রতীত হয় না? কথা বলা ও কথাবলার অধিকার ও শক্তি থাকিতে সংসারের আরাম ও সুখ শিক্ষা এবং উত্তরোত্তর বিবিধ বিষয়ে উন্নতি লক্ষিত হইতেছে। ঈশ্বর আামাদের সংসার এবং জীবনের সম্পূর্ণ অধিকারী সেই সর্বাধিকারী ঈশ্বরের সঙ্গে নরনারী নির্বিশেষে সকলেরই বাক্যবিনিময়ের অধিকার আছে। ইহা কি আামাদের শ্রদ্ধেয়া মহিলাবৃন্দ স্বীকার করেন না? বর্তমানকালের জ্ঞান ও সভ্যতা ও সমুন্নত ললনা-

গণ কি ঈশ্বরের সহিত প্রেম এবং বাক্যবিনিময় আবশ্যক বোধ করেন না? এ প্রশ্নের সজ্ঞতর চাই।

### সাধ্বী ক্যাথারাইন বুথের জীবনের কয়েকটি কথা ।

( একটি কুমারী কথা কর্তৃক লিখিত । )

এবার ক্যাথারাইন বুথের কথা কিছু বলিব। ক্যাথারাইনের মাতা অত্যন্ত ধর্ম পরায়ণা নারী ছিলেন, তিনি অতি সযত্নে সম্মে কন্যাকে পালন করিয়াছিলেন। মাতার সহিত আধ্যাত্মিক নানা বিষয়ে আলোচনা হইত। মাতাকে আত্মার সকল অবস্থা, অভাব, প্রার্থনা জানাইতেন। বিবাহের পরও মিয়মিতরূপে মাতাকে পত্র দিতেন, তাহাতে তাঁহাদের উভয়ের শরীর, মন, আত্মার বিষয় জানাইতেন। বাল্যকাল হইতেই উচ্চ আদর্শ, আশা ও সঙ্কল্প লইয়া জীবন ভারত করিয়াছিলেন, পরজীবনে তাহারই পরিণতি, উন্নতি, বিকাশও প্রকাশ হইয়াছিল। বীজ শৈশবেই রোপিত হইয়াছিল, তাহাই পরে সুবাতাস, সুসঙ্গের গুণে প্রকাণ্ড বৃক্ষে পরিণত হইয়াছিল।

কিছুদিন হইল, মহিলাতে জেনারেল বুথের জীজাতি সম্বন্ধে একটি সুন্দর উপদেশ বাহির হইয়াছিল, আশা করি তাহা অনেকেই পাঠ করিয়াছেন, ও তাঁহাদের চিত্ত আকর্ষণ করিয়াছে, সেই উপদেশটি কত উচ্চ পরিমহান। আমরা নারীকে কত সামান্য জ্ঞান করি, এখন বুঝিতে

পারিয়াছি, নারীর কত উচ্চঅধিকার, উচ্চ জীবন, তাঁহার কত সৌভাগ্য, কত দায়িত্ব। এমন আশ্চর্য্য য ক্যাথারাইন বুথ বিবাহের পূর্বে একজন ধর্মযাজককে নারীর অধিকার বিষয়ে এক পত্র লেখেন, সেই পত্রের আর এই উপদেশের একই কথা।

ক্যাথারাইন বিবাহের পূর্বে ৪৫ বৎসর একটা বাইবেল ক্লাশে নিয়মিতরূপে যোগ দিয়াছিলেন। একটা মহিলার বিশেষ উৎসাহে অল্পরূপে ক্লাশটি স্থাপিত হইয়াছিল। এই মহিলাটি অত্যন্ত ধর্মপরায়ণা ছিলেন, ক্যাথারাইন ইহাকে অত্যন্ত ভক্তি করিতেন। তিনি অতি সুন্দর সারগর্ভ উপদেশ দিতেন। মহিলাটির নিজের বেশভূষা অতি সামান্য ছিল, কিন্তু তিনি তাঁহার কন্যাকে বেশভূষা বিষয়ে যথেষ্টাচার করিতে দিতেন। কন্যাটি মাতার সম্মতি লইয়া একটা যুবকের সহিত বিবাহ সম্বন্ধ স্থির করে। যুবকটি যদিও মেথডিস্ট পরিবারের ছিল, কিন্তু সে নিজে বিশ্বাসহীন ছিল। ক্যাথারাইন প্রভৃতি নারীগণ যাঁহারা সেই মহিলাকে অত্যন্ত শ্রদ্ধা করিতেন, এই ঘটনার তাঁহাদের শ্রদ্ধা কমিয়া গেল। মহিলাটি তাঁহার উপদেশের ভিত্তি হারাইলেন, তাঁহার উপদেশে ও কাণ্ডে মিল থাকিল না। ক্যাথারাইন ইহাকে "Dont do as I do but do as I tell you" "আমি যে রূপ করি তাহা করিও না, যে রূপ বলি তাহাই কর" ধর্ম বলিতেন, ইহাকে অত্যন্ত ভয় করিতেন। ইহাতে তাঁহার মনে অত্যন্ত

আঘাত লাগে। তখন হইতে তিনি বিশেষরূপে মনোযোগী হন যেন তাঁহার জীবনে কখনও এইরূপ উপদেশ ও কার্যের ভিন্নতা উপস্থিত না হয়। সকলেই জানেন তিনি এই ব্রত পালনে সমর্থ হইয়াছিলেন। যেমন বলিয়াছিলেন, সেরূপ করিয়াছিলেন। পুত্র কন্যার বিবাহ ইত্যাদি কোন বিষয়েই এত নিয়মের ব্যতিক্রম হয় নাই। সেই মহিলাটির ছায় কেবল নিজের জন্ত ধর্ম বৈরাগ্য রাখিয়া, পুত্র কন্যার জন্ত পদ, মান, সুখ ঐশ্বর্য অন্বেষণ করেন নাই। কোনও নিষ্ঠাশীল বিশ্বাসহীন লোকের সঙ্গে, পুত্র কন্যার বিবাহ দেন নাই।

একদা তাঁহার কোন সময়সী বালিকার কোন যুবকের সহিত বিবাহ সম্বন্ধ স্থির হয় সেই যুবক অথ কোন ধর্মীর কন্যাকে বিবাহ করা অধিক লাভজনক মনে করিয়া, বিবাহ সম্বন্ধ প্রত্যাখ্যান করিল। ইহাতে কাথারিণের মনে অত্যন্ত আঘাত লাগে। বিবাহের পূর্বেই বিবাহিত জীবনের আদর্শ সূনিয়ম মনে মনে স্থির করিয়া রাখিয়াছিলেন। এই বিষয়ে তাহার মত নিম্নে লিখিত হইল। অনেক স্থলে বিবাহিত জীবন সুখের না হইয়া, অশান্তি দুঃখের হইয়া থাকে; তাহার প্রধান কারণ কোন বিবাহের প্রস্তাব উপস্থিত হইলে, কালক্ষেপ না করিয়া ব্যস্ততার সহিত সম্বন্ধ স্থির করা হয়, পরস্পরকে চিনিবার জানিবার যথেষ্ট অবকাশ দেওয়া হয় না। পরস্পরের স্বভাব চরিত্র, চরিত্রের বিশেষত্ব উত্তমরূপে জানিয়া তবে

সম্বন্ধ স্থির করা উচিত। তাহা না হইলে কোন একটা সামান্য সন্দেহ থাকিলে, তাহাই কালক্রমে বর্ধিত হইয়া অশান্তি উপস্থাপন করে।

অতি অল্প লোকেই বিবাহ করিতে যাইবার পূর্বে মনে একটা আদর্শ স্থির করি। লন যে তাঁহারা যাহাকে জীবনের সম্বন্ধরূপে গ্রহণ করিতে চান তাঁর কি কি গুণ প্রার্থনা করেন। অধিকাংশ লোকই কোনও আদর্শ না লইয়া বিবাহ সম্বন্ধ করিতে প্রবৃত্ত হন। কোন একটা প্রস্তাব উপস্থিত হইলেই আলাপে কথায় মুগ্ধ হয়ে বিনা বিচারে অবিলম্বে তাহাতেই সম্মতি দান করেন। যাহার সহিত বিবাহসম্বন্ধে আবদ্ধ হইব, তিনি আমার বন্ধু হইতে পারেন কি না দেখিতে হইবে, বন্ধুত্ব কোথায় হয়, যেখানে স্বভাবের সাদৃশ্য আনুগত্য থাকে। যদি কোন প্রতিভাশালী লোক উচ্চ আশা সঞ্জন লইয়া কোন নারীকে বিবাহ করেন, যিনি কেবল দাসীর ছায় ক্রমাগত পরিশ্রম করিতে পারেন, সেই বিবাহসম্বন্ধ কখনও সুখের হইবে না। সেইরূপ কোন সুরচিবুজ্ঞা সুশিক্ষিতা নারী যদি কোন পুরুষকে বিবাহ করেন, যিনি কেবল হলচালনা করিতে পারেন বা কল কারখানা দেখিতে পারেন, সে বিবাহে কখনও সুখের আশা করা যায় না। অনেক নারী মনে করেন, যিনি অল্পস্ব দান করিতে পারেন, তাঁহাকেই বিবাহ করা যায়। তদ্রূপ অনেক পুরুষ গৃহকার্যে সুদক্ষ নারী পাইলেই যথেষ্ট মনে করেন। তিনি

বন্ধু হইতে সম্মত হইতে পরামর্শ দিতে পারেন কি না তাহা দেখেন না। অসুখী বিবাহিত জীবনের সাধারণতঃ এই সঞ্জন কারণ মন বরস স্বভাব শিক্ষা ও পূর্বে অবস্থার ভয়ানক ভিন্নতা অসমতা।

বিবাহের পূর্বে হইতেই, বিবাহসম্বন্ধে আবদ্ধ হইবার পক্ষে, কি কি গুণ অত্যাবশ্যকীয় তাহা ক্যাথারিণের স্থির ছিল।

প্রথমতঃ আমি স্থির করিয়াছিলাম, আমার ধর্মমতের সঙ্গে তাঁর ধর্মমতের কোন পার্থক্য থাকিবে না। এক হইবে। তিনি একজন প্রকৃত খৃষ্ট ধর্মাবলম্বী হইবেন, নাম মাত্র কিংবা কেবল নিয়মিত রূপে মন্দিরে গমন করলেই হইবেই না কিন্তু ভগবানের নিকট দীক্ষিত, অকৃত্রিম লোক হওয়া চাই।

এই নিয়মের অনুসরণ না করাই অধিকাংশ দাম্পত্যজীবনের দুর্দশার প্রধান কারণ। যাহারা ভগবানকে চায় তাঁর সেবা করিতে চায় তাহারা এমন লোকের সহিত বিবাহ সত্ত্রে আবদ্ধ হয় যাহাদের ভগবানের আদেশের প্রতি কোন শ্রদ্ধা নাই; যুগে না বলুক এমনি কি ভগবানের অস্তিত্বেই বিশ্বাস নাই।

সহস্র সহস্র নরনারী জীবনের অভিজ্ঞতায় ইহা স্পষ্ট বুঝিয়াছে, ধর্ম মত বিধাসের ভিন্নতা থাকিলে অর্থ বিভ্র, পদ, মান, কিংবা মৎসারিক কোন প্রকার সুবিধা কিছুই যথেষ্ট নয় কিছুতেই মিলন শাস্তি হয় না।

দ্বিতীয় কথা এই সুবিবেচক বুদ্ধিমান লোক হওয়া চাই, আমি কোন, ছয়ল

চিত্ত অল্পবুদ্ধি লোককে শ্রদ্ধা করিতে পারিব না।

তৃতীয় নিয়ম পরস্পরের মত ও রুচি এক হওয়া চাই।

আর একটা বিষয়ে প্রতিজ্ঞা করিয়াছিলাম, যিনি সম্পূর্ণরূপে মদ্যপানের বিরুদ্ধে একরূপ লোক হওয়া চাই, তিনি যে কেবল আমাকে সম্বন্ধ করিবার জন্ত মদ্যভ্যাগী হইবেন, তাহা নয়, তাঁহার নিজের মত সেরূপ হওয়া চাই।

উপরিউক্ত গুণ গুলি ব্যতীত বিবাহ সম্বন্ধে আবদ্ধ হইব না, প্রতিজ্ঞা ছিল। এ সকল ছাড়া অত্যাচার লোকের ছায় আমারও কতকগুলি বিশেষ পছন্দ ছিল, অর্থাৎ আমার এই গুলি পাইতে ইচ্ছা করিত। আমার স্বামী প্রচারক হন, ইচ্ছা করিত কারণ প্রচারকের স্ত্রী হইলে জন সেবা করিবার সর্বাপেক্ষা অধিক সুবিধা। আমার ইচ্ছা হইত তিনি যেন দর্শনাবয়ব হন, এবং "উইলিয়ম" নামটা আমি খুব ভালবাসিতাম।

আমার যে গুলি দৃঢ় সঞ্জন ছিল সে সকলই যেমন পূর্ণ হইয়াছে। আমার এই সাধগুলিও ভগবান অর্পণ রাখেন নাই।

বিবাহিত হইবার পূর্বেই বিবাহিত জীবনে যে সকল নিয়ম পালন করা উচিত তাহা আমি স্থির করিয়া রাখিয়াছিলাম বিবাহের দিন হইতেই আমি নিয়মগুলি পালন করিতে আরম্ভ করিয়াছি, এত বয়সের বিবাহিত জীবনের অভিজ্ঞতায় আমি নিয়মগুলির উপকারিতা ও মূল্য বুঝিতে পারিয়াছি।

প্রথম সাংসারিক কি অথ কোন বিষয়ই স্বামীর নিকট হইতে কখনও গোপন করিব না। এই স্থলে, এই বলিতে পারি অনেক সময় অনেক লোক, তাহাদের জীবনের নানা পরীক্ষার কথা আমাকে বলিয়াছে, সেগুলি কখনও বলি নাই, কারণ সেগুলি আমার নিজের।

দ্বিতীয় ছুঃনের একটী অর্থ ভাণ্ডার থাকিবে।

তৃতীয় কোন বিষয়ে মতের ভিন্নতা উপস্থিত হইলে, আমি আমার মত ও তাহার বুদ্ধি প্রদর্শন করিব, উত্তমরূপে বুঝাইয়া আমার মতে আনিতে চেষ্টা করিব। ইহার ফল এই হইত যে তিনি আমার মতে মত দিতেন, সত্য বলে স্বীকার করিতেন। না হয়তো আমি তাঁহার মতে মত দিতাম।

চতুর্থ—যখন কোন বিষয়ে মত পার্থক্য উপস্থিত হইবে, সম্মানদের সম্মুখে কখনও তর্ক করিব না। তাহাদের সম্মুখে তর্ক করা অপেক্ষা, কোন বিষয়ে মতভেদ হইলেও, সে সময়কার জন্ত চুপ করে তাহাতে মত দেওয়া বরং ভাল অবশ্যই প্রথম সুযোগে অবিলম্বে সে বিষয়ে মীমাংসা করিয়া লইতাম।

এ স্থলে আমারও একটী কথা বলিতে ইচ্ছা হইতেছে। অনেক পরিবারেই দেখিতে পাই পিতা মাতা পুত্রকর্তার সম্মুখেই তর্ক করেন। মাতা, জ্যেষ্ঠা ভগিনী, আত্মীয়স্বজনগণ অপ্রাপ্ত বয়স্ক সম্মানদিগের সম্মুখে, নানা অসথা বিষয়ে

আলোচনা করেন; কত শ্রেয়শ্রুত গুরুজনের দোষ কীর্তন, তীব্র সমালোচনা কত পর-নিন্দা কত পরচর্চা করেন। তাহারা এই সকল বিষয় আলোচনা করে মতামত প্রকাশ করে, এইরূপে কত লোকের প্রতি শ্রদ্ধা বিশ্বাস হারায়। তখন তাহাদের সমালোচনা দেখিয়া, পিতামাতা তিরস্কার করেন।

আজকাল যে বালক বালিকারা এত অশালপক্ক হইয়া উঠিতেছে ভক্তিহীন শ্রদ্ধাহীন বাকপটু তর্কিক হইয়া উঠিতেছে, সকলেরই সমালোচনা করিতেছে এ সকলের জন্ত অনেক অংশে পিতামাতা দায়ী। কোনও পুস্তকে পড়িয়াছিলাম, যে বুদ্ধারা বয়োজ্যেষ্ঠারা কনিষ্ঠদের শিশুদের শত্রু। একথাটি অত্যন্ত সত্য ইহাতে আর কোন ভুল নাই। পিতা মাতা আত্মীয় স্বজন শুভাকাঙ্ক্ষী হইয়াও তাঁহারা সম্মানদের একরূপ শত্রুতা সাপন করেন যে পরিবারে এই সুনামটি পালিত হয়, পিতামাতা সম্মানদের সম্মুখে সকল বিষয় বলেন না সেখানেই সুশিক্ষা হয়। তাঁহারা এই পৃথিবীর নানা অপ্রয়োজনীয়, মন্দ বিষয় হইতে সম্মানদের দূরে রক্ষা করেন। পাখী যেমন খুব বাড় বাতাস হইতে আপনার পক্ষপট দ্বারা শাবককে রক্ষা করে, কিছু লাগিতে দেয় না, আপনি সহ করে তদ্রূপ হিতাকাঙ্ক্ষী পিতামাতারা সংসারের বাড় বাতাস কুকথা কুবিষয় হইতে তাহাদিগকে নিরাপদে রক্ষা করেন। কবে সকল পিতামাতা এইরূপ হইবেন। তাহারা এখন বালিকা ভবিষ্যতে মাতা হইবেন,

তাঁহারা এখন হইতে মনে মনে এই সুসংকল্প করিয়া রাখুন।

### নারীজাতির অধিকার ।

ভারতবর্ষীয় ব্রাহ্মসমাজে প্রথম নগর-কীর্তনে আচার্য্য কেশবচন্দ্র প্রমুখ প্রচারক এবং ব্রাহ্মগণ নরনারীর সমান অধিকার ঘোষণা করেন; জাতিবিচার নাই প্রতি-পন্ন করেন। সে অবধি নারীজাতির সমান অধিকার সম্বন্ধে পুরুষ এবং নারীদের মধ্যে বিমত দেখা যায় বটে কিন্তু সমান অধিকারের কার্য চলিতেছে। পুরুষ এবং নারী একই ভগবান হইতে উৎপন্ন। আকৃতি প্রকৃতিতে যেমন অনেক সৌন্দর্য্য আছে তেমনি বৈষম্য ও অত্যন্ত গুরুতর দৃষ্ট হয়। নারীর মাতৃ প্রকৃতি যেরূপ উজ্জল, কোমল এবং স্নিগ্ধকর, তেমনি পুরুষের পুরুষপ্রকৃতি তেজপূর্ণ, কঠোর এবং রুক্ষ। সাধারণতঃ উভয়ের কার্যক্ষেত্র বিভিন্ন বলিয়া বোধ হয়, অথচ বিভিন্ন নয়। একজন আর একজনের অল্পপূরক। যেমন শরীরের দক্ষিণ হস্ত এবং বাম হস্ত, দক্ষিণ পদ এবং বাম পদ। এক পা শূণ্য হইলে চলা বড় কঠিন। তেমনি পুরুষশূণ্য নারী, নারীশূণ্য পুরুষ তিষ্ঠা বড় কঠিন। এক অঙ্গ অসুস্থ থাকিলে লোকে তাহাকে বিকলাঙ্গ বলে। আমরা উত্তম আহার, বিশুদ্ধ বায়ু সেবন দ্বারা সবল এবং শুদ্ধ হই। আমাদের সমস্ত অঙ্গই যথাযথ বিকাশ প্রাপ্ত হয়। সুতরাং দেখা যায় স্বাভাবিক ভাবে চলিলে অর্থাৎ বিধি প্রতিষ্ঠিত নিয়ম এবং

আদেশ পালন করিলে সর্বাপেক্ষ সম্যক বিকাশ লাভ করে। কিন্তু এই বিধি লঙ্ঘন করিলেই অবনতি অনিবার্য্য। নারী এবং পুরুষ একই মানবজাতির অঙ্গ। মনুষ্য সমাজ মধ্যে যে জাতি উন্নতি লাভ হইয়াছে তাহাদের নরনারী সকলেই স্বাভাবিক বিকাশ সমভাবে লাভ হইয়াছে এইজন্ত ইউরোপীয়েরা আজ পৃথিবীতে শ্রেষ্ঠজাতি মধ্যে পরিগণিত। তাহাদের জ্ঞান কক্ষ্মতা, প্রেমপূর্ণ নরনারী মধ্য দিয়া সমভাবে প্রস্ফু-টিত হইতেছে। ইউরোপের ইতিহাসে কক্ষ্মিনকালেও এককালে একাধিক বিবাহ পুরুষের অধিকার মধ্যে দেখা যায় নাই। কিন্তু এশিয়াবাসী মধ্যে একপতি বহুপত্নী, একপত্নী বহুপতি প্রাচীন ইতিহাসে এবং বর্তমান সময়ে বহুল প্রচলিত দেখা যায়। তবে এক পত্নীর বহুপতি প্রথা এখন বিলুপ্ত বোধ হইতেছে। ইহা দ্বারা প্রকাশ পায় প্রধান অঙ্গ নারী বিকাশ সম্বন্ধে কতদূর বিধাতার বিধি বিরুদ্ধ আচরণ এশিয়াথণ্ডে ঘটিয়াছে। তাহার ফলস্বরূপ এশিয়া পৃথিবী ধর্মপ্রসূতি হইয়াও ইউরোপীয় জাতি-দের নিকটে আজ সমকক্ষতা করিতে অক্ষম। এইক্ষণ নারীজাতির মুক্ত দিকা-শের প্রয়োজনীয়তা দাঁড়াইয়াছে। ব্রাহ্ম-সমাজের নববিধানের বিবোধিত নরনারীর সমান অধিকার কার্যতায় পূর্ণ মাত্রায় পরিণত করিতে এযাবৎ যত চেষ্টা হইয়াছে তদপেক্ষা আরও গুরুতর এবং গভীরতর-রূপে চেষ্টার একান্ত প্রয়োজন হইয়াছে। এসম্বন্ধে আমরা শুদ্ধ পাশ্চাত্য অনুকরণ করিয়া উঠিতে পারিব না। ক্রমবিকাশ

অভ্যন্তর হইতে হওয়া চাই। পাশ্চাত্য দৃষ্টান্ত আমাদের আদর্শকে সদা উজ্জ্বল এবং নির্মল রাগিতে সহায়তা করিবে। এদেশ ধর্মপ্রধান দেশ। প্রেমভক্তি বিকাশের সঙ্গে সঙ্গে এদেশের সাহিত্য বিজ্ঞান প্রভৃতি সর্বাঙ্গি উন্নতি লাভ করিয়াছে। অতএব নরনারী নির্বিশেষে ঈশ্বরে নির্ভা হইতে আপন আপন কার্যিক মানসিক এবং অধ্যাত্মিক উন্নতি লাভের প্রয়াস করুন। ভগবানকে সহায় করিয়া, লক্ষ্য করিয়া জীবনপথে চলিতে থাকুন। অত্যা উন্নতি সর্বাঙ্গীন সম্বলপ্রদ হইবে না। নারী তাঁহার বিধি নিয়োজিত অধিকার এবং বিকাশ প্রাপ্তিতে যেন স্বতঃস্ফূর্তঃ কোন বাধাপ্রাপ্ত না করেন। স্বাধীনতা মহারত্ন, ঈশ্বর প্রদত্ত এই স্বাধীনতার পূর্ণ বিকাশ প্রয়োজন। পূর্ণ বিকাশ অসম্ভব যদি নারীজীবনের স্রোত পেমময় ঈশ্বর হইতে প্রবাহিত না হয়। ভগবানের আদেশ পালন করাই কি পুরুষ কি নারীর জীবন ধারণের মূল উদ্দেশ্য। এই উদ্দেশ্য সংস্কৃত হইতে দিতে দেশাচার এবং কুসংস্কারকে অন্তরায় হইতে দিলে চলিবে না। শিক্ষার প্রচার মুক্তভাবে হওয়া প্রয়োজন। প্রতি জীবনের নেতা যখন ভগবান ভিন্ন আর কেহ নয় তখন সেই কাণ্ডারীকেই জীবনতরীর সম্পূর্ণ পরিচালনা করিতে দিতে কেহ যেন কুণ্ঠিত না করেন। ইহাতে ভয় করিলে হইবে না। স্বর্গীয় বলে বশীমান হইয়া চলিতে হইবে। এট স্বর্গীয় বল বর্তমান নারীজাতি মধ্যে বঙ্গদেশে প্রবেশ করিয়াছে দেখা যায়। অনেক

বঙ্গীয় মহিলার উচ্চ ভাবপূর্ণ কাব্য পাঠ করিয়া ঈশ্বর প্রেরণায় ক্রিয়ার বঙ্গনারী-সমাজেও প্রবেশ করিয়াছে একরূপ পরিচয় পাওয়া যায়। দেবী মানকুমারী, গিরিজা-মোহিনী, অম্বুজামুন্দরী এবং কামিনী প্রভৃতি মহিলাদের নাম এখানে উল্লেখ যোগ্য। ব্রাহ্মসমাজের নারীরা কেহ কেহ বক্তা হইয়াছেন। কোন কোন মহিলা রাজবাণী হইয়াও নারীসমাজের উপাসনায় আচার্যের কার্য্য অতি হৃদগ্রাহীরূপে করিতে সক্ষম হইয়াছেন। কোন কোন মহিলা পেরণা লাভ করিলে ভোর কর্তন করিয়া নরনারীর দ্বারে যাইয়া স্বর্গের সুসমাচার দান করেন। এইরূপে প্রতিপন্ন হইয়াছে যে এক অতুল ঐশীশক্তি নারী হৃদয়ে কার্য্য করিতেছে। এদেশের অনেক সহস্রদয় মহিলা নারীজাতির শিক্ষা বিস্তার করলে এবং গ্রাম আচ্ছাদন জন্ত পরপ্রত্যাশী না হইতে হয় একরূপ কর্তব্য শিক্ষা দান কার্য্যে ব্রতী হইয়াছেন। এই নব জাগরণ দেখিয়া বড় আশা হয়। সত্য সত্যই এতদিনে "দুঃখের নিশি হলো অবসান।" নরনারীর সমান অধিকার স্রোত সেই ১৮৬৮ সনে প্রথম আঁসু হইয়াছে, এক্ষণে তাহা প্রবল হইতে প্রবলতর বেগপ্রাপ্ত হইতেছে। মেরী ক'র্পেটার হাতে পরবর্তী ইউরোপীয় নারীরা এই স্রোত খরতররূপে প্রবাহিত হওয়ার জন্ত কত সহায়তা করিতেছেন। ধনু ইংরেজ গবর্নমেন্ট। এখন আর ভয় নাই। সকল নারীসমাজ ভগবানকে পৃষ্ঠপোষক করিয়া নেতা করিয়া অগ্রসর হউন। মহাকালী পাঠশালা,

আর্য্য সমাজের নারীশিক্ষা প্রচারিকাদের কার্য্য, গবর্নমেন্ট প্রতিষ্ঠিত নারীবিদ্যালয়, প্রতি ধর্মসমাজের নারীশিক্ষার ব্যস্থা এবং উন্নতির চেষ্টা সকলেই সেই বিধাতার সাক্ষাৎ ক্রিয়ার অলৌকিক শক্তি প্রকাশ করিতেছে। এইরূপে তাঁহার লীলা দেশ-ময় ব্যাপ্ত হইয়াছে। অতএব বঙ্গনারী বিধাতাকে ভক্তি করিয়া উন্নতির পথে অগ্রসর হউন। আপন অধিকার বুঝিয়া লউন।

### প্রাচীনা এবং নবীনা ।

বিগত চল্লিশ বৎসর সময়ের মধ্যে আমাদের দেশে ঘোরতর পরিবর্তন ঘটিয়াছে। শিক্ষা, দীক্ষা, ধর্ম, জ্ঞান, রীতি, নীতি প্রভৃতি প্রতি বিষয়ে যুগান্তর লক্ষিত হয়। সে যুগ নাই, সে ভাব নাই; সে মতিগতি লোকে দেখা যায় না। এ যুগে নূতন ভাব, নূতন ভঙ্গী, নব নব মতিগতি প্রবাহিত। বহির্কর্মেতে যেমন পুরুষ, অন্তঃপুরে তেমন স্ত্রীলোকের সর্বাঙ্গপ্রকারে অবস্থান্তর উপস্থিত। পুরনারীরা সময়ে সময়ে পাঁচ জন একত্রে এ সকল কথাও আলোচনা করেন।

বঙ্গের পূর্ব পশ্চিম উভয়ভাগেই পরিবর্তন স্রোত বহমান। আমি পশ্চিম-বঙ্গের বিষয় অল্পই জানি। অতএব সে অঞ্চলের বিষয় উল্লেখ না করাই উচিত বোধ করি। পূর্ববঙ্গে আমার জন্ম ও অধিবাস। পঞ্চাশ বৎসর কাল চক্ষের উপরে যাহা ঘটিল তাহার সাক্ষী হইলাম।

নারীজাতির গতিবিধি ও অবস্থা বাল্যকালে যাহা দেখিয়াছি, তাহার সহিত অধুনা যাহা অবলোকন করিতে ছ তাহার তুলনা করিতে ইচ্ছা হয়।

সে সময়ে ভদ্রলোকের সহরে বাড়ী করিয়া বাস করার রীতি ছিল না। ঢাকা নগরে তন্তুবাড়, সাহা, পাল প্রভৃতি ব্যবসায়ী লোক, তাঁহাদের গুরু পুরোহিত-বর্গ এবং ছুই একজন ভদ্র কায়স্থ বাস করিতেন। চাকরী উপলক্ষে ভদ্রলোক গণ সপরিবারে ভাড়াটিয়া বাড়ীতে থাকিতেন। স্ত্রীবিধা পাইলেই পূজা পর্কোপলক্ষে গ্রামবাড়ীতে চলিয়া যাইতেন। স্ত্রীর মেয়েরাও স্ব স্ব গ্রাম্য গৃহে গ্রাম্য স্ত্রী হুঃখ ভোগে রত থাকিতেন।

মেয়েদের লেখা পড়া শিক্ষার রীতি তখন ছিল না। লেখা পড়া শিখিলে বিধবা হয় এ সংস্কার সকল রমণীর মনেই বদ্ধমূল ছিল। মেয়েদের পাঁচ বছর বয়স হইলেই একটা ছুটা ব্রতপালন আরম্ভ হইত। পুতুল খেলা, রান্নাবাড়া শিক্ষা, ব্রতপালন কার্য্যে নয় দশ বৎসর বয়স কাটিত। তারপর বিবাহকাল। বিবাহান্তে পতিগৃহে বাস। সেখান থেকে প্রথম ছুই এক বৎসর কারাবাসীর আয় ক্রেশে দিন যাইত। ধনী দরিদ্র নির্বিশেষে তখন সকল স্ত্রীলোককেই ঘরের সমস্ত কার্য্য করিতে হইত। রান্না, পরিবেশন, বাসন ও স্থান পরিষ্কার নিত্যকর্ম্ম। ধান-ভানা, চিড়া কুটা, খৈ মুড়ি ভাজা আবশ্যিক মত এবং পর্কোপলক্ষে অবশ্য কুর্ভব্য। নারীকলের নানারূপ খাদ্যদ্রব্য প্রস্তুত



করা, পঁড়ি চিত্র করা আলপনা দেওয়া কোন কোন বিশেষ পর্বে এবং বিবাহাদি উপলক্ষে করিতে হইত। ঢেকি ঘর, মেয়েদের স্নানের ঘাট এবং বিশেষ কর্ম্মোপলক্ষে তরকারী কুটার জায়গা মেয়েদের মন খুলিয়া গল্প করার স্থান হইত। যুঁতীগণ ও বৃদ্ধারা সে সব স্থানে নানা ছাঁদে নানা রসের নানারূপ গল্প করিতেন। বালিকারা অনেকে বসিয়া সময়ে সময়ে সে সব গল্প শুনিত; অনেকে বা কোন গাছের ছায়ায় বা ঘরের ছায়ায় খেলা খুলা ও পুতুলের বিবাহব্যাপারে মত্ত থাকিত।

তখন কদাচিত ছুই এক জন মহিলা লেখা পড়া শিখিতেন। লোকনিন্দার ভয়ে অতি গোপনে সে কর্ম্ম মনের আবেগে কেহ কেহ সম্পাদন করিতেন। যখন অধিক বয়স হইত তখন কেহ কেহ রামায়ণ মহাভারত পড়িয়া স্ব স্ব বিদ্যাশিক্ষার মার্থকতা করিতেন। সেই কুসংস্কারাচ্ছন্ন কালেও আমার একজন খুল্লপিতামহী লেখা পড়া জানিতেন। তিনি বিবাহের পর সংবৎসর মাত্র সম্বা ছিলেন। তাঁর বৈদ্যব্যাধনা লেখা পড়া শিক্ষারই ফল এরূপ উক্ত হইত। সৌভাগ্যক্রমে আমি বাল্যকালে তাঁহার নিকট বর্ণমালা শিক্ষা করিয়াছি। আমার বাল্যকাল গবর্ণ-মেন্টের যত্নে অনেকগুলি সারকেল স্কুল স্থাপিত হইয়াছিল। সেই সকল সারকেল স্কুলের শিক্ষকদিগের কাহার কাহারও যত্নে প্রায় চল্লিশ বৎসর পূর্বে স্থানে স্থানে বালিকাবিদ্যালয় স্থাপিত হয়। অভিভাবকগণকে অনেক প্রকার বুঝাইয়া

অনেক চেষ্টা করিয়া তখন শিক্ষাদানজন্ত শিক্ষকদিগকে বালিকা সংগ্রহ করিতে হইত।

পুরুষ এবং নারীদিগের মনে ধর্ম্মের প্রতি আস্থা প্রবল ছিল। সে ধর্ম্ম প্রচলিত হিন্দুধর্ম্ম। বারমাসে তেরপর্ব পালনে মেয়েদের খুবই নিষ্ঠা দেখা যাইত। ব্রহ্মপুত্র স্নান, গঙ্গাস্নান, নিতা সন্ধ্যা পূজা ও আফিক পালন, মালাজপ, প্রাতঃসন্ধ্যা ঠাকুরঘরের দ্বারে প্রণাম করা কোন স্থানে যাত্রাকালে ঠাকুর দর্শন ও নমস্কার অলঙ্ঘনীয় ব্যাপার ছিল। প্রাতে নিদ্রা হইতে জাগিয়াই দুর্গানাম হরিনাম ঘরের বাহিরে গিয়া পূর্বমুখে সূর্য্য নমস্কার সকলেই করিত। নারীগণ নিজেরা ইহা করিতেন, সন্তানগণ ও শিশুবালকগণকে স্মরণ করাইয়া দিতেন এবং নমস্কার করাইতেন। এ কর্ম্মে কখন তাঁহাদের উদাস্ত বা ভ্রম হইত না।

রমণীগণ এদেশে সকলেই একখানামাত্র বস্ত্র পরিধান করিতেন। শীতকালে প্রাতে ও সন্ধ্যায় সামান্য মোটা কাপড় কোন কোন মহিলা শীতনিবারণার্থ ব্যবহার করতেন। এখনকার মত জ্যাকেট বডি তখন উপহাসের বিষয় ছিল। এ সকলের অন্তর্ভুক্ত বিষয়ে এ দেশে স্বপ্নও ছিল না। আমার খুড়া মহাশয় ঢাকতে স্কুলে পড়িতেন। তিনি পিরাণ গায় দিয়া গ্রামে প্রথম উপনীত হইলে অনেক বৃদ্ধ অভিভাবক তাঁহাকে ঠাট্টা করিয়াছেন, ইহা স্বকর্ণে শুনিয়াছি। পুরুষেরা এক রকম মিরজাই এবং সেকলে আঙ্গারখা ব্যবহার করিতেন। যাহোক মেয়েদের

গহনা পরার সখ খুব ছিল। সে গহনা এখনকারকালে দেখিলে সভ্য কামিণীগণ অবশ্য খুবই ঠাট্টা করিবেন। কিন্তু তখন সে সকল মোটা মোটা তোড়ল, খাড়ু, কোরবাজু, চন্দ্রহার, বেকী, বাউ এবং অতি মোটা শাঁখা অনেক গরীবেরই অঙ্গের ভূষণ ছিল। ঢাকাই সূক্ষ্ম শাড়ির এত চলন ছিল না। চুণারের এক রকম শাড়ি সর্বসাধারণে ব্যবহার ছিল। ধনীর ঘরের মেয়েরা বারানসী শাড়ি, রাশমগুলা শাড়ি পরিয়া ধনগৌরব দেখাইতেন।

এখন সেকাল কালের অতল তলে ডুবিয়া গিয়াছে। নূতন শিক্ষা নূতন সভ্যতা দেশের কোণে কোণে ঢুকিয়া পড়িয়াছে। গ্রামে গ্রামে পাড়ায় পাড়ায় বালিকা বিদ্যালয়। নগরে নগরে উচ্চ-শিক্ষা দান জন্ত মহিলাদিগের ইংরেজী বিদ্যালয়। শুনিতে পাই মস্তুর ঢাকা নগরে বালিকাদিগের জন্ম কালেও সংস্থাপিত হইবে। গ্রামে ঘুরিলে সামিজপরা, কামিজপরা, বডি জ্যাকেট গায়ে দেওয়া অনেক মেয়ে দেখা যায়। সেসব মোটা কাপড়, মোটা অলঙ্কার লজ্জায় কোথায় যে মুখ লুকাইয়াছে তাহার সন্ধান পাওয়া ভার। উদ্ভ্রমহিলাগণ এখন সহরের ধূলমাথা বায়ুর খুবই পক্ষপাতিনী। পারতপক্ষে ভদ্রলোক যেমন গ্রামে বাস করেন না, ভদ্র মহিলাও তেমন গ্রামে থাকিতে রাজী নহেন। তবু এ অঞ্চলে অনেক ভদ্রলোকই গ্রামে আছেন। কিন্তু তাঁহাদেরও পূর্ব-ভাবের বহু পরিমাণে তিরোভাব হইয়াছে। লেখা পড়ায় স্ত্রীলোকেরও মনের বিকাশ-

সাধন, মনুষ্যত্বলাভ যদিও লক্ষ্য হয় নাই, তবু কক্ষিৎ কক্ষিৎ বিদ্যা শিক্ষা বিবাহ-কার্য্য, প্রিয়জনের সহিত পত্রালাপ এবং গৃহকার্য্যসাধনার্থ অবশ্য করণীয় বোধ হইয়াছে। সেই প্রচলিত হিন্দুধর্ম্মে পূর্ববৎ আস্থা এখন নাই। স্ব স্ব শক্তিতে এবং ধনশক্তিতে এখনকার মহিলাদিগেরও কিয়ৎ-পরিমাণে আস্থা জন্মিয়াছে। দুর্গানামে হরিনামে ও সবিতা দেবতে আশ্রয় পূর্ববৎ ভক্তি দেখা যায় না। আপন আপন প্রিয়জন এবং বালকগণকেও কোন রমণী নিদ্রা হইতে জাগাইয়া হরিনামাদি করিতে প্রায় বশেন না। শীঘ্র উঠ, বেলা হয়, পড়িতে বোস, মাষ্টার আসিয়াছেন ইত্যাদি কথাই স্মরণ করান হয়। নিরাকার ঈশ্বরের ভজন পূজনে এবং তাঁহার উপাসনা প্রার্থনা ও নাম জপে এ অঞ্চলে কোন কোন মহিলার মন যায়। কিন্তু সে কার্য্যে এখনও তেমন সাহস হয় না। যাহারা ধর্ম্মের কোন ধার ধারেন না, তাঁহারাও মেয়েরা ও কর্ম্ম করিলে বড়ই উৎপীড়ন ও জ্বালাতন করেন। সূতাং সে ভয়ে সে কার্য্য করা হয় না। যে ধর্ম্মের খুব জাঁক ছিল তাহা খেলার মত হইয়া পড়িয়াছে। গুরু পুরোহিত ব্রাহ্মণের পদধূলি লইয়া মহিলাবর্গ যে সমস্ত ধর্ম্ম শ্রদ্ধা রক্ষা করিতেন তাও পাশ্চাত্য-জ্ঞানের সামান্য বাতাসে উড়িয়া গিয়াছে। সূতরাং ধর্ম্মটি চোড়া সাপের মত হইয়াছে। তাহার প্রতি ভয়ও নাই, ভক্তির ব্যবহারও নাই।

সামান্য শিক্ষিতা নারীগণের অবলম্বন

বঙ্কিমচন্দ্র, রবীন্দ্রনাথ প্রভৃতির উপন্যাস, নবন্যাস, প্রহসন ও নাটক। ব্রত উপবাস পালি পর্ক অনেক খর্ব হইয়াছে। শীঘ্রই অবশিষ্ট: টুকু শেষ হইবে। নবীনাগণের একটুকুমাত্র অর্থসংস্থান হইলেই, চাকর ব্রাহ্মণ ঘরকন্না তাঁহাদের হাত হইতে কাড়িয়া নিচ্ছে। পূজা অর্চনা জপাদি সভ্যতা বায়ুতে উড়াহয় নিয়াছে। প্রাচীন ধর্ম্মে আস্থার যেমন হ্রাস হইয়াছে, পরলোকে আস্থাও তৎসহ কমিয়া যাই-  
ছে। স্ততরাং কঠোর ব্রতোপবাসে পুণ্য সঞ্চয় ধর্ম্মসঞ্চয়ে যত্ন কেন হইবে? প্রাচীনাগণ অনেকে তীর্থদর্শন সাধুদর্শনে সবিশেষ ক্রেশস্বীকার করিতেন। নবীনারা বায়ু পরিবর্তন ও স্থান পরিবর্তনে অনেকেই যত্নশীল। তাহার লক্ষ্য শরীরের স্বাস্থ্যও শক্তিমাত। তীর্থপর্যটনের লক্ষ্য ছিল পুণ্যলাভ।

নবযুগে কুসংস্কার দূর হইতেছে, সুশিক্ষা ও সুসংস্কার মহিলাদিগের অন্তঃ-  
পুরেও প্রবেশ করিতেছে। প্রাচীনা-  
দিগের আঙ্কিনীঠা, পুণ্য লালসা, ধর্ম্মভয়, পারত্রিক সৌভাগ্যলাভে দৃঢ়তা নবীনা-  
দিগের অন্তঃপুর ও অন্তর হইতে যাহাতে  
দূর না হয় ইহাই সর্ব্বথা প্রার্থনীয়।

হাঁচি পড়িলে, টিকটিকি শব্দ করিলে,  
ধোপা মহাশয়ের মুখ কোন কার্য্যারম্ভে বা  
যাত্রাকালে নয়নপথে পড়িলে বিষম সমস্যা  
উপস্থিত হইত। এ সকল অতি অশুভ  
লক্ষণ এবং বাধা বলিয়া দৃঢ় প্রতীতি ছিল।  
অপরপক্ষে কোন কার্য্যারম্ভে বা যাত্রা-  
কালে গো দোহন দর্শন ব্রাহ্মণদর্শ-

নাদি শুভসূচক বোপ ছিল। অদ্যাবধি  
এ সকল সংস্কার একেবারে দূর হয় নাই।  
যে সকল যুবতীগণ পশ্চাত্যজ্ঞানে দরজার  
দাঁড়াইয়াছেন, তাঁহারা ঐ সকল সংস্কারের  
প্রভাব এড়াইতে পারিয়াছেন। নবীনাগণ  
আপনারাই বুদ্ধিতে পারেন ও সকল  
সংস্কার তাঁহাদের আছে কিম্বা নাই।

প্রাচীনাগণ লক্ষণ শ্রমপটু, গৃহকার্য্যে  
দক্ষ এবং পাককার্য্যেও পটু ছিলেন।  
হিন্দুধর্ম্ম অতিথিকে দেবতুল্যা বলিয়াছেন।  
প্রাচীনাগণ যত্ন ও শ্রদ্ধাসহকারে অভাগত-  
ব্যক্তি এবং অতিথিদিগের সেবা করিতেন।

নবীনা শিক্ষিতা মহিলারা শারীরিক  
শ্রমবিমুখ, পাক কার্য্যে অলস এবং অতি-  
থির প্রতি শ্রদ্ধাবিহীন হইয়া উঠিতেছেন।  
আমরা বাল্যকালে হিন্দুর গৃহে বিবাহাদি  
ব্যাপারে ও পুরনারীদিগকে বহু কের  
পাককার্য্য পরিবেশনে চারি পাঁচদিন  
ব্যাপিয়া সমুৎসাহে রত থাকিতে দেখি-  
য়া ছ। এখন পাঁচিশ ত্রিশজন লোককে  
আহার করাইতে হইলেও একটি পাঁচকের  
সন্ধান দেখিতে হয়। প্রাচীনাগণের  
শ্রমশীল দেহ যেমন বলিষ্ঠ ও নিরোগ  
লক্ষিত হইত নবীনাগণের বিশ্রাম স্নগলো-  
লুপ দেহ তেমন ছুঁর্দল ও রোগ নিকেতন  
বলিয়া বোধ হয়।

প্রাচীনাগণকে উপবাস ব্রতে উৎসা-  
হিত দেখা যাইত; নবীনা উপবাসের নামে  
শশঙ্কিত। অনেক নবীনা রমণী গৃহে  
শোক হউক ছুঁথ হউক বা রোগ যন্ত্রণা  
উপস্থিত থাকুক, সর্ব্বপ্রযত্নে প্রাতঃকালে  
এক পেয়লা গরম চায়ের যোগাড় করি-

বেনই করি-েন। চা পান নবীন সভ্যতার  
মানদণ্ড। সভ্যতার সঙ্গে ইহাকে গৃহে  
বরণ করিয়া হইতেই হইবে। প্রাচীনাগণ  
এ প্রকার দৃঢ়সংস্কার বিবর্জিতা, এ কথাতে  
অগ্রমাত্রও সংশয় নাই।

প্রাচীনাগণের অনেকের চিন্তাশক্তি  
এবং হিতাহিত বোধশক্তি বলবতী ছিল,  
কিন্তু অনেকে মিথ্যার প্রতি ততটা বীত-  
রাগিনী ছিলেন না। নবীনাগণ নব্য-  
শিক্ষার সহিত সত্যের প্রতি অনুরাগ এবং  
সকল বিষয়ে চিন্তাশক্তির উৎকর্ষ অবশ্যই  
লাভ করিতেছেন। কথাতে ব্যবহারে  
ভাবে ও চিন্তায় নবীনাগণের সত্যের প্রতি  
নিষ্ঠাযুক্ত হওয়া একান্ত প্রার্থনীয়। বাস্ত-  
বিক তাগ হইতেছে কি না নবীনা  
শিক্ষিতা মহিলা নিজেই তাহা চিন্তা  
করিয়া দেখিবেন।

আমরা নবীনাগণের চিন্তা আকর্ষণ  
জন্ত প্রাচীনা এবং নবীনা স্বদেশবাসিনী  
নারীসমাজের অবস্থার বিষয় কথঞ্চৎ বর্ণনা  
করিলাম। প্রাচীনারা এখনও নিঃশেষ যত  
হয়েন নাই। প্রাচীন রীতি নীতি অদ্যাপি  
অস্বদেশে বিবাজ করিতেছে। নবীনারা  
এখনও সমস্ত দেশ অধিকার করেন নাই।  
এই সন্ধিকালে প্রাচীনাগণের মধ্যে যাহা  
কল্যাণজনক ছিল তাহা যত্নের সহিত  
রক্ষার উপায় করা উচিত। নবাগত  
আচার ব্যবহারে যাহা অশুভজনক বিবে-  
চিত হয় তাহা যাহাতে সমাজমধ্যে প্রবে-  
শের পথ না পায় সকলের দ্বারা তাহা পরি-  
বর্জিত হয়, তচ্চেষ্টি নবীনা শিক্ষিতা চিন্তা-  
শীলা মহিলাগণের অশ্রু কর্তব্য।

জনৈক পূর্ব্ববঙ্গবাসী।

### ভূতের ভয় ।

ভারতবর্ষে ভূতের ভয় সর্ব্বত্র প্রসিদ্ধ।  
প্রত্যেক প্রদেশে, সমগ্রমিতে কি পর্ব্বত-  
শিখরে, সভ্যসভ্য নির্ব্বিশেষে সকল জাতীয়  
স্ত্রীলোকের নিকট “ভূত” নাম বিদিত  
আছে। সর্ব্বত্র প্রাচীনা স্ত্রীলোক, ভূতের  
গল্প যথেষ্ট জানেন। বালক বালিকাগণ  
পিতামহী মাতামহী প্রভৃতির নিকট  
ভূতের নানারূপ অদ্ভুত কাহিনী শুনিতে  
শুনিতে ভয়ে আড়ষ্ট হয়। প্রত্যেক  
গ্রামে বড় বড় গাছ, পুরাতন পরিভ্রম  
বাড়ী, রাস্তার তেমাথা চোমাথা এবং  
পচা জল জঙ্গলাকীর্ণ পুকুর বা জলাভূমি  
ভূতের আবাস। এ তরু বোধ হয় গ্রাম-  
গুলিতে আবার বৃদ্ধ বণিতা সকলেই  
রাখেন। আমরা বালককালে যখন  
গ্রামে থাকিতাম তখন অনেক স্ত্রীলোককে  
ভূতগ্রস্ত হইতে দেখিয়াছি। অনেক  
পুরুষকেও অন্ধকার রাত্রিতে একাকী গ্রাম-  
পথে চলিবার সময় ভূতে নানারূপ উৎপাত  
করিয়াছে একপ শুনিয়াছি। কত আগ্রহে  
কত ভয়ে ভয়ে যে সে সকল গল্প শুনিয়াছি  
তাহা মনে এখনও জাগ্রত আছে। কোন  
কোন ভূতগ্রস্ত স্ত্রীলোকের ভূত ছাড়াইতে  
ওরূপ কত যে কাণ্ড কারখানা হইয়াছে  
তাহা মনে হইলে অদ্যাপি হাসি পায়।  
যে বাড়ীর কোন স্ত্রীলোককে দৈবাৎ ভূতে  
পাইত সে বাড়ীতে কয়দিন গ্রামশুদ্ধ লোক  
আসিয়া সে রমণীর বিচিত্র হাসি কান্না,  
অপূর্ব্ব কথাবার্তা ও ব্যবহারের তামাসা  
দেখিত ও শুনিত। এখন সেরূপ প্রায়

শুনা যায় না। অথবা সকল গ্রামের বিষয় আমরা জানি না। আমাদের গ্রাম্য পাঠিকাগণ এখনও ভূতে ধরার তামাসা দেখেন কি না তাঁহারা জানেন। ইংরেজদিগের শাসনে দেশের দস্যু তস্করাদির প্রাজুর্ভাব যেমন বহু পরিমাণে দূর হইয়াছে, পশ্চিমদেশীয় জ্ঞান বিজ্ঞানের পরাক্রমেও তেমন ভূতের ভয় এ দেশে কমিয়া গিয়াছে। গ্রামে গ্রামে বালক ও বালিকাগণের বিদ্যালয় প্রতিষ্ঠিত। সে সকল পাঠশালায় আরতবে বালক বালিকাগণ জ্ঞান শিক্ষা করিয়া অজ্ঞানতা ও মিথ্যাভয় কুসংস্কারের প্রভাবমুক্ত হইতেছে। এ সকল ভাবিলে আহলাদ হয়। যে রাজশাসনে এবং ঐহাদের বিধানে দেশে এরূপ জ্ঞানের প্রসার বৃদ্ধি হইতেছে তাঁহাদের প্রতি আনন্দের সহিত কত কৃতজ্ঞতা অন্তরে উপস্থিত হয়।

ভূতের কথা কি একেবারেই মিথ্যা? ভূতের ভয়ের কি সত্যতঃ কোন মূল নাই? ভূত বলিতে পূর্বে প্রেতাঙ্গা বুঝা হইত। প্রেতাঙ্গাগুলি মানুষের প্রতি নানারূপ অত্যাচার করে এই অস্বাভাবিক আবার বৃদ্ধ সকল লোকের মনে বদ্ধমূল ছিল। প্রেতাঙ্গার উৎপাত মিথ্যা এ কথা এখন অনেকে বিলক্ষণ বুঝিয়াছেন। কিন্তু তাই বলিয়া ভূতকে ভয় না করিয়া পারা যায় না। যথার্থ ভূত কি? জল, বায়ু, অগ্নি, মাটি এবং আকাশাদি প্রকৃত ভূত। জলপ্রাবন ও বজ্র হইয়া, ঝড় তুফান তুর্গু উঠিয়া বজ্রপাত হইয়া আগ্নেয়গিরির অগ্ন্যুৎপাতে গৃহে অগ্নিসংযোগে সর্বনাশ স্থানে

স্থানে প্রতিবর্ষে হইয়া থাকে। সূত্রাং প্রকৃত ভূতের বিবিধ অত্যাচারে যেমন জনপদ সকল পীড়িত, তেমন অস্বাভাবিক পরিমাণে লোকগণ ভূত-ভয়-গ্রস্ত। হিন্দুর শাস্ত্রে লিখিত আছে “ঐতরবো ভূতনাথশ্চ” অর্থাৎ মহাদেব ভূত সকলের অধিপতি। সূত্রাং ঐ সকল ভূতের ভয়ে মহাদেবের শরণ লওয়া ভিন্ন উপায়ান্তর নাই।

সকল দেবতার অধিপতি পরমেশ্বর ভূতনাথ। তিনি এ সমস্ত ভূত লইয়া অহোরাত্র ভবলীলা প্রকাশ করেন। মনুষ্য ঈশ্বরের সন্তান। ঈশ্বর তাঁহার জ্ঞান শক্তি মনুষ্যকে প্রচুর পরিমাণে দিয়াছেন। কাজেই মনুষ্য ক্রমে ভূতগণের শক্তি সামর্থ্য বিজ্ঞান-বলে অবগত হইয়া আপনার কার্য্য সৌকার্য্যার্থে ভূতগণকে ইচ্ছানুসারে ব্যবহার করিতেছে। ভূতগণ অধুনাতনকালে মানবের ভূত্য হইয়াছে।

আমরা বাল্যকালে গল্প শুনিয়াছি যে, কোন গৃহস্থের গৃহে একটা ভূত ভূত্য স্বাকার করিয়াছিল। ভূতগণ নিরলস। বিনাকর্ম্মে কখন কালাযাপন করে না। ভূত গৃহস্থকে অস্বীকারাবদ্ধ করাইয়াছিল যে সতত তাহাকে কাজ দিতে হইবে। যে দিন কাজ না পাইবে সেদিনই সে চলিয়া যাইবে। গৃহস্থ ভূত ভূত্য রাখিয়া বড় মুক্ছিল বোধ করিতে লাগিল। এক দিন আর কাজ দেখিতে না পাইয়া গৃহিণী আপনার ছেলেকে ধুইয়া পরিষ্কার করিবার হুকুম দিলেন। ভূত, পুকুরে ছেলে নিয়া ঘাটে আছাড় দিয়া দিয়া ছেলের নাড়ী বাহির করিল, এবং নাড়ীর ভিতর-

কার ময়লাগুলিও পরিষ্কার করিল। বেশ মার্প করিয়া চালের উপরে ছেলেকে রৌদ্রে শুকাইতে দিল। আবার গৃহিণীর নিকট কাজ চাহিল। গৃহিণী জিজ্ঞাসিলেন ছেলে কোথায়? ভূত বলিল ঐ যে ছেলেকে ধুইয়া রৌদ্রে রাখিয়াছি। গৃহিণীরত ছেলে দেখিয়া প্রাণ উড়িয়া গেল। ভূত ছেলেকে আছড়াইয়া একেবারে মারিয়া ফেলিয়াছে। গৃহে হাহাকার আর্ন্তনাদ উঠিল। ভূতকে আর কাজ কে দেয়? ভূত কাজ না পাইয়া অমনি সে গৃহ ছাড়িয়া গেল। গৃহস্থের ছেলে মরিল, ভূত-ভূত্যের হাত ছাড়াইলেন। এত অলীক কথা। সত্য সত্যই এখন বায়ু বারি ও বহু নিত্য নৈমিত্তিক কার্য্যোদ্ধারে দাসাপেক্ষা অধিক অনুগতভাবে সংসারে আমাদের কার্য্যসাধন করিতেছে।

বাস্পীয় শকট চালান, তাড়িত বার্তা-বহন, তৈল এবং বস্তাদি প্রস্তুতি, ভূতগণ নিত্য নির্য্যাহ করিতেছে। লোকের আহারীয় বস্ত রন্ধন এবং আলোকদান, ভূতেরই কর্ম্ম। বিজ্ঞানশাস্ত্র, ভূততত্ত্ব বিস্তার ও প্রচার করিতেছে। ভারতের গৃহিণী এবং কণ্যাগণ ভূততত্ত্ব অবগত হউন, মিথ্যা ভূতভয় দূর হইবে, ভূতের শক্তি এবং তাহার ব্যবহার জানিতে সক্ষম হইবেন। ভূতভাবন ভগবানের কি অপার মহিমা ও পরাক্রম, মানবসন্তানের প্রতি ভূতবিষয়ক জ্ঞান বিধানে ঈশ্বরের কত স্নেহ করুণা প্রকাশ পাইয়াছে তাহাও অনায়াসে তাঁহারা অনুভব করিবেন। যথার্থ ভূত-তত্ত্ব-জ্ঞানে ভারতমহিলাগণের মনে ভগ-

বানের প্রতি শুদ্ধ ভক্তিরস উচ্ছৃষিত হইবে।

ঢাকাতে ব্রাহ্মমহিলাবর্গের একটি সমিতি আছে। সেই সমিতির মহিলা-নৃত্যদিগকে অত্র কলেজের বিজ্ঞানাধ্যাপক শ্রীযুক্ত বি, এন, দাস মহোদয় বিগত ১৫ই ফাল্গুন শনিবার অপরাহ্নকালে কলেজের বিজ্ঞানশিক্ষার পরে যন্ত্র সাহায্যে “বায়ুগোল” বিষয়ে বিবিধ তত্ত্ব শিক্ষা দিয়াছেন। বায়ুর চাপ, বায়ুর অগ্নি প্রজ্বলনে সহায়তা, বায়ুর মৌলিক উপাদান কি কি, তাহা সুন্দররূপে দাস মহাশয় মহিলাগণকে দেখাইয়া বুঝাইয়া দিয়াছেন। মহিলাগণ ভূতশ্রেষ্ঠ পবনরাজের সম্বন্ধে এরূপ উপদেশ শ্রবণে বিশেষ উপকৃত হইয়াছেন।

### আত্মমর্যাদা ।

আপনার সম্মান রক্ষার্থে প্রত্যেকে স্বয়ং যত্নশীল থাকিবে। এ বিষয়ে পুরুষ নারী উভয়েই সমান। মহিলাদিগের মান সম্মান পরিবার ও সমাজের গৌরবজনক। কোন পরিবারে বা সমাজে সম্মান রক্ষা করিতে বা পূজাদাভে যদি রমণী অসমর্থী হইয়েন, সে পরিবার ও সমাজের অকল্যাণ ঘটে। গৃহ পরিবারের মঙ্গলার্থিনী ললনাকুল মানবকুলের অমঙ্গল নিরাকরণার্থ সতত আত্মমর্যাদার প্রতি দৃষ্টি রাখিবেন। পবিত্রতা মর্যাদার হেতুভূত। এ জন্ত হৃদয়ে, মনে, বাক্যে ও আচরণে কাহারও পুণ্য লঙ্ঘন করা কর্তব্য নহে। বিশেষতঃ

অবলা নারীকুলের পুণ্যই যেমন ভূষণ তেমন বল। শারীরিক এবং মানসিক বলে পুরুষজাতি প্রাধান্য প্রতিষ্ঠা করিয়াছে, কিন্তু পুণ্যবলে অবলা নারী সর্বশ্রেষ্ঠ। আমরা দেখিতে পাই হিন্দুসমাজে দেবী ভগবতীর পদতলে মহাপরাক্রান্ত অসুর ও সিংহ বিলুপ্ত হইতেছে। বাস্তবিকই নারীর পুণ্যশক্তির চরণে পাশব এবং মানবশক্তি চিরাবনতী নারীজাতির অন্তঃকরণে এ চিত্র নিরন্তর অঙ্কিত রাখা আবশ্যিক।

পুণ্য অপরাজিতা শক্তি। প্রেম সর্ব-সংরক্ষণী শক্তি। নারীজীবনে মণি কাঞ্চন তুল্য প্রেম-পুণ্য-শক্তি সন্মিলিত। আত্ম-দানে মহিলাসমাজ জনসমাজকে পরিবেক্ষণ এবং পরিপোষণ করিতেছেন। গৃহিণী এবং জননী ভিন্ন কোন্ গৃহ এবং গৃহস্থ জীবন রক্ষায় সুক্ষম? সুতরাং নারীর অধিকার এবং আধিপত্য অসাধারণ। সুশিক্ষিতা নারীগণ এ বিষয়ে গভীর চিন্তা করিলে সকলেরই কুশল হইবে। হিন্দুশাস্ত্র নির্জনে আপনার হিত চিন্তার জন্ত অল্প-শাসন করে। নারীদিগের স্ব স্ব হিত চিন্তার সহিত জগতের হিতও জড়িত আছে। অতএব রমণীগণ যেমন দশ হস্ত হইয়া সংসারের দশদিক রক্ষাকার্য্যে অব-হিত হইবেন, নির্জনে নানাবিষয়িনী হিত-চিন্তাকার্য্যেও যেন তেমনই মনোযোগী হইয়েন। চিন্তার পবিত্রতা, ভাবের পবি-ত্রতা অন্তরে বদ্ধমূল হইলে, কার্য্যে ও আচরণে তাহা অবশ্য প্রকাশ পাইবে।

প্রেমই রসস্বরূপ। যিনি প্রেমিকা

তিনি রসিকা। কিন্তু রসিকতা ও প্রেম-লীলা যদি নারীদিগের চিত্তের লঘুতাসাধন করে তাহা অতি দুঃখজনক। প্রেম আছে বলিয়া রমণীগণ অসামান্য ধৈর্য্য-সহকারে আশ্রিতদিগের বিবিধপ্রকার সেবা করেন, সকলকে আমোদ আহ্লাদ বিতরণ করিতে পারেন; এবং দুঃখ ক্লেশ নীরবে আপনি বহন করেন। প্রেমের সহিত পুণ্য রক্ষা করিয়া বাহাতে কেহ মর্য্যাদা লঙ্ঘন করিতে না পারে, প্রত্যেকে আপনার প্রাপ্য মর্য্যাদা প্রাপ্ত হয়, নারী-গণের সদা সাবধানে তাহাই করা বিহিত। যে নারী অপরের ছায়া মর্য্যাদা রক্ষা না করে, অপরের পুণ্যের প্রতি শ্রদ্ধাযুক্ত না থাকে, সে নারী আত্মমর্য্যাদা বা আপ-নার জীবনের প্রতিও শ্রদ্ধা রক্ষা করিতে অসমর্থ হইয়া থাকেন। মনুষ্যজীবন পরস্পরের সহিত ওতপ্রোত ভাবে অনুস্থিত। এ জন্ত ঈশ্বর তনয় ঈশা উপদেশ করিয়াছেন “অপর হইতে তুমি যে প্রকার ব্যবহার প্রত্যাশা কর, অপরের প্রতি তুমি সেরূপ ব্যবহার কর।” এ অতি গভীর তত্ত্ব। অত্ন লোক আমাদেরই ছায়ার ছায় বলিলে অত্যুক্তি হয় না। তুমি তোমার ছায়ার প্রতি যাদৃশ আচরণ কর, ছায়াও তোমার প্রতি তাদৃশ আচরণ করে। অত্নের পবিত্রতা চরিত্রগুণের এবং মনুষ্যত্বের সংবর্দ্ধনা করাও রমণীর অবশ্য কর্তব্য। পরছিদ্রাণ্বেষণ ও পর-দোষোদ্ঘাটন কার্য্য আত্মাবমাননার মধ্যে পরিগণিত। যে নারী অপরের দোষ খোঁজে ও বলে, সে অতি লঘুহৃদয় হইয়া

পড়ে। তাহার পুণ্য রক্ষা পায় না, এবং তাহার প্রেম ও কৃতছিদ্র পাত্রসদৃশ হয়। যে নারী আত্মমর্য্যাদা সংরক্ষণে যত্নবতী সে নারী উল্লিখিত ছুইটি দোষ অবশ্য ত্যাগ করিবেন।

সকল আত্মাতে পরমাত্মা বিরাজিত। সকল আত্মাতে থাকার জন্ত পরমাত্মার অত্ন নাম সর্বাত্মা। সর্বাত্মা পরমাত্মার প্রতি মর্য্যাদা রক্ষা করিতে শিক্ষা করাও গুরুতর শিক্ষা। বর্তমান শিক্ষাপ্রণালীতে যতদিন এ শিক্ষাটি প্রবর্তিত না হইতেছে, ততদিন শিক্ষার উদ্দেশ্য বা পূর্ণতা সম্পা-দিও হইতেছে না। এ দেশে বর্তমান শিক্ষাকার্য্যদ্বারা জ্ঞান বিজ্ঞানের আলো প্রসারিত হইতেছে; কিন্তু তদ্বারা মোহাক্র-কার হইতে রক্ষা পাওয়া দুঃসাধ্য। বাহাতে মানুষ্যের প্রধান রিপু অহঙ্কার বিনাশ পায় তাহা পরমাত্মার প্রতি আস্থা এবং উপযুক্ত সম্মাননা শিক্ষাদ্বারা সিদ্ধ হয়। নরগণ দেবতার প্রতি ভক্তিবিহীন শিক্ষা পাইয়া দুঃখী হইতেছে। নারীগণ যেন দেবত্রে শ্রদ্ধা প্রাতিষ্ঠাপূর্ব্বক দেবী হইবার যোগ্য হইতে পারেন। যে সকল নারী পরমদেবেতে মর্য্যাদাস্থাপন করেন তাঁহারা বাস্তবিক আত্মমর্য্যাদা অবগত হন।

মনুষ্যের স্বাধীনতা এবং মর্য্যাদা একই পদার্থ বলা যায়। আপনার স্বাধীনতা যিনি সুন্দররূপে রক্ষা করিতে শিখেন তিনি আত্মসম্মানও রক্ষা করিতে শিখেন। একটু চিন্তা করিলে আমরা দেখিতে পাই যে আমরা জীবন রক্ষার জন্ত পদে পদে পরমুখাপেক্ষী হইতে বাধ্য। পরমুখ পানে

এতটা তাকাইয়া আত্মস্বাধীনতা এবং সম্মানরক্ষা ছরুহবোধ হয়।

ঈশ্বরের রাজ্যে পরস্পর বিসদৃশ অনেক ব্যাপার সুন্দর শৃঙ্খলাবদ্ধ রহিয়াছে। উপরিউক্ত পরমুখাপেক্ষিতা এবং স্বাধীনতা ও সেইরূপ সুশৃঙ্খলাবদ্ধ। মুখাপেক্ষাতে স্বাধীনতা নষ্ট হয় না। যাহারা নিঃস্বার্থ-তার সহিত সেবাধর্ম্ম প্রাণপণ প্রতিপালন করেন, সর্বাত্মা পরমেশ্বর তাঁহাদের প্রয়ো-জনীয় বিষয় সুকৌশলে যোজনা করিয়া থাকেন। যাহাদের পরমাত্মাতে আস্থা সম্ভব থাকে, তাঁহারা ইহাই পরিষ্কার প্রত্যক্ষ করেন। এ জন্ত তাঁহাদিগকে পরমুখাপেক্ষী হইলেও নীচ হইতে হয় না। তাঁহারা স্বীয় স্বাধীনতা ও মর্য্যাদা রক্ষা করিয়া জগতের সেবা এবং অত্নের প্রতি সম্ভ্রম রক্ষাকার্য্যে কৃতার্থ হইয়া থাকেন। এ প্রকার শ্রদ্ধাস্পদা মহিলাদিগের চরিত্র কাননে আত্মমর্য্যাদারূপ মনোহর কুসুম ফুটিয়া উঠে।

মহিলার রচনা।

মনুষ্য-জীবনের শ্রেষ্ঠত্ব।

(নীতিবিদ্যালয়ে পঠিত।)

বিশ্বপতি পরমেশ্বর জগতে মনুষ্য, পশু, পক্ষী, পতঙ্গ, কীট, নদনদী, বৃক্ষলতাদি সৃজন করিয়াছেন এবং পৃথিবীকে একটা চিত্রের ছায় সুশোভিত করিয়া রাখিয়া-ছেন। জগৎপতি জগদীশ্বর মনুষ্যকে প্রাণীজগতের মধ্যে সর্বশ্রেষ্ঠ করিয়া সৃষ্টি করিয়াছেন। মনুষ্য যে কেবল মুখাদ্য

আহার এবং সুন্দর ভূষণ পরিধান করে বলিয়া প্রাণীদিগের মধ্যে শ্রেষ্ঠ তাহা নহে ; তিনি মনুষ্যের মধ্যে এমন শক্তি সকল দান করিয়াছেন যে তাহারা সেই সকল শক্তির পরিচালনা করিতে পারে বলিয়া অশ্রান্ত প্রাণীদিগের মধ্যে শ্রেষ্ঠ। মনুষ্য জীবনকে তিনি জ্ঞান, ধর্ম, সেবা, বিনয়, ভক্তি, প্রেম দ্বারা সুসজ্জিত করিয়া সর্বাপেক্ষা উন্নত করিয়াছেন। ভূমণ্ডলে মনুষ্য তাহাদ্বারা জ্ঞানানুশীলন এবং ধর্মোন্নয়ন করিয়া জীবনকে ধন্য করিতে সক্ষম হয়।

তিনি মনুষ্যের নিকট উচ্চ আদর্শ-স্বরূপ বিরাজমান রহিয়াছেন। ঈশ্বরের অস্তিত্ব স্বীকার করা ও তাঁহার উপাসনা করিলে মনুষ্যত্বলাভ করা যায়। ইন্দ্রিয় সংযম মনুষ্যত্বলাভের প্রধান সোপান স্বরূপ। মনুষ্যের আত্মা আছে তাহা দ্বারা সুখ দুঃখ অনুভব এবং পরোপকার, পরদুঃখ নোচন প্রভৃতি সংকার্য্য সকল করিতে সক্ষম হয়, এবং আত্মাদ্বারা পরম-পিতা পরমেশ্বরের তত্ত্ব সকল অবগত হয়, এই সকল কারণে মনুষ্যকে সকল প্রাণীর মধ্যে শ্রেষ্ঠ বলা যায়। বিশ্বপতি ভগবানের অঙ্গীকরণায় আমরা এই শ্রেষ্ঠ মানবজন্ম লাভ করিয়া কত সৌভাগ্যবান হইয়াছি তাহা বলা যায় না। মনুষ্যজীবনে ভগবানের অনন্তলীলা ও মহিমা প্রকাশিত হইয়া রহিয়াছে তাঁহার এই অনন্ত করুণার জন্ত তাঁহারি চরণে অবনত মস্তকে ভক্তির সহিত প্রণাম করি।

স্বনীতি কলেজ

কুচবিহার।

৫।২।০৯

বিধাননন্দিনী মজুমদার,

### সংবাদ ।

নিজাম হাইদারাবাদে শ্রীমতী সরো-জিনী নাইডু “ন্যভারতের ভাব” বিষয়ে একটা বক্তৃতা তথাকার ইনিস্টিটিউটে প্রদান করিয়াছেন। তাহাতে ভারতময় একটা নবজাতীয় জাগরণ হইয়াছে। উপযুক্ত নেতৃত্বে অধীনে চলিলে ভারি সুফল নতুবা নেতৃত্ব দোষে ভয়ঙ্কর অরাজকতার ভয়ানক অনিষ্ট হইবে।

গত ১রা মার্চ ১০নং হাজার ফোর্ড স্ট্রীটে মুসলমান রমণীগণ পর্দার ভিতরে লেডি মিটোকে আদর অভ্যর্থনা করিয়া-ছিলেন। হিন্দু মহিলাদের মধ্যে কোচ-বিহারের মহারানী, ময়ূরভঞ্জের মহারানী, নটোরের মহারানী উপস্থিত ছিলেন। বহু সম্ভ্রান্ত মুসলমান এবং ইউরোপীয় মহিলাগণও উপস্থিত ছিলেন। এইরূপ ভিন্ন ভিন্ন সম্প্রদায়ের মহিলাদের সম্মিলন অতি শুভলক্ষণ। আমরা মাননীয় মিসেস্ কে, এ, জাহিদ সুহাদিকে এই জন্ত বিশেষ ধন্যবাদ প্রদান করি। এতদুপলক্ষে লেডি মিটোকে এক অভিনন্দন প্রদত্ত হয় ; এবং রাজপ্রতিনিধিপত্নীর প্রত্যুত্তর অতি হৃদয়গ্রাহী হইয়াছিল। তিনি এ দেশীয় নারীবৃন্দের এরূপ সম্মিলন বড় মঙ্গলকর অনুষ্ঠান বলিয়া সন্তোষপ্রকাশ করিয়াছেন।

### ভ্রম সংসোধন ।

পূর্ণিমা হইতে আচার্য্য মাতার জীবনী-যিনি মহিলাতে লিখিয়া পাঠাইতেছেন

তিনি এরূপ লিখিয়াছেন। “মহিলার একটি ভুল শোধরাইয়া দিবেন।”

“মহিলার ১৭৩ পৃষ্ঠায় প্রথম কলামে ২৩ লাইনে বাহির হইয়াছে—আমি ওদের জন্ত রোজ ৫০।৬০ টাকা উপরি আনি-তেছি, সেই স্থানে ৫০।৫০ টাকার উপর রোজকার করিতেছি হইবে। তাঁহার মাহিনা দেড় হাজার দুই হাজার ছিল।”

১৭২ পৃষ্ঠায় ১ম কলামে ১৯ লাইনে ‘ছড়ি’ না হইয়া ‘ছুরি’ দিয়া হইবে।

প্রেরিত ।

### জীবের বন্ধু অনন্ত

### জীব-জীবন ।

মহিলাগণ,

তোমরা আমার শ্রদ্ধা এবং স্তুতি অনুগ্রহ পূর্ক গ্রহণ কর। তোমাদের কোন দেহ তত্ত্ববিৎ পণ্ডিত বলিয়াছেন যে “জীবের শত্রু জীবাণু”। সেই সকল জীবাণু এত ক্ষুদ্র যে অনুবীক্ষণ ব্যতীত দৃষ্টিগোচর হয় না। কিন্তু তাহারা শরীরে প্রবেশ পূর্ক নানারূপ ভীষণ ব্যাধি উৎপাদন করে। একবার সেরূপ ব্যাধি শরীরকে আক্রমণ করিলে, দেহ বক্ষা দুঃসাধ্য ব্যাপার হয়। এই সকল জীবাণু চিকিৎসকদের ব্যাধি বিনাশের সর্বপ্রকার যত্ন বিনষ্ট করিয়া রোগীকে পরলোকে পার করিয়া দেয়। চিকিৎসকগণ এই সকল দেহনাশক জীবাণু ভয়ে অতি শঙ্কিত। সুতরাং তোমাদিগকেও সেই জীবাণু

ভীষণ পরাক্রমের তত্ত্ব দিয়াছেন এবং তাহারা যেন আক্রমণ বা শরীরে প্রবেশ করিতে না পারে এজন্ত তোমাদিগকে সাবধান করিয়াছেন। কিন্তু দুঃখের বিষয় যে তোমাদের এ বিষয়ে সাবধান হওয়া একপ্রকার সাধ্যাতীত। চক্ষে তাহাদিগকে দেখিতে পাওয়া যায় না, কর্ণে তাহাদের পদ শব্দ শ্রুতিগোচর হয় না। সতত অণুবীক্ষণ হাতে করিয়া তাহাদের যাতায়াত লক্ষ্য করা ও অসম্ভব। অতএব ঐহিক জীবনের পরম শত্রু জীবাণুর জ্ঞান পাওয়া কিংবা না পাওয়াতে কিবা লাভ কিবা ক্ষতি আমি তাহা ভাল বুঝিলাম না। যাহা হউক আমি একটা তত্ত্ব তোমাদিগকে দেওয়া অতি আবশ্যিক বোধ করিলাম। তোমরা সে তত্ত্ব পাইলে নিশ্চয়ই কিছু লাভ করিবে এরূপ বিশ্বাস করি। বক্তৃতা শক্তি আমার তেমন নাই। এ জন্ত “মহিলার” কলেবরে আমার বক্তব্য বিষয় প্রকাশ করিতে ইচ্ছা করিয়াছি। আশা করি ভিক্টোরিয়া বিদ্যালয়ের ছাত্রীগণ এবং “মহিলার” গ্রাহিকগণ আমার প্রকাশিত তত্ত্ব অন্তরে অনুধাবন ও পরিগ্রহ করিতে যত্ন করিবেন।

জীবাণু অতি ছোট। তাহার মন ছোট, কর্ণও ছোট। তাহার জাতি ছোট, ধর্মও ছোট। আমাদের দেশে অসভ্য বর্বর ও মন্দলোককে “ছোট লোক” বলে। “ছোট লোক” কথাটি একটা গালি। কেহ অপকর্ম করিলে, হয়, অপরাধ করিলে তাহাকে অবজ্ঞার সহিত

“ছোট লোক” বলা হইয়া থাকে। যে জীব ছোট হইয়া জন্মিয়াছে, তাহার ধর্ম-কর্ম লক্ষ্য ও অভিপ্রায় খুব ছোট হইবে ইহা স্বাভাবিক। সহস্র সাবধান হইলেও জনসমাজে ধনী মানিরা যেমন দস্যু তরুরে অপকর্মজনিত অপচয় গ্রস্ত প্রায়শঃই হইয়া থাকেন, তেমন ছোট জীবের ক্ষুদ্রাশয় জাতশত্রুর হাত এড়ান তোমাদের ও ক্ষমতার বহির্ভূত। অতএব তোমরা সে ভয় ত্যাগ কর, সে চিন্তা মনে স্থান দিওনা। ক্ষুদ্রের ক্ষুদ্র কার্য্য করিতে থাকুক।

তোমরা একটি মহাতত্ত্ব শ্রবণ কর। জীবের বন্ধ অনন্ত জীব-জীবন। ইনি সকল জীবনে সতত বিচরণ করিতেছেন। ইনি মহান্। পরন্তু ইনি অণু অপেক্ষা সুক্ষ্ম কিন্তু ইহার আশা মহৎ। তোমাদের সকলে যাহাতে অনন্তজীবন লাভ করিতে পার, মৃত্যুর নিকট বদন যাহাতে কোন কারণে তোমাদের দেখিতে না হয় ইহাই তাঁহার অভিপ্রায়। তাঁহাকে সকলেই দেখিতে পার। সকল স্থানেই তাঁহাকে দেখিতে পাওয়া যায়। সকলের সঙ্গেই সেই অনন্ত জীব-জীবন স্থিতি করেন। জীবাণু যেমন শত্রু সেই অনন্ত জীব-জীবন তেমন বন্ধু। সকলেই তাঁহাকে বন্ধু বলিবার অধিকারী।

জড়, উদ্ভিদ, ক্ষুদ্র বৃহৎ প্রাণী এবং মনুষ্য নিরীক্শেবে সকলের সঙ্গেই সেই বন্ধু মিশিয়া আছেন। অথচ তাঁহার স্বাতন্ত্র্য কেহ নষ্ট করিতে পারে না। কেহ আপনার সঙ্গে তাঁহাকে মিশাইতে সক্ষম নহে।

সকলের রক্তে সর্বপ্রকার রসে তিনি সদা খেলা করিতেছেন।

মৃত্যু এ ভূমণ্ডলে সর্বত্র সঞ্চয়মান রহিয়াছে। মৃত্যুকে দূর করিবার জন্ত তিনি অমৃত নাম ধরিয়া মৃত্যুর সহিত নিয়ত সংগ্রাম করেন। অনন্ত জীব-জীবন সততই জয়যুক্ত হইতেছেন। তাঁহার করধৃত বিজয়পতাকা কাহারও কাড়িয়া লইবার শক্তি নাই। মৃত্যুই সংসারে মরিতেছে। অমৃতস্বরূপ অনন্তজীব-জীবন বন্ধুর থাকা জন্ত তোমাদের কাহার মৃত্যু নাই। স্মরণ্য মৃত্যুকে আর ভয় করিও না। তোমরা যে শুনিয়াছ জীবাণু তোমাদের শত্রু। তাহা সত্য হলেও কোন ভয় নাই। কেন না বন্ধু বড় পরাক্রান্ত। বন্ধু তোমাদের ক্ষুদ্র নহেন, মহান্। মৃত্যুর উপরে অমৃতের চিরদিনই জয়।

তোমাদের নিকট এই তত্ত্ব আদরণীয় ও গ্রহণীয় হইতেছে কি না তাহা আমার জানিবার সাধ্য নাই। কিন্তু পণ্ডিতেরা তোমাদিগকে স্ব স্ব অভিজ্ঞতা জ্ঞাপন করেন। তোমরাও উৎকর্ণ হইয়া তাহা শ্রবণ কর জানিয়া আমার হায় মূর্খের বৎকিঞ্চিৎ অভিজ্ঞতা ও তোমাদের স্বকোমল চিত্তকে উপহার দিবার প্রবৃত্তি বলবতী হইল। সেজন্ত আমি এই চেষ্টা করিলাম। ফলাফলের চিন্তা আমার নহে। সকলের যিনি বন্ধু তাঁহারই হাতে সে ভার।

তোমাদের ক্ষুদ্র জীবের ভাবনা ছাড়; অনন্ত জীবনের ভাবনা মনোমন্দিরে গ্রহণ কর এই মাত্র বিনীত অনুরোধ।

## ভিক্টোরিয়া মহিলাবিদ্যালয় ।


### মানবের দায়িত্ব । \*

ব্রহ্মাণ্ডের জন্ত গৃহত্যাগে কৃতসংকল্প সেই সংসারবিরাগী মহাপুরুষের গৃহত্যাগ কাহিনী আপনারা অনেকেই শুনিয়াছেন। সদ্যজাত মাতৃহীন সন্তান সম্মুখে উপবিষ্ট কর্তব্য বিমূঢ় পুরুষ খড়ের চালের বাতা হইতে একটি টিকটিকির ডিম মেজেতে পড়িয়া বিনাশিত হইতে দেখিতে পাইলেন, আরও দেখিলেন অমনিই নবজাত টিকটিকি শিশু আবরণ হইতে বহির্গত হইবামাত্র নিকটস্থ মশক গলাধঃ করিয়া চকিতে অদৃশ হইয়া পড়িল। সন্ধিহান মানব বিধাতার হাতে অসহায় শিশুর ভবিতব্য রাখিয়া গৃহ হইতে বাহির হইয়া পড়িলেন। তাহার ফিল্ড ভাবিবার অবসর হইল না যে, যে বিধির নিয়মে সদ্যজাত টিকটিকি শিশু পূর্ণাবয়ব ও সমর্থবান্ সেই বিধাতার আদেশেই সদ্যপ্রসূত মানব শিশু সহায়হীন ও নিষ্ক্রীয় মাংসপিণ্ড। জীবরাজ্যে শৈশবের পরিমাণ—জাতির হিতৈয়গা বৃত্তির পরিমাপক। যে শ্রেণীর জীবের শৈশবকাল অর্থাৎ সহায়হীন অবস্থা যত কম, সেই শ্রেণীর জীবের দয়্যাবৃত্তি সেই পরিমাণে অল্প। অল্প কথায় বলিতে গেলে মানবের সুদীর্ঘ শৈশবকাল মানবের সন্তান বৎসলতার জনক। সন্তান পালন, সন্তান শিক্ষা, সেই হেতু মানবের বিধিনিয়োজিত অল্প কর্তব্য ধর্ম বা স্বভাব। আর এই বিধি কেবল মানবজাতিতেই নবন্ধ নহে। এই স্বভাব বা ধর্ম অল্প বিস্তররূপে অন্যান্য প্রাণীতেও দেখিতে পাওয়া যায়। স্তন্যপায়ী জীবগুলিতে ইহার বিশেষ প্রভাব, সেখানেই মাতৃস্নেহের অসীম পরাকাষ্ঠা। কিন্তু পাখীদের মধ্যেও ইহার প্রভাব দেখিতে পাওয়া যায়। যে সব পাখীগুলির ছানা পূর্ণাবয়ব ও সক্ষম হইয়া ডিম হইতে বাহির হয়, তাহাদের মধ্যে মাতৃস্নেহের বড় একটা সন্ধান পাওয়া যায় না। আর যেখানে ডিম হইতে বাহির হইয়া শিশুর চক্ষু ফোটে না, পাখা উদ্গম হয় না, সেখানে সন্তান বৎস তো শিশুর অসহায়তার অনুরূপে বিদ্যমান। জীব রক্ষার জন্ত জীব হৃদয়ে এই বৃত্তির উন্মেষ বৃদ্ধি ও বিস্তৃতি বিধাতার বিধান। শৈশবের দীর্ঘতার সঙ্গে জীবের সহজ জ্ঞান (Instinct) এবং শিক্ষালব্ধ জ্ঞানের (acquired knowledge) আর একটা বিশেষ সম্বন্ধ দেখিতে পাওয়া যায় যে জীবের শৈশবকাল যত দীর্ঘ তাহার ব্যক্তিগত শিক্ষালব্ধ জ্ঞান গ্রহণের শক্তি (educability) সেই পরিমাণে অধিক অতর্কিত যে জীবের শৈশবকাল যত কম তাহার জন্ম জাত স্বভাব লব্ধ (Instinct) জ্ঞানের পরিমাণ তত অধিক। যে জাতীয় জীবের ব্যক্তিগত জ্ঞানার্জনে বেশী ক্ষমতা রহিয়াছে তাহাদের স্বভাবলব্ধ জন্মজাত (Instinct) জ্ঞানের পরিমাণ তত অল্প। তাই যেন মনে হয় মানুষ ব্যক্তিগত উপার্জিত জ্ঞানের মাত্রা বাড়াইতে বাইয়া স্বভাবলব্ধ জন্মজাত জ্ঞানের

পরিসর কমাইয়াছে। এই কথাটাই একটু অণু রকম করিয়া বলিতে পারা যায় যে আমরা স্বকীয় জ্ঞানার্জনের শক্তি পরিসর বাড়াইবার প্রতিক্রম স্বরূপ আমাদের স্বভাবলব্ধ জ্ঞান (Instinct) অনেক হারাইয়াছি। আমার অনেক সময়ে মনে হয় যে ইহুদি ও খ্রীষ্টীয় ধর্ম বিধানে যে জ্ঞানার্জনের জন্ত মানবদেহের বিবরণ দেখিতে পাওয়া যায় তাহা বুঝি এই প্রাকৃতিক নিয়মে একটি রূপক মাত্র (attem) কল্পনা। এই Instinct হারাইয়া আমরা আমাদের জ্ঞান ও শিক্ষার পরিসর বাড়াইয়া বিধি নিয়ম গুলি পুঙ্খানুপুঙ্খরূপে বুঝিতে নিজদিগকে বাধ্য করিয়াছি। এই দায়িত্বের হাত হইতে এড়াইবার আমাদের কোনও পথ নাই। এই বিধিনিয়ম নির্ণয় করা মানবের প্রকৃতি প্রদত্ত প্রধান ধর্ম। ইহার অনুশীলনে উন্নতি, উপেক্ষায় পতন মৃত্যু। এই বিধি নিয়ম নির্ণয় করার আর এক নাম বৈজ্ঞানিক গবেষণা। কাজেই এই বৈজ্ঞানিক গবেষণা বা বিধিলিপী পাঠ স্ত্রী পুরুষ অভেদে মানবের বিধি নিয়োজিত ধর্ম। তবে অবস্থা ও সময় হিসাবে যেখানে সাক্ষাৎভাবে এই আলোচনার সম্ভাবনা নাই সেস্থলে প্রকৃতি রাজ্যের নিয়ম অধ্যয়নে যাহারা নিযুক্ত তাহাদের যত্নলব্ধ সত্যগুলি পরোক্ষভাবে অবগত হওয়ার চেষ্টা সর্বোত্তমভাবে প্রয়োজনীয়। মানুষ প্রকৃতির বিধি নিয়মের সম্পূর্ণ অধিন একথা বলায় ইহা প্রমাণ হয় না যে মানবের উৎপত্তি অন্ধ আকস্মিক (Blind chance) ঘটনার ফল। বরং ইহাই প্রমাণ হয় যে মানবের উৎপত্তি পূর্বে নির্দিষ্ট বিধিলিপীর ধারাবাহিক প্রণালীর অবশ্যস্বাভাবী ফল।

কিন্তু সভ্য মানবমণ্ডলী প্রকৃতি নিয়মের বিরুদ্ধে বা উপেক্ষায় কাণ্ড করিতে করিতে নিজের সম্পদে এবং নিজের গৃহ পালিত জীবাদির সম্বন্ধে এমন একটা অঘটন ঘটাইয়া ফেলিয়াছে যে হয় তাহাতে চতুষ্পার্শ্ববর্তী অবস্থা ও ঘটনাবলীর পুঙ্খানুপুঙ্খ অনুসন্ধান ও আলোচনা দ্বারা ইহা দেখিতে আয়ত্বাধীন করিতে হইবে নতুবা গুরুতর দায়িত্ব স্কন্ধে নিয়া ও যাহারা অশ্রমণে ও অর্ধ অবহেলার সহিত বৃহৎ কর্মে হস্তক্ষেপ করে তাহাদের ঞায় বিনাশ প্রাপ্ত হইতে হইবে। জীবরাজ্য যে সুনিয়মে চলিয়া আসিয়াছে মানব নিজের দায়িত্বে প্রকৃতি জননীর সেই সকল সুনিয়মকে গুলট পালট করিয়া দিয়া হয়ত নিজের হাতে দুই একটি ক্ষমতা বা অধিকার দেখিতে পাইতেছে কিন্তু তাহার সেই বিরুদ্ধাচারে চতুর্দিকে নানারূপ অজ্ঞাত ও অত্যন্ত বিপদ ঘেরিয়া আসিতেছে পালাইবার পথ নাই যো নাই দ্বিধা করিবার বা পশ্চাৎপদ হইবার সম্ভাবনা নাই প্রকৃতিজননার নিয়ম অবগত হওয়া, বিধিলিপী অধ্যয়ন করিয়া অগ্রসর হওয়াই এক মাত্র পথ। প্রাকৃতিক এ নিয়মগুলি বুঝিবার জন্ত ও বুঝাইবার জন্ত আমাদের একটা বিশেষ প্রয়াস হওয়া প্রয়োজন।

\* ভিক্টোরিয়া মহিলা বিদ্যালয়ে, ১০ই ফেব্রুয়ারী ১০১ খ্রীষুত্বে বনোয়ারীলাল চৌধুরীর বক্তৃতা।



## মাসিক পত্রিকা।

“স্বৰ্গ নার্যন্তু পূজ্যন্তে বসন্তে তত্র দৈবতাঃ।”

১৪শ ভাগ]

চৈত্র, ১৩১৫, এপ্রিল ১৯০৯।

[ ৯ম সংখ্যা।

### স্ত্রীনিতীমার।

নারী, তুমি মা হওয়ার দায়িত্ব কি ভাষ?

যে গৃহে ভগবদ্রুপ সেবাপরায়ণা নারী বাস করেন, সে গৃহে পরমেশ্বরের অঙ্গস্ব আশীর্বাদ বর্ধিত হয়, স্বর্গের সুবিমল বাতাস সেখানে বহিতে থাকে।

সকলেই জানেন মাতৃ স্তম্ভপনের সঙ্গে সঙ্গে সম্ভানেতা মাতৃ-স্বভাব লাভ করিয়া থাকে। মায়ের স্বভাব চরিত্র যেরূপ, সন্তানগণ অজ্ঞাতসারে সেই চরিত্রের অধিকারী হইয়া থাকে। মা, তুমি যদি ষথার্থই সম্ভানের মঙ্গলাকাজিঞ্চী, তবে স্বীয় চরিত্র ও প্রকৃতিকে সমুন্নত কর, জ্ঞান, পুণা, প্রেম শাস্তিতে ভূষিত হও, দেখিতে পাইবে তোমার প্রেমের পুত্রলী সকল সেই সকল স্বর্গীয় ভূষণে ভূষিত হইবে। তুমি উপদেশ দিয়া, শাসন ও তিরস্কার করিয়া সন্তানকে ভাল করিতে পারিবে না, আপনি যদি ভাল হও, সন্তান অনায়াসে ভাল হইবে।

ভগবানের প্রেম-প্রকৃতিতে নারীজাতির উৎপত্তি। স্ত্রী স্বভাবে সুকোমল প্রেমের প্রাণন্য পরিলক্ষিত হয়। প্রেমতে সেবার উৎপত্তি। প্রেম পরের সেবা করিয়া, অপরের অভাব মোচন করিয়া তৃপ্ত। অভাব বিবিধ প্রকারের, কেহ অন্নভাবে ক্লিষ্ট, কেহ জ্ঞানাভাবে মূর্খ, কেহ রোগ শোক সঙ্কাপে জর্জরিত। যেখানে যেরূপ অভাব, প্রেম তাহাই মোচনে তৎপর। নারী, তুমি সেবার কষ্টপাথরে আপনার জীবনকে পরীক্ষা করিও। নারী যখন প্রেমে বিগলিত হইয়া শিশুসন্তানকে স্তম্ভদান করেন, কত তাঁর শোভা হয়, নারী যখন ক্ষুধিতকে অন্নজল পরিবেশন করেন কত তাঁর শোভা হয়। নারী যখন রোগীর রোগশয্যার পার্শ্বে বসিয়া রোগীকে ঔষধ পথ্য দান করেন, গাত্রদাহ নিবারণের জন্ত বাঁজন করেন, কত তাঁর শোভা হয়, নারী যখন শোকাবুলের অশ্রু সঙ্গে অশ্রু মিশাইয়া দিয়া তাহাকে সান্ত্বনা দানে প্রবৃত্ত, কত তার সৌন্দর্য্য প্রকাশ পায়!

বৈ—

## জমা খরচ ।

আয় ব্যয় স্থিতি লইয়া সংসার । যে সংসারে এই তিনই আছে সেই লক্ষ্মীর সংসার । “গৃহস্থের সংসার লক্ষ্মীর সংসার হউক ।” ইহাই আমরা নিত্য কামনা করি । আয় ব্যয় স্থিতি এই তিনই যে সংসারে আছে সে গৃহের কর্ত্রীই প্রকৃতপক্ষে “গৃহলক্ষ্মী” । যত আয় তত ব্যয় উহা সন্ন্যাসীর ধর্ম । গৃহীর পক্ষে আয় যত সামান্য হউক না কেন, প্রতি মাসে স্থিতির হিসাবে অন্ততঃ ২৪টি পয়সা হইলেও জমা করা প্রয়োজন । আয় ব্যয় সমান, শূন্য স্থিতি, একরূপ সংসারে অলক্ষ্মী প্রবেশ করে অর্থাৎ ধার করার ব্যবস্থা শীঘ্রই প্রবর্তিত হয় । প্রতি সংসারেই একটা নৈমিত্তিক ব্যয় আছে ; নিত্য ব্যয় সঙ্কলন করিয়া নৈমিত্তিক ব্যয় নির্বাহের জন্ত কিঞ্চিৎ স্থিতি বা সঞ্চয় করা প্রতি গৃহীর পক্ষেই মহাধর্ম । যে সংসারে কেবলই আয়, ব্যয় অতি সামান্য, নাই বলিলেই হয়, যে সংসার যক্ষের সংসার, পরস্পর অবিশ্বাস, ছিঃসা, বিদ্বেষ, বিবাদ, কলহ সে সংসারে লাগিয়াই রহিয়াছে । সে সংসারে শান্তি নাই, সুখ নাই, সে অশান্তির ঘর । অর্থ থাকিতেও সে ঘরে লক্ষ্মীর অন্তর্দান । যে সংসারে আয় অপেক্ষা ব্যয় অধিক সে “উজাড় সংসার” । সে সংসারেই ভূত প্রবেশ করে এবং আয় যত হউক না কেন “ভূতে লুটিয়া লয় ।” যদি ব্যয়ের সুবন্দোবস্ত করিয়া কিছু কিছু স্থিতি করা না যায়,

বহু অর্থ উপার্জিত হইলেও সংসারে স্থিতি-নিবৃত্তি হয় না । সংসারে স্থিতি বা সঞ্চয়ের ব্যবস্থার উপরেই নিবৃত্তি বা শান্তি অতি-মাত্রায় নির্ভর করে । আমরা বৃদ্ধা যুবতী বা কণ্ঠা প্রত্যেক মহিলাকেই “আয় ব্যয় স্থিতি লইয়া সংসার” এই সত্যের মর্ম প্রতি পরিবারের অবস্থা উদাহরণরূপ লইয়া গভীরভাবে অধ্যয়ন করিতে অস্ব-রোধ করিতেছি । কারণ সংসারের সুখ শান্তি বহু পরিমাণ এই সত্যের পরিষ্কা-নের উপর নির্ভর করিতেছে । “আয় ব্যয় স্থিতি” এই নাতিতে সম্যক জ্ঞান না জন্মিলে কোন মহিলাই উৎকৃষ্ট গৃহিণী হইতে পারেন না ।

জমা খরচ সংসার ধর্ম পালনে “মনু-সংহিতা” যে সংসারের জমা খরচ পুঙ্খানুপুঙ্খরূপে রাখা হয়, আমাদের বিশ্বাস, সে সংসারে অলক্ষ্মী প্রবেশ করিতে পারে না । একটা কথা আছে “ছাড়া নৌকা সমতানে বায় ।” এই জন্ত নৌকায় কেহ না থাকিলে নৌকা বাধিয়া রাখে । জমা খরচ রাখাও সংসারে লক্ষ্মীর বন্দন । যে সংসারের জমা খরচ নাই “ছাড়া নৌকা”র তায় তাহাতে অতি সহজে অলক্ষ্মী প্রবেশ করে । এই জন্ত জমা খরচ রাখা আমরা বড় ভালবাসি, এবং সকলকে জমা খরচ রাখিতে প্রবৃত্ত-সহকারে অস্বরোধ করি । জমা খরচ রাখার অনেক গুণ, সে সকল এক তুই করিয়া বলিলেও আরও কতক-গুলি থাকিয়া যাইবে । তথাপি আমরা চেষ্টা করিতেছি এবং পাঠকপাঠিকাদিগকে

আরও কয়েকটা বলিয়া বা লিখিয়া আমা-দের কার্যের সাহায্য করিতে উৎসাহিত করিতেছি । নিয়মিতরূপে জমা খরচ রাখার ফল :—

(১) আয় ব্যয় স্থিতির উপরে দৃষ্টি রাখা যায় ; (২) সংসারের সমুদয় বিভা-গের সুবন্দোবস্ত করা যায় ; (৩) অন্ন, বস্ত্র, গৃহ-দ্রব্য, শিক্ষা, চিকিৎসা, দান, ধর্ম, ভৃত্যাদির বেতন দান, আত্মীয়তা রক্ষা প্রভৃতি সকল দিকেই চরিত্রের বিকাশ হয় ; (৪) এক মাসে অধিক ব্যয় হইলে, অত্র মাসে তাহা কমাইতে পারা যায় ; (৫) ঋণ শোধের দিকে দৃষ্টি পড়ে ; (৬) প্রাপ্য আদায়ের জন্ত চেষ্টা হয় ; (৭) কেহ অধিক দাবি করিতে পারে না ; (৮) অর্থের প্রতি মমতা জন্মে না ; (৯) অর্থের প্রতি ঔদাসিন্যও জন্মে না ; (১০) ভৃত্যের বেতন, বাড়ীভাড়া প্রভৃতি নিয়মিতরূপে দিতে প্রবৃত্তি হয় ; (১১) নিয়মিততা শিক্ষা হয় ; (১২) দানাদি দ্বারা দয়া প্রবৃত্তি বর্ধিত হয় ; (১৩) ধর্মার্থ দানের দ্বারা ধর্ম্য মতি জন্মে ; (১৪) সেবা করিয়া তৃপ্তি হয় ; (১৫) দেনা পাওনা বিষয়ে অবিশ্বাস দূর করিতে পারা যায় ; (১৬) আয় ব্যয় বিষয়ে স্মৃতি শক্তির উপরে কোন প্রকার চাপ থাকে না ; (১৭) সংসারে সুশৃঙ্খলা জন্মে ; (১৮) সকল বস্তুর প্রতি আদর হয় ; (১৯) সকলই যত্নে রক্ষা করিতে ইচ্ছা জন্মে ; (২০) সর্বোপরি গৃহে লক্ষ্মী বাঁধা থাকেন ও শান্তি থাকে ; (২১) সংসারে পরস্পরের মধ্যে অর্থস্বন্ধে অবিশ্বাস জন্মিতে পারে না ।

আমরাতো এতগুলি লিখিলাম, পাঠক পাঠিকারা আরও ২৪টি বাড়াইতে বহু করিবেন আশা করি । ইহার মধ্যে কোন কোনটা মুখা কোন কোনটা গোণ ফল ।

ঋণ করা পাপ, ঋণ পরিশোধের ইচ্ছা না থাকা মহাপাপ । বাহাদের ঋণ করা অভ্যাস, কি ঋণ পরিশোধের ইচ্ছা নাই, তাহারা কখনও জমা খরচ রাখিবেন না । জমা খরচ রাখার কথা হইলেই তাহাদের গায়ে জ্বর আইসে এবং নানা প্রকার আপত্তি উঠাইয়া উহার বিরোধী হয় । নিত্য আপনার ঋণের হিসাব দেখা বা মনে করা মাথার উপরে ধারাল খাঁড়া রাখা অপেক্ষাও ভয়ঙ্কর । এই জন্ত অনেকেই জমা খরচের বিরোধী । আবার বাহারা আয়ের অনুরূপ ব্যয় করিতে অনিচ্ছুক তাহারাও জমা খরচ রাখিতে লাজ্জিত হয় । তাহারা পরের কাঁধে ব্যয়ের অত্যধিক কথা বলিয়া আপনার মান বজায় রাখে কিন্তু জমা খরচ রাখিলে সেরূপ কথা বলিতে আর পারে না । কারণ হিসাব বাহির করিলেই মিথ্যা ধরা পড়ে এবং পরের কাছে ও আপনার কাছে অপদার্থতা প্রতিপন্ন হয় । আবার কেহ কেহ উচ্ছৃঙ্খলপ্রকৃতিক, সে মনে করে আমার আয় ব্যয় সকলই আমার হাতে, হিসাব কিতাব রাখিব কেন ?” বস্তুতঃ তাহারা আপনার উচ্ছৃঙ্খলতাকে শাসন করিতে চায় না । যুবক যুবতীরাই এইরূপ উচ্ছৃঙ্খলতা ভালবাসে এবং তদ্বারা আপনার স্বভাবকে বিপন্ন করে ।



তাহাদের পক্ষে জমা খরচ রাখা হাতীর অক্ষুণ্ণের মত কাজ করে, তাহাদিগকে কর্তব্যের পথে পরিচালিত করে এবং তাহাতে সর্বপ্রকার উচ্ছৃঙ্খল স্বভাব পরাস্ত হয়। ইহাদের পক্ষে জমা খরচ রাখার গ্রাম মহোষধি আর নাই। জমা খরচ রাখিতে রাখিতে আত্মপ্রকৃতি সংঘত হইয়া আসে।

আমরা ছোট কালে দেখিয়াছি, জমা খরচ কর্তী রাখিতেন। টাকা কড়ি ও জমা খরচ উভয়ই কর্তার জিন্মায় ছিল। গৃহিণী সংসারের অভাবের কথা মাত্র বলিয়াই স্বীয় কর্তব্য পালন করিতেন। কেহ কেহ বা জিনিসের ফরমাস ও বরাদ্দ করিয়া আপনার গিন্নীপনার পরিচয় দান করিতে পারিলেই পাকা গিন্নী হইতেন। কিন্তু এখন আর সে কাল নাই। মেয়েরা এখন বেশ লিখা পড়া করিতেছেন, হিসাব কিতাব করিতে পারেন, কাজেই গৃহিণীই এখন আয় ব্যয়ের কর্তী হইয়াছেন। টাকা কড়ি এখন তাঁহার হাতেই থাকে। আমরা বলি উপযুক্ত পাত্রের উপযুক্ত ভার পড়িয়াছে। কিন্তু কোন কোন পরিবারে আয় ব্যয়ের কর্তৃত্ব লইয়া এখনও বিবাদ দেখিতে পাই। প্রাচীন নিয়ম মতে কর্তীই আয় ব্যয়ের কর্তী থাকিবেন না গৃহিণীই কর্তী হইবেন। আমরা বলি এ ডিপার্টমেন্ট একেবারে গৃহিণীকেই ছাড়িয়া দিলে ভাল হয়। সংসারে গৃহিণীই রাজত্ব করিবেন বিধিলিপি। গৃহকর্তী তাঁহার সাহায্যকারীমাত্র মনে করিয়া যথাসাধ্য সর্ব বিষয়ে সাহায্য করিবেন।

ইহার অগ্রথা হইলেই সংসারে বাদবিসংবাদ ও অশান্তি আসিবে।

আমরা জমা খরচের নাম করিয়া অনেক কথা বলিয়া ফেলিলাম। কেহ বা অতিব্যাপ্তি দোষ দিতে পারেন, কিন্তু আমরা বলিতে পারি জমা খরচের বিষয় ভাবিতে ভাবিতে যখন কথাগুলি মনে উঠিয়াছে তখন কোথাও না কোথাও উহাদের পরস্পর বাধুণী আছে। আমরা হয়তো সে গুলি ভাল করিয়া বুঝিয়া তুলিতে পারি নাই, তাই স্পষ্ট করিয়া দেখা যান না।

গৃহিণী যখন পরিবারের আয় ব্যয়ের কর্তী, তখন জমা খরচ ও অগ্রাঙ্ক হিসাব পত্রও তাঁহারই নিয়মিতরূপে রাখা কর্তব্যের ভিতরে পড়ে। তারিখ দিয়া প্রতিদিনের আয় এবং তারিখে তারিখে প্রতিদিনের ব্যয় জমা খরচেই লিখিবেন। তিনি সর্বদাই মনে রাখিবেন এই হিসাব দিতে যেমন গৃহকর্তার নিকটে সেইরূপ পরিবারের প্রত্যেকের নিকটেই তিনি দায়ী। তিনি যদি এই হিসাব যথাযথরূপে রাখিতে ও দেখাইতে না পারেন তবে তিনিই সংসারকে অশান্তির আলয় করিবেন এবং সকলের জুখ কষ্টের কারণ হইবেন জমা খরচ পরিবারের শান্তি-রক্ষার শাস্ত্র। গৃহিণী বা যিনি জমা খরচ রাখিবেন তিনি এই মাসে কোন্ বাবতে কত খরচ গেল তাহার একটি মোট হিসাব তৈয়ার করিয়া কর্তীকে দেখাইবেন এবং তাঁহার সহ লইবেন। এইরূপ জমা খরচ রাখা এবং প্রস্তুত করাতে যে

কত শিক্ষা হয় তাহা আমরা বলিতে পারি না। আশা করি প্রতি গৃহস্থ এইরূপে জমা খরচ ও হিসাব কিতাব রাখিয়া তাহার সাক্ষাদান করিবেন। “বেহিসাব” বা “আগলে গাইদোয়া” কথাটাই অলক্ষীর অভিধানের কথা, লক্ষীর অভিধানে সে কথা নাই। আমাদের গৃহিণীরা ও কন্যারা যেমন আয় ব্যয়ের ভার লইয়াছেন, সেইরূপ জমা খরচেরও ভার লইয়া এবং সুন্দররূপে সব বিষয়ের বিশেষতঃ আয় ব্যয়ের হিসাব রাখিয়া প্রতি গৃহকে লক্ষীর গৃহ এবং প্রতি পরিবারকে সুখী পরিবার করিতে সহায় হইবেন, এই আমরা আশা করি।

শ্রী—রা।

### এতো চেনা লোক !

( একজন বন্ধু হইতে প্রাপ্ত । )

গঙ্গার পারে প্রকাণ্ড একটা অট্টালিকা, রাজপুরী বলিলেও অত্যাঙ্কি হয় না। এই পুরীর গায় লাগাইয়া রেল পথ, দিন রাত সে পথে মালগাড়ী গাতায়াত করে। নিশীথ না হইলে রেল গাড়ীর কর্ণ ভেদী শব্দোৎপাত থামে না। রেলপথের পরেই রাজপথ, এ পথেও দিন রাত গরুর ও বোড়ার গাড়ী চলিতেছে, জনতাও কম নয়। এই দুপথ পার হইলেই স্নানের ঘাট। ভোর হইতে সন্ধ্যার একটুকু পূর্ব পর্যন্ত শত শত লোক সে ঘাটে স্নান করে। তার পরেই গঙ্গার প্রবাহ, গঙ্গায় ছোট বড় অর্ণব্যান নিয়ত যাতায়াত করে।

দুপথ বেলায়ই গঙ্গার পারে কোলাহলটা উথলিয়া উঠে। জিনিস পত্র উঠান নামানের জন্ত বহুলোকের বহু গাড়ীর সমাগম হয়। পুরীর অগ্র পার্শ্বদিয়া সুপ্রশস্ত রাজপথ। জনতায়, গাড়ীর শব্দে ও মর্ষোপরি তাড়িত-চালিত ট্রামগাড়ীর কোলাহলময় নিনাদে সেদিকটাও মুখরিত। বোধ হয় মহাকোলাহল-সমুদ্রের মধ্যে পুরীটা ঘুমাইতেছে। কখন বা পুরীর প্রকাণ্ড বহিরঙ্গনে ২৪ জন লোক দেখা যায়, কখন বা জনমানবের চিহ্নও থাকে না, উপকথার রাক্ষসের পুরী মনে হয়।

গৃহাভ্যন্তরে প্রবেশ করিলেই দুসারি লৌহখাটের উপরে শায়িত লোক দেখা যায়। এবং বাড়ীটা যে একটা চিকিৎসালয় সহজেই বোধগম্য হয়। যেকোন নীচে, সেরূপ উপরেও রোগী রহিয়াছে। গৃহটা উপরে নীচে রোগীতে পরিপূর্ণ। সুপ্রশস্ত এক একটা হলের মাঝখানে এক একখান চেয়ারে এক এক জন রমণী বসিয়াছেন, তাঁহার সম্মুখেই একখান ক্ষুদ্র টেবল রহিয়াছে। এই রমণীরা সেবিকা বা Nurse নার্স নামে আখ্যাত। রোগীর তত্ত্ব খবর ও সেবা গুশ্রুষা করা ইহাদের কাজ।

গৃহে প্রবেশ করিলেই খৃষ্টদেবকে মনে পড়ে, রুগ্নদের জন্ত তাঁহার দয়া প্রেম হৃদয়ে ভাসিয়া উঠে। অমনি সে গৃহের ভাব বদলিয়া যায়। মূর্তিমতী দয়া ও প্রীতি সে গৃহের অধিষ্ঠাত্রী দেবী বলিয়া দেখা দেন। রুগ্নদের জন্ত খৃষ্টের ব্যস্ততা ও প্রেম যেন এই গৃহের সর্বত্র বিচরণ



থেতে দাঁও বড় ক্ষুধা লাগিয়াছে ” তখন জিজ্ঞাসার উত্তরে সেই স্নেহেই বলিলেন “কাটিবার সময় আমি উদ্দেশ্যে পাই নাই ।” রোগী নীচে আনা হইলে পরেই সকলে বলিয়াছিলেন “চোখ বেশ কাটা হইয়াছে, চোখ বেশ আছে ।”

সেইদিন বৈকালে ডাক্তার বাবু আসিয়া চোখের বাঁধন খুলিয়া ধোয়াইয়া দিয়া আবার বাঁধিয়া গেলেন । চোখ ভাল আছে বলিলেন । ব্যবস্থা পত্রে একটুকু লিখিয়া গেলেন । পরদিন চট্টার পরে ডাক্তার সাহেব আসিয়া চোখ ধোয়াইয়া দিলেন । “রোগী পার্শ্ব পরিবর্তন করিতে পারে কি না ?” জিজ্ঞাসার উত্তরে বলিলেন “বাঁ চোখ কাটা হইয়াছে, ডানদিকে একটুকু ফিরতে পারে । কিন্তু অধিক যেন নড়চড় না করে ।” ডাক্তার সাহেব বলিলেন “তোমার চোখ বেশ কাটা হইয়াছে এবং চোখ বেশ আছে ।” তিনি একখান গ্লাস দিয়া প্রতিদিনই চোখ পরীক্ষা করিয়া যাইতেন । রোগী প্রায় ২৪ ঘণ্টার পরে একবার ডানদিকে ফিরিল । ইহার মধ্যে একেবারেই মাথা নাড়াচড়া করে নাই, কেবল প্রকৃতির অলঙ্ঘনীয় নিয়ম রক্ষা করিতে শরীরের শেষার্ধ্বে ২৩ বার নাড়িতে হইয়াছিল ।

এইরূপ চোখ কাটার পরে ৭ দিন চলিয়া গেল । ডাক্তার সাহেব চোখ একটুকু একটুকু পরীক্ষা করিয়া আবার বন্ধ করিয়া যাইতেন । ৮ দিনের দিন ডাক্তার সাহেব বর্ষীয়ানকে নিকটে ডাকিয়া নিলেন এবং রোগীর চোখের

আবরণ মোচন করিয়া হাসিতে হাসিতে জিজ্ঞাসা করিলেন “দেখতো ইহাকে চিন কি না ?”- রোগিণী হাসিতে হাসিতে বলিলেন “এতো আমার চেনা লোক, একে চিনিব না কেন? চোখ না থাকিলেও তো ইহাকে চিনিতে পারি ।” উত্তর শুনিয়া সকলেই হাসিতে লাগিলেন ।

পাঠকপাঠিকারা অবগুই বুঝিতে পারিয়াছেন এই বর্ষীয়ান রোগিণীর স্বামী । তাই জিজ্ঞাসায় ও উত্তরে সকলের মুখে হাসি ফুটিয়াছিল ।

“চোখ না থাকিলেও চিনিতে পারি ।” এই পরিচয়ে আমরা সন্তুষ্ট নই । আমরা বলি স্ত্রীমাতা ও স্বামীমাতা পরস্পরকে শরীর না থাকিলেও চিনিতে পারিবেন । তাঁহাদের পরস্পরের পরিচয় অনন্ত জীবনে ।” ভগবান্ আশীর্বাদ করুন পৃথিবীতে পতি পত্নীর পরিচয় অনন্ত জীবনের জন্য হউক ।

ডাক্তার সাহেব সেদিনই বলিলেন “তোমার চোখ ভাল হইয়াছে তুমি এখন যাইতে পার । কিছুকাল পরে চোখে চন্দ্রমা দিতে হইবে ।”

পরদিন পতিপত্নী উভয়ে ডাক্তার সাহেবের নিকট কৃতজ্ঞতা প্রকাশ করিয়া বলিলেন “আপনি দীর্ঘজীবী হইয়া সকলকে চক্ষুদান করুন । ভগবান্ আপনাকে সুখে রাখুন এই প্রার্থনা করি ।” ডাক্তার সাহেব রোগিণীকে বলিলেন “তুমি বাড়ীতে যাহাকে হইতে দেখ নাই এমন নাতি, নাতিনীদিগকে দেখিয়া সুখী হও ।” স্বামী বলিলেন “আমি ইতিপূর্বেই এক নাতি-

নীকে লিখিয়াছি এবার ঠাকুর মা সোণার চোখে তোমাকে দেগিবেন ।” সাহেব এরূপ আমোদ আত্মাদ প্রকাশ করিয়া Good bye বলিয়া বিদায় লইলেন । এরূপ successful operation কমই হয় বলিয়া ডাক্তার সাহেবের খুব আত্মাদ হইয়াছিল ।

### মাতৃগণের প্রতি কৃতজ্ঞতা

#### প্রকাশ ।

আমার নানা স্থানের অতি স্নেহ ও আদরের তরুণবয়স্ক অনেক মা আমার দীর্ঘকালব্যাপী হৃদরোগের ঘোরতর যন্ত্রণার জন্য সর্বদা জুগুপ্ত ও ব্যথিত এবং উৎকলিত হইয়া আমার অবস্থা জানিবার জন্য বাকুলভাবে পত্রাদি লিখিয়াছেন । আমি তাঁহাদের পরিচয় দান না করিয়া তাঁহাদের পত্র বা পত্রাংশ সময়ে সময়ে প্রকাশ করিয়াছি । এই অনুপস্থিত বড় ছেলের প্রাত তাঁহাদের এই প্রকার স্নেহ দয়া শ্রদ্ধা ভক্তি ও মহানুভূতি প্রকাশ কেন আমি বুঝিয়া উঠিতে পারিতেছি না । ইহার ভিতরে পরম জননীর প্রেমের লীলাই দেখিতেছি । এবার আমি তাঁহাদের কয়েকজনের পরিচয় পত্র বা পত্রাংশ অবিকল প্রকাশ করিয়া তাঁহাদের প্রতি আন্তরিক আশীর্বাদ ও কৃতজ্ঞতা প্রকাশ করা একান্ত কর্তব্য বোধ করিতেছি । তাঁহারা আমার হৃদয়ের আশীর্বাদ ও কৃতজ্ঞতা গ্রহণ করুন ।

অপার বয়স পানমানাস্থ মা প্রফুল্ল

কুমারী দেবীর ১৩ই মার্চের পত্র ;—  
শ্রীশ্রীচরণকমলেশু :—

আপনি আমাদের অনেক অনেক ভক্তিপূর্ণ প্রণাম গ্রহণ করুন । আজ মেজ বৌদির পত্রে জানিলাম আপনি ভাগলপুরে বাবার নিকট আছেন, আপনার শরীর ভাল নয়, খাস-কণ্ঠে বড় কষ্ট পাইতেছেন, শুনিয়া প্রাণটা কেঁদে উঠিল । দূর হইতে কতখানি রকম কিছুই বুঝিতে পারি না, কিছুদিন পূর্বে মহিলায় আপনার শরীর একটু ভাল আছে শুনিয়াছিলাম, আবার ৭৪ দিন হটল ধর্ম্মতত্ত্বে শরীর একটু খারাপ শুনিয়া ঔষধ পথের জন্ত কলিকাতার ঠিকানায় আপাততঃ ১০টা টাকা পাঠাইয়াছি । আপনি অনুগ্রহ করিয়া তাহা গ্রহণপূর্বক আমাঃদিগকে সুখী করিবেন ।

“বাবার নিকট থাকিতে আপনার সুবিধা হইতেছেতো? সেবা শুশ্রূষার কোন ক্রটি হইতেছে নাতো? মেজ বৌদি আপনাদের দুজনকে সম্পূর্ণরূপে দেখে উঠিতে পারেন? তাই ভয় হয় পাছে আপনার অযত্ন হয় । আপনার যদি সুবিধা হয় তাহলে বাবার নিকট থাকিলে খুঁ সুখী হইব, আমি মাসে মাসে আপনার জন্ত বাবার নিকট পত্রচণ্ড পাঠাইব, বাবা কাজ করিতেছেন না বলিয়া আপনি থাকিতে কিছুই সঙ্কচিত হইবেন না । আপনি কাছে থাকিলে বাবারও একটি সঙ্গী থাকেন । না হলে বাবাও বড় একলা বোধ করেন ।”

“আপনার শরীর এত সুস্থ ও সবল ছিল, কেন হঠাৎ এরূপ খারাপ হইল

আমি সর্বদাই এরূপ ভাবি ও বড় দুঃখ হয়। আপনি ভাগলপুর গিয়েছেন শুনিয়া আমারও আপনার নিকট যাইতে ইচ্ছা করিতেছি। আপনার এত অসুখ আমরা বুঝিতে পারি নাই, কলিকাতায় গিয়া আপনার নিকট যেমন ক'রে হটক যাওয়া উচিত ছিল। উনি বলেছিলেন, 'আমি তোমাকে রমানাথ মজুমদারের প্লীটে রেখে প্রাণরক্ষা বাবুর নিকট যাইব।' আশা করি দয়াময় ভগবানের রূপায় আপনি দিন দিন ভাল হইবেন, যখন কলিকাতায় যাইব আপনার চরণ দর্শন করিয়া সুখী ও কৃতার্থ হইব।

এ'র সেই বাতের ভাব এখনও যায় নাই। মাংস, চা, সব ছাড়িয়া দিয়াছেন, কলিকাতায় হোমিওপ্যাথিক চিকিৎসা হইতেছে। চিঠি পত্রে ৮ টাকা ফি লইয়া ডাক্তার ইউনান (Dr. Younan) ওষুধ পাঠাইয়া থাকেন। হোমিওপ্যাথিক চিকিৎসায় একটু উপকার হইয়াছে মনে হইতেছে। আজকের মত আপনাকে অনেক অনেক ভক্তিপূর্ণ প্রণাম করিয়া চিঠি শেষ করিলাম। ইতি

আপনার অতি স্নেহের সেবিকা

মা প্রফুল্ল।

পূর্ণিমা হইতে ১লা মার্চ তারিখে  
মা সরলা কান্ত গরি লিখিয়াছেন।

শ্রীচরণেষু—

আপনার স্নেহপূর্ণ পোষ্টকার্ড খানি পাইয়াছি। তাহাতে আপনার এত অসুখের কথা শুনিয়া মন বড় খারাপ হইল।

আমি এতদিন চিঠি দিতে পারি নাই আমার ছোট ছেলেটির খুব জ্বর হইয়াছিল, ১০৬ এর উপর আর সেই সঙ্গে ফিট ছিল।

আর আমার নিজের শরীরও খুব খারাপ কএক দিন থেকে মাথাব্যথায় বড় কষ্ট পাইতেছি।

আপনাকে চিঠি দিতে পারি নাই বটে কিন্তু সব সময় আপনার কথা মনে হয়। পিতার মৃত্যু আপনি আমাদের স্নেহ করেন কিন্তু আমরা আপনার কিছুই করিতে পারিতেছি না, আপনার অসুখের কথা শুনিলে আপনার জন্তু নানা রকম ভাবনা হয়। ভগবানের নিকট আমাদের এই আন্তরিক প্রার্থনা আপনি শীঘ্র আরোগ্য হউন।

আপনার স্বর্গীয় শক্তি দেখিয়া আমি আশ্চর্য হইতেছি এত অসুখেও আপনি কত কাজ করিতেছেন। কএক দিন হইল মহাপ্রকৃষ মোহনদের জীবন চরিত খনি পড়িলাম, কি যে ভাল লাগিল। আপনার পায়ের ধূলা মনে মনে কত বার মাথায় দিলাম। আরও আপনার সব বইগুলি পড়িবার খুব ইচ্ছা আছে সেইগুলি আনাইয়া পড়িব। আপনার সমস্ত শক্তি দ্বারা ভগবানের কাৰ্য্য করিয়া আমাদের যাহা উপকার করিলেন, তাহা আমাদের ইহ পরকালের সম্বল হইল।

পরম শ্রদ্ধাস্পদ মাননীয় নকুড় বাবুকে আমার ভক্তিপূর্ণ প্রণাম দিবেন। আমি যখন ভালপুরে গিয়াছিলাম, তখন তিনি আমার অসুখের সময় কত যত্ন করিয়া

দেখিয়াছিলেন। আপনি যখন তাঁর ওখানে অছেন, তখন আপনার যত্নের কোনও ক্রটি হইতেছে না এং আশা করি আপনি শীঘ্রই সুস্থ হইবেন।

বাঁকিপুর হইতে ১১ ই মার্চ তারিখে শ্রীমতী কুমারী সুমাতা দেবী লিখিয়াছেন,  
"শ্রদ্ধাস্পদেষু,

আপনার ভাগলপুরে আসার পর আর কোনও খবর পাইনি। কেমন আছেন এখন জানি না ত? একবার এখানে আসবার কথা বাবার কাছে শুনেছিলাম, শুনে আমার খুব আনন্দ হয়েছিল। তবু কিছু দিন কাছে পাব ভেবে, তার পর শুন্লাম আমাদের এ বাড়ীতে, সহরের ভেতরে ধূল ও ধোঁয়ার ভেতরে আপনার আসা হচ্ছে না। আর আমিও ভাবি স্বাস্থ্যের উপকারের জন্তু আসতে হলে সহরের বাহিরে, খোলা জায়গাতেই আপনার থাকাই এখন ভাল। আমার এ স্বার্থপর ইচ্ছার কোন মূল্য কি আর এখানে থাকতে পারে? ভাগলপুরে নকুড় বাবুর বাড়ীতে কি আছেন? চিকিৎসাও কি তাঁরই হচ্ছে? এখানে এসে কি রকম মনে হয়? শরীরের উন্নতি কিছু বোঝেন কি? বল, শক্তি পাচ্ছেন কি? আশা করি সেবা যত্নের কোন ক্রটি আর এখানে হবে না। এখানে কতদিন আর থাকবেন মনে করেন? এর পরে এখান থেকে কোথায় যাবেন? এখানে নগেন বাবুর খুবই খারাপ অবস্থা। দিদিমার কি হয়েছে জানি না, তিনিও নিজে চিঠি লিখতে ও পারেননি। চারিধাবের এ সব ঘটনার মধ্যে পড়ে মনে হয়

কি করি, এখন কি করবার জন্তু বিধাতা বলেন?

এখানে খুব গরম, বেশ বসন্ত ও হচ্ছে। এখানে গরম কেমন? সকল বিষয় জানাবার কি উপায় আছে? কি করে জানতে পারব? অনেক দিন কিছু শুনিনি, জানিও না, তাই জানবার জন্তু এত ব্যস্ত।

আপনি আমার ভক্তিপূর্ণ প্রণাম নেবেন। জ্যেষ্ঠামহাশয় দেখতে আসেন কি? নিবারণ বাবু?

আপনার একান্ত আদরের মা—

সুজাতা।

কোন্‌নগরস্থ বধুমাতা শ্রীমতী সঞ্জীমণী  
সেনের পত্র।

শ্রীশ্রীচরণকমলেষু,

অদ্য আপনার রোগ বৃদ্ধির সংবাদ পাইয়া আমরা সকলে ব্যস্ত নাই চিন্তিত আছি। আপনার শরীরের যেরূপ অবস্থা দেখিতেছি, বুঝি আর এরোগ হইতে অব্যাহতি নাই। জানি না ভগবানের কি ইচ্ছা। মনে এই দুঃখ যে এই সময় একবার শ্রীচরণ দর্শন করিতে পারিলাম না। জানি না জীবনে ইহা হইবে কিনা। কলিকাতা থাকিতে আপনাকে দেখিতে যাওঁব বলিয়া কতবার চেষ্টা করিয়াছিলাম, কিন্তু আমার এমন ছরদৃষ্ট যে নানা রকম অসুবিধায় তাহা ঘটয়া উঠে নাই।

আপনার প্রদত্ত "চারিটী সাধ্বী মুসলমান নারীর জীবন" পড়িয়া মনে বড়ই শান্তি পাইয়াছি।

আধিক কি লিখিব। আপনি দূরে থাকিয়া আমাদের ভক্তিপূর্ণ প্রণাম জানিবেন।—ইতি।

আপনার স্নেহের—বড়শেমা।

কোননগরস্থ নান্দনী শ্রীমতী মালতীর পত্র।

শ্রীচরণকমলেশু,

দাদামহাশয় আপনিক ভাগলপুর ঘাইয়া পুনরায় অসুস্থ হইয়াছেন শুনিয়া আমরা সকলে অতিশয় চিন্তিত আছি। আমাদের সাধা নাই যে আপনার কোনও সেবা শুশ্রূষা করি। আমার শরীর এখনও সম্পূর্ণরূপে সারে নাই। আপনি কলিকাতা থাকিতে, আমরা কতবার মনে করিয়াছি আপনাকে একবার দেখিয়া আসি, কিন্তু আমার শরীর অসুস্থ থাকাতে ঘাইতে পারি নাই। আমি বোধ হয় বৈশাখ মাসেই ঢাকা যাইব, ইহার পূর্বে যে আপনার শ্রীচরণ দর্শন পাইব এরূপ আশা দেখি না। আপনি যে বাড়ীতে থাকেন, আমরা 'ভাগলপুর থাকিতে সেই বাড়ীতে একবার গিয়াছিলাম। বাড়ীট কিন্তু বেশ খুব নির্জন। আপনার পক্ষে বেশ আরামজনক স্থান। কিন্তু আজকাল ক্রমেই গরম পড়িয়া আসিতেছে বিশেষতঃ পশ্চিমের গরম বড়ই অসহজনক, আপনার এ দুর্বল শরীরে কতদূর সহ্য করিতে পারিবেন বলিতে পারি না। অধিক কি লিখিব। মর্কদা আপনার শরীরের অবস্থা জানাইয়া সুখী করিবেন। আমরা এক প্রকার। ইতি  
আপনার স্নেহের—মালতীবালা।

কলিকাতা হইতে মোদলগান কত্য়া মা আর এসু এসেন লিখিয়াছেন।

পরম পু নীশেযু,

ক্রমে আপনার চুই পত্র পাঁ রাখি। এতদিন আপনার পত্র না পাওয়ায় আমরা অশঙ্কিত হইয়াছিল যে আপনার পীড়া বৃদ্ধি হইয়া থাকিবে। এখন দেখিতেছি আমার স আশা অমূলক ছিল না। আমাদের সৌভাগ্যবলে পশ্চিমের আপনাকে দীর্ঘজীবী করুন, এই প্রার্থনা। আপনার জ্ঞান পুস্তক লাভ কা আমাদের কতদূর সৌভাগ্য তাহা আমরাই জানি।

ঈশ্বর করুন ডাক্তার বার্ণার্ডের চিকিৎসা আপনার পক্ষে উপকারী হউক, আমার কিন্তু তাঁহার প্রতি তত ভক্তি নাই। আর এখন ত ভাগলপুরে-গরমের সঙ্গে সঙ্গে প্রেগও দেখা দিবে। গত বৎসর ভয়ঙ্কর প্রেগের কথা আমার এখনও মনে আছে—চারিদিকে প্রেগ, মাঝখানে আমরা ছিলাম। আপনি যতশীঘ্র সম্ভব ভাগলপুর ছাড়ুন। নিবেদন ইতি।

আপনার অতি স্নেহের—মা।

চব্বিশভঙ্গের মহারাণী শ্রীশ্রীমতী সূচাক দেবী ওনং পেনরোড হইতে গত বৃহস্পতিবার লিখিয়াছেন।

শ্রদ্ধাস্পদেষু,

আপনার প্রেরিত ছুঁখানি পুস্তক যথাসময়ে পাইয়াছি আমার প্রণাম ও ধন্যবাদ লইবেন। সুন্দর লেখা হইয়াছে। ছেলেদের অসুখের জন্ত কয়দিন বাস্ত ছিলাম। আপনার শরীর কেমন? ভাল থাকিলে

একদিন আসিয়া খোককে আশীর্বাদ করিয়া যাইবেন।

এতদূর আসিতে কষ্ট হইবে, কমল-কুটির আশা করি একদিন দেখা হইতে পারিবে।

এখন শরীর কেমন আছে একটু জানাইলে সুখী হব। ভক্তিপূর্ণ প্রণাম।

আশীর্বাদাকাজক্ষী—সূচাক দেবী।

কুচবিহারের মহারাণী শ্রীশ্রীমতী সুনীতি দেবী উডল্যাণ্ড প্রাসাদ হইতে প্রচারকর্গের অভিভাবক শ্রদ্ধাস্পদ ভাই কান্তিচন্দ্র মিত্র মহাশয়কে জিজ্ঞাসা করিয়া পাঠাইয়াছেন যে আমি গিরিশবাণু চিকিৎসাদির জন্ত অর্থ সাহায্য করিতে পারি কি? তিনি জানাইয়াছেন বিলাত হইতে তাঁহার ভাগিনেয় কে, জি, গুপ্ত ক্রমাগত অর্থ পাঠাইতেছেন, তাঁহার চিকিৎসা ও সেবা যত্নের কোন সুবাদস্থার ক্রটি না হয় তজ্জন্ত বিশেষ যত্নবান হইয়াছেন, এই অবস্থায় মহারাণীর সাহায্য দানের প্রয়োজন দেখা যায় না।

কটকনগর হইতে বিগত ১৮ই মার্চ শ্রীমতী রেবাদের লিখিয়াছেন;—  
শ্রীচরণেশু,

আপনি এখন কেমন আছেন, অনেক দিন আপনার কোন সংবাদ পাই নাই। এবার ধর্মতত্ত্বে আপনার ভাগলপুরে থাকার সংবাদ পাইলাম। আপনি আর কতদিন ভাগলপুরে থাকিবেন।

ইনি দেওয়ান জগন্নাথ রাও মহাশয়ের জ্যেষ্ঠা বিধবা কত্য়া। তিনটি শিশু সন্তান

ক্রোড়ে করিয়া অকস্মাৎ বিধবা হন। কোন বাধা বিঘ্ন ইহার অদম্য উৎসাহ উদ্যমকে পরাস্ত করিতে পারে না। ইনি বাঙ্গলা ভাষা জানেন, ইহার সারগর্ভ গদ্য পদ্য প্রবন্ধের জ্ঞান মহিলা ধনী। ইনি উড়িয়াভাষায় পত্রিকা সম্পাদন করিয়া ও উৎকল দীপিকা পত্রিকায় নিয়ত সুন্দর সুন্দর গদ্য পদ্য প্রবন্ধ যোগাইয়া গদ্য পুস্তক ও রচন। প্রণালী ইত্যাদি এবং বঙ্গসাহিত্য পুস্তক ও বিষয় বিশেষ ধর্ম পুস্তক উড়িয়াভাষায় অনুবাদ করিয়া উৎকল সাহিত্যে নবজীবন দান করিয়াছেন। কয়েক বৎসর যাবৎ বৃহৎ বালিকা বিদ্যালয় ও ছাত্রী নিবাস স্থাপনপূর্বক নিজের বাড়ী ও গাড়ী এবং সমস্ত জীবন উৎসর্গ করিয়া অস্বল্প কীর্তিলাভ করিয়াছেন। এটি বড় লোকের কত্য়া বিলাত হইতে প্রত্যাগত হইয়া তাঁহার প্রতিবেগী বৃহৎ স্কুল স্থাপন করিয়াছেন রেবাদেরী তাগতেও ভ্রমোদ্যম নহেন। একাকী অল্প লোকের সাহায্য নিরপেক্ষ হইয়া একা সংগ্রাম করিতেছেন। বাস্তবিক মা রেবা অগ্নিমন্ত্রে দীক্ষিতা।

তিনি লিখিয়াছেন, “স্কুল ভাল চলিতেছে। আপনারা বৃদ্ধবয়সে যেরূপ উৎসাহ ও কর্তব্যশীলতার ছবি দেখাইয়াছেন, আমাদের জীবনে তাহা যেন আদর্শরূপে গ্রহণ করিয়া আজীবন পালন করিতে পারি। এই আশীর্বাদ চাই।”

স্নেহের মা রেবা।

গাজীপুর হইতে শ্রীমতী সাবিত্রীবালা

দেবী গত এরা এপ্রিল নিম্নলিখিত পত্রখানা  
লিখিয়াছেন ;—

পরম ভক্তিভাজনেষু

“পূজনীয় জ্যেষ্ঠ মহাশয় আপনার  
শরীর অসুস্থ শুনিয়া পর্ষস্ত অতিশয়  
ভাবিত আছি। জানি না এখন আপনি  
কেমন আছেন। আপনার এখানে আসি-  
বার কথা হইয়াছিল শুনিয়া মনে বড়  
আফ্লাদ হইয়াছিল কিন্তু আপনার শরীর  
বেশী অসুস্থ জানিলাম, বোধ হয় সেইজন্ত  
আসিতে পারিলেন না। আপনি এখন  
ভাগলপুরে জ্যেষ্ঠমহাশয়ের বাড়িতে আছেন  
শুনিলাম। আজকাল আপনি কেমন  
আছেন জানিবার জন্ত ব্যস্ত রহিয়াছি  
কিন্তু কে আমাকে আপনার সংবাদ দিবে।  
আপনার জন্ত আমার মন অত্যন্ত উৎ-  
কণ্ঠিত রহিয়াছে। ঈশ্বর যাহা করিবেন  
তাহাই হইবে, তথাপি আত্মীয় স্বজনের  
অস্থগের সংবাদ শুনিলে মন বড়ই বিচলিত  
হয়। মণি দাদার বৌ বোধ হয় ওখানে  
আছেন তাঁহাকে বলিবেন যে তিনি যেন  
দুহুও আগাকে আপনি কেমন আছেন  
লেখেন।

আপনি আমার ভক্তিপূর্ণ প্রণাম গ্রহণ  
করবেন ও পূজনীয় জ্যেষ্ঠমহাশয়কে  
জানাইবেন। ঈশ্বর প্রসাদে এখানে আমরা  
সকলে ভাল আছি।

আপনার আদরের মা—সাবিত্রীবালা !

সীতাদেবী এবং গোপাদেবী ।

ভারতীয় রমণীকুলের গৌরব পৃথিবীর

সর্বত্র প্রসিদ্ধ। ভারত মহিলার পাতি-  
ব্রতা এবং একনিষ্ঠ পতিপ্রেম ভারতের  
সর্বপ্রধান রত্ন। এ দেশীয় কুলললনাগণ  
চরিত্রাঙ্গে উল্লিখিত ছটিরত্ন সর্বপ্রযত্নে  
সমাদরে পরিধান করেন ; সেই কারণে  
তাঁহাদের এরূপ জগচ্চিত্তহারিণী শোভা।  
কিন্তু তাঁহারা আপনারাও এ বিষয়ে সচে-  
তন নহেন যে, ভারতমহিলার চরিত্রাভ্যন্ত-  
রস্থ বিজয়িনী-শক্তি কেবল তাঁহাদের  
স্বোপার্জিত নহে। ইহা পূর্ববর্তিনী  
পূজনীয়া মহিলাদিগের আশীর্বাদ লব্ধ  
বলিলে ঠিক হয়। যাঁহাদের আশীর্বাদে  
ঐ সকল রত্ন করতলগত হইয়াছে তাঁহা-  
দের বিষয়ে জানা থাকা এবং তাঁহাদের  
প্রতি ভক্তিবৃত্ত থাকা এ দেশস্থ নারীসমা-  
জের পক্ষে সর্বথা আবশ্যিক। এ জন্ত  
উপরে যে দুই বরণীয়া দেবীর নাম প্রকা-  
শিত তাঁহাদের বিষয়ে সংক্ষেপে কয়েকটি  
কথা নিম্নে প্রকাশ করা যাইতেছে।

তাঁহাদের এক জনের নাম, ধাম,  
চরিত্র অনেকেরই জানা আছে। অগ্নি  
জন সকলের নিকট ততটা পরিচিতা  
নহেন। সীতা মিথিলারাজ রাজর্ষি জন-  
কের দুহিতা এবং সূর্য্যবংশাবতঃস রাম-  
চন্দ্রের বণিতা। গোপা বা যশোধারা  
কপিলবস্তুর মহারাজা শুদ্ধোদন তনয়  
সিদ্ধার্থের পত্নী। কৃতিবাস এবং তুলসী-  
দাসের প্রসাদে ভারতবাসিনী মহিলাগণ  
সীতাকে সহজে জানিতে পারেন। কিন্তু  
গোপার তত্ত্ব বিলুপ্তপ্রায়। অথচ ভারত-  
ললনার জীবনের উপরে সীতার শ্রায়  
গোপাদেবীরও প্রভাব এবং আশীর্বাদ

বিশেষরূপে বিদ্যমান। বৃদ্ধদেবের সঙ্গে  
সঙ্গে গোপাও যে বিশ্বতিমাগরে নিমজ্জ-  
মানা হইয়াছেন ইহা আর বিচিন্ত কি ?  
গোপাদেবী স্মৃতিপটের অন্তরালবর্তিনী  
হইয়াও তৎকর্তৃক বহু ক্রেশলক ধর্মরত্ন  
এ দেশের নারীজাতির কর্তৃহারের মধ্যমণি  
করিবার জন্ত আচণ্ডালে বিতরণ করিয়া  
গিয়াছেন। নারীগণ তাঁহাকে কৃতজ্ঞতা  
বা শ্রদ্ধা প্রদান না করিলেও তিনি প্রদত্ত-  
নিধি প্রতিগ্রহণ করিবেন না।

সীতাদেবী নারীজীবন ভূষণ অগ্নি  
কমণীয় গুণের সঙ্গে পতিসঙ্গ এবং পতি-  
সেবাপরায়ণতা গুণের প্রতিমূর্তি। রামের  
দৃশ্যতঃ অতি নিষ্ঠুর আচরণেও তাঁহার  
প্রতি আস্থা বা কল্যাণাকাঙ্ক্ষার ব্যত্যয়  
সীতার মনে ঘটায় নাই। চোর রক্ষিত  
অশোকবনে রামের প্রেমসুখেই দুঃসহ  
দুঃখ পরীক্ষা ও প্রলোভন বহন করিয়া  
সীতা জীবিতা ছিলেন। বান্ধীকির  
তপোবনে বর্জন সংবাদরূপ বজ্রাহত  
হইয়াও সীতা পতিপ্রেমরূপ কাঞ্চনের  
উজ্জলতাই প্রদর্শন করিয়াছিলেন। কিন্তু  
সীতার অমন দেব-স্বভাবেও একটি অভাব  
লক্ষিত হয়। অনেকে তাহা লক্ষ করেন  
না। সে অভাবটি প্রস্তুতিরূপে দেখাই-  
বার জন্ত রামচরিতের একটি দিক্ একটুকু  
বর্ণনা করা প্রয়োজন।

রামচন্দ্র যেমন রাজধর্ম, রাজনীতি  
এবং ধর্মুর্বিদ্যা শিক্ষা করিয়াছিলেন,  
তেমন সনাতন যোগধর্মও শিক্ষা করিয়া-  
ছিলেন। যোগে সিদ্ধিলাভ করা প্রযুক্ত  
রামচন্দ্র নিম্পৃহ নিশ্চল এবং সমদর্শী হইয়া-

ছিলেন। রাম রাজ্যাভিষিক্ত হইবেন।  
রাজবেশ পরিধানপূর্বক তিনি পিতৃপদধূলি  
ও আশীর্বাদ প্রার্থী হইয়া মহারাজ  
দশরথের কক্ষে প্রবেশ করিলেন। কিন্তু  
রাজানন হইতে আশীর্বাদের পরিবর্তে  
কৈকেয়ী প্রমুখাং বন গমনাজ্ঞা শ্রবণ  
করিলেন। তথাপি রাম পিতা বিমাতা  
কৈকেয়ী বা মন্দমতি মহারার প্রতি  
বিন্দুগাত্র দোষারোপ করিলেন না।  
তদ্রূপ বিপৎপাতে তাঁহার সমচিত্ততা ও  
সমদর্শনের অভাব ঘটিল না। যেমন  
হৃষ্টচিত্তে পিতৃকক্ষে প্রবেশ করিয়াছিলেন,  
তেমনি হৃষ্টচিত্তে নিষ্ক্রান্ত হইলেন, ইহা  
তাঁহার যোগের ফল। হায়! রামচন্দ্র,  
যথার্থই তুমি বশিষ্ঠদেবের উপযুক্ত শিষ্য।  
তুমি সুখে দুঃখে সম্পদে বিপদে দন্দরহিত  
অবস্থা পরিষ্কার প্রদর্শন করিয়াছ। কিন্তু  
পতিগতপ্রাণা সীতাতে রামচন্দ্রের সহ-  
ধর্ম্মিণী ভাবের অভাব পরিলক্ষিত হইয়াছে।  
সতী সীতা রামসঙ্গপ্রিয় ; কিন্তু রামচন্দ্রের  
যোগধর্মের প্রতি তাঁহাকে মতিহীনা  
বলিলেও হয়, পতিহীনা বলিলেও হয়।  
সেই নিমিত্ত পর্ষতের শ্রায় ধীর গন্তীর  
রাম চরিতের পার্শ্বে বাতাহতা তরঙ্গিণীর  
শ্রায় অধীরা সীতাচরিত চিরদিনই এক  
প্রকার রহিয়া গিয়াছে। রামচন্দ্রের  
ধর্মের প্রতি যদি সীতার মতিগতি থাকিত,  
তাঁহার মধুর পবিত্র চরিত্রে বৈরাগ্যসম্ভূত  
ধৈর্য্য গান্ধীর্ষ্যের সমাবেশ হইত।

গোপার দুর্লভ চরিত্র অগ্নি প্রকার।

রামও সীতাকে ত্যাগ করেন। সিদ্ধা-  
র্থও গোপাকে ত্যাগ করেন। রামচন্দ্র

প্রজারজন্য অস্তুর্ত্রী সীতাকে বাস্তুকির ভূপাশনে নির্ধারিত করেন। সিদ্ধার্থ জগতের প্রজাপুঞ্জের দুঃখ নিরাকরণার্থ গোপাকে ভোগবিলাসপূর্ণ রাজপ্রাসাদে পরিভ্রমণ পূর্বক স্বয়ং বনে প্রস্থান করেন। যথাকথঞ্চিৎ ভিক্ষালব্ধ আহারীয় দ্বারা জঠরজ্বালা দূরীকরণে তিনি রত হন।

গোপা সদ্য প্রসূত শিশুর জননী। তাঁহার স্বামী এক প্রকার নিরুদ্দেশ। কি নিদারুণ বিরহদহনে সেই সময়ে গোপাদেবী তাহা ভাবিয়া দেখ। ছন্দক সিদ্ধার্থের বেশ ভূষা লইয়া ফিরিয়া আসিল। তাহার প্রমুখাৎ নিদারুণ সংবাদ অল্প সকলের আশ্রয় গোপাও শ্রবণ করিলেন যে, সিদ্ধার্থ সন্ন্যাসীবেশ ধরিয়াছেন, কঠোর তপস্বরূপে রত হইয়াছেন, গোপা অবস্থানরূপ অস্থিরতা প্রকাশ করেন নাই। ধীরভাবে দয়িতের আশ্রয় ও ব্রতের অনুসরণে রত হইলেন। সিদ্ধার্থের আশ্রয় সঙ্গী এবং সহধর্মিণী হইবার জন্ত প্রতিজ্ঞাক্রম হইলেন। আপনার কেশদাম আপনি কর্তন করিলেন। মূল্যবান পরিচ্ছদের পরিবর্তে ছিন্ন মলিন বস্ত্রে লজ্জানিবারণ করিলেন। সুকোমল শয্যাসহ খট্টা ছাড়িয়া ভূমিতলে শিশুসন্তান-সহ দিন যামিনী যাপনে প্রবৃত্ত হইলেন। একান্তমনে প্রাণে প্রাণে গোপার আশ্রয় সিদ্ধার্থের আশ্রয় অনুসরণ করিতে লাগিল। সিদ্ধার্থ কি আহা করেন, কি ভাবে কোথায় কালহরণ করেন, কাহার সঙ্গে কি প্রসঙ্গে গ্রীত হইলেন, গোপা রাজাস্তঃপুরের সুখসমৃদ্ধিরামিধ্যে থাকিয়াও তাহারই অনুধ্যানে মগ্ন। তিনি

উপকরণবিহীন তপ্তল মাত্র ভোজন সার করিলেন। সর্বপ্রকার ধাতুপাত্রের পরিবর্তে সামান্ত মৃৎপাত্র মাত্র ব্যবহার করিতেন। বলিতে কি গোপাদেবী পতির ধর্মের অনুসরণার্থ সর্বপ্রকার ভোগ বাসনা বিনাশ ব্রতে ব্রতী হইয়াছিলেন।

সীতা পতিব্রতা ; গোপা পতির সহধর্মিণী। সীতা পতিসঙ্গ সুখার্থিনী কিন্তু পতিবিরহানলে চিরদগ্ধা। গোপা পতির কুশলার্থিনী, দৈহিক বিবাহে সহিষ্ণু প্রকৃতি, অতএব পতিসঙ্গ বিরহিত অবস্থাতেও সন্তোষরসাত্ত্বিক স্মরণে সুধীরা। রাম-গত প্রাণ হইয়াও সীতা রামচন্দ্রের যোগ-ধর্মের ফলভোগ করিতে পারেন নাই। পরন্তু গোপা বুদ্ধদেবের নির্মাণ ধর্মের অধিকারিণী হইয়াছিলেন। বুদ্ধদেব যেমন নির্মাণ ধর্ম প্রচারের কার্যে জীবন শেষ করিলেন তৎসহধর্মিণী গোপাও কালক্রমে এবিষয়ে তাঁহার অনুবর্তন করিয়াছিলেন। তাঁহার উভয়ে প্রথমতঃ প্রচার কার্যের দৃষ্টান্ত জগৎকে প্রদর্শন করিয়া গিয়াছেন।

বুদ্ধদেবের বাসনা ত্যাগপেক্ষা যশো-ধারার বাসনাত্যাগ সমধিক প্রশংসনীয়। কেননা বুদ্ধদেব সেই নিরতি লইয়া জন্ম-গ্রহণ করিয়াছিলেন। কিন্তু গোপা কেবল পতির ধর্মগ্রহণ উপলক্ষে অবলা হইয়াও বাসনাত্যাগের অপরাজিত শক্তি প্রদর্শন করিয়া গিয়াছেন।

স্মরণার্থ ধর্মসাধনে এবং পতির অবলম্বিত ধর্মকে অনুসরণপূর্ণ অন্তরে গ্রহণ বিষয়ে গোপা ভারতীয় নারীজাতির মধ্যে অনন্তসাধারণ উদাহরণ।

মতীহ, শুদ্ধাচার এবং পতিব্রত্যাধর্মে সীতা এবং গোপা উভয়েই সমকক্ষ। ধর্মাত্মসরণে, ধর্মসাধনে, ধ্যানে, বৈরাগ্যে, ধৈর্য্যে গোপাদেবী অতুলনীয়। ভারত-ললনাকুলে তাঁহারা দেবী, অভিভাবিকা-স্বরূপ। অর্থাৎ ইংরেজগণ যাহাকে Guardian angel বলে সেই নামে অভিহিত হইতে পারেন।

তাঁহারা অতীত স্বর্গলোকে থাকিয়া ভারতবর্ষীয়া নারীজাতির প্রতি আশীর্বাদ বর্ষণ করিতেছেন। তাঁহাদের আশীর্বাদেই এদেশীয় নারীসমাজে একরূপ শ্রী এবং গান্ধীয়া, পবিত্রতা এবং ধর্মাত্মরাগ।

তাঁহাদের পবিত্র মধুর চরিত-কথা ভারতীয়া আবাল বৃদ্ধা নারী মাত্রেয় হইয়া অবশ্য স্মরণীয় বিষয়। সীতার প্রভাবে অসুন্দেহীয়া মহিলাগণ পতিব্রতা ধর্মলাভে যত্নবতী। কিন্তু যাহারা ধর্মসাধনে কিম্বা প্রিয়তম পতির ধর্মলাভার্থ যত্নবৃত্ত, তাঁহারা যে গোপাদেবীর অনুসরণ করেন তাহা কি অবগত আছেন ?

শ্রী—

আত্মিক ।

সংসার প্রেম-বিদ্যালয়। এখানে যাহারা আগমন করে প্রেমই তাহাদের শিক্ষণীয় প্রধান বিষয়। অত্যাশ্রয় অনেক বিষয়ও এখানে শিক্ষণীয় আছে। সেগুলির জ্ঞান সংজ্ঞা দেওয়া হইয়া থাকে। কিন্তু জ্ঞানও প্রেমশিক্ষারই সহায়। ভক্ত বলেন “প্রীতিঃ পরম সাধনম্”। পরম

বলিলেও হয়, চরম বলিলেও হয় ; ফলতঃ প্রেমই মুখ্য বিষয়। ভূমিষ্ঠ হওয়া অবধি প্রেমশিক্ষার আরম্ভ। দেহত্যাগ পর্যন্ত কেহ এশিক্ষার প্রতিষ্ঠা করিতে পারে না। প্রেমের প্রথম শিক্ষা, গ্রহণে বা ধ্যানে। পরের শিক্ষা হয়, দানে বা সেবায়।

শিশু অজ্ঞান। কিন্তু মাতা পিতা প্রভৃতি অভিভাবকগণ জ্ঞানবান। তাঁহারা শিশুর যাহাতে সর্বপ্রকারে সুখ হয়, কোন প্রকারে কোন অভাবে তাহার ক্রেশ পাইতে না হয় তজ্জন্ত সতত সতর্ক। মেহের সহিত প্রেমের সহিত—শিশুর সেবা শুশ্রূষায় তাঁহারা নিরত। একটি ক্ষুদ্র বীজ রোপণ করিয়াই গৃহস্থ যেমন তাহার উপরে বারিসিঞ্চন করিতে নিযুক্ত থাকে, শিশুর জন্মাবধি তেমন অভিভাবক অভিভাবিকারা তাহার জীবনের উপরে মেহধারা সিঞ্চন করিতে প্রবৃত্ত থাকেন। স্মরণার্থ শিশু অজ্ঞানতার মধ্যে থাকিলেও প্রেমগ্রহণের দ্বারা প্রেমই শিখিতে থাকে। জ্ঞানলাভ হইলেই বালক বা যুবক দেখিতে পায় যে, প্রেম তাহাকে আশ্রয় লিয়া রহিয়াছে, প্রেম তাহার তত্ত্বাবধান করিতেছে, প্রেম তাহার রক্ষণাবেক্ষণে ও পরিপোষণে রত রহিয়াছে। দিবানিশি তাহার উপরে প্রেম বা মেহধারি বর্ষিত হইতেছে।

অনেকে (পান্ডিৎ) দমকলে পুকুর বা কুপাদি হইতে জলোত্তোলন ব্যাপার দেখিয়াছেন। শূকরল ঘুরাইলে কলে জল উঠে না। এজন্ত যে নলের মুখ দিয়া জল উঠে, সেই নলের মুখে পূর্বের কিছু

জল ঢালিয়া দিয়া কল ঘুরাইলে প্রদত্ত জলের আকর্ষণে জল উঠিতে আরম্ভ হয়। আমাদের হৃদয়ের উপরে পিতা মাতা প্রভৃতি স্নেহের জল ঢালিয়া দিতে থাকেন। সেই জলের আকর্ষণে হৃদয় কূপ হইতে প্রেম ও দয়ার জল আকৃষ্ট করা হয়। অজ্ঞানাবস্থায় আমরা যে দয়া প্রাপ্ত হই, জ্ঞানোদয় হইলে হৃদয়ে প্রবিষ্ট সেই দয়াই, স্নেহরূপে প্রেমরূপে দয়ারূপে হৃদয় ভেদ করিয়া উঠিয়া থাকে; এবং প্রেমাস্পদ প্রিয়জনের উপরে কিম্বা মনুষ্যজাতির উপরে তাহা পতিত হইতে থাকে। আমাদের জ্ঞানজন্মিব্যবহার পর প্রেমই জীবনের মঙ্গলরূপে উদ্যাপন করিয়া আমরা জীবনধারণ করি।

পিতা মাতা প্রভৃতি অভিভাবকের স্নেহ প্রীতির উৎপত্তি কোথায়? যেখানে সৃষ্টির সকলই উৎপন্ন, উহাও সেখানে উৎপন্ন। ঈশ্বর সর্বপ্রকার প্রেমের নিদান। এ জন্ত অণু প্রকার জ্ঞান বুদ্ধির সহিত ঈশ্বর সযত্নেও জ্ঞানবুদ্ধি যখন হইতে থাকে, মনুষ্যের হৃদয়ে ঈশ্বরের প্রতিও তখন প্রীতি এবং কৃতজ্ঞতার সঞ্চারিত হইয়া থাকে। সকল দেশে সকল কালে মনুষ্যগণ বয়োবৃদ্ধি সহকারে পিতা মাতার প্রতি যেমন ভক্তি কৃতজ্ঞতা প্রকাশ করে, তেমন ঈশ্বরের প্রতিও ভক্তি কৃতজ্ঞতা অর্পণ করিয়া থাকে।

হিন্দু, মুসলমান, খ্রীষ্টান ও বৌদ্ধ প্রভৃতি সকল ধর্মসম্প্রদায়মধ্যেই আঙ্কিকের প্রচলন আছে। দেবোদ্দেশ্যে

সম্রাট বন্দনাদির নামই আঙ্কিক। যে কোন দেবতাকে যে কোন সম্প্রদায় আপনাদের সৃষ্টি স্থিতি ও বৃদ্ধির কারণ স্বীকার করে, সেই সম্প্রদায়, দিনের কোন কোন নির্দিষ্ট সময়ে সেই দেবতার প্রতি প্রীতি ভক্তি কৃতজ্ঞতা এবং আত্মনিবেদন বা স্তব স্তুতি নিষ্ঠার সহিত প্রদান করিয়া থাকে। মনুষ্যজীবনের এই একটি অতি গুরুতর কার্য। সংসারে পিতা মাতা পতি স্ত্রী ও পুত্র কন্যা ভাই ভগিনীর প্রতি প্রীতি যেমন গুরুতর কর্তব্য, আপনার সঙ্গীর প্রতি ভক্তি ও কৃতজ্ঞতা দানও তেমন অত্যন্ত গুরুতর কর্তব্য। মনুষ্যের জীবনই প্রেম ভক্তি সাধন জন্ত। পরিবার পরিজনের প্রতি প্রেম সাধন না করিলে মনুষ্যসমাজে কেহ জীবনধারণ করিতে সক্ষম হয় না। ঈশ্বরের প্রতি ভক্তি সাধন না করিলেও আপনার মনুষ্যোচিত কর্তব্য সাধনপূর্বক মনুষ্যজীবনের প্রকৃত উদ্দেশ্য কোন ব্যক্তি পূর্ণ হইতে দিতে পারে না।

মহাজনগণ দেশে দেশে যুগে যুগে জন্মধারণ পূর্বক ঈশ্বরের প্রতি ভক্তি প্রেম কৃতজ্ঞতা সাধনের দৃষ্টান্ত প্রদর্শন করিয়া থাকেন। মহাজনদের পথানুসারী অসংখ্য নরনারী প্রতিদিন নিষ্ঠাসহকারে আঙ্কিক অস্থান দ্বারা সংসারে থাকিয়া বৈকুণ্ঠলাভের পথ প্রদর্শন করিতেছেন।

আঙ্কিক নিষ্ঠা অতি গুরুতর বিষয়। সকল দেশে সকল জাতিতে রমণী এবং গৃহিনীই আঙ্কিক নিষ্ঠার জীবন্ত মূর্তি। প্রীতি যে মনুষ্যের আকৃতি ও মুখশ্রীকে

সৌন্দর্য্য দান করে তাহা বলা বাহুল্য। ভক্তি এবং কৃতজ্ঞতা আত্মনিবেদন ও প্রার্থনা গৃহিনীদের মুখের সেই শ্রীতে লাগণামাথা করিয়া তোলে। আমার এবং আমার সমবয়স্ক বন্ধুদের অনেকের জননীর মুখে নিত্য পূজা অস্থানের পরে এমন নয়নরঞ্জন শোভা দেখিয়াছি যে অদ্যাবধি তাহা স্মরণ করিয়া পরম সুখলাভ করি। তাঁহারা পৌত্তলিক ছিলেন; পুতুলেরই পূজা অর্চনা, স্তুতি বন্দনা প্রতিদিন নিষ্ঠাসহকারে করিতেন। কিন্তু তথাপি ভক্তির এমনই মধুময়ী প্রভাব যে তাহা আশ্চর্য্যরূপে তাঁহাদের মুখশ্রীতে প্রকাশ পাইত।

নবাসপ্রদায় কি কুসংস্কারের সঙ্গে আঙ্কিক নিষ্ঠাকে কুসংস্কার বলিবেন? আঙ্কিক নিষ্ঠা শ্রদ্ধাসহকারে গ্রহণ না করিলে, যত্নসহকারে সাধন না করিলে নবাসপ্রদায়ে ইহার প্রভাব থাকিবে না।

পরিবারে বাস করিয়া পরস্পরের সেবায় আমরা নিত্য প্রেমসাধন করিতেছি। ঈশ্বরকে স্বীকারপূর্বক প্রতিজন যদি প্রতিদিন স্তব স্তুতি ও আত্মনিবেদন সহযোগে ভক্তির সাধন প্রত্যাহ না করেন কখন জীবনে শান্তি ও শুদ্ধতা অহুভব করিতে পারিবেন না।

নিয়মিত সময়ে প্রতি দিন ভক্তির সাধনকেই আঙ্কিক বলা যায়। আঙ্কিকে নিষ্ঠা নব্য সভ্যতা সমাগমের প্রলয়ঙ্কর কালে গৃহিনীগণের অবশ্য অবলম্বণীয় বিষয়। ঈশ্বর আমাদের প্রিয় পরিবারে এবং মনুষ্য সমাজমধ্যে বাস করিবার

অধিকার প্রদান করিয়াছেন। আমরা এই সুযোগে প্রতি দিন নিষ্ঠার সহিত সজ্ঞানে ঈশ্বরের প্রতি কৃতজ্ঞতা ভক্তি এবং মনুষ্যজাতির প্রতি শ্রদ্ধা প্রেম ও কৃতজ্ঞতাসাধনে যেন কেহ নিষ্ঠাহীন না হই।

রমণী গৃহের লক্ষ্মী এবং গৃহ রক্ষাকারিণী। অথবা রমণীর প্রেমই মনুষ্যজাতির গৃহপদে বাচ্য হইয়া থাকে। রমণীগণ যদি ভক্তিপ্রেম স্ব স্ব জীবনে সযত্নে রক্ষা করেন, তাঁহাদের আশ্রিত জনেরা আশীর্বাদের তায় তাহা অবশ্য লাভ করিবে। যে রমণীর জীবনে ভক্তি নাই সে রমণীর গৃহ বারিবিহীন জলাশয়-সদৃশ। গৃহরক্ষার ভার তাঁহাদের, ভক্তি রক্ষার ভারও তাঁহাদেরই। তাঁহারা ভক্তিপূর্ণ হৃদয়ে যাহাদিগকে আহাৰ্য্য দান করি- যেন, তাঁহারা শরীর পোষণের সহিত জীবনের পুষ্টি ভক্তি অমৃত ও প্রাপ্ত হইবে। এ কথা বিশ্বাসযোগ্য কি না পাঠিকাগণ ক্ষণকাল চিন্তা করুন।

শ্রীদি—

প্রাপ্ত।

( শ্রীদ্বৈপলক্ষে পঠিত )

স্বর্গীয়া বড়বধু ঠাকুরাণী ।

মার অপার লীলা কে বুঝিতে পারে? ইনি যে এত শীঘ্র আমাদের কাছে ছাড়িয়া চলিয়া যাইবেন তাহা বুঝিতে পারি নাই। ইনি আমাদের পূজনীয়া ছিলেন। যদিও



তাঁহার মনুষ্যস্বভাবমূলক দোষ দুর্বলতা ছিল কিন্তু কোন কোন বিষয়ে এত নিষ্ঠা ছিল যাহা সচরাচর দেখা যায় না। অত্যন্ত উপাসনা নিষ্ঠা ছিল। যখন আমরা পরিবার গুরু সকলে ব্রাহ্মসমাজভুক্ত হই, তখন ইনি প্রধান সহায় ছিলেন। কুসংস্কার অতি কমই ছিল। প্রতি দিন উপাসনায় অতি সুমিষ্ট প্রার্থনা করিতেন। সে প্রার্থনা এত গভীর এবং হৃদয়স্পর্শী যে, মনে হইত ঈশ্বরের সঙ্গে কথোপকথন করিতেছেন। তাঁর পার্থিব কোন হুঃখ যন্ত্রণার কথা বলিতেন না, কেবল বলিতেন, “মা তুমি আমাকে তোমার কোলে স্থান দাও। তোমাতে আমাকে মুগ্ধ করিয়া রাখ। তোমা বই আর মাথা রাখিবার স্থান নাই। তোমার আঞ্জা সর্বদা যেন পালন করিতে পারি। তোমা ভিন্ন আমি আর কিছুই চাই না।” এই ভাবের প্রার্থনা করিতেন। কিন্তু সর্বদাই তাতে নূতনত্ব ছিল। বহু কথা ছিল না। এই সকল প্রার্থনা শুনিয়া উপাসনার ভাব সকলেরই যেন আরো সরস হইয়া উঠিত। সচরাচর যে ভাবে থাকিতেন, উপাসনার সময় তাঁহার ভাব এক স্বতন্ত্র আকার ধারণ করিত। ইদানীং তাঁহার এই ভাব অতিশয় প্রবল হইয়াছিল। সংসারের সুখ তাঁহার হয় নাই। চিরদিন হুঃখে হুঃখে কাটাইয়াছেন, তবু ভগবানের প্রতি কোন অবিশ্বাস বা সন্দেহ মনে পোষণ করেন নাই। আমাদের ধর্মের সহায়তা কত করিয়াছেন। এই সকল ভাবিলে মনে হয়, তিনি যেন ইহলোক ছাড়িয়া বসিয়া গোপনে গোপনে

প্রস্তুত হইতেছিলেন। তাঁর চরিত্র অতি বিশুদ্ধ ছিল। সতীত্ব ও লজ্জাশীলতায় তিনি অতি বিভূষিতা ছিলেন। বৈধবা অবস্থায়ও প্রায় ২৪।২৫ বৎসর সংসারে অতি নিষ্ঠার সহিত কাটাইয়া গিয়াছেন। জীবনের উচ্চ ব্রত পালন করিয়া ধন্য হইয়াছেন। ব্রাহ্মসমাজভুক্ত হইয়া প্রায় ৪০ বৎসর কাটাইয়াছেন! ভগবানের প্রতি ভক্তি অতি আশ্চর্য্য ছিল। তাঁর গুণের আদর পৃথিবীতে হয় নাই, কিন্তু আশা করি, মা তাঁর কথাকে আপনার শান্তিক্রোড়ে স্থানদান করিয়া কৃতার্থ করিয়াছেন। শুনিয়াছি শেষ মুহূর্ত্ত পর্য্যন্ত সজ্ঞান অবস্থায় ছিলেন, এবং হরি হরি করিতে করিতে প্রাণত্যাগ করিয়াছেন। শেষ সময়ে আমাদের কাছে দেখিবার জন্ম খুব ব্যাকুল ছিলেন, কিন্তু পৃথিবীতে আর দেখা হইল না। এখন মার চরণতলে আধ্যাত্মিক ভাবে দর্শন হইবে এই চিরদিনের আশা। তাঁর জ্যেষ্ঠ পুত্র শ্রীমান্ দ্বারকানাথ সর্বদা নিকটে থাকিয়া যেরূপ সেবা গুরুত্বা করিয়াছেন, তাতে তারও জীবন ধন্য হইয়াছে। প্রার্থনা করি এই মাতৃভক্তির যথার্থ আশীর্বাদ লাভ করিয়া ইনি কৃতার্থ হউন। ভগবানের রূপা লাভ করিয়া সন্তানগণ মার উপযুক্ত সন্তান হইয়া জীবনকে কৃতার্থ করুন। ছোট ছেলেটি সংপ্রতি বিলাতে আছেন। না জানি এই ঘটনা শুনিয়া দূর দেশে একাকী তাঁর প্রাণ কতই আকুল হইবে। মা রূপা করিয়া তাঁরও আত্মার সান্ত্বনা দান করুন, এই প্রার্থনা করি। তাঁর এখন

দুইটি পুত্র ও একটি কন্যা বর্তমান। সকলেই বিধানমণ্ডলীভুক্ত। তাঁর চরিত্রের একটি বিশেষ গুণ ছিল, তিনি কারো নিকট আত্মসম্মান হারাইতেন না। কারো নিকটে ভিক্ষার্থী হইতে চাহিতেন না। অত্নের সহায়তা করা এবং সেবা করা তাঁর স্বাভাবিক গুণ ছিল। নিজের হুঃখ প্রায় কারো কাছে বলিতেন না। প্রার্থনা করি মা জগজ্জননী তাঁর কথাকে আপন শান্তিক্রোড়ে স্থানদান করিয়া সকল হুঃখ, সকল কষ্ট নিবারণ করুন। আমাদেরও জীবন দিন দিন সেই অনন্ত জীবনের দিকে অগ্রসর হউক, এই প্রার্থনা করি। পরলোকের জন্ম মা আমাদের প্রস্তুত করুন। মা! আশীর্বাদ কর, আমরা যেন শীঘ্র শীঘ্র তোমার পৃথিবীর কার্য শেষ করিয়া স্বদেশে প্রবেশ করিয়া ধন্য হইতে পারি। আর কি বলিব, মা, তোমার ইচ্ছা পূর্ণ হউক। শান্তিঃ শান্তিঃ শান্তিঃ।

শ্রীচন্দ্রমোহন কর্মকার।

মহিলাদিগের রচনা।

পরনিন্দা ও পরচর্চা

এবং

তাহা পরিত্যাগের ও

স্বভাবোন্নতির উপায়।

( রেঙ্গুণ মহিলা সমিতির অধিবেশনে পঠিত )

রমণীগণ দয়া, দাক্ষিণ্য, পতিভক্তি, সহিষ্ণুতা প্রভৃতি সদগুণের জন্ম যেরূপ চিরপরিচিতা পরনিন্দা, পরচর্চা, কলহ-

প্রিত্য প্রভৃতি কয়েকটি কুস্বভাবের জন্মও সেরূপ সুপ্রসিদ্ধ।

গুণোন্নতির আলোচনা হওয়া ভাল, কিন্তু কুস্বভাব সংশোধনের উপায় আলোচনা তদপেক্ষা অনেক গুণে ভাল। সেই জন্মই আমি আমাদের কুস্বভাব গুলির আলোচনা না করিয়া কুস্বভাব গুলিরই আজ আলোচনা করিব। এবং যে দোষটি অল্পবিস্তর সকলেরই মধ্যে বর্তমান তাহারই আলোচনা হওয়া সর্বাপেক্ষা শ্রেয় বিবেচনায় তাহারই সম্বন্ধে অদ্যকার অধিবেশনে দুই চারটি কথা বলিব মনে করিয়াছি।

সে দোষটি যে পরনিন্দা ও পরচর্চা তাহা সকলেই বুঝিতে পারিয়াছেন বোধ হয়। এই কুস্বভাবটি আমাদের মধ্যে সংক্রামক রোগের স্থায় বিস্তৃত হইয়া পড়িতেছে, আজ কাল এই রোগাক্রান্ত নন এমন রমণী অতি অল্পই দেখিতে পাওয়া যায়।

দুইটি স্ত্রীলোক আমরা একত্র হইলেই পরের চরিত্রের, তাহাদের স্বামীর, পুত্র কন্যার, আত্মীয় স্বজনের অধিকন্তু তাহাদের চতুর্দশ পুরুষের নিন্দা করিতে ছাড়ি না। এমনটা না হইলে আমাদের মজলিস্ জমে না ছেলের হুঃখ খাওয়াইবার সময় হইয়া যায় উঠি উঠি করিয়া উঠা হয় না, বৈকালিক খাবার প্রস্তুতের সময় কোনদিক দিয়া কথায় কথায় চলিয়া গিয়াছে ছেলেরা সময় মত খাবার পাইল না কাঁদিলে বড় রাগ করিলেন বাড়ীতে একটা অশান্তির সৃষ্টি হইল।

সর্বদা পরনিন্দা ও পরসমালোচনা

করিতে কহিতে আমদের এতই অবনতি ঘটয়াছে যে স্ত্রী স্বামী, ভগ্নী ভ্রাতার, মাতা কথার ও কথার মতের নিন্দা করিতেও বিমুখা হইল না। সামান্য মৌখিক স্মৃতির জন্ত কর্তব্যে বিস্মৃতি সংসারে অশান্তি, আত্মীয় স্বজনের মধ্যে মনোভঙ্গ এবং বন্ধুত্বে বিচ্ছেদ আশ্রয় করে।

রমণীরা স্বাভাৱা শাশুড়ীর গঞ্জনা, স্বামীর অনাদর, সংসারের দৈন্যতা হাঙ্গামায় বহন করেন, তাঁহাদেরই পক্ষে কি এই সামান্য মৌখিক স্মৃতি বা সংসারের ও সমাজের পক্ষে অমঙ্গলকর তাহা ত্যাগ করা বড়ই কষ্টকর। পূর্বে একথার আলোচনা নিজে রাখেন না। কিন্তু মাস দুয়েক পূর্বে সমিতিতে “পরিনিন্দা ও পরচর্চা না করিতে চেষ্টা করিব” এমতদ্বয়ে ব্রত লইবার যখন একটা কথা উঠে তখন হইতে আমরা মনে হইয়াছে কি করিলে সে ব্রত পালনের পক্ষে সাহায্য হইতে পারে।

আমর বোধ হয় পরের স্বভাব চরিত্রের সমালোচনার সঙ্গে সঙ্গে যদি নিজেরও স্বভাব চরিত্রের সমালোচনা করি তখন নিজের দোষ সংশোধনের ইচ্ছা হইতে পারে এবং সেই সঙ্গে সঙ্গে পরিনিন্দা ও পরচর্চার ইচ্ছা অল্প হইতে অল্পতর হইয়া ক্রমেই চলিয়া যাইতে পারে।

কিন্তু সকলেই যে একই উপায়ে স্ব স্ব স্বভাব সংশোধন করিতে পারিবেন তাহা বলিতে পারি না। সকলেই নিজ নিজ স্বভাব বুঝিয়া তাহা সংশোধনের উপায় স্থির করিতে পারেন।

সঙ্গ কথা রমণীগণ যে প্রকারেই

হোক তাহাদের স্বভাব চরিত্রের উন্নতি করিতে পারিলে 'নায়েদের মঙ্গল সংসারের মঙ্গল এবং সমাজের পক্ষেও মঙ্গলকর পুষ্পমালা।

### নববর্ষ ।

( কেশবপ্রসন্ন উদ্যানের সম্মুখে লিখিত )

আজি শুভ	নব বর্ষের দিনে
এসেছি সকলে	আনন্দিত মনে,
পুরাতন বর্ষ	গিয়াছে চলিয়া
পুরাতন সব	গিয়াছে মিশিয়া,
নূতন উদ্যমে	নূতন আশায়
নূতন প্রাণেতে	এসেছি হেথায়,
নূতন সঙ্গীতে	নূতন পরাণে
ডাকিছে কোকিল	ডাকিছে কাননে,
এই রম্য স্থানে	মাধু ভক্তগণ
এই রম্য স্থানে	সমাধি মগন,
এই রম্য স্থানে	“ব্রহ্মানন্দ” স্মৃতি
এই রম্য স্থানে	সেই যোগী মূর্তি
প্রেম ভক্তি কত	করে উদ্দীপন
আজি এই স্থানে	নূতন জীবন।
আজি হবে মোরা	নবীন বর্ষে
গাই তাঁর গুণ	মনের হৃদয়ে,
ছোট শিশু মোরা	নবীন বর্ষে
নমি তাঁর পদে	মনের হৃদয়ে,
বচিত বাহার	এই ক্ষুদ্র প্রাণ
নববর্ষে করি	তাঁর গুণগান।

স্বনীতি কলেজ  
কুচবিহার  
৫১২০৯।

বিধান নন্দিনী  
মজুমদার

### সংবাদ ।

ভাগলপুরে যাওয়ার অব্যবহিত পরে ক্রমে দুই দিন ভাই গিরিশচন্দ্র সেনের পীড়া অতিশয় বৃদ্ধি পাইয়াছিল, জীবনের আশা বড় ছিল না। ঈশ্বরকৃপায় রক্ষা পাইয়াছেন। তিনি দুর্বল ও একান্ত ভগ্নশরীরে কলিকাতার পুঁজিয়া তাঁহার নাতিজামাই শ্রীমান রেবতীমোহন সেনের ১৪নং ১নং মসজিদ বাড়ী ট্রাট ভবনে কয়েক দিন হইল বাস করিতেছেন। সকলকে স্বহস্তে পত্র লেখা তাঁহার পক্ষে হ্রাসাধ্য। ক্রমে স্বাস্থ্যোন্নতির আশা করা যাইতেছে। বড় বড় ডাক্তারগণ সামুদ্রিক শীতল বায়ু সেবনে এই রোগের উপশম হইবে এইরূপ বলিয়াছেন। তাহার কোনরূপ ব্যবস্থা এক্ষণে হইয়া উঠে নাই।

সুপ্রসিদ্ধ বাবুগোপাল শ্রীযুক্ত সত্যপ্রসন্ন সিংহ মহাশয় বড়লাট সাহেবের কাউন্সিলের সভ্য নিযুক্ত হইয়াছেন। তিনি ভারতগভর্নমেন্টের আইন বিভাগের কর্মী হইলেন। ইতিপূর্বে আর কোনও ভারতবাসী এপদে প্রতিষ্ঠিত হইন নাই। ভারত-সচিব লর্ড মলি গতবর্ষে স্বয়ং কাউন্সিলে মাননীয় শ্রীযুক্ত কে, জি, গুপ্ত ও বেলপ্রামো সাহেবকে সদস্যরূপে গ্রহণ করিয়াছেন, এবার সিংহ সাহেবকে ভারতগভর্নমেন্টের সদস্য মনোনীত করিয়া ভারতবাসীকে কৃতজ্ঞতাশেষে আবদ্ধ করিলেন। বাঙ্গলা দেশের গৌরবের বিষয় যে ইহাদের দুজনই বাঙ্গালী এবং তাঁহারা উভয়েই ব্রাহ্মধর্মাবলম্বী লোক।

এবার কলিকাতায় বসন্তোৎসবের অতিশয় প্রাচুর্য হইয়াছে। কোন কোনও সম্প্রদায়ে চারিশতেরও বেশী লোক এই রোগে মারা গিয়াছে। বহুকাল একরূপ বসন্তের মড়ক দেখা যায় নাই।

কলিকাতা টাউনহলে ভারতীয় বিভিন্ন ধর্মাবলম্বীদিগের এক মহাসভা হইয়াছিল। দ্বারদ্বয়ের মহারাজা তাহার সভাপতি হইয়াছিলেন। ভিন্ন ভিন্ন সম্প্রদায়ের বহু লোক সমবেত হইয়াছিলেন। হিন্দু, মুসলমান, বৌদ্ধ, খৃষ্টান, জৈন, জিহদি, বৈষ্ণব, ব্রাহ্ম সকল সম্প্রদায়ের লোক একত্র হইয়া ধর্মালোচনা করা এদেশের পক্ষে এক নূতন ব্যাপার। এ উপলক্ষে বিশ্বপতি বিশ্বরাজ পরমেশ্বরের নিকট প্রার্থনা করিয়া সঞ্জিলনীর কার্য আরম্ভ হইলে বড়ই ভাল হইত।

ময়ূরভঞ্জে একটা অনাথাশ্রম স্থাপিত হইতেছে। মহারাজা তজ্জন্ত বার্ষিক সহস্র মুদ্রা ব্যয় মঞ্জুর করিয়াছেন। পিতৃমাতৃহীনদের আশ্রয়দাতাকে ভগবান আশীর্বাদ করিবেন।

• মানবহৃদয়ের তাড়িতা—মানব হৃদয়ের প্রত্যেক অঙ্গের চালনার দ্বারা কিয় পরিমাণে তাড়িত উৎপন্ন হইয়া থাকে। তাড়িতবক্ষণ ও তাড়িতমান যন্ত্রের দ্বারা ইলেক্ট্রিক ধরা যায়। ১৮৫৫ খ্রীষ্টাব্দে কুর্নিয়ার ও মুলার তাড়িতের ক্রিয়া পরীক্ষা করিবার জন্ত, তাড়িতমান যন্ত্রের দ্বারা একটা ভেকের হৃৎপিণ্ডের চলাচল পরীক্ষা করিয়াছিলেন। তাহার পর ঐ একই উদ্দেশ্যে, মানব হৃৎপিণ্ডের তত্ত্বাত্মক কার্য করার জন্ত লিপমান তাঁহার কৈশিক তাড়িতমান যন্ত্র নির্মাণ করেন। এই যন্ত্রের সাহায্যে দেহতত্ত্ববিৎ ইংরাজ পণ্ডিত

করিলে শ্রীমতীর জন্ম একটী সংপাত্র যোগাড় করিতে পারিবেন আশা করি।”

চিঠি পড়িয়া মন আরও খারাপ হইল। ভাবিলাম যাহার সুখ-স্বস্তি লইয়া বাঁচিয়া আছি তাহাকে নিজে চেষ্টা করিয়া অল্পের হাতে তুলিয়া দিব?—না, তাহা কিছুতেই পারিব না। আবার বিপরীত ভাবিলাম—মনে করিলাম আমি ত পিতার অমতে কিছুতেই শৈলজাকে বিবাহ করিতে পারিব না। তবে কি সে চিরজীবন কষ্ট পাইবে?—আমি সুখী হইতে পারিব না বলিয়া কি তাহাকেও সুখী হইতে দিব না? ভাবিতে ভাবিতে চিঠি খানা হাতে করিয়া একদিকে চলিয়া গেলাম।

আমার পরীক্ষার ফল বাহির হইল। আমি ইংরাজী ও ফিলসফিতে অন্যর পাস করিয়াছি দেখিলাম। দাদা ও বৌদিদির একান্ত ইচ্ছা মে বিবাহটা এখন দীর্ঘ সম্পন্ন হইয়া যায়। আমি কিন্তু বৌদিদির নিকট স্পষ্ট বলিলাম যে এখন কিছুতেই বিবাহ করিব না। বৌদিদি আমার ভাব স্বভাব দেখিয়া কেবল হাসিভেন; আমার কিন্তু সে হাসি একটুও ভাল লাগিত না।

কলেজ খুলিলে আমি এম্ এ, পড়িবার জন্ম কলিকাতার চলিয়া গেলাম। তথায় যাইয়া মন ঠিক করিলাম,—আমার নিজের জন্ম শৈলজার জীবন নষ্ট করিব না স্থির করিলাম। একটা সংপাত্রের সহিত তাহার বিবাহ দিয়া নিজে চির জীবন অবিবাহিত থাকিব মনে মনে এইরূপ প্রতিজ্ঞা করিলাম। শৈলজার জন্ম আমার একজন বি,এ, পাস সহায়্যারীকে বিশেষ করিয়া অনুরোধ করাতে তিনি এ বিবাহ করিতে স্বীকৃত হইলেন। শৈলজার মাকে সে সংবাদ লিখিয়া পাঠাইলাম। মনের

কি প্রকার অবস্থা লইয়া চিঠি খানা লিখিলাম তাহা লিখিয়া বুঝাইতে পারি না। ডাকবাক্সে চিঠি দিয়া আসিয়া নীরবে অনেকক্ষণ কাঁদিলাম।

ইহার কয়েক দিন পর শৈলজার এক পত্র পাইলাম। পত্রখানা এইকপঃ—

শ্রদ্ধেয় যতীন বাবু, আপনি মাতাঠাকুরাণীর নিকট যে পত্র লিখিয়াছেন তাহা পাইয়াছি। আপনি আমাদের অনেক উপকাব করিয়াছেন, বলিতে গেলে আমাদের জাতি কুল-মান সব রক্ষা করিয়াছেন, তজ্জন্ম আপনার নিকট চিরকৃতজ্ঞতাপাশে বদ্ধ আছি। কিন্তু আপনি সম্প্রতি যাত্রা করিতেছেন তাহাতে বড়ই দুঃখিত হইলাম। আপনি জানেন যে আমি ব্যতীত মার আপনার বলিবার আর কেহই নাই। এমতাবস্থায় আমি অল্পের অধীনা হইলে তাঁহার কষ্টের আর সীমা থাকিবে না; তাঁহার সেবা শুক্রবা কিছুতেই চলিবে না। আমার বিবাহ হয় ভগবানের বোধ হয় সেইরূপ ইচ্ছা নয়। কাজেই অল্পনয় করিয়া লিখিতেছি আপনি সে চেষ্টা হইতে ক্ষান্ত থাকিবেন। অনেক উপকার করিয়াছেন এটাও করিবেন। রমণীর প্রগল্ভতা মার্জ্জনা করিবেন ইতি।

আপনার রূপাকাজ্জিনী

শৈলজা।

চিঠি পড়িয়া সব বুঝিলাম। আমার হৃদয়ে যে আগুন জ্বলিতেছে সে আগুন যে শৈলজার হৃদয়কে দগ্ধ করিতেছে তাহা বেশ জানিলাম। হতভাগিনীর জন্ম বড়ই কষ্ট হইল। তাহাকে লিখিলাম—“তোমার চিঠি পড়িয়া আশ্চর্য ও দুঃখিত হইলাম। স্ত্রী-লোকের উপযুক্ত সময়ে বিবাহ না হইলে

ধর্ম ও সমাজের নিকট অপরাধিনী হইতে হয়। কাজেই আমার অনুরোধ, তোমার মত পরিবর্তন কর, নতুবা আমি বড়ই দুঃখিত হইব।”

প্রায় একমাস যাবৎ কলিকাতায় আসিয়াছি। এখানে আসিয়া উহাদিগকে কিছুই সাহায্য করিতে পারি নাই। সেই জন্ম এই চিঠির সহিত ১০০ টাকার একখানা নোট পাঠাইয়া দিলাম। চিঠিখানা ডাকে দিয়া সাতপাঁচ ভাবিতেছি এমন সময় এক আর্জেন্ট টেলিগ্রাম পাইলাম। খুলিয়া দেখি দাদা পাঠাইয়াছেন, সংবাদ—“টেলিগ্রাম পাওয়া মাত্র বাড়ী রওনা হইয়া আইস।”

চিন্তার উপর আবার চিন্তা আসিল। একমাস হইল মাত্র বাড়ী হইতে আসিয়াছি, ইতিমধ্যেই আবার বাড়ী যাইবার জন্ম জরুরী টেলিগ্রাম কেন? কারো কি কোন ব্যারাম হইল?—বাবা বৃদ্ধ, এক প্রকার চলচ্ছক্তি-হীন, তাঁহার তো কোন অমঙ্গল হইল না? ভাবিতে ভাবিতে আমার চোখে পৃথিবী আবার ঠেকিতে লাগিল। আর চিন্তা করা নিশ্চরোজন ভাবিয়া সেই দিনকার রাত্রির ট্রেনেই বাড়ী রওনা হইলাম। বাড়ীতে আসিয়া দেখিলাম যাহা ভাবিয়াছিলাম তাহার সম্পূর্ণ বিপরীত। কোথায় বাড়ীতে নারব বিমর্ষ ভাব দেখিবার আশঙ্কা করিয়া-ছিলাম, আর তৎপরিবর্তে সমবেত পাড়া-পড়সীদের আনন্দ কোলাহল ও মঙ্গল ধ্বনিতে আমার প্রাণ কেমন হইয়া গেল। দেখিয়াই বুঝিলাম আর কিছুই নয়, এ যতীন্দ্র-মেদ বজ্রের আয়োজন মাত্র। আমি কাহাকেও কিছু না বলিয়া বরাবর আমার শয়ন ঘরে প্রবেশ করিলাম। বৌদিদি আসিয়া আহ্বারের জন্ম ডাকিলেন। শরীর

ভাল নয়, কিছু খাব না বলিয়া তাঁহাকে বিদায় করিলাম।

সারারাত্রি কি ভাবে কাটাইলাম তাহা ভগবানই জানেন। পরদিন আমার “অধিবাস,”—আমার শরীর শিহরিয়া উঠিল, চোখের জল শুকাইয়া গেল। আমি শয্যা পরিত্যাগ করিতে সহজে স্বীকৃত হইলাম না। বৌদিদি আসিয়া অনেক অল্পনয় বিনয় করিতে লাগিলেন—এ অপরাধ সম্পূর্ণ তাঁহার, তাঁহাকে ক্ষমা করিতেই হইবে—ইত্যাদি বলিয়া আমার নিকট ক্ষমা চাহিলেন। এবং তাঁহার ঘটকালির নিম্ন লিখিত রূপ বর্ণনা করিলেনঃ—

“দেখুন, আমার একটা দূর-সম্পর্কীয়তা ভগ্নী—সংসারে তাহার কেউ নাই বললেও অত্যাতি হয় না, অবস্থা নিতান্ত খারাপ। দেখিতে সুন্দরী বটে। তার জন্ম আমার নিকট অনুরোধ আসলে আমি ঠাকুরের হাতে পারে ধরে তাঁহাকে সম্মত করাওয়া এই সম্বন্ধ স্থির করেছি। দেখুন আপনি শিক্ষিত; আপনি যদি গরীবের এ উপকার না করেন তবে কে করবে? আমার বোনটী নিতান্ত গরীব, এই কথা মনে ক’রে আমাকে ক্ষমা করতে হবে।”

বৌদিদির কথা শুনিয়া আমার চোখে জল আসিল, বলিলাম,—“আপনাকে বিশ্বাস ক’রে মনের কথা বলেছিলাম বলেই আমাকে এই শাস্তি দিলেন! দুঃখের বিষয় এই যে আপনি জেনে শুনে একটা স্ত্রীলোকের জীবন চিরকালের জন্ম নষ্ট করেন; আর আশ্চর্যের বিষয় এই যে সেই স্ত্রীলোকটী নাকি আবার আপনারই আত্মীয়া!”

যত ভাবিতে লাগিলাম মনের আবেগ ততই বৃদ্ধি প্রাপ্ত হইতে লাগিল। পুনরায়

পরিবারে দেবার্চনা প্রাপ্তি হওয়া প্রয়োজন। এ বিষয়েও নারীর দায়িত্ব অধিক। নারী-প্রকৃতি ধর্ম-প্রবণ। নারী আপনাদের হৃদয়ে বিশ্বনাথকে স্থাপন করিবেন, পারিবারিক বেদীকাতে বিশ্বপতিকে প্রতিষ্ঠিত করিয়া স্বামী সন্তানসহ প্রতিদিন তাঁহার অর্চনা করিবেন; গৃহ শুদ্ধ ও মধুময় হইবে।

ঈশ্বর সত্যবাদিনী ও স্বল্পভাষিনী হইবেন। কথা অপেক্ষা দৃষ্টান্ত অধিকতর কার্যকারী। নারী আপনার কথা ব্যতী হারে যদি সত্যের অল্পসরণ করেন, তাঁহার সত্যপরায়ণতা সন্তানগণে বর্তিবে। বংশ-পরম্পরা সেই সত্যপরায়ণতার স্রোত প্রবাহিত হইবে।

শ্রী বৈ—

সম্পাদক ।

মা চাকর,

আমি যে কি প্রকার সফটোপন রোগে আক্রান্ত হইয়া কষ্ট পাইতেছি বোধ করি তোমার তাহা অবদিত নাই। বর্তমান অবস্থায় আমি মহিলা কিছতেই সম্পাদন করিয়া উঠিতে পারিতেছি না। তুমি মহিলার জন্ত ছুট একটি প্রবন্ধ দিবে। অল্প বন্ধুগণ যে সকল প্রবন্ধ দিবেন তুমি তাহার প্রফ দেখিয়া দিবে। ফাল্গুন মাসের মতিলতে আমি ছুট ছত্রও লিখিতে পারি না। বিহারী বাবুকে মহিলার কাজ চালাইবার জন্ত অনুরোধ করিয়া ছিলাম। তিনি অস্ত্র চলিয়া বাইতেছেন

বলিয়া অসম্মতি প্রকাশ করিয়াছিলেন, এবং তোমার প্রতি ভার দিবার জন্ত আমাকে অনুরোধ করিয়াছেন। আপাততঃ যে যে নারী হইতেন বন্ধু দর করিয়া প্রবন্ধ পাঠাইবেন, তুমি তাহা দেখিয়া যেটার পরে যে প্রবন্ধ বাইবে তাহা Compose করিতে দিবে, এবং প্রফ দেখিয়া দিবে। বিহারী বাবু বিশেষ করিয়া তোমার কথা আমাকে বলিয়াছেন। মহিলাসম্পাদনের ভার আমি প্রেরিত দ্বিবার হইতে প্রাপ্ত হইয়াছি। এক্ষণে আমি তাহা সম্পাদনে অসমর্থ হইয়া পড়িয়াছি। অসার আমোদ গল্প উপন্যাস দ্বারা মহিলার অসারতা বৃদ্ধি করা ও কথা আসে দের দিকে তাহা-দিগকে আকৃষ্ট করা মহিলাসম্পাদনের উদ্দেশ্য নয়। সতীসাপ্রবর্তনা আর্থন্যারী-নিগের সুনীতি ও ধর্মনিষ্ঠার দিকে তাহাদের চিত্ত বাহাতে আকৃষ্ট হয়, এবং তাহাদের জীবন সমুন্নত ও সুখী হয় যথাসাধ্য চেষ্টা করা হইয়াছে। আমি কতদূর কৃতকার্য হইয়াছি বলিতে পারি না। আমার লক্ষ্য সেই দিকে, যিনি মহিলা সম্পাদন করিবেন, আমার ইচ্ছা যে সেই উচ্চ লক্ষ্যের প্রতি দৃষ্টি রাখিলেন।

আমি জানি না। মহিলাসম্পাদন করিতে আমি পুনরায় সক্ষম হইব কি না। আপাততঃ তুমি স্বীয় পিতৃদেবের পরামর্শ ও সাহায্য গ্রহণ করিয়া কাজ চালাইলে বিশেষ সুখী ও বাধিত হইব। আমি বর্তমান অবস্থায় মহিলা চালাইব বিধাতার একরূপ ইচ্ছিত বুঝিতেছি না। শরীর সুস্থ ও সবল হইলে, এবং দরবারের ইচ্ছা হইলে

পুনর্বার কার্য গ্রহণ করা অসম্ভব হইবে না।

এই পত্র পাশ্চিমাত আমাকে তোমার ইচ্ছা পত্র লিখিয়া জানাইবে। একখানা টিকেট সেই জন্ত পত্রের সঙ্গে দেওয়া গেল মহিলাদের রচনা তুমি অনেক পাও। শ্রদ্ধাপদ কান্তিবাবু মেনেজার, টাকা পাসা ও হিসাব পত্রাদির সঙ্গে তোমার কোন সম্পর্ক থাকিবে না।

আশীর্ব্বাদক—

শ্রী গিরিশচন্দ্র সেন।

গত ২৭শে মার্চ তারিখে মেছুওয়া-বাজার পোড ৬৪.২ নং ভিক্টোরিয়া নারী-বিদ্যালয়ের শিক্ষয়িত্রী শ্রীমতী কুমারী চাকরলা নিয়োগী লিখিয়াছেন,—

শ্রীচ গেষু;—

“আপনার চিঠি যথাসময়ে পাইয়াছি। আপনার অসুখের কথা শুনিয়াছিলাম, আপনি এখন কেমন আছেন? আপনি লেখা ও প্রফ দেখিয়া দিতে বলিয়ছেন, তাহা দেখিয়া দিব। আপনার শরীর এখন যে রকম, আপনি এসকল বিষয় অত ভাবিবেন না। আপনার যাওয়ার পূর্বে আপনার সঙ্গে দেখা করিবার ইচ্ছা ছিল। গোলমালে হইয়া উঠে নাই। আপনি এখন কি খান? বেড়াতে পারেন কি? মহিলার জন্ত আপনি ভাবিবেন না।”

আপনার স্নেহের

ভাঁজু।

স্বর্গীয় ডাক্তার নকুড়চন্দ্র বন্দ্যোপাধ্যায় ও তাঁহার বৌমা ।

(ধর্মতত্ত্ব হইতে উদ্ধৃত)

যতই আমরা এ পৃথিবীতে প্রাচীন হইতেছি ততই আমরা এক এক করিয়া বহুদিনের বিশ্বাসী ভক্ত বন্ধুদিগকে এখানে হারাইতেছি। ভূগলপুরের ডাক্তার নকুড়চন্দ্র বন্দ্যোপাধ্যায় আমাদের এক জন অত্যন্ত প্রাণের ধর্ম্যক ছিলেন, আমরা তাঁহার দ্বারা কতরূপে বিশেষভাবে উপকৃত। তাঁহার বিশ্বাস, বৈরাগ্য, নিরীকো-মুখ জীবন ব্রাহ্ম সাধারণকে—বিশেষভাবে আমাদের অনেক শিক্ষা দিয়াছে। তিনি বহুকালব্যবৎ বিপত্তীক হইয়া কঠোর বৈরাগ্য সাধন করিয়া গিয়াছেন। পরলোকে তাঁহার খুব উজ্জ্বল বিশ্বাস ছিল। পারিবারিক সমুদায় অনুষ্ঠান তিনি নব-ঐ-হিতার ঠিক ব্যবস্থামত সম্পাদন করিয়া-ছেন। বাস্তবিক তিনিই একজন যথার্থ নববিধানবিশ্বাসী ভক্ত। ভাই গিরিশচন্দ্র সেন তাঁহার এই দুর্বল শরীরে ডাক্তার নকুড় বাবুর সম্বন্ধে যাহা লিখিয়াছেন আমরা তাহাই পত্রিকাস্থ করিলাম। আমরা কয়েকদিন যথাবিধি শোকচিহ্ন গারণ করিয়া গত মঙ্গলবার পারিবারিক উপা-সনালয়ে তাঁহার পবিত্র আত্মার সন্তিত চিরসম্মিলনের জন্ত বিশেষভাবে উপাসনা করিয়াছি। পরলোকগত আত্মা সদলে মিলিয়া দিন দিন আনন্দ সন্তোষ করুন। তিনি পৃথিবীতে যে ৬ ছয়টি পুত্র কন্যা রাখিয়া গিয়াছেন তাঁহারা সকলে ভগ-

বানের আশীর্ষক দে পিতার ধর্মলাভ করিয়া সুখী হউন এই প্রার্থনা ।

ভাগলপুর হইতে শ্রীমান্ সিদ্ধেশ্বর সরকার লিখিয়া পাঠাইয়াছেন ;—“গত ২০শে সেপ্টেম্বর মঙ্গলবার রাত্রে ১০ টার সময় হঠাৎ হার্টফেইল হওয়ায় ডাক্তার নকুড় বাবু পরলোকে গমন করিয়াছেন । পরদিন সন্ধ্যা পর্যন্ত তাঁহার পুত্রেরা কেহই আসিয়া পঁহুঁছেন নাই ।” ডাক্তার নকুড় বাবুর বয়ঃক্রম শুনয়াছি ৬৫ বৎসর হইয়াছিল । কিন্তু তিনি এই বয়সে জরা বাক্কিক্যে অভিভূত হইয়া ৮৫ বৎসরের বৃদ্ধ অপেক্ষা দুর্বল ও একান্ত শিশু প্রকৃতি প্রাপ্ত হইয়াছিলেন । তিনি একজন মহাবিদ্যানবিশ্বাসী ভক্ত লোক ছিলেন । ভাগলপুরের ব্রহ্ম-মন্দিরের কার্য্য নববিধানানুযায়ী হইতেছে না দেখিয়া সেই মন্দিরের সঙ্গে সামাজিক উপাসনার সম্পর্ক পরিত্যাগ করিয়াছিলেন । প্রতি রবিবার প্রাতে জগদ্বাঙ্গলাতে বিধানবিশ্বাসী সাধক শ্রদ্ধাস্পদ হরিসুন্দর বসু মহাশয় সামাজিক উপাসনার কার্য্য করেন । ডাক্তার বাবু স্নেহের পুত্রবধূসহ যাইয়া সেই উপাসনায় যোগদান করিতেন । প্রতি মঙ্গলবার প্রাতে তাঁহার আগ্রহমতে তাঁহার বাড়ীতে আসিয়া হরিসুন্দর বাবু উপাসনার কার্য্য করিতেন । তাঁহার গমনাগমনের জন্ত গাড়ী নিযুক্ত থাকিত । ডাক্তার বাবু আবাসের অন্তর্গত নিত্য উপাসনার জন্ত একটি গৃহ নির্দিষ্ট, সেই গৃহে পারিবারিক বেদীর উপর শ্লোকসংগ্রহ পুস্তক, মন্দির ও প্রার্থনা পুস্তকাদি স্থাপিত । সেখানে তিনি স্নেহের মধ্যম পুত্রবধূর সঙ্গে

মিলিত হইয়া উপাসনা করিতেন ; উপাসনার প্রথম অধীয়ে ধীয়ে নিজে সম্পাদন করিতেন, শেষাঙ্গ শ্লোক পাঠ ইত্যাদি পুত্রবধূ দ্বারা সম্পাদিত হইত । আচর্য্যের প্রার্থনা পাঠের পর শান্তিবাজন হইত । ইদানিং তাঁহার বড় অরুচি ছিল, তিনি দুগ্ধ ও বেলপানার উপর জীবনধারণ করিতেন, অন্ন বাজনা দি প্রায় স্পর্শ করিতেন না, দুগ্ধ দুই সের আড়াই সের পান করিতেন । মাধ্যাহ্নিক বিশ্রামের পর তাঁহার আগ্রহানুসারে উপাসনায় বর্তুক বিরচিত আচার্য্যদেবের জীবনচিত্ত পুত্রবধূ পড়িতেন, তিনি শ্রবণ করিতেন ; রাত্রিতে আচার্য্যের প্রার্থনা পাঠ শ্রবণ করিয়া শয্যাগ্রহণ করিতেন । ইগ তাঁহার জীবনের নিত্য ক্রিয়া ছিল । তিনি খ্রীষ্টের ও চৈতন্যের জন্মোৎসবাদিতে এবং শাব্দীয় উৎসবের তিন দিবস হরিসুন্দর বাবুর বাড়ীতে যাইয়া উৎসব সম্বন্ধে করিতেন ; সমস্ত উৎসবেই পুত্রবধূকে সঙ্গে করিয়া যাইতেন, কেবল মহাপুরুষ মাহাত্মদের জন্মোৎসবে গোগদৌর্কল্যবশতঃ যাইয়া যোগদান করতেন পাহারেন নাই ।

ডাক্তার বাবুর ভ্রাতা অপার বর্ষার অন্তর্গত পীনমানার থাকেন, তিনি তথাকার একজন প্রধান এডভোকেট তাঁহার আর্থিক বেশ স্বচ্ছল অবস্থা, তাঁহার পত্নী প্রফুল্লকুমারীর বহুকাল হইতে একান্ত ইচ্ছা ও আগ্রহ ছিল যে, কিছুদিন আমাকে ও তাঁহার পিতৃদেবকে পীনমানাতে নিজের গৃহে রাখিয়া সেবা শুশ্রূষা করেন । দুই বৎসর পূর্বে আমি তথায় যাইতে সম্মত

হই । আমি বর্ষায় যাইতেছি শুনিয়া আমার সঙ্গে ডাক্তার বাবু সহযাত্রী হইয়া যাইতে সম্মত হন । ৮ই জানুয়ারী মালদহ নামক জাহাজে বর্ষার অভিমুখে আমরা যাত্রা করি । সেই দিন ৩ ভূষে সেই জাহাজে বসন্তকুমার ও প্রফুল্লকুমারের সঙ্গে কলিকাতা হইতে রেঙ্গুণাভিমুখে যাত্রা করা যায় । ৮ই জানুয়ারী আচার্য্যদেবের স্বর্গারোহণের দিন, সেই দিনের উপযোগী আমাদের বাহ্য কর্তব্য ছিল আম । জাহাজেই সম্পাদন করি ডাক্তার বাবুর একটীও দস্ত ছিল না, কথ্য নেওয়া নেও । ভাত চটকাইয়া গ্রাস প্রস্তুত করিয়া ক্ষুদ্র শিশুর মত পিতাকে খাওয়াইতেন । আমরা ৪ দিন সাগর-বক্ষ জাহাজে সম্মিলিত উপাসনা করিয়াছিলাম । রেঙ্গুণে পঁহুঁছিয়াই সেই দিন সন্ধ্যার গড়ীতে পীনমানায় যাত্রা করা যায় । ১১ই মাঘে উৎসব পীনমানাতে সম্পাদন করার প্রস্তাব ধার্য্য ছিল । ইতিপূর্বে ডাক্তার বাবু অসুখ বোধ করিতে টাঙ্গুনগরে অত্রতর পুত্র এডভোকেট সুরেন্দ্রের নিকটে চলিয়া যান । তিনি ১১ই মাঘের পূর্কদিন পুত্র সুরেন্দ্র ও পুত্রবধূ স্তবোধবালা এবং কঠিন পুত্র এডভোকেট বিনয়েন্দ্রকে সঙ্গে করিয়া উপস্থিত হন । সেখানে বেশ উৎসব হয় । সেই দিন বিনয়েন্দ্র নবসংহিতানুসারে দীক্ষিত হন । আমি প্রায় এক মাসান্তে পীনমানা হইতে কলিকাতায় ফিরিয়া যাইবার সময় সপ্তাহকাল ডাক্তার বাবুর সঙ্গে টাঙ্গুতে ছিলাম । আমি বিকালবেলা টাঙ্গু ষ্টেশনে পঁহুঁছিয়া দেখি

উক্ত শ্রদ্ধের বৃদ্ধ বন্ধু ষ্টেশন হইতে আমাকে লইয়া যাইবার জন্ত প্লাটফরমে ট্রেন পঁহুঁছবার প্রতীক্ষা করিতেছেন । তিনি সেখানে পুত্রবধূ শ্রীমতী সুবেদনালার যেন আঁচলধরা শিশু হইয়াছিলেন, স্বপ্নও বোমা বলিয়া টেঁচাইয়া উঠিতেন । খাইবার সময় বোমা নিকটে বসিয়া খাওয়াইতেন । বোমা বাতীত পৃথিবীতে তাঁহার যেন অত্র কোন আশ্রয় ও আত্মীয় ছিল না, বোমা তাঁহার জ্ঞান বুদ্ধি বল সমুদয় ছিল সেখানে তাঁহার ছোট নান্নীর নামকরণ হয় ।

কলিকাতা এনং বাড়ীতে আমার খাসকুচ্ছেঁর পীড়া দিন দিন বৃদ্ধি হইয়াছিল । তথায় থাকিতে জীবন-রক্ষা পাওয়া দুষ্কর ভাবিয়া নানাস্থানে বন্ধু বান্ধবদিগের বাড়ীতে কিছু দিন আশ্রয়-গ্রহণের চেষ্টা করিয়াছিলাম । কোথাও সুবিধা না হওয়াতে একেবারে ভাগলপুরে নকুড় বাবুর বাড়ীতে চলিয়া যাই । বাড়ীটা নগরের একপ্রান্তে ভাগীরথীর অতিদূরে, অতি নির্জন, প্রাকৃতিক দৃশ্যও রমণীয়, চারি দিক খোলা, সেখানে প্রমুক্ত নির্মল বায়ু সেবন করিতে পারিব ভাবিয়া ডাক্তার বাবুর অনুমতি অপেক্ষা না করিয়া নিজ-গৃহের ত্রায় মনে করিয়া উপস্থিত হই । তিনি সদরে আমাকে গ্রহণ করেন । সেখানে যাওয়ার অব্যবহিত পরেই দুই দিন আমার পীড়া অত্যন্ত বৃদ্ধি পাইয়াছিল । আমার জীবনের আশা বড় ছিল না । প্রথম দিন ডাক্তার বাবু অবস্থা দেখিয়া নিরাশ হইয়াছিলেন । দ্বিতীয় দিবস সন্ধ্যা জ্বল আছে বলিয়া খুব সাহস প্রকাশ

করিয়াছিলেন। যাহা হউক জীশ্বররূপায় দুই দিনই রক্ষা পাওয়া গিয়াছে। সেই সময় ডাক্তার বাবুরও ভয়ঙ্কর মাথাঘাট হইয়াছিল ও উদারময় হয়। এক এক দিন দিবা-রাত্রিতে তাঁহার সেবা শুক্রময় তাঁহার বৌমা নলিনীবালা এক ঘণ্টার জ্ঞান ও ভাল করিয়া ঘুমাইতে পারেন নাই। বৌমার একপুত্র হস্তান্তর শিশুর সেবা করা আমি কখনও দেখি নাই, শুনি নাই। চাকরগুলি পার সন্ধ্যায় নিত্যই অলস ও অকর্মণ্য কোন কাজ করিতে হইবে ভাবিয়া দশবার ডাকিলেও উত্তর দিত না। বৌমার খাটুনি দেখিয়া এক এক সময় ডাক্তার বাবুর প্রতি আমার রাগ হইত। আত্মীয় স্বজন নগরের ভিতর প্রায় এক মাইল দূরে ছিলেন। ব্রাহ্ম ব্রাহ্মিকাদের সভায়া সময়মত পাওয়া বাইত না। দুই পুত্র বিলাতে শিক্ষিত ডাক্তার, বিলাত হইতে প্রত্যগত, তিনি অস্থিরকালে তাঁহাদের কাণ্ড ও সেবা ও সাহায্য পাইলেন না। সর্বদা ভুল বলিতেন ও আর্তনাদ করিতেন। সকল সময়ে সকল অস্থায়ী একা বৌমা উপস্থিত। ধন্য বৌমার সেবাপ্রিয়তা, ধন্য তাঁহার শিশুরের প্রতি ভক্তি ও ধন্য সহিষ্ণুতা।

টুকু তিন ওলাউঠা রোগ শেষ-কালে আক্রান্ত হইয়া অতিশয় দুর্বল অবস্থায় ভাগলপুরে ফিরিয়া আইসেন। পূর্বে তিনি রাজমহলে ও ভাগলপুরে দাতব্য চিকিৎসালয়ে ভারপ্রাপ্ত হইয়া কয়েক বৎসর যাপন করিয়াছিলেন, অতঃপর গবর্ণমেন্টের কাজ পরিত্যাগ করিয়া

স্বাধীনভাবে চিকিৎসা ব্যবসায় চালান। তাঁহার বিস্তৃত পেশার ছিল। গঙ্গার ধারের মির্জান বা ডোঁতে থাকিয়াও চিকিৎসা দ্বারা প্রচুর অর্থ উপার্জন করিয়াছেন। ব্রাহ্মবন্ধু দর পাবার হইতে তিনি অর্থের পরিত্যাগ করেন না। ধাত্রীবিদ্যায় তাঁহার বিশেষ দক্ষতা ছিল। কয়েককাল পূর্বে একটা গড়লোকের ১২ বৎসর বয়সের বধুর প্রসবকালে শিশুর হাত প্রথমে বাহির হয়, সেই অবস্থায় ডাক্তার বাবু ভিতরে অস্ত্র চালনা করিয়া শিশুকে কাটিয়া বাহির করিয়া প্রস্থিতকৈ রক্ষা করেন। তখন তাঁহার বুদ্ধাবস্থা ছিল। বয়স হইতে ফিরিয়া আসিয়া আর দায়িত্ব গ্রহণপূর্বক চিকিৎসা কবিত্তে পারেন নাই। সম্প্রতি বোরাসিক এমিড ৫ প্রোগ এক আউন্স জল ডাক্তার সাঙ্কেতিক অক্ষরে এক ঘণ্টা গলদঘর্ষ কলেবরেও লিপিমা উঠিতে পারেন নাই। তাঁহার জীবনের এটি বিশেষ মঙ্গল ছিল। একটা সুপাত্রীর সঙ্গে কনিষ্ঠ পুত্র বিনয়েন্দ্রকে বিবাহ দান। ২য় ছোমিওপ্যাথি, কবিরাজী এবং এলাপ্যাথীর সঙ্গে সামঞ্জস্য সাধনা করিয়া পুস্তক প্রচার; এই পুস্তক বহু পরিশ্রমে লিখিয়াছিলেন, প্রফ দেখার লোকের অভাবে এ পর্যন্ত ছাপা হইতে পারেন নাই ৩য় টুচডা নগরের নিজ সম্পত্তি বিক্রয় পূর্বক সেই অর্থে কোম্পানীর কাগজ ক্রয় করিয়া টুচডায় নববিধান স্থায়রূপে প্রচার করা। তাহার টুচডাড লেখা পড়া হইয়া কাগজপত্র উকিলের হস্তে অর্পিত হইয়াছে। সেই সম্পত্তি চারি হাজার টাকায় বিক্রয় হইতেছে।

প্রতি মপ্তাহে একজন নববিধান প্রচারক টুচডায় নববিধানমন্দিরে সাপ্তাহিক উপাসনার কার্য করিবার জন্ত গমনাগমন করিবার পাথের ব্যবস্থা সেই টাকা ব্যয় হইবে, এইরূপ নির্ধারণ ছিল। জ্যেষ্ঠ পুত্রের শৈথিল্য ও গোলযোগ সেই কার্যও তিনি সুসম্পন্ন দেখিয়া বাইতে পাবেন না। ইহার জন্ত তিনি একান্ত ব্যাকুল ছিলেন। এক্ষণে তাঁহার পুত্রগণ পিতৃসঙ্কল অচিরে পূর্ণ করেন এই প্রার্থনা। বিধান-বিধামা ডাক্তার নকুড় বাবু যুক্তিতর্ক ও বক্তৃতাতির আড়ম্বর জানিতেন না। তিনি ক্ষুদ্র শিশুর ছায় বিনীত ও সরল ছিলেন। শিশুত্বই তাঁহার জীবনের সৌন্দর্য্য ছিল। তিনি বেদীতে বসিয়া সকলকে উপদেশ দিতেন না। ক্ষুদ্র শিশুর ছায় অতি মংগল্যে তাঁহার জীবন শত উপদেশের কার্য করিয়াছে। বিধানবিধামা সাধকদিগের সঙ্গে মৎপ্রসঙ্গাদ করিবার জন্ত তাঁহার বিশেষ আগ্রহ ছিল তজ্জন্ত তিনি কয়েক বার কিছু কাল ভাই চন্দ্রমোহন কাম্বিকারকে নিজের বাড়ীতে আদরপূর্বক রাখিয়াছিলেন, এবারও তাঁহাকে আহ্বান করিয়াছিলেন। কয়েক দিন ভীষণ গরমের জন্ত কিয়ৎক্ষণ বাহিরে শয়ন করিয়াছিলেন, তাহাতে ব্রোফাইটিস ও হনফ্রোজা জর হয়। মস্তক বিকৃত হইয়া যায়, সর্বদা ভুল বলিতে থাকেন। তখন মেয়ের বৌমা পৃথিবীতে তাঁহার সর্বদা ছিল, স্বর্গে আনন্দময়ী মাতাকে সার করিয়াছিলেন। ক্ষুদ্র শিশুব জীবন কিরূপ হয়, নকুড় বাবুর সুন্দর জীবন দেখ। বিদ্যা ও ক্ষমতার গৌরব

তাঁহার কিছুই ছিল না। খ্রীষ্ট বাণ্যমাছেন, শিশুরাও স্বর্গরাজ্যের অধিকারী। শিশু না হইলে কেহ স্বর্গ যাত্রা প্রবেশ করিতে পারিবে না। ডাক্তার নকুড় বাবুর শিশু-প্রকৃতি সেই কথাই প্রমাণ করিতেছে। আমি ভাগলপুরের ছঃসহ উত্তাপ মোশা ও ছারপোকায় অত্যাচার সহ্য করিতে না পারিয়া শরীর কিঞ্চিৎ মবল হইলেই কালি কাতাভিমুখে গমনে উদ্যোগী হই, ১০ই শনিবার যাত্রা করি। সেদিন শ্রদ্ধেয় ডাক্তার বাবু অপেক্ষাকৃত সুস্থ ছিলেন। তাঁহার নিকটে বিদায়ের প্রার্থনা জানাইলে বলিলেন, আপনি বিদায়ের ইচ্ছিত বুঝিয়া থাকিলে গমন করুন আশীর্বাদ করিবেন। ডাক্তার মতিবাবুকে আমার মঙ্গল জানাইবেন।" তাহার তিন দিন পরেই শ্রদ্ধেয় বাবু অকস্মাৎ পৃথিবী হইতে চলিয়া গেলেন।

### হ্যালিবার্টন পত্নীর জীবনের পরীক্ষা। \*

প্রথম অধ্যায়।

পাত্রীন্দিনী।

লাগুননগরের লোকবহুল অংশ বিশেষ টেম্পলবারের এদটু উত্তর দিকে অনেক

\* মিসেস হেনরি উড পত্নী উক্ত নামধের পুস্তক হইতে ইহা অনুবাদিত। কল্পিত উপাখ্যান হইলেও ইহাতে মহিলাদের শিক্ষণীয় অনেক বিষয় আছে। ইংরেজী ভাষানভিজ্ঞা পাঠিকাদের জন্ত, ইহা "মহিলা"য় সারি বস্তু হইল। ক্রমশঃ প্রকাশিত হইবে।

বৎসর পূর্বে, অছাড়া ধর্মমন্দির সমূহের মধ্যে একটা অনুচ্চ ও অতি প্রাচীন ধর্ম-মন্দির অবস্থিত ছিল। লণ্ডন নগর ঈদৃশ মন্দির সমূহে সর্বত্র পরিপূর্ণ। ডিসেম্বর মাসের কোনও এক তামসী সন্ধ্যায় উল্লিখিত অনুচ্চ ধর্মমন্দিরের দ্বারদেশে জয় উন্মুক্ত ছিল, এবং তদভ্যন্তরে একটি আলো মিট মিট জ্বলিতোচ্ছিল।

মন্দিরের ভিতরভাগে কি হইতেছিল এবং কেনইবা তখন তথায় আলোক ছিল, ইহা সকলেই জানিত। বেক্টর বা ধর্ম-যাজক সে দিন সাপ্তাহিক রুটী বিতরণ করিতেছিলেন। জনৈক বদাঙ্গ ভদ্রলোক কিছু অর্থদান করিয়াছিলেন; সেই অর্থ হইতে প্রতি সপ্তাহে কুড়ি জা দরিদ্র বিধবাকে কুড়ি খানা রুটী বিতরণ করা হইত। এই দান ও রুটী বিতরণের কতকগুলি অদ্ভুত সর্ভ ছিল। তন্মধ্যে একটি সর্ভ এই ছিল যে, দাতব্য রুটীগুলি অনূন দুই দিবস পূর্কের তৈয়ারী হওয়া চাই এবং বিতরণের অন্ততঃ ২৪ ঘণ্টা পূর্কে ওগুলি মন্দিরে আনিয়া রাখিতে হইবে। অপর একটি সর্ভানুসারে দান গ্রহীতাকে স্বয়ং আসিয়া রুটী নিতে হইবে, তাহাতে অক্ষম হইলে; যতই অনিবার্য কারণ থাকুক না কেন, অনুপস্থিত ব্যক্তি তাহার নির্দিষ্ট প্রাপ্য অংশ-লাভে বঞ্চিত হইবে, তাহার কোনও বন্ধু আসিয়া তাহার ভাগ লইয়া যাইতে পারিবে না, অথবা উহা তাহার গৃহে তাহাকে প্রেরণ করা হইবে না। একরূপ অবস্থায় বিতরণকারী ধর্মযাজক তাঁহার ইচ্ছামত

উপস্থিত অপর কোনও “অপরিচিতা” বিধবাকে উক্ত রুটী দিতে পারিবেন। দানের বহিতে যে নির্দিষ্ট কুড়ি জনের নাম লিপিত ছিল, তদ্ব্যতীত অপর যে কোনও বিধবাকে এ স্থলে “অপরিচিতা” বলা হইল। বৎসরের মধ্যে চারি বার রুটীর সঙ্গে এক একটা শিলিং মুদ্রা প্রতি বিধবাকে দেওয়া হইত।

এক খানা রুটী বড় বিশেষ কিছুই নয়। আমরা সতত সচ্ছলভাবে সুরমা হস্তা্যবাসে জীবনযাত্রা নির্বাহ করিতেছি, আমাদের নিকট, ইহা অতি অকিঞ্চৎকর বলিয়া মনে হইতে পারে বটে, কিন্তু এই লণ্ডন নগরেই এমন বিস্তর শ্রান্ত, ক্লান্ত, অনশনক্রিষ্ট লোক আছে, যাহাদিগকে একখানা সামান্য রুটী আসন্ন মৃত্যু হইতে রক্ষা করিয়া নূতন জীবন দান করিতে পারে। দীনহীন অসহায় লোক অতি প্রাচীন কালেও ছিল, এখনও আছে এবং চির দিনই থাকবে। সুতরাং ইহা তেমন আশ্চর্যের বিষয় নয় যে, আজ ধর্মমন্দিরের দ্বারে এক পাল বিধবা সমবেত হইয়াছে, ইহাদের অধিকাংশই বৃদ্ধা ও ঘোর দরিদ্র-দশাপন্ন। রুটী বিতরণ স্থানের চারিদিক ঘিরিয়া এই বিধবাকুল দাঁড়াইয়াছে এবং প্রত্যেকেই আশা করিতেছে, নিরুপিত কুড়ি জন বিধবামধ্যে হয়ত কেহ অনুপস্থিত থাকিতে পারে, তাহলেই কেবাণী আসিয়া সম্ভবতঃ তাহাই নাম ধরিয়া ডাকিবেন এবং মন্দিরাভ্যন্তরে তাহাকে লইয়া গিয়া অনুপস্থিত বিধবার পরিবর্তে তাহাকেই রুটী সম্প্রদান করিয়া কৃতার্থ করিবেন।

বৎসরের যে যে দিনে রুটীর সঙ্গে শিলিং-মুদ্রা দিবার কথা, ততদিনে এই জনতার সংখ্যা প্রায় চতুর্গুণ বৃদ্ধি পায়।

প্রতি বৃহস্পতিবার অপরাহ্নে এই বিতরণকার্য নিষ্পন্ন হইত। আমরা যে দিনের কথা বলিতেছি, সেই দিন যথা নির্দিষ্ট অপরাহ্নে চারি ঘটকাল সময়ে বেক্টর মহোদয় মন্দিরে প্রবেশ করিয়াছিলেন। আজ তাঁহাকে একটু বেশী জনতা ভেদ করিয়া মন্দিরে প্রবেশ করিতে হইয়াছিল কারণ আজ শিলিং বিতরণের দিন। তিনি উপস্থিত বিধবাদের সকলকেই চিনিতেন। তাহাদের নাম ধাম সমস্তই তাঁহার বিদিত ছিল, কারণ রেভারেণ্ড ফ্রান্সিস্ টেট্ট একজন বিশেষ পরিশ্রমী পাদ্রী ছিলেন, আর তখনকার দিনে, আজ কালের তায় শ্রমপায়ণ পাদ্রীর সংখ্যা নিতান্তই বিরল ছিল।

ইনি স্কটলণ্ডে জন্মগ্রহণ করেন বটে, কিন্তু ইংলণ্ডেই প্রধানতঃ প্রতিপালিত ও শিক্ষিত হইয়াছিলেন। যথা নির্দিষ্ট বয়সে ইনি দীক্ষা গ্রহণ করেন এবং লণ্ডনের কোনও এক পল্লীর কিউরেটের পদে কৃত হন। এই স্থলে তাঁহাকে অত্যন্ত খাটিতে হইত এবং তৎকালে তাঁহার আয়ও অতি সামান্য ছিল। ধর্মনিবয়ক কর্তব্য সম্পাদনেই যে তাঁহার খাটুনি বেশী ছিল এমন নহে, তাঁহার পল্লীতে শুধুই দরিদ্র লোকের বসতি ছিল। ধর্মযাজক মহান্নভূতিপূর্ণ ও বিবেকসম্পন্ন হইলে, কর্তব্য কত গুরুতর দায়িত্বপূর্ণ হয়, যাহারা তাঁহার ঈদৃশ দরিদ্রপল্লী ও অধিবাসিগণের

বিষয় সম্যক অবগত আছেন, একমাত্র তাঁহারাই বুঝিতে পারিবেন। ক্রমাগত বিশৃঙ্খলিতবর্ষব্যাপিয়া তাঁহাকে কিউরেটের পদেই থাকিতে হইয়াছিল। ঐ সুদীর্ঘকাল তিনি অসাধারণ সহিষ্ণুতার সহিত শ্রম করিয়া গিয়াছেন, উৎকল ও আশঙ্কিত হৃদয়ে ভবিষ্যৎ উন্নতি প্রতীক্ষা করিয়াছেন। বিনা বৎসর! লিপিতে ইহা অতি সহজ, কিন্তু এতকাল একরূপ ভাবে জীবনধারণ করা বড়ই কঠোর কার্য। ফ্রান্সিস্ টেট্ট তাঁহার অবিচলিত আশা ও উৎসাহের মধ্যেও সময় সময় ঐ কঠোরতা উপলব্ধি না করিয়াছেন, এমন নয়। অবশেষে অভিলষিত উন্নতি সমাগত হইল। তাঁহার ধর্মমন্দিরের অধীকারভুক্ত সমস্ত পল্লীর আয় অতঃপর তাঁহাকে প্রদত্ত হইল। অছাড়া পল্লীর আয়ের তুশনায়, এই আয় অতি সামান্য, অধিবাসিগণের সামাজিক অবস্থা বিবেচনা করিলে, এ অতি দরিদ্র পল্লী। তথাপি কিউরেটরূপে তাঁহার যে আয় ছিল, বর্তমান উন্নতিতে তাঁহার আয় ঐশ্বর্য্যরূপে প্রতিভাত হইল। পল্লীবাসিগণ দরিদ্র ছিল বটে, কিন্তু তিনি এতদপেক্ষা সমৃদ্ধিশালী পল্লীর কাণ্ডে অভ্যস্ত ছিলেন না। অতঃপর রেভারেণ্ড ফ্রান্সিস্ টেট্ট পরিণয়বদ্ধ হইলেন। ইহার পর আরও বিশ বৎসর চলিয়া গেল।

কথিত সাংকালে তিনি মন্দিরে দণ্ডায়মান ছিলেন। তাঁহার মস্তকের একটু উপরিভাগে, মন্দিরের দ্বারদেশের সামান্যে, একটা শেল্ফের উপর বিতরণকারী রুটীগুলি সজ্জিত ছিল। তাঁহার ও

তাঁহার অপর পার্শ্বস্থ গবাক্ষনিচয়ের মধ্য-বর্তী একখানা ছোট টেবিলের উপর একটা চঞ্চল মোমবাতি জ্বলতেছিল, বাতির শলিতা অনেকটা দূর পুড়িয়া গিয়াও শিখা মধ্যে লম্বভাবে দণ্ডায়মান ছিল। ফ্রান্সিস্ টেটের বয়স প্রায় ৬৫ বৎসর, তাঁহার মস্তক বেশ-শুষ্ক, নাতিদীর্ঘ দেহ, পরিচ্ছন্ন ত্বক, প্রতিভাসম্পন্ন মুখমণ্ডল ও মনোহর অক্ষিযুগলে চিত্তাশীলতা সুস্পষ্ট দৃশ্যমান। একটা মিষ্টকথা অথবা সম্বন্ধ প্রার্থনার সহিত তিনি এক একটা শিলিং প্রত্যেক বিধবাকে দিতে লাগিলেন, আর তাঁহার খঞ্জ বুদ্ধি কেরাণী তৎসঙ্গে সঙ্গে রুটী বিতরণ করিতে লাগিলেন।

যখন এই বিতরণ কার্য চলিতেছিল, তখন ফ্রান্সিস্ টেট জিজ্ঞাসা করিলেন, “তোমরা সকলেই কি উপস্থিত আছ?”

বহুকণ্ঠে সম্মত উত্তর হইল, “না মহাশয়, বেটীকিং আসে নাই।”

“কেন, তাহার কি হইয়াছে?”

“তাকে বাতে ধরেছে, সে কিছুতেই এখানে আসতে পারেন না, সম্ভবতঃ সে শয্যাগত আছে।”

“তা হলে, আমি একবার গিয়ে তাকে দেখে আসব। হাঁ, মার্শা, আবার তুমি এখানে এসেছ?” সকলের গম্ভীরতা হইতে সহসা নক্ষান্তা একটা বিকলাঙ্গ রমণীকে লক্ষ্য করিয়া তিনি শেষোক্ত প্রশ্ন করিলেন, এবং বলিলেন, “তোমায় দেখে সম্বষ্ট হলেম।”

রমণী উচ্চকণ্ঠে বলিয়া উঠিল, “আজ এই ছয় সপ্তাহের মধ্যে একদিনও আমি

আসতে পারিনি। কিন্তু আমি অতি আশ্চর্যরূপে আরোগ্যলাভ করেছি।”

এই সময়ে বিতরণ কার্য প্রায় শেষ হইয়া আসিতেছিল। রেস্তুর তখন তাঁহার কেরাণীকে বলিলেন; “এলাইজা টার্নারকে আহ্বান করুন।”

কেরাণী বিতরণাবশিষ্ট ৪৫ খানা রুটী টেবিলের উপর রাখিয়া দ্বারের দিকে গেলেন। তাঁহার অনুপস্থিতি কালে রমণীগণ সকলেই ওগুলি হইতে কিছু কিছু ভক্ষণ করে, ইহাই তাঁহার অভিপ্রায় ছিল।

কেরাণীর আহ্বান শুনিয়া এলাইজা টার্নারের বুক আন্দোলিত হইয়া উঠিল, আর তাহার চতুর্পার্শ্বস্থ রমণীকুলের মুখ হইতে গভীর নৈরাশ্র-ব্যঞ্জক কাতরধ্বনি সমুখিত হইল। কেরাণী তাহা শুনিয়াও শুনিলেন না তাঁহাকে প্রায়ই এদৃশ্য দেখিতে হইত তিনি আস্তে আস্তে খোঁড়াইতে খোঁড়াইতে পুনরায় মন্দিরে প্রবেশ করিলেন। এলাইজা টার্নার তাঁহার অনুসরণ করিল কিন্তু অপর একটা রমণী চুপে চুপে এলাইজা টার্নারের পশ্চা-দর্শিনী হইল।

কেরাণী এই অত্যাচার অভিগমন লক্ষ্য করিয়া তীব্রস্বরে কহিলেন, “ভাল বৃথ, এখানে তোমার কি প্রয়োজন? তুমি কি জাননা যে এটা নিয়মবিরুদ্ধ?”

বিধবা বৃথ, শাস্ত ও অনশনক্রিষ্টা অপর এক রমণীর গাত্র চাপিয়া কাতর ভাবে বলিল, “রেস্তুরের সহিত আমার সাক্ষাৎ করিতেই হইবে।” এই বলিয়া সে অপর

সকলকে সজোরে এদিক ওদিক সরাইয়া ভজনালয়ের ভিতরে প্রবেশ করিল ও তাহার দুঃখ কাহিনী কাতরভাবে নিবেদন করিতে লাগিল,—

“বিধবা টার্নারের অপেক্ষা আমার অবস্থা খারাপ; তার মেয়ে তাকে অনেক প্রকার সাহায্য করে থাকে, আর আমার হতভাগিনী মেয়েটা ক্ষুৎপিপাসায় কাতর ও জরাক্রান্ত হ’য়ে ঘরে প’ড়ে আছে! হাঁ, মহাশয়, এবারের অবশিষ্ট দাতব্য রুটীখানা কি আমায় দিতে পারেন না? সকাল হইতে এপর্যন্ত আমার মুখে এক ফোঁটা জলও পড়েনি, এক প্রতিবেশী দয়া-পরবশ হ’য়ে খানিকটা চা ও সামান্য একটু রুটী আমায় দিতে দিয়াছিলেন এই ষা।”

এই প্রকার প্রার্থনা ও মিনতির প্রশ্ন না দেওয়াই এস্থলে সঙ্গত হইয়াছিল। রেস্তুর নিয়ম করিয়াছিলেন যে যাহারা দানের জন্ত প্রার্থনা করিলে, তাহারা উহা পাইবে না। অত্যাচার এই বিতরণ ব্যাপার সপ্তাহিক কলহ ও ভীষণ গোলযোগের কারণ হইয়া পড়িত। তিনি এলাইজা টার্নারের হাতে রুটী ও একটা শিলিং মুদ্রা প্রদান করিলেন। বিধবাকুল তখন একে একে বাহির হইয়া যাইতে লাগিল; এলাইজা টার্নারও বাহির হইল। বিধবা বৃথ ভজনালয়ের দেয়াল ঠেসে দিয়া দাঁড়াইয়া শোক প্রকাশ করিতেছিল। তাহা দেখিয়া রেস্তুর তাহাকে করুণ-স্বরে বলিলেন;—

“মিসেস বৃথ, তোমার এখানে প্রবেশ

করা উচিত হয় নাই। তুমি জান যে আমি একপ আচরণের প্রশ্রয় দিই না।”

“কিন্তু মহাশয়, আমি যে অনাহারে মারা যাইছি। আমি মনে করেছিলাম, আপনি হয়ত টার্নার ও আমার মধ্যে উহা ভাগ করে দিবেন; তাহাকে ছয় পেনী ও আমাকে ছয় পেনী আর রুটীখানাও আধা-আধি করে দিবেন।”

“এই দান বিভাগ করে দেবার আমার অধিকার নাই; তা কর্তে গেলে, দানের সর্বভঙ্গ কর্তে হয়। কিন্তু জিজ্ঞাসা করি, এ সপ্তাহে তোমার এরূপ ছরবস্থা কি করে হল? তুমি কি কোন কাজ পাওনি?”

“না মহাশয়, আমি কাজে যেতে পারিনি। ঘরে রোগীর পরিচর্যাই করবো, কি কাজে যাবো? তা ছাড়া এই দেখুন, এই বুড়ো আঙ্গুলটা ফুলে কি হয়েছে, এ জন্তও কাজে যেতে পারিনি। গত পরশু দিন আমার হাতে ২টা পেনী ছিল, কিন্তু কাল রাত্রির মধ্যেই সমস্ত নিঃশেষ হ’য়ে গিয়েছে।”

“আচ্ছা এখন যাও, আমি একটু পরেই তোমাকে গিয়ে দেখবো।”

ক্রমশঃ।

### নারীদিগের পরসেবা কার্য স্বর্গের সোপান ।

ধনীর কঠা এবং গৃহিণীগণ প্রায় সর্বদা দাস দাসী দ্বারা বেষ্টিত থাকেন। দাস দাসীগণ কর্ত্রীবর্গের আদেশ শ্রবণে উৎকর্ণ



আজ্ঞামাত্র তাঁহারা আজ্ঞাপালনে প্রবৃত্ত হইতেছে। গৃহকার্য্য করা দূরে থাকুক, আপন আপন কেশপ্রসাধন, গাত্রে তৈলমর্দন, স্নানাদি কার্য্যও ধনী গৃহিণীরা স্বয়ং সম্পাদন করেন না। অনেক ধনীর গৃহিণী সমস্ত প্রসবের ক্লেশ বহন না করিয়াও ধনবিনিময়ে পুত্রলাভ করিতেছেন। তাঁহারা পতি পুত্রের পরিচর্যাও কখন করেন না। ধনীদিগের বিলাসভোগসুখমত্ত জীবন অনেকের বিবেচনায় সাংসারিক সুখের আদর্শ। অনেক রমণী এই প্রকার আদর্শ অনুসরণে সচেষ্ঠ। তবে বিধাতাপুরুষ বহু লোককেই সংসারে বিপুল ধনের অধিকারী হইতে দেন নাই। নতুবা অঙ্গসত্তার সিংহাসনে অনেকেই উপবিষ্ট হইত। বর্তমান সময়ে বাঁহারা কিঞ্চিৎ সূ-বেতনভোগী গবর্ণমেন্টভূক্ত, তাঁহাদের গৃহিণীগণও আচার ব্যাহার গৃহধর্ম্মে ধনবান্ লোকের অনুকরণে উদাসীন নহেন।

অনেকেরই মনের ধারণা এই যে আলস্য এবং অহঙ্কারের মত মানসিক সুখ যেন অল্প বিছুতেই প্রদান করে না। পাড়া প্রতিবেশীর নিকট পতি পুত্রের কিংবা আপনার গুণগৌরব ব্যাখ্যা, মানসস্তম্ভ দেখান যে কত সুখকর তাহা বাঁহারা ইহার অনুষ্ঠান করেন। তাঁহারা ই বিলক্ষণ বোঝেন। কাল বাঁহারা দাসীর ছায় সারাদিন গৃহ-কার্য্যে রত থাকিত এবং অর্থের অভাবে পরমুখাপেক্ষী ছিল, আজ দৈনবলে ধনে মানে একটুকু উন্নত হইয়াই আলস্য এবং

অহঙ্কারের পক্ষাষ্ঠা দেখাইতে তাহারা উদ্যত হইতেছে। এই কারণে পুরুষ এবং নারীনির্কিশেষে প্রায় সকলের মনকেই ধনসম্পদ অতি নীচ করিয়া ফেলে।

বিনয় মনুষ্যের বাস্তবিক উচ্চাবস্থা। সেবা প্রতি মনুষ্যের জন্মই স্বর্গের সোপান। ইহা অবশ্য স্বীকার করিতে হইবে যে, বাঁহারা সেবা গ্রহণ করেন, তাঁহাদিগ হইতে বাঁহারা সেবা করেন। তাঁহারা শ্রেষ্ঠ। বাঁহারা মনুষ্যকুলে জন্মগ্রহণপূর্ব্বক মনুষ্য-জাতির ভক্তকুসুম প্রাপ্ত হইতেছেন, তাঁহারা দীনাত্মা, বিনীত এবং মনুষ্যজাতির সেবানিরত। অল্পবুদ্ধি অসার সংসার সুখাসক্ত রমণী তাহা পরিগ্রহ করিতে পারে না। গৃহিণী সেবিকা। পতি পুত্র এবং গৃহবাসিসমাত্রেরই সেবা গৃহিণীর নিত্য প্রতিপালনীয় ব্রত। সেবার্থ্যে কিরূপ পুণ্য ও পবিত্র আরাম প্রাণে প্রাপ্ত হওয়া যায়, অলস, অহঙ্কারী বিলাস সুখাসক্ত নারী তাহা কি প্রকারে অনুভব করিবেন?

আমাদের দেশে দেবর্ষি নারদের নাম সকলেই জানেন। তিনি এক দাসীর পুত্র। এক সময়ে কয়েকটি ঋষির সামান্য সেবা কিছু পাল করার ফলে দাসীতনয় নারদের জীবনে ঘোরতর পরিবর্তন ঘটে। তিনি সেবারত পালনের ফলে নবজীবন লাভ করেন বলিলে অসত্য বলা হয় না। সেবার ফলে দাসীতনয়ই দেবর্ষি নারদ হইয়াছিলেন। আমাদের প্রতি গৃহে অতি ক্রেশে বাঁহারা গৃহস্থদের সেবারত ব্রতী, ঈশ্বর তাঁহাদিগের জন্ম স্বর্গে কি

প্রকার পুরস্কার প্রাপ্ত করিয়াছেন কে তাহা কল্পনা করিতে পারে?

যীশুখ্রীষ্ট বেথানা নগরে মার্খা এবং মেরোনাম্নী দুই ভগিনীর-গৃহে একদা অতিথি হইয়াছিলেন। উক্ত উভয় ভগিনী যীশু খ্রীষ্টকে সেবা ও সেবা দ্বারা বশীভূত করিয়াছিলেন। তাঁহারা সামান্য রমণী হইয়া শ্রদ্ধাযুক্ত চত্রে ঋষিপ্রবর যীশুখ্রীষ্টের সেবা করিতে যীশুখ্রীষ্টের বিধান ও ভক্তি আশীর্ব্বাদ লাভ করিয়া গেলেন। নারদের ছায় এই দুইটি কথাও স্বর্গীয় জীবন প্রাপ্ত হইয়াছিলেন।

সকল ধর্ম্মসম্প্রদায়ের মধ্যেই সাধু সেবার ফলে স্বর্গলাভ ব্যাপার বর্ণিত আছে। সাধুর ছায় শিশু, রোগ, অতিথি এবং গৃহবাসী ইত্যেকেরই সেবা করা আবশ্যিক। যে সকল নারী ফলকামনা বিরহিত হইয়া আপনার রক্ত দিয়া অস্ত্রের সেবারত ব্রতী, তাঁহারা পুণ্যফল, প্রেমফল এবং শান্তিফল অবশ্যই ঈশ্বরের নিকট প্রাপ্ত হইবেন।

বাঁহারা গৃহস্থদিগের সেবার্থ্যে রত, তাঁহারা ঈশ্বরের সহায় হইতেই সেই সেবারত পালন করিয়া থাকেন। কেন না, আমি হই কি ভূমি হও, আমরা সংসারে ঈশ্বরের দ্বারা আনীত হইয়াছি। বাঁহাদের সেবা প্রয়োজন, ঈশ্বরই তাঁহাদের প্রকৃত সেবক। সেবক সেবিকাগণ ঈশ্বর হইতে শক্তি সামর্থ্য না পাইলে কিরূপে সেবারত পালন করিবেন? প্রতি মানবের সর্ব-প্রকার সেবা ঈশ্বরেরই নিত্যকর্ম্ম। সুতরাং বলিতে হইতেছে যে, প্রতি গৃহে

গৃহিণীগণ সেবিকার ব্রত পালন দ্বারা ঈশ্বরেরই সাহায্য করিতেছেন। দীন মনে শ্রদ্ধাযুক্ত হৃদয়ে যে নারী যে গৃহে সেবার কার্য্য করেন, সেই গৃহের গৃহদেবতা ঈশ্বর তাঁহাদের মস্তকে পুণ্যের শিরস্ত্রাণ এবং বক্ষে আনন্দের কবচ প্রদান করেন। সেবিকাদিগের জীবনে বাস্তবিকই নবজীবনের আবির্ভাব হইয়া থাকে।

বাঁহারা অলস, অহঙ্কারী, তাহারা অতি-লঘুচিত্ত এবং মৃত্যুভয়াকুল। আলস্য এবং অহঙ্কার মানবসন্তানকে সত্য হইতে দূরে লইয়া যায়। দীনতা এবং সেবারত মানবসন্তান সত্যে প্রতিষ্ঠিত হয়। সেবা যে স্বর্গের সোপান এ কথা নরনারী মাত্রই সহজেই বুঝিতে পারেন। শৈশবাবধি আমরা জননী এবং ভগিনীদিগের সেবা পাইয়া বাঁচিয়া আছি। আমরা কি কেহ মাতা ভগিনী প্রভৃতি সেবিকাগণের কোন পুরস্কার প্রদান করিতে সক্ষম? আমরা কি কেহ মনে একরূপ চিন্তাও কখন করিয়া থাকি? বোধ হয় অনেকেই অস্বীকার করিবেন। অনেক লোকের মনেই এ প্রকার চিন্তার কথা মাত্রও উপস্থিত হয় না। তবে যিনি এ প্রকার সেবার্থ্যের বিধান এবং নিয়ন্তা তিনিও কি আমাদের ছায় উদাসীন। কখনই নহে। তিনি সেবিকা কথাদিগকে স্বর্গে নিঃশয়ই প্রচুর পুরস্কার প্রদান করিয়া তাঁহাদিগকে কৃতার্থ করিবেন।

### সুনীতি কলেজের সাম্বৎসরিক পারিতোষিক বিতরণ ।

বিগত ২৮শে এপ্রেল বুধবার পূর্বাহ্নে সুনীতি কলেজের সাম্বৎসরিক পারিতোষিক বিতরণ খুব উৎসাহের সহিত সম্পন্ন হইয়া গিয়াছে । ভক্তিভাজন মহারাজ কুচবিহারাধিপতি বালিকাদিগকে স্বহস্তে পারিতোষিক বিতরণ করেন । স্থানীয় Lansdown Hall এ এতদুপলক্ষে অতি সুন্দর জমাট হইয়াছিল । আমাদের শ্রদ্ধেয়া কুচবিহার মহারানী মহোদয়া মহারাজ কুমারীগণ ও কতকগুলি ভদ্র মহিলা এবং কুচবিহার ষ্টেটের উচ্চতম দেওয়ান রায় কালিকাদাস দত্ত বাহাদুর, কুচবিহার কলেজের সুরোগা প্রিন্সিপাল্ শ্রীযুক্ত বাবু ব্রজেন্দ্রনাথ শীল এম্, এ, মহারাজ বাহাদুরের প্রধান সহকারী শ্রীযুক্ত বাবু প্রিয়নাথ ঘোষ এম্, এ, নূতন রেভিনিউ অফিসর শ্রীযুক্ত বাবু ভূপতি চক্রবর্তী এবং কলিকাতা হইতে সমাগত ডাঃ পি, কে, রায় মহাশয় উপস্থিত ছিলেন । কুমারী চাকুবালা ঘোষ বিগত উচ্চপ্রাথমিক পরীক্ষায় বালিকাদিগের সঙ্গে প্রতিদ্বন্দিতায় সমগ্র কুচবিহারের মধ্যে প্রথম স্থান অধিকার করিতে মহারাজ-প্রদত্ত একটা স্বর্ণপদক প্রাপ্ত হইয়াছে । শ্রদ্ধেয়া মহারানী মহাশয়ার অভিপ্রায়ানুসারে শ্রদ্ধেয়া ব্রজেন্দ্র বাবু স্কুলের বাৎসরিক বিবরণী ইংরাজিতে পাঠ করেন । রিপোর্টে বিদ্যালয়ের সমগ্র উন্নতির বিষয় উল্লেখ করিয়া বিদ্যালয়ের প্রধান শিক্ষয়িত্রী মিসেস্ সুমতি মজুমদার

ও অত্রাশ্র শিক্ষয়িত্রীদিগকে ধন্যবাদ প্রদান করেন । উপসংহারে শ্রদ্ধেয়া মহারাজ বাহাদুর ইংরাজিতে উপদেশপূর্ণ বক্তৃতা প্রদান করেন । বক্তৃতার তিনি বালিকাদিগের শিক্ষাসম্বন্ধে কয়েকটা কথা বলেন । বালিকাগণ বাহাতে ভবিষ্যতে সুভাগিনী, সুস্বামী ও সুমাতা হইতে পারেন তাহা-দিগকে সেইরূপ শিক্ষা দেওয়া উচিত এবং বাহাতে তাহারা জাতীয় সম্প্রদায়গত পার্থক্য ভুলিয়া পরস্পরের মধ্যে পবিত্র ভগিনী সম্বন্ধ স্থাপন করিতে পারেন বক্তৃতার একরূপ উপদেশও প্রদান করিয়াছিলেন । পুরস্কার বিতরণোপলক্ষে যে সকল সঙ্গীত ও উপহারের পদ্য প্রবন্ধ বালিকাগণ কর্তৃক গীত, পঠিত ও আবৃত্ত হইয়াছিল তাহাও বাৎসরিক বিবরণ প্রকাশার্থ এতৎসহ প্রেরিত হইতেছে । আশা করি সে গুলি প্রকাশ করিয়া বাধিত করিবেন ।

সুনীতিকলেজ, } বিনীতা—  
কুচবিহার, } বিধাননন্দিনী মজুমদার।  
৩০।৪।০২।

( ১৯০৯ সালের পারিতোষিক  
বিতরণোপলক্ষে )

অতীতের গর্ভে আর এক বৎসর চলিয়া গেল । বলিতে গেলে এবার সুনীতি কলেজের ইতিহাসের এক নূতন পরিচ্ছেদের সূচনা হইয়াছে । নূতন ভাবে নূতন প্রণালীতে সংগঠিত ও নূতন জীবন লইয়া এবার সুনীতি কলেজ সাধারণের সমক্ষে দণ্ডায়মান হইয়াছে । আমাদের অত্যন্ত শ্রদ্ধাপ্পদ মাননীয় নারীশিক্ষানু-

রাগিনী মহারানী কোচবিহারাদীধরী সি, আই, মহাশয় এ বিদ্যালয়ের সর্কারী উন্নতির ভার স্বহস্তে গ্রহণ এবং একটি সংগঠিত কার্যানির্বাহক সভার উপর পর্যাবেক্ষণ ভার সমর্পণ করিয়াছেন । মাননীয় মহারানী মহাশয়া ও নিম্নলিখিত ভদ্র মহোদয়কর্তৃক উপবোক্ত সভা সংগঠিত হইয়াছে—

মহারানী কোচবিহারাদীধরী সি, আই, প্রেসিডেন্ট । শ্রীযুক্ত বাবু ভূপতি চক্রবর্তী, এম্, এ, বি, এল,—সভ্য । শ্রীযুক্ত বাবু ব্রজেন্দ্রনাথ শীল, এম্, এ,—সভ্য । শ্রীযুক্ত বাবু প্রিয়নাথ ঘোষ, এম্, এ,—সভ্য । শ্রীযুক্ত বাবু নির্মলচন্দ্র সেন,—সভ্য । শ্রীযুক্ত বাবু অমৃতলাল সেন,—সভ্য ।

নূতন প্রণালী ।

বর্তমান পরিবর্তিত নূতন প্রণালী অনুসারে নারী জাতির শিক্ষার উপযোগী বিষয় সমূহই শিক্ষা দেওয়া সভার মূখ্য উদ্দেশ্য । ইউনিভার্সিটি ও প্রাদেশিক শিক্ষা-প্রণালী অনুসরণ করিয়া নারী ও পুরুষ শিক্ষার সমতা রক্ষা করা এ নূতন প্রণালীর অন্তর্ভুক্ত নহে । নারীজীবন ও নারী-চরিত্রের উপযোগী শিক্ষা বিধানের উচ্চ লক্ষ্য লইয়া সুনীতি কলেজ এবার কার্যক্ষেত্রে অবতরণ করিয়াছে । বাহাতে অল্পবয়স্কা বালিকাগণ সম্ভবানুরূপ সাহিত্য, গণিত ও শিল্প দি শিক্ষা করিয়া তাহাদের ভাবী পারিবারিক জীবন ও ভাবী আদর্শ পরিবার সংগঠনের উপযুক্ত হইতে পারে বর্তমান প্রণালী সেই সুন্দর ও সমীচীন

পথ অবলম্বন করিয়াছে । বিগত বর্ষের পারিতোষিক দানোপলক্ষে মাননীয় মহারাজা বাহাদুরও জ্ঞানশিক্ষাসম্বন্ধে উৎকৃষ্ট উপদেশ প্রদান করিয়াছেন—

পরীক্ষার ফল ।

বিগত উচ্চপ্রাথমিক পরীক্ষায় সুনীতি কলেজ খুব আশা প্রদ ফল প্রদর্শন করিয়াছে । উচ্চপ্রাথমিক পরীক্ষার জন্ম যে পাঁচটি বালিকা প্রেরিত হইয়াছিল সেই পাঁচটিই প্রথম বিভাগে উত্তীর্ণ হইয়া বিদ্যালয়ের গৌরব রক্ষা ও নারীকুল-হিতৈষী মাননীয় মহারাজ বাহাদুর ও মাননীয় মহারানী মহাশয়ার বিশেষ আনন্দ-বর্দ্ধন করিয়াছে । ইহা কোচবিহারের পক্ষে বড় সহজ আনন্দ ও আশার কথা নহে যে উপরোক্ত পাঁচটি উত্তীর্ণ ছাত্রী মধ্যে তিনটি ছাত্রী বালিকাদিগের সঙ্গে প্রতিদ্বন্দিতায় সমগ্র কোচবিহার বিভাগে প্রথম, দ্বিতীয় ও তৃতীয় স্থান অধিকার করিয়াছে । সুনীতি কলেজের ইতিহাসে ইহা এক নূতন বাপার । এই কলেজ হইতে বিগত মধ্যইংরাজী পরীক্ষায় যে ছাত্রী শিক্ষয়িত্রী পরীক্ষার্থ উপস্থিত হইয়াছিল প্রতিদ্বন্দিতায় সে বালিকাও তৃতীয় স্থান অধিকার করিয়াছে । নিম্নে পরীক্ষোত্তীর্ণ ছাত্রীদিগের নাম পারদর্শিতানুসারে সন্নিবেশিত হইল ।

মধ্য ইংরাজী পরীক্ষা ।

কুমারী বিধাননন্দিনী মজুমদার ।

উচ্চপ্রাথমিক পরীক্ষা ।

কুমারী চাকুবালা ঘোষ । কুমারী লাবণ্যলতা দেবী । কুমারী দক্ষবালা দেবী ।

কুমারী শান্তিদায়িনী মজুমদার। শ্রীমতী  
ননিবালা সেন।

আমাদের মহারানী মহাশয়াও খুব  
আনন্দ প্রকাশ করিয়া দার্জিলিং হইতে যে  
পত্র লিখিয়াছিলেন তাহারও সারাংশ  
নিম্নে উদ্ধৃত হইল—

“মেয়েগুলি পরীক্ষাতে এত ভাল পাস  
হইয়াছে শুনিয়া কি যে আনন্দ হইল কি  
নগিব। সুনীতি কলেজের উন্নতি দেখিলে  
বড় আহ্লাদ হয়”।

নিম্ন প্রাথমিক পরীক্ষার ফল।

নিম্ন প্রাথমিক পরীক্ষাসম্বন্ধেও এবারে  
সুনীতি কলেজ খুব আশা প্রদ ফল প্রদর্শন  
করিয়াছে। এই পরীক্ষার জন্ত এবার  
দশটি বালিকা প্রেরিত হইয়াছিল এবং  
উক্ত দশটির মধ্যে নয়টি প্রথম বিভাগে  
উত্তীর্ণ হইয়াছে আর একটি বালিকা পরী-  
ক্ষার দ্বিতীয় দিবসে পীড়িত হইয়া পড়িয়া-  
ছিল। পরীক্ষোত্তীর্ণা বালিকাদিগের নাম  
পারদর্শিতা অনুসারে নিম্নে প্রদত্ত হইল।

কুমারী সরযুবালা গুপ্ত। কুমারী  
ইন্দুবালা বিশ্বাস। কুমারী সুনীতিবালা  
ঘোষ। কুমারী প্রফুল্লময়ী বস্তু। কুমারী  
শৈলবালা সেন। কুমারী ভক্তীউষা মল্লিক।  
কুমারী সহিদননেছা। কুমারী চারুবালা  
দেবী। কুমারী সুনীতিবালা সরকার।

ছাত্রী সংখ্যা।

বর্তমানে স্কুলের ছাত্রী সংখ্যা ১২৫।  
দৈনিক গড় উপস্থিত ৮০৯০। অর্থাৎ  
বিগত বর্ষ অপেক্ষা ২৫৩০ অধিক। ইহা  
অত্যন্ত আশাজনক যে এই সকল ছাত্রীদের

মধ্যে ১২ জন ছাত্রী মুসলমান, ১ জন  
খ্রীষ্টিয়ান, ৩ জন ব্রাহ্ম ও ২০ জন আদিম  
কোচবিহার অধিবাসী। স্ত্রীশিক্ষাসম্বন্ধে  
কোচবিহার যে দক্ষিণ বঙ্গ, বিহার ও  
উত্তর পশ্চিম প্রদেশ হইতেও অগ্রসর হইয়াছে  
তাহার আর সন্দেহ নাই। ইসলাম বিশ্বাসী  
পরিবার হইতে সরকারী স্কুলে প্রকাশ-  
ভাবে বালিকাদিগকে শিক্ষাদানের রীতি  
এখনও উপরোক্ত স্থানসমূহে প্রচলিত হয়  
নাই। কে চবিহারবাসী ইসলাম পরিবার  
এসম্বন্ধে নৈতিক সাহসের যে পরিচয়  
দিতেছেন বাস্তবিকই তাহা প্রশংসনীয় ও  
পশ্চাৎপদ প্রদেশ সমূহের অনুকরণীয়।  
ইহা বড়ই আশার কথা যে কোচবিহার  
ভূমি এসম্বন্ধে ধীরে ধীরে উথিত হইতেছে।  
এ সমুদায়ের মূলে যে মাননীয় মহারাজা  
বাহাদুর ও মাননীয় মহারানী মহাশয়ার  
উদ্যম উৎসাহ ও উচ্চ দৃষ্টি বর্তমান  
তাহা সকলকেই একবাক্যে স্বীকার করিতে  
হইবে। কলিকাতার বাহিরে মফঃস্বলস্থ  
উচ্চশ্রেণী ইংরাজী অর্থাৎ প্রবেশিকা পরী-  
ক্ষোপযোগী অনেক স্ত্রীবিদ্যালয় হইতে  
সুনীতি কলেজে যে আশাতিরিক্ত ছাত্রী  
সংখ্যা শিক্ষালাভ করিতেছে ইহা এখান-  
কার পক্ষে অল্প গৌরবের কথা নহে।

উপসংহারে প্রার্থনা যে এই বিদ্যালয়  
ভগবানের প্রসাদে দিন দিন উন্নতির পথে  
অগ্রসর হইতে থাকুক এবং ইহার উন্নতি-  
কল্পে যেমন একদিকে মাননী মহারাজা  
বাহাদুর, মাননীয় মহারানী মহাশয়া ও  
কার্যনির্বাহক সভা আশা ও উৎসাহ  
বিধান করিতেছেন তেমনিই অপর দিকে

স্থানীয় ভদ্রমণ্ডলী ও ভদ্র মহিলাগণ উৎসাহ  
প্রদান করিতে থাকুন।

সুনীতিকলেজ, } শ্রীমতী সুমতী  
কোচবিহার। } মজুমদার,  
৮ই এ, ১৯০৯। } প্রধান শিক্ষয়িত্রী।

( সুনীতি কলেজের ১৯০৯ সালের পুরস্কার  
বিতরণোপলক্ষে )  
প্রথম সঙ্গীত।

মোরা সত্যের পরে মন

আজি করিব সমর্পণ

জয় জয় সত্যের জয়।

মোরা বুঝিব সত্য পূজিব

সত্য খুঁজিব সত্যধন

জয় জয় সত্যের জয়।

যদি ছুঃখে দহিতে হয়

তবু মিথ্যা চিন্তা নয়

যদি দৈন্ত বহিতে হয়

তবু মিথ্যা কল্প নয়

যদি দণ্ড সহিতে হয়

তবু মিথ্যা বাক্য নয়

জয় জয় সত্যের জয়।

মোরা মঙ্গল কাজে প্রাণ আজি

করিব সকলে দান

জয় জয় মঙ্গলময়।

মোরা লভিব পুণ্য শোভিব পুণ্যে

গাহিব পুণ্য গান

জয় জয় মঙ্গলময়।

যদি ছুঃখে দহিতে হয়

তবু অশুভ চিন্তা নয়

যদি দৈন্ত বহিতে হয়

তবু অশুভ কল্প নয়

যদি দণ্ড সহিতে হয়

তবু অশুভ বাক্য নয়

জয় জয় মঙ্গলময়।

সেই অভয় ব্রহ্মনাম আজি

মোরা সবে লইলাম

যিনি সকল ভয়ের ভয়।

মোরা করিব না শোক যা হবার হোক

চণ্ডিব ব্রহ্মধাম

জয় জয় ব্রহ্মের জয়।

যদি ছুঃখে দহিতে হয়

তবু নাহি ভয় নাহি ভয়

যদি দৈন্ত বহিতে হয়

তবু নাহি ভয় নাহি ভয়

যদি মৃত্যু নিকটে হয়

তবু নাহি ভয় নাহি ভয়

জয় জয় ব্রহ্মের জয়।

মোরা আনন্দ মাঝে মন

আজি করিব বিসর্জন

জয় জয় আনন্দময়।

দ্বিতীয় সঙ্গীত।

হাতে হাতে ধরে আর সবে তোরা

আশা উৎসাহ লয়ে বুক ভরা

সম্মুখে চাহিয়া চলে যাই মোরা

পিছে পড়ে নাহি রব। ( মোরা )

( ২ )

উৎসাহ উদ্যম যাহাদের আছে

উন্নতির পথে তারাই চলেছে

আমরা কি শুধু পড়ে রব পিছে

আঁধারে ডুবিয়া যাব। ( মোরা )

অশেষ গুণসম্পন্ন নারীকুলহিতৈষিনী—

শ্রীশ্রীমতী মহারানী কোচবিহারাধীশ্বরী,  
সি, আই, মহোদয়া সমীপেষু।

ভক্তি উপহার ।

(স্মৃতি কলেজের ১৯০৯ সালের পুরস্কার  
বিতরণোপলক্ষে।)

বরষের পরে, প্রফুল্ল অন্তরে,

এসেছি আবার আমরা সকলে,

এসেছি উচ্ছ্বাসে এসেছি উল্লাসে

এসেছি আমরা দুঃখী কল্যাণে।

এসেছি আবার শুনিয়া তাঁহার

নূতন আশার নূতন আহ্বান,

এসেছি ছুটিয়া সকলে মিলিয়া

করিতে তাঁহার মহিমার গান।

কৃপায় তাঁহার হৃদয় সবার

নূতন ভাবেতে জাগিল আবার,

নূতন পরাণে নূতন মিলনে

গাইব নূতন মহিমা তাঁহার।

তাঁর ডাক শুনে দুঃখী কল্যাণে

হৃদয়ে হৃদয়ে মিলেছি হেথায়,

তাঁর ডাক শুনে আজ শুভ দিনে

এসেছি আমরা গভীর আশায়।

... ..

তাঁহার আদেশে তুমি এই দেশে

লয়েছ কতই গুরু ভার করে।

সিদ্ধপার হ'তে ভারত ভূমিতে

এনেছ অনেক ভাব আমাদের তরে,

এনেছ স্মৃতি সভ্যতা স্মৃতি,

এনেছ আনিবে কত স্নেহের অন্তরে।

তাঁহার ইচ্ছায় তাঁহারি কৃপায়

আজ আমাদের শুভ সন্মিলন,

আজি সবে মিলি উচ্চরব তুলি

করিব তাঁহার মহিমা কীর্তন।

আজি প্রাণ ভরে প্রফুল্ল অন্তরে

বলি সব আজ সৌভাগ্যের কথা,

বলি আজ সবে বলি উচ্চ রবে

আমাদের আজ আশার বারতা।

বলি বিশ্ব জনে উচ্ছ্বাসিত মনে

আমাদের আজ বড় শুভ দিন,

আমাদের হরে স্নেহের অন্তরে

রাজারানী আজ সবে সম সান।

বিধানের লীলা বিধানের খেলা

বিধানের এই মহিমা প্রকাশ,

বিশ্বাসী মানবে দেখ আজ সবে

বিধানের এই উন্নতি উচ্ছ্বাস।

এ দৃশ্য এদেশে পূর্ব ইতিহাসে

এচিত্র কখন হয়নি অঙ্কিত,

এচিত্র কখন একরূপ মিলন

পূর্ব ইতিহাসে হয়নি কীর্তিত।

এদেশের তরে স্বর্গ হ'তে পরে

আসিল করুণা তাঁহার অশেষ,

এদেশের তরে ভক্তের ভিতরে

আসিল তাঁহার আলোক আদেশ।

আজ সে আদেশ করুণা বিশেষ

সাক্ষ্য দিই মোরা দীনা কল্যাণে,

সাক্ষ্য দিই সবে বলি উচ্চরবে

তাঁর ইচ্ছা পূর্ণ ভক্তের জীবনে।

আজ ব্রহ্মানন্দে অপার আনন্দে

প্রত্যাदिষ্ট ভক্তে করি নমস্কার,

আজ মহারানী মোদের জননী

নমি তব পদে নমি শতবার।

তোমার হস্তের তোমার স্নেহের

তোমার প্রদত্ত লই পুরস্কার,

বৎসরের পরে সবার উপরে

বিধাতারে সবে করি নমস্কার।

স্নেহের ছাত্ত্রীগণ।

বৌমার পত্র ।

মহিলা সম্পাদকের নিকটে স্বর্গগত  
ডাক্তার নকুডচন্দ্র বন্দ্যোপাধ্যায় মহাশয়ের  
জীবন বিষয়ে তাঁহার বৌমা নলিনীবাণী  
দেবীর পত্র।

পরম ভক্তি ভাঃনেষু—

“আপনার পোষ্টকার্ডখানা পাইয়াছি।

এতদিন মন এত খারাপ ছিল যে, কাহা-

কেও চিঠি লিখিবার ইচ্ছা ছিল না।

আমার পূজনীয় ধর্ম মহাশয়ের স্বর্গা-

রোগে আমার মন একেবারে ভাঙিয়া

গিয়াছে এত দিনে আমি যেন নিরাশ্রয়

হইয়া পড়িয়াছি। আমি শৈশবে পিতৃহীনা

হইয়াছিলাম, ১৩ বৎসর যাবৎ যাহাকে

পিতার তুল্য বলিয়া জানিতাম আজ তিনি

কোথায়? যিনি জীবিত থাকিতে সর্বদাই

আমাকে অন্বেষণ করিতেন, আজ তাঁহার

শব্দ বন্ধ হইয়াছে। বৌমা বলিয়া ডাকি-

বার আর কেহই নাই। যখন এসব

কথা ভাবি, মন অস্থির হয়। তিনি

পিতার কোলে সুখে আছেন, যত কষ্ট

আমাদের। হঠাৎ একরূপ হওয়ার আবেশ

মনে লাগিয়াছে। একেবারে প্রস্তুত

ছিলাম না। হঠাৎ বজ্রাঘাত হইল;

আশীর্বাদ করিবেন, তাঁহার জীবন দেখিয়া

যেন আমরা জীবন গঠন করিতে পারি।

তাঁহার প্রকৃতি সরল শিশুর মতন মধুর

ছিল, আমাদের ধর্মজীবনের উন্নতির জন্য

তিনি কতই চেষ্টা করিতেন। তাঁহার

ইচ্ছামুগ্ধ আমরা যেন ধর্মকেই প্রথম

মনে করি, সংসার ও সুখ বিলাস লইয়া

যেন পরমপিতা পরমেশ্বরকে ভুলিয়া না

থাকি। যখন তিনি ছিলেন তখন তাঁহার

স্বভবে কত মধুরতা দেখিয়াছি, পরনিন্দা

বোধ হয় কখনও তাঁহার মুখে শুনি নাই,

পরের সুখে তিনি পরমানন্দিত হইতেন।

তাঁহার সরল বিশ্বাস, ধর্মের জীবন, প্রকৃ-

তির মধুরতা হইতে আমরা কত শিক্ষা

পারি। তাঁহার জীবন যেরূপ ছিল,

তাহাতে তিনি স্বর্গে পরমানন্দে মার

কোলে সুখে রহিয়াছেন। আমাদেরও

এক দিন বাইতে হইবে, এখন থেকেই

যেন স্তুত হইতে পারি। আপনার শরীর

কেমন আছে? এখানে নীলমণি দেবেন,

উনি ও প্রফুল্ল আসিয়াছেন। ২রা মে

এখানে পরলোকগত আত্মার কল্যাণার্থে

শ্রাদ্ধক্রিয়ার অনুষ্ঠান হইয়াছিল। ব্রাহ্মেরা

সকলে আসিয়াছিলেন। তা ছাড়া হিন্দুরাও

আসিয়াছিলেন। শ্রদ্ধাস্পদ হরিশ্চন্দ্র বাবু

কাজ করিয়াছিলেন।

আপনার স্নেহের—নলিনী।

জাগরণ।

[ চট্টগ্রাম ভগ্নীসমাজে পাঠিত। ]

রজনী তমস্বিনী নৈশাকার নিখিল

জগতে একাধিপত্য বিস্তার পূর্বক প্রাণী-

বৃন্দকে শাসন করিতেছে। জীবজন্তুগণ

অত্যাচারী নৃপতির শাসনাধীন প্রজার

চায় ভয়ে একেবারে জড়সড় হইয়া পড়িয়া

রহিয়াছে। সহসা উষারানী পূর্বাকাশ

দ্বার উদ্ঘাটন পূর্বক অনন্ত আকাশে আপন স্বর্ণাঞ্চলখানি ছড়াইয়া দিয়া জগতে উপস্থিত হইলেন। জীবগণকে সুখশীতল করম্পর্শে জাগাইয়া নৈশাক্রম্যাবের হস্ত হইতে উদ্ধার করিবেন বলিয়া আশ্বাস বাক্য বলিলেন। সে বাণী কর্ণকুহরে প্রবেশ মাত্র সকলে চমকিত হইয়া উঠিল, চক্ষুরম্মীলন করিয়া দেখিল বাস্তবিকই অন্ধকারের হস্ত হইতে উদ্ধার পাইয়াছে। তৎক্ষণাৎ প্রকৃতি উষার বন্দনা গীত আরম্ভ করিল। জীবগণ মহোন্মাদে উষারাগীর পদতলে প্রণিপাতপূর্বক আশীর্বাদে নিশ্চিন্ত শিরোভূষণ করিয়া তাঁহারই আদেশে স্ব স্ব কার্যে প্রবৃত্ত হইল। ফলতঃ উষার আগমনে মানবগণ সঞ্জীৱিত হইয়া নূতন কর্তব্যে প্রণোদিত হইল।

ই তর্কাস চক্ষে জগতগ্রহ পাঠ করিলে দেখিতে পাওয়া যায় যে বর্তমান যুগও মানব সাধারণের পক্ষে উষাকাল—কর্ম-যুগের প্রারম্ভিক কাল। বহুকাল অতীত হইল জগতে খ্রীষ্ট, বুদ্ধ, চৈতন্য, ব্যাস, বাস্কীকি, হোমার, নিউটন, গ্যালিলিওর আবির্ভাব হইয়াছে। তাঁহাদের পাদস্পর্শ পূর্ণো ধরাধাম পবিত্র হইয়াছে এবং এ যুগ-বাসিগণ জ্ঞান ও বিজ্ঞান রাজ্যে প্রবেশ করবার স্বর্ণদ্বারের সন্ধান পাইয়াছে তথাপি আমরা সেই প্রাচীন যুগকে জগতের নিশা-কালই বলিব। সে যুগে সময়ে সময়ে মেগা-প্রদেশের সূক্ষ আলোক রশ্মি (Aurora Borealis) উদ্ভাসিত হইয়াছে মাত্র। কিন্তু দিগভাগের জায় জ্যোতিমান সূর্য তখনও মানব জগতে উদিত হয় নাই।

প্রাচীন ইতিহাসে অনেক জ্ঞানী শ্রেষ্ঠ মহাত্মার নামোল্লেখ থাকিলেও সাধারণ মানব তখন জ্ঞানের উজ্জল রশ্মি দর্শন হইতে বহু দূরে অবস্থিত ছিল। মানব সাধারণের জ্ঞান নেত্র উন্মীলন চেষ্টার সঙ্গে সঙ্গে জগতে নবযুগের সূত্রপাত হইয়াছে। সুতরাং আমরা বর্তমান কালকে সেই 'নবযুগ' আখ্যা প্রদান করিতে পারি।

নৈশ বিশ্রামের পর নবোদয়্যোদয়ে জাগরণ মানবের পক্ষে স্বাভাবিক। প্রভাতে তরুণ অকণের কিরণগাতে বৃক্ষে, লতায়, বনের কুমুদে, পক্ষীর কুঞ্জে, মানবপ্রাণে এক সমতান বদৌর লহরী তুলিয়া দেয়। প্রকৃতি আপন নীরব ভাষায় গাহিতে থাকে 'মানব উত্থান কর, জাগ্রত হও'। তখন বিশ্বের যে দিকে দৃষ্টিপাত করা যায় সেই দিক হইতেই মানব হৃদয় সজীবতার অমৃত রস আকর্ষণ করিয়া লইতে থাকে। নিদ্রিত মানব প্রকৃতির সেই ধ্বনিত গীত শ্রবণ করিয়া জাগ্রত না হইয়া থাকিতে পারে না।

প্রভাতকালের জায় জ্ঞান সূর্যের উদ-য়েও মানব জাগ্রত না হইয়া পারে না। জাগরণের সাধারণ ধর্ম কর্ম প্রবণতা। জাগ্রত ব্যক্তির কর্মসাধন ব্যতীত অবস্থান অসম্ভব। তুমি নিদ্রিত নও, অথচ শারী-রিক কিংবা মানসিক কোনও কার্য করিতেছ না, ইহা মানব কল্পনারও অতীত। জাগরণ তাহার পক্ষেই সম্ভব, যাহার জীবন আছে। ইহা নিশ্চিত যে নিজীব পদার্থের পক্ষে জাগরণ অসম্ভব। মৃত মানবকে কি কখনও প্রকৃতি তাহার

কোমল করম্পর্শে কিংবা স্রুতি সুখকর সঙ্গীত লহরীতে জাগাইয়া তুলিতে পারি-য়াছে? সত্য বটে নিজীব পদার্থকেও যন্ত্রা-দির সাহায্যে বাহ্যিক শক্তি (mechanical Force) প্রয়োগ দ্বারা কর্মরত করিতে পারা যায়। তাহারও সময় সময় প্রকৃত জীবিত পদার্থরূপে আমাদের নিকট প্রতীয়-মান হইতে পারে, এবং কর্মের আড়ম্বর দেখিয়া আমরা জীবিত ও মৃত পদার্থ সম্বন্ধে ভ্রমে পতিত হইতে পারি। কিন্তু উহার পরীক্ষাহীন ঐ শক্তি প্রয়োগ প্রণালী। কারণ বাহ্যিক শক্তির অপনয়নে মৃত পদার্থ কর্মসাধন করিতে পারে না। কর্মরত মৃত পদার্থকে বাহ্যিক শক্তির ইচ্ছানু-সারে পরিচালিত হইতে হয়, তাহারই হস্তে আত্মসমর্পণ করিতে হয়। জীবিত পদার্থে স্বেচ্ছা শক্তি প্রয়োগের কিছুমাত্র আবশ্যক করে না। এস্থলে বলা আবশ্যক যে মৃত পদার্থের কর্ম দ্বারা জগত উপকৃত হয় বটে কিন্তু ব্যক্তিগতরূপে তাহার নিজের কোনও পরিবর্তন কিংবা অবস্থার উন্নতি সাধন হয় না। কিন্তু জীবিত পদার্থ স্বীয় কর্মদ্বারা জগৎ এবং স্বায় জীবন উভয়েরই উন্নতি করিয়া থাকে।

ক্রমশঃ ।

### সংবাদ ।

মহিলা সম্পাদক শ্রদ্ধাস্পদ ভাই গিণিচন্দ্র সেন মহাশয় শ্বাসরুদ্ধ রোগে আক্রান্ত হইয়া একান্ত দুর্বল হইয়া আপা-ততঃ মহিলার কার্য সম্পাদনে অসমর্থ হইয়াছেন। তাঁহার লিখিত পত্র পাঠে পাঠক পাঠিকাগণ অবগত হইবেন যে, গত চৈত্র মাস হইতে মহিলা সম্পাদনের

ভার অল্প হস্তে তুলিত হইয়াছে। মহিলার হিতৈষী লেখক, লেখিকা মহশয়দের বিশেষ দৃষ্টি রাখিতে হইবে যে মহিলা খাস মেয়েদের পত্রিকা; মহিলাতে মচরাচর স্ত্রীলোক সম্বন্ধীয় বিশেষ শিক্ষণীয় ও জ্ঞাতব্য বিষয় সকল লিখিত হয়। সাধারণ সংবাদ পত্রের জায় অল্প বাহুল্য বিষয় লিখিত হয় না। মহিলার প্রবেশের শিরো-নাম একপ হওয়া সমুচিত, তাহা পড়িলেই যেন লোকে প্রবেশের শিক্ষণীয় ও জ্ঞাতব্য বিষয় বুঝিতে পারে। মহিলার জন্ম লেখা এবং রমানাথ মজুমদারের স্ট্রীট ম্যানেজার ভাই কান্তিচন্দ্র মিত্র মহাশয়ের নিকটে এবং মূল্যাদিও ম্যানেজারের নিকটে প্রেরিত হইবে।

প্রায় এক বৎসর কাল বোমার মোক-দমা চলিয়াছিল। সম্প্রতি সেসন জজ মোকদমার রায় প্রকাশ করিয়াছেন। বাণীন্দ্র ঘোষ এবং উল্লাসকর দত্তের ফাঁসির হুকুম হইয়াছে। হেমচন্দ্র দাস, ইন্দ্রনাথ নন্দী প্রভৃতি দশ জনের যাবজ্জীবন দ্বীপা-স্তর, অশোকচন্দ্র নন্দী প্রভৃতি ছয় জনের দশ ও সাত বৎসরের জন্ম দ্বীপাস্তর ও দশমজীবনের এক বৎসরের জন্ম সশ্রম কারাবাসের হুকুম হইয়াছে। সুখের বিষয় যে অরবিন্দ ঘোষ প্রভৃতি ষোলজন পেকুর খালাস পাইয়াছেন।

মাদ্রাজের সুবিখ্যাত পালোয়ান প্রফে-সর রামামূর্তি নাইডু এবার কলিকাতার গড়ের মাঠে নানাবিধ অদ্ভুত ক্রীড়া প্রদর্শন দ্বারা তাঁহার অসাধারণ শারীরিক শক্তির পরিচয় দিয়া দর্শক মণ্ডলীকে চমৎকৃত করিয়া গিয়াছেন। প্রবল গেশালী চলন্ত মটর গাড়ীর গতিরোধ, স্থল, দৃঢ় লৌহ-শৃঙ্খল পদাধে স্ক্রাকরণ, বক্ষের উপর বন্দনকার স্তম্ভধারণ প্রভৃতি কতকগুলি ক্রীড়া তন্মধ্যে উল্লেখ যোগ্য। এই অমিত বিক্রম বীরপুরুষ খাঁটি নিরামিষ ভোজী। যাহারা বলেন দৈহিক বল সঞ্চয়ের জন্ম

মাংসাহার একান্ত প্রয়োজন, রামামূর্তি নাইডু, তাঁহাদের উক্ত সিদ্ধান্তের অসারতা প্রমাণ করিতেছেন। শুনা যায়, এতৎ-সম্বন্ধে ইনি শীঘ্রই একখানা পুস্তক প্রকাশ করিবেন।

### মূল্যপ্রাপ্তি ।

একাদশ বৎসর।

শ্রীযুক্ত চন্দ্রভূষণ মালিক, সোনপুর ২১  
দ্বাদশ বৎসর।

শ্রীযুক্ত হুর্গাপ্রসন্ন সেন, কটক ২১  
" চন্দ্রভূষণ মালিক, সোনপুর ২১  
" খগেন্দ্র দাস, বালিজান ২১

শ্রীমতী মহারাণী, ময়ূরভঞ্জ ১০  
" ইন্দিরাকুমারী রায় পাইকোড়া ২১  
" সতী দেবী, হুমকা ২১  
ত্রয়োদশ বৎসর।

মিসেস বন্দ্যোপাধ্যায়, খ্যাটন ১১০  
শ্রীযুক্ত জগন্নাথ রাও, বোদ ১১০  
" জি. পি. স্কুল, নটোর ২১  
" আবদুল মজিদ, রাজসাহী ২১  
" হুর্গাপ্রসন্ন সেন, কটক ২১  
" চন্দ্রভূষণ মালিক, সোনপুর ২১  
মুনসী এনাতউল্লা প্রধান, হলদীবাড়ী ২১  
মিসেস এস. মুখার্জি, মাণ্ডালয় ২১  
শ্রীযুক্ত চন্দ্রেশ্বর গুপ্ত, হবিগঞ্জ ২১  
" তারকনাথ রায়, কলিকাতা ২১  
শ্রীমতী ইন্দিরাকুমারী রায়, পাইকোড়া ২১  
" মহারাণী, ময়ূরভঞ্জ ১১০  
" কিরণশশী দাসী, কলিকাতা ২১  
" সরলা কান্তগীর, পূর্ণিয়া ২১  
" শরৎকুমারী দেবী, টাঙ্গাইল ২১  
" সতী দেবী, হুমকা ২১

চতুর্দশ বৎসর।

শ্রীযুক্ত হুর্গাদাস বসু, বাঘিল ২১  
" জগন্নাথ রাও, বোদ ১১০  
" আবদুল মজিদ, রাজসাহী ২১


মুনসী এনাতউল্লা প্রধান, হলদীবাড়ী ২১  
শ্রীযুক্ত চন্দ্রেশ্বর গুপ্ত, হবিগঞ্জ ১১  
" মহেন্দ্রনাথ সেন, ডিব্রুগড় ২১  
" ভুবনমোহন রায়, লক্ষ্মী ২১  
" কালীমোহন মুখোপাধ্যায়, ঐ ২১  
শ্রীযুক্তা রাণী রায়, কলিকাতা ২১  
মিসেস বন্দ্যোপাধ্যায়, খ্যাটন ২১  
শ্রীমতী মনোরমা দেবী, ঢাকা ১১  
" ইন্দিরাকুমারী রায়, পাইকোড়া ২১  
" মেহলতা দত্ত, কলিকাতা ২১  
পঞ্চদশ বৎসর।

মিসেস বন্দ্যোপাধ্যায়, খ্যাটন ১১০  
শ্রীযুক্ত মহারাজা মুনিজ্জচ্চন্দ্র নন্দী বাহাদুর,  
কাশীমবাজার ২১

### মহিলার নিয়মাবলী ।

মহিলা পত্রিকা প্রতিমাসের সংক্রান্তি দিবসে প্রকাশিত হয়। ডাকমাণ্ডলসহ ইহার বার্ষিক মূল্য ২১ মাত্র। গ্রাহক ও গ্রাহিকাগণ মহিলার মূল্য ও অর্থসম্বন্ধীয় পত্রাদি কার্যাবলী শ্রীযুক্ত কান্তিচন্দ্র মিত্র মহাশয়ের নামে এবং প্রবন্ধাদি সম্পাদকের নিকটে তনয় রমানাথ মজুমদারের ষ্ট্রীট, কলিকাতা, এই ঠিকানায় পাঠাইবেন। প্রাপ্ত প্রবন্ধাদি উপযুক্ত হইলে শীঘ্র হটক বা বিলম্বে হটক প্রকাশিত হইবে। কাহারও প্রবন্ধ ফেরত দেওয়া যাইবে না।

অনেকে মহিলা পত্রিকা বৎসরাধিক কাল গ্রহণ করিয়া মূল্য দান করেন না, বড় দুঃখের বিষয়! যাহারা মূল্য দানে অসমর্থ তাঁহারা যেন অবিলম্বে পত্রিকা ফেরত পাঠাইয়া দেন, অথবা আমাদগকে তাহা পাঠাইতে নিষেধ লেখেন। তাহা হইলে আমরা ক্ষতিগ্রস্ত হইব না। পুনঃ পুনঃ পত্র লিখিয়া প্রাপ্য মূল্য না পাইলে অনেক সময়ে আমরা সেই মূল্যের জগু ভি, পি, পোষ্টে মহিলা পাঠাইয়া থাকি।



### মাসিক পত্রিকা।

“যত্র নারীশ্চ পূজ্যন্তে রমনী তত্র দৈবতাঃ।”

১৪শ ভাগ ] জ্যৈষ্ঠ, ১৩১৬, জুন ১৯০৯। [ ১১শ সংখ্যা।

### স্ত্রীনীতিসার ।

যে পরিবারে মাতা সত্যবাদিনী, সদা-চার্য, দয়ালু, সে পরিবারের বালক বালিকা-রাও সচরাচর সত্যবাদী, দয়ালু ও সদাচার-সম্পন্ন হইয়া থাকে। বালক বালিকার মাতার দোষ গুণের অঙ্গসরণ করিয়া থাকে। মাতা যদি ব্যবহারে ঘৃণাকরেও সত্যভ্রষ্টা হন, তাঁহার কথা ও কার্যে সমতা না থাকে, সম্ভানগণ অজ্ঞাতসারে ঐ দোষে ছুঁই হইয়া থাকে। অতএব প্রথম নীতি “সত্য কথা কহিবে।”

গৃহে সৃষ্টিলা রক্ষা করা নারীর এক বিশেষ কর্ম। যথাস্থানে তৈজসপত্র, গৃহনামগী রক্ষা করিবে। যথাসময়ে গৃহস্থ জনগণের আহার বিশ্রামের ব্যবস্থা করিবে। গৃহকে সর্বদা পরিষ্কার পরিচ্ছন্ন রাখিবে। কোনও কোনও পরিবারে দেখিতে পাওয়া যায় বালক বালিকারা খাদ্যবস্তু দেখিলেই খাইতে চায়, আদ্য

করে। ইহাও বিশৃঙ্খলার ফল জানিবে। যথাসময়ে বালক বালিকাদিকে নিয়মিত-রূপ খাইতে দিবে, অল্প সময়ে দিবে না। শৈশবকাল হইতে এই অভ্যাস করিলে আর বালকেরা বৃথা আদ্য করিয়া তোমার বিরক্ত করিবে না। তাহাদের পাকস্থলীও সুস্থ থাকিবে, দেহ সবল হইবে।

গৃহিণী সৃষ্টিলা, ধর্মশীলা, নীতি-পরায়ণ হইলে পরিবারস্থ সকলেরই দেহ মন আত্মা সুস্থ ও সমুন্নত হইবার বিশেষ সহায় হয়। গৃহিণী স্বাস্থ্যবিধিসকল জানিয়া গৃহে উহা প্রতিষ্ঠা করিলে গৃহে স্বাস্থ্যের পীড়া অল্পই প্রবেশ করিতে পারে। দুঃখের বিষয় আমাদের মেয়েরা স্বাস্থ্যব্যবস্থা ইত্যাদি পুস্তক পড়িয়াই ভুঁই, জীবনে আর উহা বড় আচরণ করিতে দেখা যায় না।

শ্রীবে—

### শ্রী ও পুরুষের আত্মার স্বাধীনতা ।

ভগবান্ যে সমস্ত গুণদ্বারা মানুষকে তাঁর সৃষ্ট অণু সমস্ত জীব হইতে উন্নত করিয়াছেন, সে সকলের মধ্যে প্রধান একটি গুণ স্বাধীনতা । এই বিশাল সৃষ্টির মধ্যে মানুষ তাঁহার আত্মজ, তাঁহার সন্তান ; তাঁহার স্বভাব ও গুণ মানুষের প্রাপ্য । অত্যাচার প্রাণী সকল কতকগুলি স্থিরবদ্ধ অবস্থায় উন্নতি বা পরিণতি লাভ করে, তাহারা সেই সকল অবস্থা অতিক্রম করিতে পারে না ; অপরদিকে তাহার ব্যতিক্রম বিপরীতাচরণও করিতে পারে না, এই জন্ত তাহারা পাপ করিতে পারে না, পুণ্যবান্ও হইতে পারে না । কারণ স্বাধীনতা নাই ।

আমাদের এক এক সময় মনে হয় মানুষ এত পাপ তুষ্কার্য করে,—যে জন্ত আমরা তাহাকে পশু অপেক্ষা নিকৃষ্ট বলি, ও হিংস্রক পাপী মানুষের সঙ্গে অপেক্ষা মনে গিয়া হিংস্র জন্তুর সঙ্গে বাস করা ভাল মনে করি—এত তুষ্কার্য করে ভগবান্ তাহাকে কেন বাধা দেন না, অবাধে কেন সে পাপ কার্য করিতে পারে, যেন এ পৃথিবীর কোন বিধাতা নাই ; মানুষ যাহা ইচ্ছা তাহা করিতে পারে । ইহার উত্তর স্বাধীনতা । ভগবান্ মানুষকে স্বাধীনতা দিয়াছেন, তিনি কখনও তাঁহার স্বপ্রতিষ্ঠিত ব্যবস্থাকে ভঙ্গ বা লঙ্ঘন করেন না । তাই তিনি কিছুতেই মানুষের স্বাধীনতা হরণ করেন

না । জগতের সমস্ত কার্য অপরিবর্তনীয় স্থির নিয়মে চলিতেছে । তিনি আমাদের অবাধ্যতা, স্বেচ্ছাচার, তুষ্কার্য, তুষ্কার্য দেখিয়া অধীর হন নাই, আশা ছাড়েন নাই, কঠিন বিচার বা কঠোর দণ্ড দেন নাই । তিনি অপেক্ষা করিয়া বসিয়া আছেন, ক্ষমা করছেন, দান করছেন, কাহারও স্বাধীনতা হরণ করেন নাই । পরম পিতা ভগবান্, তাঁহার পুত্র কন্যা-গণকে স্বাধীনতা দিয়াছেন, কিছুতেই কোন কারণেই তাহা হরণ করিতেছেন না, কিন্তু মানুষ অতি অল্পেই, সামান্য অবাধ্যতাতেই ভ্রাতার স্বাধীনতা হরণ করিতেছে, ভগবান্ যে স্বাধীনতা দিলেন, মনুষ্যসন্তান তাহা তাঁহার ভ্রাতাকে দিতে চান না, তিনি ভ্রাতাকে বলেন, তুমি আমার ইচ্ছামত চল, আমি যেরূপ উপদেশ দি কর, তুমি নিজেকে নিজে রক্ষা করিতে পার না, তুমি আমার অধীন হইয়া চল । আমাদের কতদূর অহঙ্কার ! ভগবান্ যে স্বাধীনতা তাঁর সন্তানের নিকট হইতে লইলেন না, আমরা তাহা কাড়িয়া লই । মানুষ মানুষের গুরু, পথপ্রদর্শক হইতে চায় ! মানুষের স্বাধীনতা হরণ করিবার আমার কি ক্ষমতা । যে মানুষ অগ্রের স্বাধীনতা হরণ করে, সে ভগবানের নিকট ভয়ানক অপরাধী । ছোট বড়, পণ্ডিত মূর্খ, পুরুষ স্ত্রী, এ দেশীয় অথবা দেশীয়, এমন কি ধার্মিক অধার্মিক সকলের নিকট ভগবানের ইচ্ছা, ইঙ্গিত, আলোক প্রকাশিত হয়, মানুষ যথাসম্ভব অগ্রের সাহায্য লইয়া সেই ইচ্ছামত কার্য

করিবে । কোন মানুষ আমার গুরু, পথ-প্রদর্শক নয়, গুরু স্বয়ং ভগবান্, তাঁর ইচ্ছা পালন করাই আমার কার্য, তাহা পালন করিবার জন্ত অন্তর বাহির হইতে, নানা পুস্তক হইতে আমার চতুর্দিকস্থ ছোট, বড়, শিক্ষিত, অশিক্ষিত সমস্ত লোক হইতে, সমস্ত ঘটনা হইতে, আলোক পাইব । আমার চতুর্দিকস্থ ব্যক্তিগণের নিকট হইতে যখন কোন একটি আলোক বা ইঙ্গিত পাইলাম, তাহা যে একেবারে অন্ধভাবে সম্পূর্ণরূপে অহুকরণ করিয়া যাইব, সে অধিকার আমার নাই, সেই আলোককে আমার অবস্থার উপযোগী করিয়া, তাহাকে আত্মস্থ করিয়া আমার মধ্য হইতে নূতন অবয়ব প্রাপ্ত হইয়া বাহির হইবে ।

ভগবান্‌তো কখনও বলেন না, আমার ইচ্ছা তোমাকে পালন করিতেই হইবে, অনিচ্ছাসত্ত্বেও তোমাকে আমার ইচ্ছামত কাজ করিতে হইবে, তাহা না হইলে তোমার এই শাস্তি হইবে । পূর্বে লোকের এইরূপ ধারণা ছিল যে, যখনই কোন দুঃখ দুর্দশা উপস্থিত হইত, তাহাকে তাহারা ভগবানের প্রেরিত শাস্তি মনে করিত । ভগবানের আদেশ পালন করে নাই বা ভগবানের অপ্রিয় কোন কার্য করিয়াছে, সেই জন্ত ভগবান্ ক্রুদ্ধ হইয়া শাস্তি দিয়াছেন, বাইবেলের পুরাতন খণ্ডে এইরূপ লেখা আছে ; জোবের কাহিনী পাঠ করিলে তাহা জানা যায় । হায় ভগবান্ যদি ক্রুদ্ধ হইতেন, তবে কি আমাদের কোথাও স্থান থাকিত ? তিনি অপেক্ষা

করিয়া বসিয়া আছেন, কবে আমরা জানিয়া বুঝিয়া স্বইচ্ছায় আনন্দিত মনে তাঁর ইচ্ছা পালন করিব । এ স্থলে প্রশান্ত মহাসাগরস্থিত ফিলিপাইন্ দ্বীপ-পুঞ্জ কারাগারে প্রেরিত অপরাধীদের প্রতি বেরূপ ব্যবহার করা হয় তাহা উল্লেখযোগ্য । গুনিয়াছি, যখন কোন ব্যক্তি দণ্ডিত হইয়া কারাগারে প্রেরিত হয়, তখন প্রথমতঃ চিকিৎসক আসিয়া তাহাকে উত্তমরূপে পরীক্ষা করেন । যদি কোন রোগ থাকে তাহা হইলে অতি বস্ত্রে তাহার চিকিৎসা করা হয় । যখন সুস্থ হয়, তখন তাহাকে অনেক দিন পর্যন্ত ধর্ম-সঙ্গীত শ্রবণ করান হয়, সংস্কৃত থাকিতে দেওয়া হয়, সদগ্রন্থ পড়িতে দেওয়া হয়, তাহার কোনও বিশেষ কাজ করিতে হয় না । এইরূপে কিছুকাল গত হইলে কোন একটি শিল্প বা কার্য অতি উত্তমরূপে শিক্ষা দেওয়া হয় । কয়েক বৎসর পরে যখন সে কারাগার হইতে বাহির হয়, তখন সে নূতন মানুষ হইয়া ফিরিয়া আসে । সংস্কৃত, সংশিক্ষিত সে সুন্দর চরিত্র লাভ ও স্বাবলম্বন শিক্ষা করিয়া আপনার ভরণপোষণ আপনি করিতে পারে । ফিলিপাইন্ দ্বীপের লোকেরা কারাগার হইতে প্রত্যাগত ব্যক্তি পাইলে আনন্দের সহিত কাজে নিযুক্ত করে ; আমাদের দেশে যদি কোন কর্মপ্রার্থী লোকের বিষয়ে জানা যায়, সে কারাগারে গিয়াছিল, তবে তাহাকে রাখিতে ভয় হয় । কিন্তু সে দেশে সেরূপ লোক পাইলে আগ্রহের সহিত রাখা হয় । ভগবান্ আমাদের সঙ্গে

পৃথিবীতে এইরূপ ব্যবহার করেন। ভালবেসে ভাল করবেন।

স্বাধীনতার একটি চিহ্ন কি কখনও কাহারও অনুকরণ করিব না। সেদিন একটি পুস্তকে পড়িয়াছিলাম, Imitation is suicide অনুকরণ করিলে আত্মহত্যা করা হয়। তোমার মধ্যে যে স্বাধীন বিশেষ ভাব বা মনুষ্যত্ব আছে তাহাকে প্রস্ফুটিত করাই কার্য্য, সেই স্বাধীন নূতন ভাবকে দমন করা, রোধ করাই আত্মহত্যা করা। পৃথিবীতে সকলেই বলে, লোকে যেরূপ করে করিয়া যাও, অনুকরণ কর। যদি কোন লোক কোন নূতন স্বাধীন মত বা ভাব প্রচার করে, সে সকলের বিরাগ-ভাজন হয়। কিন্তু যে ব্যক্তি নানা উৎপীড়ন বাধা বিঘ্নের মধ্যে নিজের স্বাধীনতাকে জাগ্রত, বন্ধিত করিতে পারে সেই যথার্থ ভগবানের সন্তান হইবার যোগ্য। অনুকরণপ্রিয়তা মানুষের স্বভাবে আছে, তাহা দ্বারাই মানুষ সকল জ্ঞানলাভ করে। একজন মানুষ সম্পূর্ণরূপে কখনও কাহারও অনুকরণ করিতে পারে না; নিজের ভিতরের আলোক ও বাহিরের দৃষ্টান্ত, উভয়ের সংমিশ্রণে নূতন মানুষের সৃষ্টি। সাধারণ ভাব ও বিশেষ ভাব, এই দুইয়ের মিলনে একটি মনুষ্য হয়। অনুকরণপ্রিয়তা মানুষের ভয়ানক অনিষ্ট করছে, নিজের মনুষ্যত্ব, বিশেষত্ব হারাচ্ছে। একদিক হইতে সকল মানুষই আমার গুরু, অপর দিক হইতে কেহই আমার গুরু নয়, সকলের নিকট হইতেই শিখিবার আছে, সম্পূর্ণ-

রূপে কাহারও অনুকরণ করা যায় না। এই স্বাধীনতা আমাদের জীবনের নানা বিভাগে প্রয়োগ করিতে হইবে। মানুষের সঙ্গে ব্যবহারে নিজের স্বাধীনতাকে একটুও খর্ব করা হবে না, যাহা সত্যরূপে বুঝিয়াছি তাহা অস্ত্রের অনুরোধে ছোট করা হবে না, এবং লোকের স্বাধীনতার উপরেও হস্তক্ষেপ করা হবে না, অনিচ্ছায় কোন বিষয়ে বাধ্য করা হবে না। গুনিয়াছি, আচার্য্য কেশবচন্দ্র সেন বলিয়াছিলেন, আমার সম্মুখে যদি কেহ কোন মানুষকে হত্যা করে; আমি তাহাকে নিধারণ করিতে পারি না, বাধা দিতে পারি না।

আগরী অনেক সময়ে অস্ত্রের প্রদর্শিত পথে চলি, এখানে আবার স্বাধীনতা দরকার। অস্ত্রের বিধানে আমার বিশ্বাস হবে না, যেমন কোন স্থানের কোনও বিশেষ ব্যক্তি বা বস্তুর বর্ণনা অল্প লোকের মুখে শ্রবণ করিয়া আমাদের তৃপ্তি হয় না। যে পর্যন্ত না স্বচক্ষু দেখিতেছি, ততক্ষণ পর্যন্ত পূর্ণ বিশ্বাস ও ধারণা জন্মিতেছে না। আমরা কিন্তু অনেক বিষয়ে “পরের মুখে ঝাল খাই”; সকলে বঙ্গ সুন্দর, আমিও অনুভব না করিয়াই সুন্দর বলিলাম। এই জগতের নৈসর্গিক, মানসিক, আধ্যাত্মিক প্রত্যেক বিষয় আমার নিজের উপলব্ধি করিতে হইবে। এক একটা সত্য বা বিষয় গ্রহণ করিয়া সেই সত্য নিজের অন্তরে অনুভব করা চাই। স্বাধীনভাবে, অস্ত্রের কথায় তৃপ্ত না হ’য়ে, প্রত্যেক বিষয়ে জিজ্ঞাসা করিতে হইবে,

তত্ত্বায়েষণ করিতে হইবে। ভগবান্ চান যে তাঁর প্রত্যেক সন্তান জগতের সব বিষয়ের অভ্যন্তরে প্রবেশ করে। সকল জ্ঞানকে, পুস্তকের, শাস্ত্রের সাধু মহাজন হইতে প্রাপ্ত সকল জ্ঞানকে নিজের অভিজ্ঞতার কষ্টিপাথরে ঘসিয়া লইতে হইবে। যেমন ঈশ্বরে বিশ্বাস প্রত্যেকের নিজের অর্জন করতে হবে, এক জনের বিশ্বাস হইলে অস্ত্রের বিশ্বাস হয় না, তেমনি প্রত্যেক বিষয়ে জ্ঞান, আমার নিজেকে অর্জন করতে হবে।

শিশুশিক্ষা বিষয়েও স্বাধীনতা দরকার। আজকাল শিশুশিক্ষা বিষয়ে নানা আলোচনা হইতেছে, তাহাতে জানা যাইতেছে, শিশুশিক্ষার প্রারম্ভে স্বাধীনতা দরকার। শৈশব হইতেই শিশুকে সকল বিষয়ে স্বাধীনভাবে চিন্তা করিতে অনুভব করিতে দেওয়া হইবে। তাহার জ্ঞান ও বিবেককে প্রথম হইতেই স্বাধীন করিয়া তুলিতে হইবে। আমরা ইহাই গুনিয়া আসিয়াছি, পিতামাতা সন্তানকে চালিত করিবেন, সে হিতাহিত জ্ঞানহীন শিশু মাত্র। পিতামাতা পথ দেখাইবেন, সে তাহাতে ইচ্ছাপূর্বক চলিবে। পিতামাতা শিশুকে একরূপভাবে শিক্ষা দিবেন, যাহাতে তাহার অন্তরে ভালমন্দ জ্ঞান পরিষ্কার ও পরিষ্ফুট হইতে পারে; পিতামাতার অল্পপস্থিতিতে নিজের স্বাধীন জ্ঞানদ্বারা আপনাকে সুপথে রক্ষা করিতে পারে। অনেক বিষয়ে তাহাকে তাহার ইচ্ছামত চলিতে দিতে হবে, অনেক সময় সে অগ্রায় ক’রে ফেলবে, নষ্ট করবে, ক্ষতি

করবে, কিন্তু এইরূপে তাহার নিজের জ্ঞান অভিজ্ঞতা জন্মিবে। কেবল পিতামাতার আদেশে উপদেশে চলিলে, সে কখন মানুষ হইতে পারে না।

স্বাধীনতারূপ মহাস্বলাধন ভগবান্ আমাদের দিয়াছেন, তাহা আমাদের জীবনের নানা বিভাগে প্রয়োগ করিতে হইবে। ছই এক বিভাগে দৃষ্টি পড়িয়াছে, আরও কত দিক এখনও রুদ্ধ রহিয়াছে, ক্রমে আরও কত দিকে কত ভাবে কত রূপে স্বাধীনতা ব্যবহার করিতে হইবে, জানি না। এ বিষয়ে স্বাধীনতার হস্তে আপনাদের ছাড়িয়া দি, স্বাধীনতা আমাদের চালিত করুন। স্বাধীনতার সহ্যবহারেই প্রকৃত মনুষ্যত্বের বিকাশ। অস্ত্রের আদেশ উপদেশে চলিলে আমার মনুষ্যত্বের বিকাশ হইবে না।

### একটি মোসলমান মহিলার মৃতদেহের প্রতি সম্মান।

আত্মা দেহপিঞ্জর ছাড়িয়া গেলে সে দেহের আর কোনও মূল্যই থাকে না। আমাদের শাস্ত্রে উক্ত আছে, আমরা যেমন পুরাতন জীর্ণ বস্ত্র পরিত্যাগ করিয়া নূতন বস্ত্র পরিধান করি, আত্মাও তেমনি পুরাতন দেহ ছাড়িয়া নূতন দেহ ধারণ করে। সুতরাং জীর্ণবস্ত্রের গ্রায় বিগত-প্রাণ দেহ একান্তই মূল্যহীন। বস্ত্রতঃ শবদেহ হইতে কোনও প্রয়োজনীয় কার্য্যই নিস্পন্ন হইতে পারে না। বরং রাখিয়া দিলে তাহা গলিত হইয়া পুতিগন্ধে ব্যাধি



প্রভৃতি আনয়ন করিয়া বিষম অনিষ্টের সৃষ্টি করে। মায়াসুক্ত জ্ঞানী মহাত্মা ব্যক্তিগণ পরম স্নেহভাজন আত্মীয় বিয়োগেও শোকে অণুমাত্র বিচলিত হন না। তাঁহাদের চিত্ত নির্বিকার, তাঁহারা পরলোকগত আত্মার কল্যাণ কামনা করিয়াই নিরস্ত হন। কিন্তু যে ব্যক্তি মায়ামুগ্ধা শোকবিহ্বল কোনও জননীকে মৃত শিশু বক্ষে ধারণ করিয়া উন্মাদিনীর গ্রায় আনুখ্যে বশে হৃদয়বিদারক শোক গাঁথায় ভয়ঙ্কর আর্তনাদ করিতে দেখিয়াছেন, ধূল্যবলুষ্ঠিতা জননী সেই শিশুকে পুনঃ পুনঃ চুষন ও মেহ-সন্ধ্যাবেগে আপায়ণ করিতে যাইয়া তাহার উত্তর না পাইয়া ভীষণ ব্যাকুলতার সহিত স্বীয় মস্তকের কেশোৎপাটন পূর্বক ভীষণ চীৎকার করিতে নিরীক্ষণ করিয়াছেন, তিনি নিশ্চয়ই বলিবেন, সাধারণ মায়ামুগ্ধ জীব স্বাভাবিক স্নেহের প্রাবল্যে প্রিয়জনের মৃত দেহ জীর্ণ বস্ত্রের গ্রায় অকুণ্ঠিতচিত্তে সহসা পরিত্যাগ করিতে পারে না। দেহ ও আত্মার পার্থক্য যুক্তিতে হৃদয়ঙ্গম হইলেও অভ্যাসবশতঃই হটক, বা মায়াবশতঃই হটক, বা অল্প কারণেই হটক, কার্য্যঃ সে ভেদবোধ অনেক সময়ই মন হইতে অন্তর্হিত হইয়া যায়। জীবিতাবস্থায় যে জনক জননী বা অল্প গুরুজনকে ভক্তি শ্রদ্ধা করিতে শিখিয়াছি, যাহাদের চরণবন্দনা না করিয়া কোন কার্য্য করি নাই, আজ হঠাৎ তাঁহাদের কাহারও পরলোকগমন মাত্রই তাঁহারা সেই মৃত পরিত্যক্ত দেহ তখন মূল্যহীন বলিয়া

তৎপ্রতি অশ্রদ্ধা ও অবজ্ঞা প্রদর্শন করিব ইহা নিতান্তই অস্বাভাবিক। সকল ধর্ম ও সকল জাতিতেই মৃত মানবদেহ সম্বন্ধে বিশেষ বিশেষ ব্যবস্থা আছে। সভাসমাজে সাধারণতঃ তিন প্রকার ব্যবস্থা পরিলক্ষিত হয়। হিন্দুগণ কর্তৃক অগ্নিসংকার, খ্রীষ্টান ও মোসলমান কর্তৃক কবর প্রদান ও পাশিগণ কর্তৃক Tower of Silence নামক প্রকাণ্ড প্রাচীর বেষ্টিত উন্মুক্ত ভূমিতে মৃতদেহ নিক্ষেপ ও তথায় শকুনি গৃধ্রিণী প্রভৃতি দৃঢ়চক্ষু পক্ষী কর্তৃক মৃতদেহের ভক্ষণ। শেষোক্ত ব্যবস্থা যে অভ্যস্ত নিষ্ঠুরতাব্যঞ্জক তাহা বলাই নিশ্চয়োজন।

হিন্দুগণ মৃতদেহের প্রতি কোনও সম্মান করেন না, এ কথা বলিলে অসত্য ও অগ্রায় বলা হয় একরূপ মনে করি না। আমি হিন্দু মহিলা; হিন্দুর আচার, হিন্দুর রীতিনীতি দেখিয়া শুনিয়াই ইহা বলিতেছি। হিন্দুগণ সামান্য বস্ত্রখণ্ডে মৃতদেহ আচ্ছাদন করিয়া বাঁশের মঞ্চের উপর স্থাপনপূর্বক তাহা কাঁধে বহিয়া শ্মশানঘাটে লইয়া যান; তথায় চুল্লী প্রস্তুত করিয়া কাঠ ও অগ্নিসহযোগে সেই দেহ পোড়াইয়া ফেলেন। শুনিয়াছি, “শ্মশানবন্ধু”গণ অনেক স্থলে মস্তক কার্য্য সম্পাদন জন্ত ভীষণ লগুড়াঘাতে মৃতদেহের হস্ত পদ বা মস্তকের খুলি ভাঙ্গিয়া দিয়া বন্ধুত্বের পরাকাষ্ঠা প্রদর্শন করেন। জীবিতাবস্থায়, এমন কি মৃত্যুর অব্যবহিত পূর্বক্ষণ পর্য্যন্ত যে দেহের আরামের জন্ত বিবিধ বেশভূষা, স্নকোমল শয্যা, আন্তরণ প্রভৃতি

আড়ম্বরের অপ্রতুল ছিল না, মুহূর্তমধ্যে তৎসমস্ত বিস্মৃত হইয়া ঐ দেহের প্রতি উক্তরূপ আচরণ কি বীভৎস ও নিতান্ত নৃশংস নহে? শবদেহ মঞ্চোপরি কাঁধে বহিয়া শ্মশানঘাট পর্য্যন্ত নেত্র্যাকে যদি তৎপ্রতি যথোচিত সম্মান প্রদর্শন গণ্য হয়, তা হ'লে আমার কিছু বলিবার নাই। দেহ সম্বন্ধে উক্তরূপ ব্যবস্থা হইলেও তাহার পরলোকগত আত্মার কল্যাণের জন্ত হিন্দুসমাজে পিণ্ডদানাদি বিবিধ ক্রিয়া কলাপের অল্পস্থান আছে, ইহা স্বীকার করিতেই হইবে।

খ্রীষ্টান ও মোসলমান সমাজে মৃতদেহের প্রতি সম্মান প্রদর্শনের অতি সুন্দর রীতি পরিলক্ষিত হয়। সম্প্রতি আমরা একটি মোসলমান মহিলার পরলোক গমনের পর তাঁহার মৃতদেহের সন্ধে যে যে ক্রিয়া ও অল্পস্থান স্বচক্ষে প্রত্যক্ষ করিয়াছি, তাহাই এ স্থলে লিপিবদ্ধ করিতেছি।

এই মোসলমান মহিলা আমাদের প্রতিবেশিনী ছিলেন, অনেক সময় বাটীর ছাদের উপর উঠিয়া তাঁহার সহিত কথোপকথন করিয়াছি। আট দিনের জরে হঠাৎ তাঁহার প্রাণবিয়োগ ঘটে। তখন প্রাতঃকাল ৫টা, কান্নার রোলে আমরা জাগিয়া উঠি। বেলা দুপুর ১২টা পর্য্যন্ত অগণিত আত্মীয় স্বজন আসিয়া তাঁহাকে শেষ দেখা দেখিয়া গেলেন। তৎপর মক্কা তীর্থ দর্শন করিয়া আসিয়াছেন, এমন দ্বাদশ জন স্ত্রীলোক কর্তৃক অতি সাবধানে ধীরে ধীরে তাঁহার শবদেহ কক্ষমধ্য হইতে

দিতলের বারান্দায় আনয়ন করা হইল। এই সময় কোনও পুরুষ, এমন কি তাঁহার স্বামী বা পুত্র পর্য্যন্ত তাঁহাকে স্পর্শ করিতে পারেন না।

ইহার পর উৎকৃষ্ট সাবান ও জল দিয়া প্রথমতঃ সমস্ত দেহ পরিষ্কাররূপে ধোত করা হইল; পুনরায় গোলাপজল ও সাবান সহযোগে মস্তকের চুলের গোড়া হইতে পায়ের নখ পর্য্যন্ত অতি সতর্কভাবে পরিষ্কার করা হইল, এমন কোমল ভাবে ও সাবধানতার সহিত দেহ মর্দন করা হইয়াছিল যে, পাছে অঙ্গুলির নখাঘাতে মৃতদেহের কোনও স্থানে ক্ষত হয়, এই ভয়ে হাতে নূতন বস্ত্র নির্মিত এক প্রকার দস্তানা বা থলে ব্যবহার করা হইয়াছিল। চক্ষু, কর্ণ, নাসিকারন্ধ্র ও দন্তপংক্তি যে কত যত্নে ও সাবধানে পরিচ্ছন্ন করা হইয়াছিল, তাহা দেখিয়া আমার মনে হইতেছিল, মৃতারমণী যেন একটা শিশু বালিকা, নিম্নন্যূণোপলক্ষে কোথাও যাইবার জন্ত প্রস্তুত, স্বয়ং বেশভূষা করিতে অসমর্থ, তাই যেন তাহার আত্মীয় মহিলারা আসিয়া তাঁহার সাজ সজ্জা করিয়া দিতেছেন। শবদেহের ভীতিপ্রদ বিকট চেহারা এখানে দেখিলাম না, ইহাকে গাঢ় নিদ্ৰাভিভূতের গ্রায় প্রতীয়মান হইতেছিল। অতঃপর ঐ শবদেহে নূতন খান কাপড়ের প্রস্তুত একটি পায়জামা পরান হইল, ও একটি গুত্র বস্ত্রখণ্ডে সমস্ত দেহ ঢাকিয়া দেওয়া হইল। কফিন নীচে আঙ্গিনায় ছিল। ৮।১০ জন মহিলা শবদেহটী ধরাধরি করিয়া খুব সাবধানে নীচে নামাইয়া অতি